






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.188





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.188




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.188



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.188

~~2 A. B.~~
1. E. 6. 188

XVI
CLAVD.



GABRIELIS CLAUDERI, D.
MEDICI DUCALIS SAXONICI,
ACADEMICI CURIOSI,
DISSERTATIO
DE
TINCTURA UNI-
VERSALI,

(vulgò LAPIS PHILOSOPHORUM dictâ)

In qua


1. Quid Hæc sit. 2. Qvod detur in Rerum
Natura; an Christiano consultum sit im-
mediate in hanc inquirere; 4. è qua Materia; & 5. quo-
modo præparetur, per rationes, & Variorum experientiam
perspicuè proponitur; aliaque curiosa & utilia, huic
analogâ, adnectuntur.

AD NORMAM ACADEMIÆ NATURÆ
CURIOSORUM.

Cum Serenissimi Electoris Saxonie Privilegio.

ALTENBURGI
apud GODOFREDUM RICHTERUM. 1678.







SERENISSIMO PRINCIPI

AC DOMINO

DOMINO

FRIDERICO,
DUCI SAXONIÆ, JULIACI,
CLIVIÆ, ET MONTIUM, CO-
MITI PROVINCIALI THURINGIÆ, CO-
MITI LIMITANEO MISNIÆ, PRINCIPI
HENNEBERGÆ, COMITI MARGÆ ET
RAVENSBURGI, RAVENSTEINII
DYNASTÆ, &c. &c.

DOMINO MEO CLEMEN-
TISSIMO.



SERENISSIME PRIN-
CEPS,

DOMINE CLEMENTISSIME,



Vemadmodum quælibet Co-
hors militaris suo, & ab aliis di-
stincto gaudet Vexillo; ac ve-
luti singulæ Naves, tam belli-
cæ, quam mercatoriæ peculiaribus suis,
iisque splendidis superbiunt signis, dum
vagus ac dubius Maris procellis committun-
tur; Ita præsentem Dissertationem, præfi-
xo magni cuiusdam Sideris Terrestris No-
mine in Publico comparere volui, ut peri-
culosas invidiæ Syrtes eò felicius, facilius-
que superet, atque æmulos & scopticos,
perfidis Piratis non absimiles, rubore &
ter-

terrore suffundat, longissimeqve à se ar-
ceat.


Cujus autem Nomen tractatui huic
meo commodius præfigere possem, quam
SERENITATIS VESTRÆ, utpo-
te Patris Patriæ coelitus Nobis concessi?
Præcipuè cum notissimum sit, Eandem,
transacta ardua cum vivis conversatione,
hoc est, ad Regiminis clavum sedendo,
Corpus Animumqve curis publicis, non
sine ingenti etiam propriæ Valetudinis ja-
ctura ac dispendio, fatigatum refocillare
conversatione cum mortuis, id est, lectio-
ne Librorum, similibusqve rei literariæ
conservationem ac augmentum, curiosam
item Naturalium perscrutationem concer-
nentibus.

Proinde sub auspiciis SERENITA-
TIS VESTRÆ Librum huncce in pu-
blicam emitto lucem, eumqve ad ipsius

Pedes devotissime repono, humilimè rogians, ut manu gratiosa recipere, ac vultu sereno adspicere haud dedignetur.


Quamvis autem *Bellona* Patriam dulcissimam prohi dolor! misere flagellârit hactenus, & adhuc flagellet; nihilominus placuit Majestati Divinæ, ut non modo inter funestos hosce tumultus mavortios Leges nondum plane fileant, aut Artes liberales feriantur, de quo infelici tamen effectu jamdudum conqvestus est Romanorū ille Dictator incomparabilis, Cicero; sed in specie quoque Academia Naturæ Curiosorum haud ita pridem pro DEI O. M. Honore, ac Proximi commodò promovendis fundata, sub potentibus Alis Aquilinis Augustissimi Imperatoris nostri LEOPOLDI fartatecta conservetur.

Propterea seriis Cœlum pulso Precibus,
velit SERENITATIS VESTRÆ
aca-



ac aliorum S.R. Imperii Procerum consiliis benedicere, ne Patriæ interitum minans Bellum detestabile ulterius incrementa sumat; sed potius aurea Pax, Pax illa sola Triumphis innumeris potior, redeat! Sic Concordia iterum crescent & augebuntur, quæ hætenus abominanda ac Christianis indigna discordia sunt dilapsa & pessumdata. Sic impostero sub desideratissimæ Pacis umbone Palladis Artes novas accipient vires, ac præprimis occulta Naturalium miracula magis magisque rimari, mirari licebit.

Faxit æternus *Boni Autor*, ut provida *Serenissimæ Vestræ Celsitudinis* Sapiencia porro terreantur Hostes, ducantur in admirationem Fœderati; Subditi vero protegantur, conserventurque! Faxit item idem *Vitæ ac Sanitatis Autor*, ut mens tam sana in Corpore etiam sano habitare possit; ut pancra-



craticè valeat cum Serenissima Dnn. *Fratrum* Corona, cum *Coniuge, Ascanis*, ac totacelsissima Familia! Faxit non-minus, ut *Ruta Saxonica* jamdudum in Arborem proceram & robustam exsurgens porro-porro solitum vigorem perpetuum obtineat, eademque sub gloriosa ac iucunda sempervirentium Ramorum suorum umbra subditos, auxiliumque petentes defendat; nec marcescat unquam, usquedum hocce *Universum* marcescere, imò subito per ignem evanescere ac interire jubeat *Omnipotens ille*, qui *illud* primum creavit, & hucusque subsistere jussit!

SERENITATIS VESTRÆ

Scribeb. *Altenburgi, Calendia
Martii, Anni Mesiiani, 1678.*

Servus humilimus

Gabriel Clauderus. D.

BENE-

PRÆFATIO

Benevolo Lectori

Mentis ac Corporis sanitatem!



Non haberi, sed esse, [Hoc est, non nominatenus saltem; sed & realiter sumus, quod sumus,] celeberrimi Mathematici, Tychonis à Brahe, fuit Symbolum. Id quod nunc meum mihi facere licebit. Cum enim Collegio Naturæ Curiosorum me adjunxerim, vel hoc ipsum Collegii Nomen statim indicat, quid moneat, vel quid habeat in recessu. Proinde Legibus ipsius, quibus Naturalia scrutari jubemur, obediens, Literato Orbi præsentem communicare dissertationem constitui.

Si fortè pruritui Legentium Ea non satisfaciat, (cum omnibus placere sit impossibile,) à prudentioribus cò faciliorem veniam me impetraturum confido, quod sim aggressus Materiam, si quæ unquam alia inter res publice propositas, abstrusam, confusam, intricatam, & obscure ab aliis tractatam, aut minus adcuratè ventilatam, imo summe arduam.

Sin autem nonnullis displicuerit; quod nimium aperte fuerim locutus, atque indignis propalaverim tantum arcanum, illi ex Ethicæ Christianæ fundamentis æ-

b

quâ

PRÆFATIO

qua Animi lance ponderent, rogo, quid sit Invidia, & quid Christiana Charitas. Nobis enim solis nati non sumus. Nec prætextus ille quod fenestra aperiatur abufui, & Perlæ Suibus projiciantur, attendendus; cum notum sit, abusus istius causâ nihil abrogandum, vel intermittenda esse bona, si per accidens aliquando inde eveniant mala; alias eidem Fato subjecta essent Pecunia, Vinum, Vestes; ut nihil dicam, de gladiis, tabacò, pulvere tormentario, & innumeris aliis. Adhæc Scandalum hoc omninò erit acceptum, nec Mihi imputandum, quoniam integro Capite quarto prolixè satis demonstravi, quinam digni sint, & quibus competat inæstimabile hoc Mysterium Divinum tangere. Me quoque minimè latet, Arcana revelata vilescere. Sed esto! vilescant indignis, modo innotescant aliis, commoda promoturis publica! Siquidem & Reges & Rustici eodem pretioso Christi Sangvine sunt redempti.

Quid proderunt igitur tunc demum Arcana, cum extremus adveniet dies? cum fractus illabatur Orbis? Quod fietiam nondum instaret, veluti tamen plurimorum Theologorum sententia instat, Hora dici duodecima, aut ad minimum undecima Magni illius Patrisfamilias; Tuæ tamen Vitæ, mi Christiane, singulis quasi momentis ingruit dicta hora duodecima. Quomodo igitur Invidiam tuam excusabis? quem juvabit Thefaurus tuus absconditus? Novit Cardiognostes Coelestis

PRÆFATIO


stis piam meam intentionem; Hinc rectè faciendo neminem timeo; sed pro amplificando Divino Honore, & Proximi emolumento, ac stimulandis aliis sagacioribus Ingeniis, facio, quæ facio, pede quasi stans in uno, in transitu hoc Mundano memor Æternitatis. Nam juxta Owenum, nostra

*Momentum Vita est; sed pendet ab hoc Momento,
Sive perenne Bonum, sive perenne Malum!*



MAgnum opus est tricus exire, & noscere veri
Semina, & ex olidò conquirere stercore Perlas.
Est Animi morbus, præsentia fingere chara.
Ille Gryphes jactat, quæ nosse putabitur Orbi;
Hic chartas doctis replet magna Arte Chimæris;
Quilibet errantes alios, se clamat Adeptum,
Intimius Matrem rerum se noscere, sequæ
Perspicere ex voto nudam sine veste Dianam.
Si plures animus sit volvere, doctior inde
Scilicet, & plenus dubiis, incertus abibis;

Sin



Sin audire velis, præfensqve haurire secreta
Res tandem in nummos & fumos tota redibit.
Non dubium tamen est, ut multis splendida Fama
Indignos peperit Titulos, sic vera latere
Talibus in Scriptis aliquando, nec irrita cuncta;
Si modo Naturæ genuinis ductibus almæ
Insistas, calcesqve viam sic providus æqvam.

Tu labyrinthæis mæandris fila ministras,
CLAUDERE, & monitis generosa hæc Pectora formas,
Tu statuas certas præfigis Mercuriales.
Maacte novis ausis! sic Te duce certior isthæc
Volvetur via, Te verò laus certa manebit.

Honori
Excellentissimi DN. AUCTORIS, Collegæ, Fau-
toris & Amici svavissimi gratulabundus
scribebat Jenæ

GEORG. WOLFFGANG. *WEDELIUS*.
Medic. Doct. Professor Publicus, Medicus
Ducalis Saxonicus, & S. R. Imper. Aca-
dem. Naturæ Curiosorum Adjunctus.

CAPUT



CAPUT I.

Exhibens Occasionē scribendi.



Liquot Annorū transiit se-
rics, cūm, qvōd jam facio, facere cō-
stituerā, id est, Literato, curioso atq;
in Dei honorē, Proximiq; cōmodū
inhianti Proximo meo publicē com-
municare pro Ingenii modiō, ac simplici mentis
sinceritate, qvā de *Universali materiā*, Regum o-
pes suō pretiō non æqvante, sed superante, Ejusqve
præparatione à Viris variis occultiora Naturæ arca-
na seriō scrutantibus & audiveram, & videram. Ve-
rum enimverō, cūm inter agens & patiens propor-
tio debeat esse decens, meritō me deterruit

I. Rara Rei hujus arduæ, Humanamqve Sapien-
tiam tantum-non transcendentis gravitas. Cūm
mecum habitans nōrim, qvām curta sit Ingenii
mei suppellex; & qvām plures illustrioribus do-
tati sapientiæ donis, non suffecerint huic oneri fe-

A

rendo,

rendo, nec Lectori satisfacere valuerint; Præcipuè cum nunquam ferè ipse Operi huic magno manum admoverim.

Si enim curioso Naturalium Scrutatori tot ac tot tædiosæ & laboriosæ obviam eunt difficultates in indagandis aliis rebus Medicis; v. g. Quàm multa fert, facitq; quàm sudat & alget *Botanicus*, antequàm flosculos suos & herbas decenter excolat, debitò eas tempore colligat, ac usui reservet; quam sedulus & indefessus est, ut experiatur harum virtutes? Exempli loco produco saltem Purgantia: Quam multi enim exsiccârunt & consumserunt Cerebella sua, in indagatione, an hoc Bilem, illud Melancholiam, istud Pityuitam; an verò in genere saltem cruditates omnes Massæ Sanguineæ, & Viscerum Coctionis expurgent. Per quot secula tracta fuit controversiarum Serra, an hæc operationem suam exserant humores attrahendo, vel fugando, vel stimulando? an occulta item, vel manifesta qualitate agant? An purgantia sint venenata, &c.

Theatrum Anatomicum si ingredimur, ingredimur sanè Augiæ stabulum! Inter mille enim alios Hercules ibi sudantes ac purificantes solus nunc prodeat *Harveus*: Quantum Temporis, quantum sudoris, quantum laboris fastidiosissimi impedit ille, in dilucidando Generationis Animalium negotiò? Quot perdidit

dit Menses, imò Annos, antequam de inventâ Sanguinis circulatione triumphare valuerit. Quid dicâ de Farragine Cōtroversiarū theoreticarū? Quid de Principiis *Chymicorum, Galenicorum, Helmontianorum, Cartesianorum, Sylvianorum, Charletonianorum, &c.* Quomodo Ingenia humana harum varietate agitantur, macerantur, cruciantur, turbantur? ut proinde de hisce loquendi nec principium, nec finis ferè sit inveniendus?

Sit tandem, ceu Practici, ante ægrotantium Nos sistimus Lectos, quas, quales, quantas ibidem videre est difficultates; quot, quantaq; dubia torquent Nostros animos antequam genuinâ morbi cognitione, utpote verò sanationis fundamentò, potiamur;

Quot, quantaq; dubia mordent animos nostros, antequam morbo cognitò necessariam adferre valeamus medelam? Solum jam adduco inter mille alios vertumnū illum, *Scorbutum*, vix perscrutabili Symptomatum variorum diversitate stipatum? Quàm variè eludit iste medicamenta probatæ aliàs efficaciae? Quantos clavarum Herculearum inflatus reddit irritos?

Si inquam, (repeto) curioso Scrutatori naturalium tot ac tot tædiosæ ac laboriosæ obviam eunt difficultates in indagandis rebus aliis Medicis, quantum laboris, quæso, Atlantæum & Hercu-

leum hocce de *Tinctura Vniuersali* arcanum requirit? Vbi suum inueniet *Alexandrum Magnum* nodus hicce Gordius? Cum hæc multis Paralangis antecedit reliqua omnia interquæ ea emineat,

Quantum lenta solent inter viburna Cupressi.

Quis valet superare has Syrtes, hanc Scyllam, hanc Charybdin? Quis *Iason* potest enecare hunc *Dracōnem*, pro obtinendō *Aureo Vellere*? Cui contingit adire hanc *Corinthum*, ubi viri literatissimi, viri acutissimi toties spe suā exciderint?

II. Me deterruit sterilis scripturiendi pruritus, plures hodiè infestans; dum nonnulli aut gloriolæ ostentandæ, aut vilis lucelli aucupandi gratiā ex aliorum libris conuasant nonnulla, ex iisque sua clanculariè suffurantur, ac veluti *Æsopica* Cornicula alienis plumis sese vestiunt, nihilquæ dicunt, quod jamdum non sit dictum & scriptum; ac veluti *Pediculi* aliorum sanguine sese conservant ac nutriuntur; aut ex succa tandem & sterilia proponunt. Præprimis verò non sine rei literariæ ac imprimis *Medicæ* opprobriō vagantur & oberrant scripta innumera *Alchymica* Enthusiasticis, ridiculis, inutilibus, *Thraſonicis*quæ nugis ac vanitatibus plena, adeò ut plures ingenui, si atheum, scurram, scelestum, fraudulentumquæ aliquem nominare voluerint, unicā *Alchymistæ* voce id perficiant. Ut proinde ingenuus

nuus & curiosus lector non immeritò fastidiat, tale scriptum recens editum, si oculis offeratur.

III. Me deterruit ulcerosa sæculi nostri consuetudo, ac detestabile Sciorum & Philatorum alios rodendi cavillandique studium. Cum enim aliquis pro Talentì sui concrediti pondere in *Dei* Honorem, Proximique commodum, publicæ scriptum aliquod cōmittit Luci, Lector curiosus & ingenuus obstringitur à Conscientiæ suæ legibus, ut lecta ventilet, & si nonnulla scriptis rectiora noverit, candidè et amicè impertiat, ac placidè sine scoticis dicteriis ac barbaris rixis dissensum suum solidis rationibus & experienciâ stabilitum aut publicè, aut privatim communicet, atque ita inde, tanquam è filice ignis, veritas Mundo utilis eliciatur. Quemadmodum post alios non ita pridem fecere clarissimi Angli, Dn. Willisius Nathanaeli Highmore, & Dn. Lucas Schrœckius, Collega honorandus, Dn. Friderico Hofmanno in suâ Pharmacop. ab illò placidè dissentiens. Utinam autem contrarium quotidie experiri non cogeremur! Vix enim Tractatu aliquo publicè edito, non pauci in illud, veluti rapaces Harpyiæ invidò ac malevolò oculò & animo involant, Linguae viperinæ aculeis pungunt, atque è bonis hujus & illius ingenii floribus non, veluti Apes mel; sed veluti araneæ, venenum, juxta commune dictè-

rium exsugunt & conficiunt. Ut ita Veterum illud suspirium, Homo Homini Diabolus, pro dolor! suo adhuc gaudeat fomento. Atque inde fit, ut plura summè utilia inter privatos Cancellos delitescant, publicoq; subtrahantur, futura Blattarum ludibrio & nutrimento.

Dolendum quoque est in specie, quod ob diversitatem *Religionis* ac *Regionis*, & cum Natio altera alteri politicè adeò ingenuè non faveat, ab Incolis Medicis ad talia scripta odium etiam transferatur; infernalisque Invidiæ & rixæ Proinus condus ideò quoque laboret ac obtineat, ut plura utiliter cogitata supprimantur. Exempla, utpote satis obvia, in re tædiosa adducere supersedeo; Unicum saltem addens, inutilem adhuc fervere litem inter varios Reipubl. Medicæ Antistites, Germanos, Italos, Gallos, Anglos, cuinam sit imponenda Corona triumphalis pro *Chirurgiâ infusoriâ & transfusoriâ* primùm detectâ. Cum tamen facile accidere possit, ut nonnulli simul unum & idem meditentur ac inveniant, licet diversis in locis degant, nec literariò utantur Colloquiò; quod itidē hic fortè factum credo, nec ulli aliquid Honoris sum derogaturus, cū de hac primū scribentes omnes suā curiosā & laboriosā naturalium indagatione *Orbi Medico*, imò literato sint notissimi, Idem
pos

poſſum propriò teſtari exemplò: Meditabar, egregium præſtare uſum variis adfectibus Eſſentiam *Caſtorei* & Spiritum *Salis armoniaci*, cenſebamque nobilius adhuc medicamētum parari poſſe, ſi legitimâ doſi, digeſtione, & circulatione hæc duo jungentur, & unirentur; Propterea anaticâ quantitate, hæc duo miſcui, infundendo in duplum Spiritûs *Meliſſæ* vel *cochleariæ*, pro aliquali dilutione & ſaporis correctione; (ſi cui lubet, poterit *caſtoreū* ſtatim extrahi dictis Spiritibus, & poſtea miſceri Spirit^o *Salis armoniaci*;) vidi tunc ſæpiùs raram efficaciam in ſymptomatibus plurimis Nervorum, *Apoplexiâ*, *Epilepſiâ*, *Scorbutico-Hypochondriacis*, *Torminibus Ventris*, *affectu hyſterico*, quem vocant, &c. Mentionem huius faciebam coram amico; Ille mihi mittebat illud idem non ita pridem à ſe primùm paratum; quaſi unius cogitationes alteri fuiſſent cognitæ.

Ad hæc illa ipſa *Chirurgia infuſoria* ſeptuaginta jamdum abhinc annis fuit deſcripta à Germano celeberrimò, Andr. *Libavio*, qui in deſenſione Syntagmatis Arcanor. contra Henningū *Scheunemannū*, cap. 4. p. 7. 8, edit. Francofurt. 1615. in hæc erumpit verba: *Adſit Iuvenis robustus, ſanus, ſanguine ſpirituoſo plenus, macilentus, vix animam trahens.* Magiſter artis habeat *Tubulos argenteos*, inter ſe congruen-

gruentes. Aperiat Arteriam robusti, & Tubulum inserat, muniatque, agroti arteriam findat & Tubulum fœmineum infigat. Iam duos Tubulos sibi mutuò applicet, & ex sano sanguis arterialis calens & spiritalis saliet in agrotum, unaquæ vita fontem afferet, omnemque Languorem pellet. Sed quomodo ille robustus non languescit? Danda ei sunt confortantia, & cibi, &c. Huc usque Libavius.

Ita imperscrutabile *Dei* iudicium, per tempus aliquando hoc vel illud occultat, aut ob nostram indignitatem & fermentatorium peccatum, aut ut eò adcuratius Nos Posterì scrutemur naturam. Sic quoque à pluribus anxie hætenus quæsitæ Veneris dealbatio, & sine fracturâ malleabilitas; cum itidem tamen à veteri quodam Chymico plures ante annos Typis exscripta doceatur. Quoniam autem non nulli in re monerariâ, aliisque jam eadem nefariè abutantur, plura non licet de hac addere. Sic Ludovicus *Locatellus*, in Theatro suo arcanorum Italicè edito rectè describit *Terram foliatam Tartari*, quod post paucos annos itidè facit sub *salis essentialis Tartari* nomine curiosiss. & laboriosiss. *Zwölferus*; unde postea addito *vitriolo Martis*, paratur *Tinctura* rarissimæ efficacis; cum tamen Philippus *Müllerus*, in Tractatu suo *Miracula Chymica* insignito, & Dan, *Sennertus*, Institutio-

tionum Medicar. Libri 5. Part. 3. Sect. 3. cap. 15. p. m.
1427. longis abhinc annis eam descripserint.

Religionem quod concernit, notū non minus est,
dissidia ista Theologica à *Cacodamone* sæpius etiā ad
Medica scripta extendi, atq; ideò planè extra rhom-
bum unum ab altero transversis oculis adspici, ac in-
vidiosæ linguæ aculeis lædi; Cū potius deceat
Christianos, utpote sub eodem Christi vexillo mili-
tantes contra Atheos, Gentiles, Turcas, &c. Christia-
nis amore, auxilio, adplausu obviam ire, præcipuè in
rebus, ubi Publici emergit utilitas; se junctis talibus
scandalosis, extraneis, ad rem Medicam non facienti-
bus.

Dictis tamen hisce obstaculis non obstantibus,
ab Amicis incitatus, Legibusq;ve Academiæ Nostræ
curiosæ, quibus elaborare Scriptum de re aliquā me-
dicā jubemur, satisfacturus, crenam operi admovi;
adcurata animi expendens lance, magnum illum
Patrem familias, Math. 25. rigorosam de Talentò
concreditò expetitum olim esse rationem; Præ-
cipuè cum viderim, nostrò hōc seculò in vinea Me-
dica instare fortassis horam 9. aut 11. diei, quia plus i-
bi hætenus est laboratum, & summopere adhuc la-
bores fervere, ac in antecedentium Sæculorum ul-
lo factum est.

Quot enim, quæso, hucusq; noviter sunt inventa?

B

Pro-

Prodeant saltem pauca, loco plurium; e.g. Sanguinis Circulatio, Venæ lacteæ, ductus & lacteæ Thoracica, Vasa Lymphatica, ductus salivales, lacrymales, legitimus visceris *Pancreatis* cum suo ductu, succoqve Usus olim incognitus &c. Quid dicam de utilissimo incremento Doctrinæ de Fermentatione, de Generatione Animalium; Ut taceam mille alia curiosa, & summe utilia in aliis Theoreticis & Practicis rebus Medicis; Quantum accessit Lucis Rei *Botanica*? Quantis Enchiridibus aucta *Chymia*? Cum igitur non minùs hætenùs *Materiam Universalem* frequentius & adcuratius sint aggressi nonnulli, ac confidam Ego, me mea (tenui licet) noticia hac in re aliquid lucis posse adferre, partim, ut miraculosam Operum Divinorum Magnificentiam & amplitudinem ab injuriis per *Tinctura* existentia negantes Ei illatis vindicem; partim, ut juvem recta via ingredientem, (Si cui-dam ingenuo magnum hunc laborem tentare, forsean libuerit,) partim, ut dehorter plures aut ex incitia, & stupiditate, aut ex malitia à verâ semitâ deviantes, atque ita Magnates frustra Auro emungentes, ac Ipsos cum se ipsis decipientes.

Sanctissimè tamen protestor, meamquè appello ad Conscientiam, nullò planè aliò fine hæc à me institui, quam ut imperscrutabilis operum *Divinorum*

rum Gloria amplificetur, Proximique commodum promoveatur, ac ut de Publico benè merear; (cum non Nobis solis simus nati; verum ad DEI Imaginem conditi Homines, Homines-Christiani, ne saltem veluti Bruta, edamus, bibamus, dormiamus, & postea stupidi obmutescamus; Sed ut Nostrâ Divinæ Auræ Particulâ prudenter operemur, atque per hanc ab iisdem Nos distinguamus;) Et hæc omnia quidem pro Talenti mei Pondere, sine invidiosis in alios stimulis, ac ostentationibus fastuosis omnibus, nec non reverenter semper habitò meliori aliorum Judicio, atque ut suo quemlibet abundare Genio permittam.

CAPUT II.

Tradens, Quid fit?

DE *Tinctura Universalis* differere nonnulla constitui: De retali, quam anxie, desiderarunt, ac desiderant Mortalium innumeris; & quidē non immeritò, quoniam res Mundanas omnes, quales quales etiam sint, ipsa Invidia quoque teste, pretiositate suâ non æstimanda mirum quantum superat; De re tali, quâ majorem & ca-

B 2

riorem

riorem *Divina* Misericordia, inter tot millena millia donorum medicamentosorum aliorumque post Lapsum Adamiticum Generi Humano non exhibuit. De re tali, quæ meritò non est adnumerata septem illis Mundi miraculis à veneranda antiquitate aliàs abundè & ubique decantatis, cum hisce omnibus illa sola incomparabiliter ardua utilitatis suæ gravitate antecellat.

Quamvis autem neutiquam mea sit mens, magnum opus conscribere, aut largis ambagibus multa de *Nomine*, *definitione nominali & reali*, *signis*, *sine & usu*. Ejusdem proponere, qualia pluribus inscriptis ad nauseam toties repetita & transscripta reperire licet. Nec mihi res sit cum Chymiatriæ Tyronibus, novitatum avidis, ac in vitium erroresque flecti cereis; multò minùs cum nefariis istis *Pseudo-Chrysopæis*, Ardelionibus, in veræ Artis ignominiam natis, atque fraudulentis Ciniflonibus; Sed cum ingenuis, expertis, Arcana Naturæ pia curiositate tractantibus, quorum conat⁹, meditationes ac labores, *Tincturam* seu immediatè, seu mediatè concernentes Talento meo concedito adjutum iri; Alios item tam pro Animarum, quàm pro Corporum suorum salute, ut in arduo hoc negotio cautius mercentur, aut illud,
No-

Nolite tangere, Capite quarto ampliùs describendum observent, fore edoctos, spero, confido.

Nihilominùs tamen, ut Curiosus Lector eò faciliùs intelligat & assequatur Animi mei Sensa, nonnulla de jam dictis, nimirum (1) *Nomine*, (2) *Definitione*, (3) *Signis*, (4) *Fine* & *Ufu*, præmittere, consultum judicavi.

I. *Nomen* igitur quod concernit, notū est, *Tincturam Universalē* tot *Nominibus* quasi esse insignitā, *Quot Thebis portæ; quot divitis Ostia Nili;* inter quæ non pauca sunt absurda & ludicra; Cū enim Veterum Chymicorum nonnullis, peculiare & insolitum illi *Nomen* imponendo, *Emphaticum* quoddam, & occultum tacitè & allegoricè indigitare placuerit, successivè factum est, ut *Chymicatri*, *Nasutuli*, ac *Thraasonici Aurifices*, quò aliquid fecisse & cognovisse videantur, ac facile credulis raram de se spem excitent, ostentatorias denominationes *Eidem* imposuerint, cum phantasticis *Emblematibus*, stolidisque *Signaturis*; non sine veræ *Artis* opprobrio, ac scòpticà *Misochymicorum* irrisione; propterea hîc nominare talia nomina, meritò abhorreo. Placuit autem Eandem vocare *Tincturam Universalem*; *Tincturam* quidem partim, quòd à diversis *Lapis*

Philosophorum καὶ ἐξ ὧν dicatur *Tinctura*, partim quòd vox *Tincturæ* sit egregia denominatio Chymica. Non quidem intellectum hîc volo per *Tincturam* quendam liqvorem aut liqvidum, qualis est *Tinctura bezoardica*, *Martis*, *Tartari*, *fl. papaveris* err.&c. cum me non lateat, quòd à plurimis, dictum *Lapidem* in forma Pulveris vel Salis sese ostendere, doceatur, uti inferius patebit. *Universalem* verò nominavi, ad differentiam remedium particularium, ubi v. g. unum valet contra Febres malignas, alterum medetur Hydropi, hoc sanat Phthisin, illud sedat dysenteriam, isthoc pellic menstrua intempestive cessantia, aliud verò sopit nimium horum fluxum; Vel, ut Nonnulli Neoterici loqui amant, hoc corrigit & præcipitat præternaturale Sanguinis acidum, illud depurat vitiosum massæ sanguineæ alcali. Nostra verò *Tinctura*, modo extraordinatio operans, sanat morbos omnes, quales - quales ii sint, à quacunqve etiam causâ, sive ab alcali, sive ab acido præter naturaliter sese habente ortos; [quantum quidem *Cælestis* Medicorum Primas talium morborum sanationem huic vel illi individuo utilem judicat;] Nec minus Metalla ignobiliora & imperfecta in nobiliora & perfectiora transmutat.

II. De.

II. Definitionem pono talem: *Tinctura Universalis est supremum & perfectissimum Artis Medico-chymicae Mysterium, è primis Naturæ principiis unitis paratum, quò Corpus Humanum vegetum in statu naturali conservatur, ac à morbis defenditur, morbosumq; vigori pristino restituitur; Metalla insuper imperfecta singularib; solutionibus & depurationibus in verum Aurum vel Argentum exaltantur & transmutantur.* Dixi

I. *Supremum & perfectissimum Artis Medico-chymicae Mysterium.* Si enim adcurato studio ac indefesso labore contra hunc vel illum morbum specialem curiose paratum, feliciq; successu exhibitum Medicamentum aliquod, v. g. *Tinctura bezoardica, antimonii genuina, antihelicum Poterii, &c.* dicitur, [& quidem non immeritò] Artis arcanum aut Mysterium; Si item in re Metallicâ quoddam curiose inventum, v. g. *Præparatio Orichalci*, meretur nomen arcani, quid vetat, ut *Tincturam* nostram, utpote incomparabile & generale remedium, vocitemus perfectissimum Mysterium?

II. Dixi, è *Primis Naturæ Principiis unitis paratum*; Cum è rebus macrocòsmicis primariis & generalibus, ad naturam Elementorum propius accedentibus, secretâ Artis dexteritate tractatis

ctatis & combinatis, v. g. è *Spiritu Mundi* & *Sale Terra*, [uti inferius dicitur,] non vero è rebus magis compositis & secundariis, v. g. Lapidibus, Metallis, Herbis, similibusque perfectis, veluti reliqua Medicamenta, componatur.

III Dixi, quò corpus *Humanum vegetum* in *statu naturali conservatur*, & à morbis defenditur, morbosumque vigori pristino restituitur. Cum enim Hæc patitur e talibus, è quorum dispositione Vita & Mors nostra dependet, nimirum rebus primis & principiis universalibus, quibus mediantibus bene & naturaliter constitutis mundana cuncta, & scietiam præcipue Corpus Humanum, vivunt, crescunt, nutriuntur, conservantur; Ex illis contra per atomos impuras & putridas corruptis succedunt morbi maligni ac pestilentes in Homini- bus & Brutis, Vegetabilium item corruptio & Putredo, &c. Ideo etiam necessario sequitur, Medicamentum ex hac *Materia* curiose per genuinas Artis Enchirises depuratum, longoque labore ac diuturna Patientia ad summam perfectionem perductum, modo extraordinario & universali corpora nostra sana conservare, Vitam, quoad fieri ob alias circumstantias potest, vegetam sustinere, morbis omnibus sese opponere, iisdemque sufficientem præbere medelam. Hoc
qvi-

quidem non perficitur more in aliis morbis solito, dum contraria contrariis tolluntur, v. g. Dum nimii fluxus sanguinis, aut ventris adstringentibus, e contra alvi aut menstrui obstructio aperientibus & pellentibus sanantur; Sed roborando *Calidum innatum*, & Vitæ Balsamum, spiritibusque Cordis ac Cerebri ob necessarium partibus Corporis alimentum subministratum debilitatis balsamicas Vires novas addendo; his enim florentibus & puris existentibus, Sanguis circulò legitimò circumvolutus decenter expellit viis solitis impuritates & excrementa, fartatecta servantur Viscera Sanguinis depurationi & coctioni destinata, suoque satisfaciunt officio; Corpus nutritur; & ita viret, viget, floret Oeconomia Microcosmi. Et hoc tam diu, usque dum *Divina Majestas* Nos, Exemplò Patriarcharum, Josephi, Moysis, Davidis, Hiskiae, &c. Morte naturali [consumtò nimirum vitæ Pabulò,] mori jubeat; aut unum alterumque morbis insanabilibus percutiat, veluti Antiochum. lib. 2. Maccab. cap. 9. & Ægyptios ulceribus, Exod. 9. v. 9. Si vero adfectus aliquis turbaverit dictam Rempublicam, refocillatò per hanc Ambrosiam & Nectar Cœleste *Archæo* Nostro, ille denuò contra audacior ire, acceptisque novis viribus Hostem quemcunque [remediis aliis,

C

lis,

lius, probatæ alias experientiæ, etiam non obedi-
entem] aggredi, atqve ita massæ sanguineæ cru-
ditatibus incrassatæ & inquinatæ, & quæ inde de-
pendet, Viscerum, totiusqve Corporis dispositio-
ni naturalem vigorem reddere valet. Cui lubet,
consultat hæc de re, præter alios, Davidis Lagnei
Harmoniam chymicam, qui curiosè & utiliter va-
ria è variis collegit, item laboriosum rerum natu-
ralium indagatorem, Joh. Joach. Becherum, Phy-
sicæ Subterræ. Supplemento, pag. 100. Dixi

4. Tandem, *quò imperfecta Metalla singularibus
solutionibus & depurationibus in verum Aurum
& Argentum exaltantur & transmutantur.* Dum
nimirum eorum Principia è quibus cuncta constant,
mediante astrali hujus *Tincturæ* Virtute decenti pro-
portione uniuntur, ac perfectis Solis & Lunæ Ele-
mentaribus radiis illustrantur; atqve ita à scabiosis
suis excrementis depurata qualitates internas & ex-
ternas Auri perfectissimi æquant aut superant, singu-
lisqve Probationum Examinibus abundè satisfaci-
unt. Cùm juxta plures Chymico-Philosophos
metalla non tam specificè, quàm gradualiter differ-
re, amplè ventilatum & perspicuè demonstratum
sit.

Me quidem non latet, dari plures, Metallorum
transmutationem & exaltationem planè negantes;
cùm

2, Quid sit.

CAPUT II.

19

cum autem illorum rationibus jam dum satisfactum sit à variis veris per ignem Philosophis, neque mea sit intentio, alibi dicta hinc repetere, aut diffuse disputare, hoc unicum saltem addo; Rationes Eorum eò certius fieri irritas ratione *Tinctura Universalis*, cum multæ ac diversæ dentur *Via particulares*, quas dicunt, neutiquam concurrente Menstruò aut *Via nostrâ Universalis*, magis magisque hoc Seculo innotescences, per quas in re medica nihil plane perficitur, sed saltem Metalla imperfecta & impura, item aliquando Mineralia, & his affinia, in nobiliora Metalla & puriora transmutantur, dum nimirum dictis Metallis ignobilioribus, item antimonio, Marcasitæ, vel Bismutho, &c. mediantibus Salibus, aliisque, v. g. Sale armoniaco, Sale Tartari, borace, nitro, arsenico, Mercurio sublimato, lapide calaminari, &c. ope ignis fortioris fusoria per decentem ingredientium mixtionem malleabilitas, ponderositas, color desideratus, fixitas, & perseverantia in igne & super cupellam, &c. ingeniose & laboriose communicantur.

In specie Veneris in Lunam exaltatio satis curiosa. *Venerem albam* quam vocant, in multorum jam est manibus & oculis. Quamvis autem dictæ transmutationes per vias particulares ut plurimum

C 2

mum

mum fiant sine foenore insigni, dum sæpius factæ impensæ vix, & ne vix quidem, redeunt; nihilominus tamen hujus possibilitas & veritas consistit firma & irrefragabilis.

Si igitur transmutatio per *Vias particulares*; quas dicunt, est vera & possibilis, teste experientia frequenti, quis, quæso, Eandem denegare audebit magis perfectæ, imò perfectissimæ *Tinctura Universalis*? Ex superabundanti, num sit viri prudentis & Philosophi contra Autopsiam disputare, judicent alii.

III. *Signa* quod attinet, quemadmodum res cunctæ Forma sua externa cognoscuntur, v. g. hoc est Homo, hoc est Equus, hoc est Rosa, Rubinus, &c. vel inter medicamenta, hoc est Elixir Proprietatis, Balsamus Sulphuris Crocus Martis, CrySTALLI Tartari, &c. ita etiam *Tinctura* Nostra, tanquam Ens reale, Physicum sese quâdam debet ostendere figura. Cum autem hæc sit

Rara Avis in Terra, nigroq; simillima Cygno, atque uti Mors dicitur horribilium horribilissimum; ita Nostra *Tinctura* non minori Jure dicitur rariorum rarissimum. Unde *Ejus* ob raritatem evenit, ut de externa illius Facie adeo plura producere Testimonia non liceat, partim, quod Chymici *Eandem* aliquando vocitent *Tincturam*

Tincturam vel *Elixir album* (quod sufficit pro magnis usibus quidem in Medicina, metallorumque transmutatione in Lunam] aliquando vero *Tincturam* vel *Elixir rubrum*, [quod ad ultimam & plenariam rei perfectionem est perductum,] partim & praecipue, cum ulceroso nostro seculo, prohi dolor! res sit eò delapsa, ut, si quidam Medici Novatores & nasutuli vel praepararint laude quidem dignum aliquod medicamentum, vel etiam tale clanculum cuidam subduxerint, aliterque tinxerint atque miscuerint, statim inde projiciant ampullas & sesquipedalia verba, ac modò *Panacéam*, nunc *Medicinam Universalem*, jam *Sulphur Philosophicū*, mox *pulverem Horizontalem*, sive *Aurum potabile* verum, & centum aliis pomposis nominibus in ora omnium disseminant, atque ita confundant ac turbent curiosos atque Philochymicos. Si etiam unus & alter res metallicas superficialiter saltem tractaverit, vel ad summum *Venerem albam* parare didicerit, aut tandem possibilitatem transmutationis metallorum in *Viis particularibus*, licet sine fructu, viderit, statim sese pro vero *Tincturae Universalis* Possessore venditare non erubescit.

Propterea censeo, vitio non adeo quasi esse vertendum Medicis nonnullis, Chymiam medi-

co-metallicam per plures annos adcurata methodo & laboriose tractantibus, *Deo* autem sic volente, primum laboris finem, *Tinctura* nimirum acquisitionem, non obtinentibus; econtra talium vaniloquorum atque fumivendulorum fallaces nugas ad nauseam visu & auditu continuè percipientibus, si, quasi è iusta indignatione, *Tincturam universalem* planè Non-Ens judicaverint.

Sed ad rem: Me non statuere, quod *Lapis Philosophorum* sit talis liquor, qui communiter *Tinctura* vocatur, superius de Nomine monui; Sed rectius cum illis, qui eandem vel viderunt, vel è qualitatibus suis internis judicant, judicamus, *Tincturam Universalem*, quoad Figuram externam, consistere in Pulvere salino, vel tali potius analogo, rubicundo, sublucido, insipido, valde ponderoso, in Solis aut candelæ calore, uti cera, fluente, in aëre non fluido, in violentissimò etiam Ignis examine manente fixo, & incremabili.

Sal enim est vere perfectæ & balsamica substantia, ubi volatilior *Tinctura* pars cum parte fixiore in Macrocosmi Laboratorio per Artem optime potuit uniri & concentrari. Rubedo & splendor indicat Operis perfectionem & igneam penetrantiam, (Rubeus enim & albus color in Natura pro magis perfectis & durabilibus non immerito

merito habentur, Ille pulvis, quem *Helmontius* viderat flavi fuit coloris; quod rei ipsi nil derogat.

Nam dubium hocce nonnullis fortè oriens bene prævidit & sopivit *Heinr. Kunrcht* Amphitheatr. p. m. 202, In Pulvere, inquit, *est croceus*; In massa v. integra instar rubini, rubens, & *Franc. Osw. Grembs*, Arbor integr. & ruinos. Hominis, Libr. 3. Cap. 3. p. m. 500. Tincturæ Pulvis, inquit, *est instar Croci*; Sed toto corpore, instar Rubini; id est, Tinctura Universalis si pulverisatur, acquirit colorem Croceum; Tota vero Ejus substantia post fusionem Crucibulo exenta, colore rubro est rubiniformis. Tincturam infra capite sequente ex *Helvetiò* adductam quod attinet, illa fortè nondum ad ultimam & summam perfectionem aut maturitatem fuit traducta.

Reliquæ dictæ qualitates indicant adcuratam & absolutam particularum volatilium & fixarum unionem, perfectamque corporis increassati fixitatem, in quâ cardo totius operationis consistit. Mihi licuit semel esse tam felici, ut viderim apud Virum magnum hoc Regale donum Dei nondum planè perfectum, in formâ pulveris salini ex albo rubentis & quasi splendentis, eò ferè colore, quem exhibet Talcum, vel aliquando sal volatile in destillatione
Roris

Roris majalis Recipienti adhærens; fatebaturque, sese tandem in hoc arduo labore post varios casus, post tot discrimina rerum, eo devenisse, ut *materiam Universalem* Methodo inferius detegenda caute tractaverit, ac eo perduxerit, quod se jam in cauda Pavonis, quod vocant Chymici, oculis omnium exponat. Alius Amicus mihi dedit Sal crystallinum, vel potius pulverem Sali analogum insipidum, leni Solis aut Fornacis calore, uti cera fluidum. Hi crystalli dulces per triennalem laborem, juxta modum infra Cap. 6. describendum, ad talem fuere deducti vel coacti figuram. Ego tam Donatoris, quam propria Experientia, testari possum, dictum pulverem Salinum methodo universali quodammodo paratum, non tamen planè absolutum, in Morbis variis alia, alias efficacis operationis, remedia eludentibus, v. g. Hydrope, Phthisi, Hæmoptysi, &c. laudabile Agrotis indigis attulisse Solamen, ac valetudinem desideratam sæpius reddidisse.

Statuo igitur per jam dicta, *Tincturam* ut plurimum Pulveris salini vestem induere; Quod cum aliis adcuratè quoque evincit Petr. Joh. Faber, In manuscripo huic dissertat. adnexo, cap. 3. Nul- li tamen volo contradicere, qui *Eandem* sic perfectam postea in Oleum, vel aliis modis, vel medi- ante

ante quinta Essentia vini in liqvore aliquando
resolvi, doceat; quemadmodum ipse Paracelsus
plus vice simplici unam vel alteram guttam hujus
Olei universalis ægrotantibus propinavit, uti fuscè
trahit cum aliis Andr. *Libavius*, Alchymia libr. 2.
Tract. 2. cap. 9.

Signa è Qualitatibus internis quodammodo
superius in Definitione tetigimus in Puncto sanita-
tis conservandæ aut reddendæ, ut & metallicæ trans-
mutationis, dum nimirum, unius grani portun-
cula tam morbis [per alia remedia etiam insanabi-
libus,] medendo, quam imperfecta metalla exal-
tando extra ordinariam, & quasi miraculosam Hu-
mano Generi opem exhibet; atque ita de se ipso
testatur. Proinde cum talia è pluribus scriptis
ac Artis Filiis, cum quibus mihi res est, jam dum
cognita, cramben ab aliis toties coctam heic pro-
ponere, supervacaneum puto.

IV. *Finis & usus.* Cum Natura & Na-
tura Naturans, *Deus*, nihil faciant frustra, sed
cuncta fiant propter certum aliquem finem, du-
bito sanè, an quidam sanæ mentis de usu *Tinctu-
re universalis* dubitet, aut frustra *Eam* fieri cre-
dat. Cui autem Fini Illa è generali *Divina*
Majestatis Cornu copiarum sit destinata & creata, quæ
in Definitionis explicatione ac de signis hæcenus di-
cta,

cta, docent; nimirum ut sanitatem vegetam Homi-
nibus conservet, ac deperditam restituat; Me-
tallaque imperfecta & ignobilia in nobilia &
perfecta transmutet. Hæc enim morbi omnes,
q̄uales-q̄uales, q̄vanti-q̄vanti sint, efficacem alias
aliorum remediorum Virtutem eludentes ac insa-
nabiles habiti, Deo jubente, sanantur, adeò etiam
ut in Lepra, ac similibus adfectibus desperatis, q̄vos
dicunt, summè mirabiles ediderit sæpius operatio-
nes.

Operationi autem perficiendæ, Adeptorum
nonnullorum Elogiò, sufficit granuli unius porti-
uncula; ad præservationem quidem *Tinctura al-*
ba aliquoties saltem in anno; Elixir vel *Tinctura*
verò *rubra* adhuc paucioribus vicibus quotannis
exhibenda. Quà sic sumta, Homo est benè dis-
positus, vegetus, rubicundus. Ad sanandum
vero propinata, morbum aliis per mensem vix sa-
nabilem tollit unico, vel altero die; adfectum
aliàs annuò spatiò vix eradicabilem sanat 12. dierum
tempore, Symptomata vero summe inveterata
& contumacia per unum mensem.

In Regno minerali non minori energia, ac in
massa sanguinea vel Regno animali, separando im-
puritates, unicum itidem granum *Tinctura* vertit
plures uncias Metallorum imperfectorum in Au-
rum

rum vel Argentum, illis in fusione stantibus injectum. Ab hisce duobus præcipuis, & superioribus Laboribus dependent varia alia, v. g. Lapides ignobiliore facit immutari in pretiosos & Gemmas, uti CrySTALLUM in Rubinum, Topasium. Non minus è rebus medicamentosis, v. g. Auro & Argento communi fixò, è Perlis, coralliis, antimonio, &c. Veram valet extrahere *Tincturam*, quod alia menstrua, qvalia sint, tam perfectè præstare nequeunt.

In Regno vegetabili contra Naturæ cursum & modum maturat & foecundat arbores, plantasqve omnes. Sic granulum *Tincturae* Aquâ solutum Veris tempore affusum Viti, aut alii arbori, Mense Majo producet post flores ramos vel racemos, & fructus. Eodem modò vina vappescencia renouantur & resipiscunt.

Qui curiosus Philosophiæ Nostræ naturalis Scrutator plura & ampliora desiderat Experimenta, evoluat inter plures alios Theatrum Chymicum, ibi multos in unum collectos reperiet Tractatus suis satisfaciētes meditationibus. In specie verò in Hujus volumine quartò Harmoniam Chymicam Davidis *Lagnei*.

De modò autē operandi post superiùs dicta addo breviter; Cùm *Tinctura Nostra* specialissimâ præ-

D 2

roga-

rogativâ medeatur morbis omnibus ; non verò, uti alia inter medicamenta hoc Phthisi, illud Hydropi, aliud Febribus, aut Arthritidi adhibeatur, ideò etiam peculiari ratione suam absolvat operationem; dum nimirum roborat Calorem nativum, à cruditatibus massæ sanguineæ, & à materiâ morbosâ debilitatum, Spiritus exsuccos & efficaci Virtute depauperatos refocillat, Sanguinisque massæ suam renovat Balsamum, & quæ præternaturaliter se se habent, in ordinarium revocat circulum ; Anima enim nostra pro Oeconomîâ Microcosmica fartâ tectâ servandâ solius Calidi innati & spirituum utitur Ministeriò, quib⁹ decenter sese habentibus, & vegetis existentibus, & conservatò ita in Cordis lampade Balsamicò Vitæ oleò, quælibet Viscera, & Partes corporis amicâ & æquali Temperie confederatæ legitimè suis funguntur officiis.

Non aliter, ac si Natura in Macrocosmo per atomos aëreas, per radios Solares, Rorē, Pluviam, &c. unamquamque Creaturam in vigore sibi consuetò conservat, foecundat, nutrit. Aut veluti Lampas unò eodemque modo radios lucidos satis diu de se spargit, si ipsi decenti quantitate, & successive oleum novum, pabuli loco infunditur. Vel uti aqua paludosa & stagnans purificatur, & ab

ab ulteriori corruptione defenditur, si aqua fluvialis limpida in eam derivatur. Vel, ut rude ab Opificibus depromam exemplum: Sartor modò uno eodemqve, mediante acu facit vestes sericeas, laneas, coriaccas; Sutor è diverso corio facit itidem calceos æqualiter. Fabri ordinum omnium ex Auro, Argento, Cupro, Ferro, &c. mediante malleo extendunt suas laminas, variasq; inde formas & figuras & vasa fingunt. Non aliter *Archæus* Noster Nostrâ utitur *Panacæâ*. Plura ad hanc rem facientia videantur capite sequenti post Responſa ad objectiones Kircherianas.

Laudabilem autem hujus operationis modum non adeò extendendum volumus, uti Zoilorum Familia cavillatur, ac si Eadem Vita Humana, *Deo* etiam quasi invitò, possit prolongari, Juventus reddi, Senectus prohiberi. Sed *Tinctura* Nostra morbos præſentes exturbat, & ab absentibus præſervat Corpora Nostra, quâ tum *Cælestis* Medicorum Primas, qui percutit, & sanat, qui est Arbiter vitæ & mortis, sanationem Nostram *Divino* suo Honori, ac Hominiſ cuiuslibet ſaluti, quâ mundanæ, quâ æternæ, proficuam reperit. Nisi enim ille adfuerit, viresque infuderit, nil & vilis dictamnus, & glorioſa *Panacea* juvat,
D 3 juxta

juxta communem versum. Ea enim omninò subjecta est cum omnibus creatis potentissimò & inevitabili *Pancratoris majestatici* FIAT. Medicamentis autem uti omnibus, ita etiam hanc *Tinctura Universali* utimur, non ut mortem evitemus, sed ut eam tolerabili in statu, ac vegeta fanitate expectemus. Minime tamen *Tinctura* Nostræ efficaciam subicimus crassæ nonnullorum explicationi dicti illius è *Joho*, cap. 14. v. 5. *Positus est Hominis Vitæ Terminus, quem non potest transgredi*; quasi ex absolutò *Dei* decretò inevitabiliter cuilibet Hominum Vitæ Terminus adeò immobilis esset prædestinatus, ut absolutâ necessitate, nullò habitò respectu ad causas secundas, & contingentia, ut certâ Horâ, & definitò Genere Mortis mori cogamur, eumque anticipare aut prolongare sit simpliciter impossibile.

Hoc enim modò intellecta & declarata *Iob* verba exiguum usum relinqvunt Theologiæ, pauciorẽ Medicinæ; periclitatur ambarum dignitas, hæc Corporum, illa Animarum nostrarum salutis præfixa; & quasi frustra à *Deo* essent procreatæ tot rerum Medicamentosarum Myriades miraculosè operantes.

Posuit quidem *Deus* O. M. cuilibet Homini Terminum Vitæ, ut tamdiu vivat, quamdiu

diu per suam complexionem ac Temperamenti sui dispositionem potest; Verum enim verò Idem Dominus Hominibus ad sui Imaginem conditis, & in quibus ὁ ἴων αἰσρων σοιχείω αἰνολογον, aut aliquid Divini habitat, (de quo eleganter Melch. Sebizius, & Hier. Jordanus in peculiaribus Tractatibus,) dedit Rationem, & liberum reliquit arbitrium, quibus decenter utantur, ac Vitæ suæ normam inde emetiantur.

Si igitur aliquis hisce abutatur, ac computationibus, ingluvie, libidini, incandescentiæ, mœrori, aliisque diætæ erroribus (quorum dantur innumeri,) indulgeat; Si item temerarius huic vel illi periculoso casui fortuito, sine vocatione legitima, sese exponat, neque etiam medicamenta à Deo ideo ordinata ægrotans usurpet, ille sanè Vitæ filum sibi abrumpit, tam ob rationes Physicas, quia Coctiones Viscerum necessarias turbat, sanguinem impurum reddit, Calidum innatum spiritusque vitales absumit, ac ita Naturæ vim infert; causa enim Senectutis, & hanc secuturæ Mortis naturalis est corruptio & putredo sanguinis spiritibus suis necessariis depauperati; quam ob rationes Theologicas, quia sua propter Peccata gratiosum Patrem cœlestem vertit in severum Scelerum Vindicem. Ille enim pro sua Clementiâ istam

istam aliquando extendit ad plures annos, aliquando vero abbreviat, vel propria Hominum quoq; culpa anticipare permittit. Ut pauca saltem adducam Sacrae Scripturae Testimonia (1) pro prolonganda Piorum Vita militat Esaias, cap. 38 v. 5. de Hiskia, Rege: *Audiui Preces Tuas, & vidi lacrymas Tuas, & adjiciam ad dies Tnos quindecim Annos.* Proverb. 3. v. 1. 2. *Fili mi, ne obliviscaris Legis mea, & Praecepta mea Cor Tuum custodiant; longitudo enim dierum, & Annos Vita, & Pacem apponent Tibi.* Et cap. 4. vers. 6. & 10. *Audi, mi Fili, suscipe verba mea, ut tibi multiplicentur Anni Vita.* Et cap. 10. v. 27. *Timor Domini apponet dies, & Anni Impiorum abbreviabuntur.* Exodi 20. v. 12. *Honora Patrem & Matrem Tuam, ut sis longaevis super Terram.* Etc. 23. v. 25. 26. *Si servieris Domino vestro, DEO, implebo numerum dierum Vestrorum.* I. Reg. 3. v. 14. *Si ambulaveris, in viis meis, & custodieris Praecepta mea, & mandata mea, sicut ambulavit Pater tuus, longos faciam dies tuos.* Deus omniscius aliquando Piis Vitam decurtat, ne torqueantur diutius miseriis Humanis, ac eripiantur futuris ærumnis. Sic Sap. 4. v. 14. *Placuit Deo, & erat grata Anima illius, propter hoc properavit, educere illum è mediis iniquitatum.* Sic Deus ob Pietatem
Eno-

chum & Eliam vivos ad se rapuit, nec naturalem Vitæ Terminum Eisdem experiri permisit.

Impiis autem Poenâ Divinâ dies abbreviatur, juxta Psal. 55. v. 24. *Viri sanguinum & dolosi non dimidiabunt dies suos.* & 73. v. 19. *Quam subito deficiunt iniqui? Pereunt, & eorum finis est horribilis.* Ecclesiast. 7. v. 18. *Ne impia agas multa, & noli esse stultus, ne moriaris in Tempore non Tuò.* Genes. 38. v. 7. *Sed Ger, Primogenitus Juda, erat impius coram Deo, hinc ipsum faciebat mori.* Ibidem v. 10. *Hoc factum Onani displicuit Deo, hinc Eum etiam sinebat mori.*

Omnipotens hic Polarcha ad justam iram commotus horribiliter pestifundedit impios, v. g. Exodi 12. v. 29. *primogeniti Ægyptiorum omnes unâ nocte necabantur.* Exodi 14. v. 28. *Exercitus Pharaonis totus in Mari rubro suffocabatur.* Genes. 17. *Antediluvianorum numerus innumerus, exceptâ Noë pii Familiâ, Aqua submergebatur.* Genes. 19. v. 14. *Sodomitæ & Gomorrhæi igne subvertebantur.* 2. Reg. 19. v. 35. *In castris Assyriorum unicâ nocte occisi 185000. milites, &c.* Ahabus Rex, 1. Reg. 22. *Prophetæ Micha dissvasiones negligens, & periculosum intrans prelium periit.* Econtra *Ninivæ* Poenitentiam agentes severam certè & proximè instantem averterunt ruinam.

E

Ex

Ex quibus inconcussum stare consequens iudico, Terminum Vitæ à Deo esse Nobis positum necessitate conditionatâ, ab Hominum Pietate vel Impietate, Diætâ, aliisque causis secundis & contrariis, pendente.

Aliàs enim sequeretur, ob commissâ piaculâ rotâ plexos, suspensos, &c. causam Mortis posse adscribere Deo, Terminum Vitæ illorum ita disponente, quod certè magna in Misericordiam Divinam injuria. Accedit quod illi tam rigorose in Theoriâ controvertentes, in Praxi se ipsos refutare extra omne dubium soleant, vel potius cogantur, nisi Autochiriæ crimen detestabile committere velint. Qvis enim horum erit tam absurdus, si ipse, vel suæ Familiæ membrum improvise vulneratum copiose sanguinem profundat, ut non statim Chirurgum accersat pro sanguine sistendo; aliàs enim infallibiliter cum cruore simul Animam effundet.

Qvis Catarrhò Apoplecticò correptum aliquem non statim juvat refocillantibus, penetrantibus? qvis à Terrore Lipothymiam patienti cordialibus volatilibus non approperat? Quem latet, agonizantes, & Mortis candidatos, pedem in Cymbâ Charontis jamdum habentes, si non aliquot septimanas, tamen totidem dies per remedia confor-

fortantia læpiùs sustentari? quod supervacaneum sanè foret, si Terminus Vitæ à Deò prævisus esset planè immobilis.

Non tamen uberius litigabo cum illis, qui statuunt, Terminum Vitæ à Deò positum non quidem posse transcendendi aut extendi, nisi extraordinariò DEI jussu ac permissu; ècontra verò ob Vitæ mores impios, errores diæteticos, temerariam vitam, aliàqve contingentia innumera innumeris modis abbreviari posse, & quidem adeò, ut inter aliquot centum, imò millia Hominum vix unus vel alter Terminum à Deò sibi definitum attingat; atqve ita ante diem suum moriantur pleriqve, præcipuè Seculò hoc nostrò ferreo-terreò.

Sufficit mihi, si obtinuero, medicamenta tam omnia, quàm in specie *Tincturam* Nostram, non ludicrè, frustra & inutiliter exhiberi ægrotantibus.

Verum, ne in hoc præter mentem sim prolixus; id insuper magis ad Cathedram Theologicam, quàm Medicam pertineat, Benevolum Lectorem remitto ad Hutterum, Hunnium, Gerhardos, Heinrici, Hülsemannum, Calovium, Musæum, aliosqve plures.

Proinde non cessemus, *DEUM* orare, ut sit mens sana in corpore sanò, ac commendare Ipsi vias Nostras, qui faciet; Et, Si ob peccata com-

E 2

missa

missa Nos ægrotare, atq̃ve in Medici manus incidere sinat, juxta Syracidem cap. 38. v. 15. honoremus Medicum, propter necessitatem, ibidem v. 1. *Deus* enim Medicum & medicamenta produxit è Terra, & Vir sapiens ea non spernit, ibidem v. 4.

§. Stante igitur hoc, ut ad Propositum redeam, quòd medicamentis omnib⁹ uti jubeamur à sacro Codice, & quòd non tam absolute simus prædestinati huic vel illi Vitæ Terminò, quis, quæso, *Tinctura* Nostræ *Universali* debitum honorem, & præ aliis præcellentem energiam infringere audebit? aut si auderet, valebit?

CAPUT III.

Quod detur in Rerum Natura.

DE Existentia *Tinctura Universalis* non tam multis Annis & Lustris, quam Seculis acerrimè fuit dimicatum & controversum; Verbis quidem sæpius tam mordacibus, & dictis tam acerbis, ut tantum-non crediderim, in Præliis, ubi plurimi tamen occiduntur, animos aliquando non tanto fervore ebullire contra Adversarios, quam inter literarios hosce Hostes contingere solitum fuit. Multi sunt affirmantium, negantium plures. Inter utriusq̃ve autem factionis affectus

clas varios reperire est, non Cucurbitam pro Cerebro habentes; sed subtili pollentes ingenio: ut proinde *ἡ ἀρετὴ* non immerito securius, quisquis sit Philochymicorum, eligeret, quam ut tantis viris controvertentibus se immisceat. Nihilominus, cum Amicus quidem Plato, amicus Aristoteles, magis tamen amica veritas, & cum in nullius verba jurare jubeamur, pro hac melius elicienda, & divulgandis miraculose Creatoris Mysteriis, placet pro tenui meo virili nonnulla proponere, & quidem stando à parte affirmante.

Affirmativam autem defensuri, ante omnia laboremus, necesse est, ut negantium objectionibus & contradictionibus satisfaciamus. Pro meliori dilucidatione eos distingvimus in solide negantes, & stolidè negantes: Per solide negantes intellectos volo illos, qui solidam eruditione, speciosisque ratiociniis muniti, suum propositum defendunt; Et hi vel sunt Medici, vel Chymiatři vel Philosophi specialiter sic dicti, id est, speculativi. Per stolidè negantes vero indigito illos, qui sine realium fundamentorum ac argumentorum pondere, ex sola aliorum relatione, vel ex invidia, aut in Artem veram, ex hujus abusu concepto odio veritati sese opponunt; & hi itidem aut sunt Medici aut Sophistæ, aut Chymicatri, & his Analogi.

E 3

I. Chy-

I. Chymicastro quod attinet, ii non tam operosæ indigent refutationis, illorum conatu firmis non innitente fulcris. Dum enim tales Fumi- & Nugi-venduli Principiis Medico-Chymicæ Artis non legitime sunt initiati; sed vel è Lectione nonnullorum scriptorum Chymicorum, vel è discursibus cum Artis Filiis habitis audaciores facti, vel quasi per transfennam videntes aliquoties particulam unam vel alteram Particularis cujusdam, uti dicitur, Laboris [sæpius Enchiridibus præcipuis non ingenuè detectis,] vel saltem metallicarum fusionum & purificationum gnari, rei tam pretiosæ tractationem aggrediuntur illotis, quod dicitur, manibus, id est, sine Precibus, sine intentione Christianum decente; sed saltem ob sacram Auri famem & nummos aucupandos. Tale ludicrum Fundamentum & Principium necessariò insequitur effectus falsus & insperatus; hinc dum Oleum atque operam perdiderunt, ac Bona dilapidarunt omnia pro *Lapide*, (uti nervosè loquitur *Orvenus*,) omnibus volunt persuadere, planè non dari *Tincturam Universalem*.

Deinde inter stolidè negantes sese offerunt nonnulli è Medicis Galenicis, [nonnulli dico, ne utique loquor de omnibus, nulloque modo in Eorum opprobrium hæc prolata sunt, cum magnifica-

gnifaciam Eorum Methodum & Medicamenta, eademque tantum - non quotidiè agrotis præscribam, atque Galenicos inter ipsos dentur plures Viri summe literati, summe curiosi, occulta Naturæ seriò & decenter scrutantes; multò minus loquor de Medicis Dogmaticis, qualem meipsum profiteor, qui Doctrinam Galenicam & Chymicam prudenti dexteritate combinant, & fraternè uniunt] qui quidem fundamentis in studio medicò legitime positis, Arti servandorum Hominum aut theoreticè aut practicè suam navant operam; econtrà nimis rigoroſe inhærent opinionibus suorum Præceptorum, & quæ in Galeni ac Averrhois [Medicorum quidem honorabili memoriâ dignissimorum,] Scriptis verbotenus non continentur, negligunt.

Pro eò igitur quod dotibus ingenii, sæpius apprime raris & egregiis, recte uti, ac præter ordinaria negotia aut theoretica aut practica curiositate indefessa scrutari naturalium rerum qualitates, ac aliorum inventis sua addere deberent, quemadmodum quidem laudabiliter id præstiterunt omnium Nationum Medici veteres, Arabes, Ægyptii, Græci, Latini, &c. (aliàs enim Hygiæ Nostra tantum Honoris fastigiū minimè attigisset) isti eadē, quæ in Professionis principio Schedulis conceperunt, successivè
iterum

iterum proponunt & propinant; vel iis Formulis Receptarum, quas Praxin medicam inchoando, memoriæ mandârunt, continuè utuntur, chordâ semper eâdem oberrantes, crambemqve toties coctam apponentes. Residuum temporis Vacunæ pro sacrificiò offerunt, ab Amico ad Amicum per Urbem repunt, cyathosqve sorbillando diem producunt, ut Terentii utar verbis; atqve ita maximam Talenti sui partem sepeliunt: Et cum ab aliis audiverint, non dari *Tincturam Universalem*, nec videant *Eam* publicè venum exponi, veluti Pilulas sine quibus, Trochiscos alhandal, rhabarbarum &c. Jovem jurant lapidem, & mordicus simul hoc defendunt; licet in rei veritatem nec ratione nec experimentis inquisiverint. Absurdissima enim omninò est conclusio: Hoc medicamentum latet Medicorum plurimos, ergo non datur. Nec valere argumentationem à rei ignorantia ad rei negationem, nòrunt peritiores.

Hoc modò autem, quod non minùs dolendum, tales non solum suffurantur aureum Tempus Proximi & Successorum utilitati destinatum; sed etiam detestandam hanc pigritiam & ingenii torporem transplantant in Studiosam Juventutem [veluti canis Æsopicus, fœnum non devorans, pecora autem huic inhiantia, abigens;] dum cereis hujus

hujus Ingeniis talia dogmata imprimunt, quem noxium odorem Testæ illæ, cō recenter imbutæ. postea servant continuum, de rerum naturalium scrutatione neutiqvam solliciti.

Quemadmodum autem inter Medicos dictō modō tam pigri dantur socii, ita non dissimilis inter Philosophos alitur secta, dū nimirum isti acumen ingenii pro adcuratiore Artium & Rerum naturalium veritate magis magisque indagandā à Deo ipsis concessum torpescere sinunt, illis saltem inhærentes opinionibus, quas in Juventute cerebellorum suorum receptaculis imposuerunt; nec quomodo scientiis augmentum ac decus accedat, invigilant, aliorum curiosas & serias meditationes ventilando, credentes saltem, quod Philosophi antiqui credunt; (minimè omnium tamen mea mens est, quasi venerandæ Antiquitatis statuta & inventa hîc velim sperni, aut abrogari, vel etiam ludicras novationes approbare; sed saltem reverenter iis habitis excogitata Seculi Nostri lauro digna cum iisdem combinari; multò minùs loquor in genere de veris Philosophis, quod DEO & Proximo nati sint, decenter observantibus,) atque ita è præsuppositis aliorum, hoc negantium, negant dari *Tincturam Universalem*; quamvis ipsi ferè nesciant, quid propriè hæc sit; sed saltem ex

F

invi-

invidò fervore & abusu Artis, & à Pseudo-chymicorum fraudibus conceptò; Cùm facile mihi persuaderi patiar, plures talium Philosophunculorum nullam Fornacem Chymicam vidisse, imò ne Mercurium quidem Vulgi cognovisse. Et hi tam facili succumbunt refutatione, quàm nuper memorati Medici, cùm, juxta ipsum Axioma Philosophicum, contra principia negantem, vel non intelligentem, minimè sit disputandum.

Desides isti Sophistæ aliorum relationibus temerariè statim fidentes, nec manùs oculatas habentes, non absurdè sunt æquiparandi illi Sutori in celebri quâdam Civitate Germaniæ: Notum enim est, ibidem certò quotannis die, Libertate Democraticâ permissum esse, & cuilibet è Vulgò licere, de Senatoribus, aliisque Personis publicis pro lubitu liberè loqui, ac Eorum Vitam & actiones impunè taxare. Unde accidit quâdam vice, [referente mihi virò fide dignissimò] ut Sutor quidam, percipiens, Hos laudari ab his, illos culpari ab illis, quò etiam aliquid fecisse videretur, ac de damno Josephi sese sollicitum esse, ostenderet, ultra crepidam sapiens in hæc eruperit verba: Rector nostri Gymnasii debet docere Logicam Philippi, & ille docet Logicam Rami. Dignum sanè tantò Oraculò è tantò Tripode dicterium!

rium! Solidè negantes quod concernit, illi sunt aut nonnulli è Chymiatriis, aut è Medicis Galenicis, aut è Philosophis speculativis; qui variis contra *Tincturæ* realem existentiam & veritatem insurgunt argumentis. Inter quæ locum sibi vendicet primum:

I. Quod plures solidioris Eruditionis Viri indefessò in Naturæ penetralia penetrandi studiò ac ardore in hanc quidem inquisiverint, tam legendò, & adcuratè ventilando aliorum Scripta, quàm manum ipsam Operi admovendo, materiam cautà ac laboriolà methodò per operationes Chymicas tractando, frustra tamen omninò laboraverint; Ut nihil dicam de hòc, quòd plures Thraſonici indoctiqve Ciniflones & fraudulentis Nummisugæ locò Auri seriò quæſiti & aucupandi aureum Tempus perdiderint, ac Aurum suum à Parentibus magnò sudore partum & collectum in fumos resolverint, inutiliter decoxerint & colliquesecerint, dum Operi huic insudaverint.

II. Quòd nullus sese Orbi literato & curioso manifeste & realiter ostendere valuerit, tanquam Triumphator Capitolium hoc chymicum intrans, ac reverà desideratò laborum fine potitus; cum tamen id non centum aut mille; sed tantum non innumeri præcipue Nostro hòc Seculò, infeliciter & frustra tentaverint,

F 2

III, Cùm

III. Cùm morbi diversi à diversis oriantur causis, necessario illis diversa quoque opponenda esse remedia, v.g. Hic morbus requirit purgantia, alius adstringentia, ille humectantia, iste exsiccantia, & sic porro. Unde sequitur, unum idemque remedium neququam posse contrariis operationibus perficiendis sufficere, aut duobus Dominis rite servire; Ad hæc multos morbos pro sanatione non tam requirere robur Naturæ aut Calidi innati, quam auxilium manualis operationis, v. g. in Luxationibus, Fracturis.

IV. Si unicò medicamentò possent sanari morbi omnes, frustra à *Deo* essent creatæ innumeræ rerum medicamentosarum myriades, quòd absurdum; dùm earum contemptum expressis verbis prohibuerit severum mandatum *Divinum*, juxta Syracidis cap. 38.

Ad Primam objectionem respondeo, quod non pauci solidioris literaturæ in Re medico-chymica viri, tactis omnibus faciendis, propositum non attigerint scopum, causa est Eorum plurimos, (si non omnes) aut labores suos non instituisse in genuina & primâ *Tinctura* materiâ; sed esse seductos per scripta chymica allegoricè & sub nominibus falsis materiam describentia; cùm ferè nullus in Tractatu publicò scapham nominaverit

verit scapham; sed sub mutuo *salis armoniaci, nitri, chalybis, lunaria, &c. &c.* nomine Eandem saltem proposuerit. Aut si illi materiam quidem veram quodammodo subolsederint, eam non integram Labori destinarunt, sed opus sunt aggressi in una saltem materiae parte, nimirum vel aerea & volatili, vel terrestri & fixa. Aut rem tentarunt non in materia proxima seu propinqua, ad *Tincturam* commoda, sed in aliqua nimis remota, & in corpore fixiore, tractationi huic non adeo apta & obediens. Aut omiserunt unam vel alteram Enchirisin, cum arduum hoc Opus poscat cautissimum ingenium, cautissimam manum. Aut si indefessae illorum curiositati ac labori nihil erroris potuerit imputari, aliquando imperscrutabili Dei voluntate accidit, ut concepta spe excidant, nec obtineant, quod velint laborantes. Talia autem evenisse Viris in re medico-chymica alias supra laudem positus, confitentur partim publica horum scripta, partim querelae & discursus Amicis concediti.

Ad 2. repono argumentum; hoc non adeo evictae esse veritatis; de genuinis enim *Tincturae Universalis* Possessoribus, licet rarissimis, gloriari posse Orbem, & in specie seculum Nostrum,

paulò inferiùs uno-plura convincent Exempla. Quamvis enim ii, quibus licet esse tam felicibus, non buccinis & tympanis soleant divulgare, qui sint; cum oleat fastuosam ostentationem, contrarieturque piis veri Adepti moribus; nulla tamen inde est consequentia, Ergò nullus eam obtinet. Injuriam insuper mirum-quantum magnam inferimus Creaturæ Creatori, Argilla Figulo, per hanc dubitationem, aut negationem, ac imminuimus Honorem è mirabilibus ipsius Operibus emergentem. A rei enim ignorantia ad rei negationem si aliquis argumentatur, crassissimam extorquet conclusionem. Sed hæc de Controversia circa finem capitis 4. videantur plura & prolixiora.

Audio hic ogganientem Sophistam quendam: Si *Tinctura Universalis* non tam aperte est tractanda, & communicanda, quomodo, quæso, poterit cedere in Proximi emolumentum? quomodo sanitatem huic vel illi servabit integram? quomodo læsam restituet? Hòc modò omninò erit comparanda Thesauro abscondito, inutili? Verùm, licet possessor non ostentatorio Agyrta-rum ritu publice proponat ac propinet suam *Tincturam*, nihilominus humili & taciturnâ dexterritate plus poterit prodesse *Divino* Honori, ac com-

commodo Proximi, quam centum fraudulentis Blaterones verbis seqvipedalibus, exsuccis tamen; vel etiam alii medicamentis ad minora à *Deo* conditis.

Ad hæc si Nostra Ars primiceria, uti alia, frequenter & aperte exerceri à *Deo* permetteretur, & cui libet indigne inhianti concrederetur, atque innotesceret, Hominum sane plurimi huic incumbere, jucundo fine, inter alia nimirum nummorum aucupio, capti & allekti; (Cum notum sit, quid non mortalia pectora cogat Auri sacra Fames,) Unde tamen varia in Animarum & Corporum Humanorum, perniciem certò forent metuenda absurda, incommoda, scandala.

Accedit, quod intempestiva hæc manifestatione temere sese exponerent Vitæ periculo; Qualem mihi retulit Venetiis celeberrimus Otto Tackenius, de aliquo non ignoti nominis: Ille enim adhuc Monachus, videt quendam è suis Confratribus plurimum Temporis impendere in labores chymicos secretos; hinc Ejusdem sibi familiaritatem magis magisque concilians, non desinit Eum fatigare quærelis, quæstionibus, precibus, usque dum ipsi concrederit, quod Thesaurum huncce incomparabilem possideat, ac transmutet Mercurium in copiosum verum aurum, sanetque paucissima

cissima *Pulveris* portiuncula morbos ab aliis desperate relictos. Per temporis spatiolum fraternam vel ingenuam colunt Amicitiam; postea vero infidus iste Frater Fratrem summè fidum extra Cœnobium occidit, surripiens ipsi secretissimum hocce secretum, detestabilis lucelli gratia. Sceleratus iste, abjecto Monachi Cucullo, Venetias petit, ibidem assumpto Comitum Nomine pomposè vivit; minimè occultans, sed gloriose jactans, sese regiam hancce arrham obtinere.

Quid fit? Peregrinus quidam aliquot septimanis huic sese associat, stabilito per Potum Fraternali Amicitiae Fœdere; post navicula, Gondelas ibi vocant, hic, stipatus aliquot ministris clanculum armatis spaciatur educit illum solum in domum à Populi frequentia remotam, ibi in hæc erumpens verba: Mi Fratercule, scias, me esse Comitum celeberrimæ (quam nominabat) Familiæ, Belli injuriis ad incitas ita redactum. Cum autem Sanguis generosus apud me hæreditaria quadam benignitate ebulliens, sub sordido & abjecto paupertatis pallio latitare ampli⁹ non valeat, per Fraternali Nostri Amoris Lèges Te oro & obtestor, velis tantò pecuniæ numero mihi succurrere, quant⁹ sufficiet pro cogenda & colligenda Legione militari. Sine tuo autem incommodo poteris mihi gratificari,

cari, cum juxta propria verba, *Tinctura Universalis* sis dotatus. Redhostimenti loco Tibi offero denuo officia mea usque ad sanguinis, imò Vitæ profusionem paratissima. Summe hinc perterritus iste Ostentator, & ponderans, quod tantis alterius gratiâ expensis faciendis propediem possit demonstrari Vacuum in suâ Crumenâ, præcipue, cum jamdum bona *Tinctura* pars sit consumpta, tunc spe novæ parandæ, atque tales Fratres egeni facile plures sint successuri, aureo ex hoc fonte Aquam Vitæ gratis potaturi. Proinde omnes, quas invenire potest, rationes profert, imprimis verò, quod modicum *Pulveris* tingentis sibi sit residuum, nec tam subito recens parari possit. Ille verò, ubi res ipsa desideratur, verbis minimè contentus, monstrat occultata Famulorum arma, mortem minans Homini in Leges Amicitie tam perfide peccanti, nisi citò suæ sit satisfactorius petitioni. Hic Vitâ sese periclitari videns, promittit, quamprimum sese paraturum, quod ille petierat, alibi autem id fieri non posse, nisi propriâ in domo. Consentit ille, adjunctis tamen putatio Chrysopoeo custodibus semper lateralibus. Tingendi autem planè nescius hic Lucifuga sub tenebris nocturnis aliquando commodam arripiens occasionem, per supremam domus contignationem ir-

G

rum-

rumpens in domum adjacentem, fugâ Vitæ suæ consulit. Paulò aliis circumstantiis hanc describit Historiam Theobaldus ab *Hohelande*, Tract. de Alchymia difficultatibus, pag. 168. Aliudqve huic non dissimile addit Exemplum, quod ibi legere, si libet, licet.

Ad 3. Argumentum rehero, cum è medicis Institutionibus infallibiliter constet, morbos à diversis oriri causis; ideo omninò illis diversa etiam opponenda esse remedia; nimirum, quando agitur de medicamentis particularibus, v. g. aut purgandi, aut adstringendi, humectandi aut siccandi qualitate præditis. Tales autem qualitates non quadrant, nec sunt extendendæ ad *Tincturam Universalem*; Hæc enim paratur è rebus primis & universalibus, ideoqve singulari gaudet Harmoniâ & analogiâ cum Vitæ nostræ spiritibus ac Calidò innatò; Quod ab hac Balsamicâ recenter imbutum Virtute [uti præcedente capite jamdum dictum] modò Archæali & imperatorio corrigit, depurat, atqve ejicit è massâ sanguineâ omne id, quod circulatoriam ejusdem quomodo-cunqve turbat officinam; quemadmodum aqua paludosa in stagnò purificatur, & ab ulteriore corruptione præservatur, si aqua fluvialis limpida in eam derivatur.

Nec

Nec Me ferit objectio, quod pro hoc vel illò morbo tollendò requirantur purgantia, vomitoria, sudorifera, diuretica, calculos vel Menstruum pellentia, &c. qualis virtus, utpote in multis contraria, non potest subsistere in unò subjectò. *Archæus* enim Noster non semper obtemperat in operatione medicamentis propinatis, licet talia juxta Methodi medendi Leges, & cautâ Medici experti Mente manuque offerantur. Notum enim est Practicis, nec Antagonistæ poterunt negare, post remedium saltem sanguinem purificans, & acidum Mesenterii aut sanguinis præcipitans & edulcorans, (nonnulli Veterum vocitant Hepaticum, stomachicum, &c.) aliquando insequi vomitûs, aliquando alvi fluxûs, aliquando sudores, aliquando largam Urinæ excretionem. Nec rarò post sumtum purgans, v. g. rhabarbarum, folia senæ, galapium, &c. Cui Vis vomitoria à nullò Autorum est adscripta, insequi vomitûs; & vice versâ, sumtò vomitoriò succedere alvi fluorem; Nunquam etiam purgantia magis per vias urinarias, quàm per Guttur inferius expellenda expellunt. Et hoc fit idèò, quòd Natura Nostra noxium & molestum per vias sibi commodiores & proximiores expellere optimè ipsa noverit, quòd sagacitas Medici, qui Naturæ saltem est Minister, minimè

G 2

verò

verò Dominus imperans, non semper penetrare valet.

Nihil heic dicam de illo, quòd hæc sarcinæ impunitatum in massa sanguinea ulterius ferendæ impatiens, sæpius criticas instituat sua sponte evacuationes, sine medicamentorum ope; sed propria in conservandam Microcosmi Rempublicam Providentiâ, sudores, vomitiones, diarrhœas, &c. non sine laudabili & manifesta euphoria, (Quamvis nonnulla Crisis fiat imperfecta, dum Natura cruditatibus nimium pressa conatur quidem expulsionem, sed debilitata oneri deijciendo non sufficit.)

In specie verò respondeo, Non latere Chymiatros, imò nec invidos, eò deventum esse, & magis magisque eò pertingi adcurata Pyrotechniæ industria ac indefesso labore, ut ex *Antimonio*, *Mercurio*, aliisque rebus medicamentosis tam raræ efficaciae parentur remedia, quorum virtus & modus operandi ad solum aliquod excretorium sese restringi neuiquam patiatur; sed operetur saltem vel roborando Balsamum vitalem; vel moderatè & lentè per insensilem transpirationem vel per diuresin, vel per sudorem, vel per vomitum, vel per Hæmorrhagias Narium, Uteri, Hæmorrhoidum, &c. materiam peccantem & superfluam

fluam exturbent, prout *Archæus* laudabili medicamenti energia adjutus eandem pro faciliore exturbatione reperit dispositam. Si itaque tales effectus producit calor innatus, vel suâ sponte, vel remedium particularium ope; quomodo, sis, eandem Virtutem denegare quis audebit, vel jure valebit *Tinctura Universalis*, utpote cujus penetrabilis excellentia & extraordinarius juvandi modus reliqua omnia multis parasangis superat?

Sanatio adfectuum externorum, v. g. Luxationum, Fracturarum, &c. propriè & immediate à nullò medicamentorum interiorum peti potest; Cum talia ab externis, v. g. fasciis, ligamentis, Emplastris, &c. suam topicam expectent atque accipiant medelam; nihilominus mediatè consolidationem & restitutionem omnino maturat *Tinctura* Nostra, dum Spiritus Terrore, Hæmorrhagiis, dolore, vigiliis, aliisque accidentibus dissipatos renovat, atque ita simul inflammationes, gangrænam, &c. arcet, ac ab his corpus præservat.

IV. Argumenti quarti, quasi *Tinctura Universalis* frustraneam redderet creationem, & operationes aliarum rerum medicamentosarum, nulla plane est consequentia.

Cum enim imperscrutabile & sapientissimum

Consilium *Divinum* per tot ac tot Secula è millenis Hominum millibus oppido - paucissimos illius beaverit cognitione, propter plerorumqve indignitatem, aut propter abusum præcavendum, aut, ut *Deus* per plures Creaturarum ac remedium è triplici Regno, animali, minerali, vegetabili ortorum diversissimorum diversitates Nos [itidem mirabile Suarum Manuum opus] in maiorem rapiat admirationem, ac Pietatis addat stimulum, aliasqve ob causas Nobis incognitas, nihil planè aut parum decedet Honori reliquarum rerum medicamentosarum. Potuisset quidem omnipotens Vitæ & Sanitatis Autor, (qui est miraculosus in operibus suis,) vel morbos plane à Nobis arcere, vel unicò saltem Majestatico FIAT morbosum omne tollere; Potuisset, dico; sed ita Ipsi non placuit; ut cum devoto Ecclesiæ Patre, loquar.

Sic sacrarum Literarum manuductione novimus, mirandum *Orbis Conditorem* pro ineffabilis misericordiæ beneplacito Populo suo Israëlítico non uno, sed diversis modis tam in re medica, quam militari, aliisque auxilium præstitisse. Medicorum Primas, *Christus* ipse sanavit diversis modis, aliquando unico verbo, & quidem ægrū invisens, uti Matth. 8. v. 31. Marc. 2. v. 12. Joh. 5. v. 28.
vel

vel non invisens, uti Matth. 8. v. 13. & 16. & cap. 15. v. 28. Aliquando tangens, v. g. Matth. 8. v. 3. & 14. vel sine tactu, Matth. 9. v. 6. Luc. 17. v. 15. Visum cœcis restituit nunc sine remediis v. g. Matth. 9. v. 30. nunc mediantibus remediis, Marc. 18. v. 25. vel Johann. 19. v. 12. Regis *Hiskia* Carbunculo jussit imponi Ficus pro maturatione, per *Esaiam*, cap. 38. v. 21. *Naëmannum*, Imperatorem exercitus Syriaci, leprosum septies jussit lavari in Jordano. *Eliseus*, 2. Reg. 5. 14. *Moyse*s corripbat amaritiem Aquarum in Deserto injectione Ligni à Deo edoctus, Exodi, 15. v. 25. *Petrus* & *Johannes* uno verbo mandarunt claudonato, ut ambularet, Pedibus officium suum subito & perfecte facientibus, Actor. 3. v. 6. Econtra permisit *Deus* Noster imper-scrutabilis, ut cuncta scripta auro contra cara de rebus naturalibus & medicamentorum facultatibus [quæ singulari è revelatione consignaverat Regum Sapientissimus *Salomon*,] jamdum perierint, maximo Posterorum cordolio & detrimento, quorum arcanam & amplissimam cognitionem à Cedro Libani usque ad Hyslopum parietis Huic soli (post Ipsum verò nulli,) detexerat. Idem, qui variis modis sanavit, & per ministros sanare suos jussit, diversimode etiam percussit Populi sui Hostes; sic in Castris Assyriorum unica nocte

nocte unicus Angeius necuit centum, octoginta quinque millia Militum. Non dissimilis strages facta in Primogenitis Ægypti, Exodi, Cap. 13. v. 15. Ut *Josua* cladem inferret magis cruentam, Sol & Luna supernaturaliter subsistere jubebantur, *Josua* cap. 10. v. 12. Per solum *Davidem*, mediante *Goliatho* cæso, fugubantur *Philistæi*. 1. Sam. 17. v. 49. Mediante calliditate *Judithæ* & per mortem *Holofernæ* Exercitus totus Assyriorum, Libr. *Judith.* cap. 13. Sæpius obviam ire Hostibus, & pugnare jussit omnem Exercitum Israëliticum; aliquando verò selegit saltem aliquot centum, uti videre est libr. *Judic.* cap. 17. v. 7. Non minus variis sane modis distribuit sua dona Idem Deus suis Ministris; Tam facile enim potuisset *Moyse* Lingvæ balbutientis difficultatem prætendenti, Exodi, cap. 4. v. 10. hoc vitium corrigere, atque Apostolos docuit Lingvis incognitis & peregrinis loqui; uti patet ex *Actor.* 2. v. 6.

Ex dictis abunde clarescere judico, infinitam Potentiam *Divinam* non debere adeò restringi, quasi unico saltem remedio Nobis opitulari velit, aut possit; sed potius Eandem modis innumeris sanitati ac Saluti Humanæ invigilare pro gratio-
so suo Beneplacito.

Superfunt adhuc variæ rationes, præcipue Gale-

Galenicorum & Philosophorum, non exsuccæ
quidem, nec omninò enerves; Cùm autem illi
viri clarissimi in Chymiâ practicâ non sint versa-
ti; Sed dicta ratiocinia fundarint super falsâ Hy-
pothesi, nimirum veram & genuinam *Tinctura*
Nostræ materiam ignorantes, datò hoc unò ab-
surdò, successive sequuntur plura, ut proinde con-
tra Principia negantes, nec intelligentes non sit
disputandum; Cùm Labores chymicos ulnâ Phi-
losophicâ speculativâ & theoreticâ emetiri, non
simul consideratâ ipsâ Chymicorum Praxi, sit ab-
surdum. Medicina enim, & Ejusdem Filia Chy-
mia duobus incedit cruribus, Ratione & Experi-
entiâ; adeoque dicta ratiocinia Brevitatis studiò
heic lubens prætereo.

Progrederer nunc, remotis contradicenti-
um argumentis ad ulteriorem Scopi mei diluci-
dationem, & *Tinctura Universalis* existentiae de-
monstrationem. Verùm acerrimus sese adhuc
offert Alchymico-Mastix, Antagonista, spetiosa-
rum objectionum armaturâ formidabilis, hacte-
nus omnibus ipsi contrarium sentientibus solò fe-
rè nomine horribilis; *Kircherus* ille est; Athana-
sius, dico, Kircherus, qui Nomen, quò in sacro Ba-
ptismate fuit insignitus, ab immortalitate, frustra
sibi esse impositum, neutiquam passus est.

H

Quan-

Quantum enim Lucis laboriosa suâ dextertate, & rarò ingenii acumine accenderit pluribus Scientiis currente hóc Seculò, novit non tam Nostra Europa, quàm integer Orbis. Ille uti plurima alia, ita etiam Rem Physicam concernentia adcuratè ruminavit, & subtili Philosophiâ ventilavit, uti patescit tum è variis ejusdem scriptis, tum præcipuè è Mundò Subterraneò. Ibi, Tomò secundò, in Fodinas metallicas descendens, postea quoque ingreditur Chymicorum Laboratoria; aggredditurque multitarie Chymiam practicam; in specie verò Libri 2. Sectione 1. 2. 3. 4. &c. In Alchymiam vehementer invehitur, ac *Lapidis Philosophici* realem existentiam simplicissimè negat, Metallorumque transmutationem *πῦρ καὶ λάξ* impugnat. Quamvis enim primò placidum sese rerum Alchymicarum Ventilatorempromittat, dum Sect. 2. cap. 1. p. m. 250. ita disserit: *Ego quid sentiam, eò, quò par est candore, aperiam. Quòd dum facio, non cum Pseudochymicis, rudibus & illiteratò Hominum Genere, sed cum Philosophis mihi negotium esse, sibi Lector persvadeat. Et ibidem, paullo inferiùs: Nos mediâ incedentes viâ, neq; Chrysopæia impossibilitatem, neq; etiam eò modò, id fieri, quò Alchymista illud produci posse existimant, asserimus.* Attamen in sequentibus

Capi-

Capitibus, priorum dictorum quasi oblitus, Bile sibi commotâ, non contra solos Pseudochymicâs insurgit; sed in genere pro plenariè annihilandâ Alchymiaë possibilitate, semper & ubique omnes movet lapides, Ejusdemqve Cultores vocitat Impostores, Agyrtas, scelestos, maleferiatos; (& ut paucis omnia:) Impietatis & Improbitalis Eos accusat.

Pro inde non immeritò irritatus quidam ingenuus Artis Filius, Salomonem *de Blawenstein* sese nominat, in Interpellatione pro *Lapide Philosophorum*; ut & Johannes *Zwölferus* in Mantissâ Spagyricâ Pharmacop. Regiæ adnexâ part. 1. capit. 1. pag. m. 324. seqv. cum aliis, emissâ negationum Spicula in sinum ipsi retorserunt. Et quamvis hactenus neqve *Kircherus* ipse, neqve alius, quantum mihi quidem constat, horum responsionibus ulteriori contradictione sese opponere, fuerit ausus; Nihilominus placet hisce nonnulla addere; neutiquam quidem litigandi; multò minùs Virum Summum calumniandi animò; Tanta enim illius sunt merita in rem Literariam, & in specie quoque in illam Philosophiæ partem, quæ ad Physicam, & Medicinæ Fundamenta spectat, ut, quam diu Orbis erit, ille jure meritò Athanasius fuerit nominandus; sed saltem pro veritate magis magis-

gisqve eliciendâ, difficilibus materiæ hujus intricatæ nodis solvendis, & pro salvandò antiquò Chymix Honore. Cùm *Kircherus* inter Antagonistas potior sit, quàm decies mille aliorum, ut Israëliti Populi verba de *Davide* mutuer; & Ipse è pluribus seriò collegerit, clariùs diduxerit, atqve amplificaverit argumenta contraria.

Primo itaque dico: Orbi literato est notissimum, Exhujus Viri incomparabilis Cerebro prodivisse plura scripta Philosophico-theoretica Lucernam olentia, quam ex Eqvo Trojano Viros callidos armatosqve; tanta enim hæc sunt numerò, tanta sunt pondere, ut unius Hominis ingenium fere non sufficiat huic oneri ferendo. (Nihil dicam de pluribus gravioribus, quæ procul dubio severæ Ordinis sui Leges in rebus Theologicis Ipsum præstare jusserint; & quantum temporis sibi sumserint sacra officia.

Stante hòc, sequitur, huic operationibus Chymicis manum decenter admoveere non licuisse, neque in Chymia practica adeò versatum esse potuisse, neque necessariam Autorum talium Lectionem ipsi fuisse familiarem. Veluti quidem Scripta Ejusdem superius adducta de Alchymia abunde illud demonstrant, & ipsa hoc dubium solvunt. v. g. dum ex *Arnoldo Villanovano*, item è Bern-

Bernhardo Trevisano duas facit Personas, Nominibus & Cognominibus Eorum aliquoties interponendo alios Autores; Cum tamen Chymia unum saltem Arnoldum Villanovanum, & unum Bernhardum Trevisanum noverit. Propterea quamvis ille vir summus in Disciplinis theoreticis & speculativis, Invidia ipsa etiam teste supremum fere adscenderit Scientiæ culmen, neutiquam tamen inde sequitur, Eundem quoque in Practicis, præcipue in hac re extraordinarie ardua decisivam posse ferre sententiam; Cum hæc toto Cælo, ac tota Terra differant, & curiosa Laboratoriorum Chymicorum inventa non obediunt mensuræ ad ulnam Philosophicam; Ut nihil dicam de immisione falcis in alienam Messiem, vel quod ne Sutor ultra Crepidam.

II. Inter *Kircheriana* argumenta hoc videtur præ reliquis plus roboris præ se ferre: E fundamentis, inquit ille, Philosophicis firmissimo innititur fulcro, nullam speciem posse mutari in aliam; v.g. Homo non potest degenerare in Bovem, Bos in Caprum, Gallus in Turdum, Carpio in Lucium, &c. Ergo nec Cuprum, nec Mercurius, nec aliæ Metallorum species, utpote jamdum perfectæ poterunt mutari in Aurum & Argentum.

Sed respondeo, concedendo quidem, Species

H 3

Ani-

Animalium, & similium summè perfectorum neutiquam posse converti in aliam; Hæc tamen ad alia omnia sese minimè extendi patiuntur; Transmutationem enim in Animali & vegetabili Regnis esse possibilem, plurima apud varios Auctores evincunt Exempla; sufficiat mihi verò solus Kircherus ipse, qv̄i Tomo 2. dicti Mundi Subterranei Libr. 12. *de Panspermia rerum*, in sectionis primæ & secundæ capitibus hinc inde amplè differit, qv̄omodo è Semine Universali & mirifica plasticæ Virtutis efficacia, nascantur & mutantur alia in alia, v. g. Bombyx, aliæq; Erucae in Papilio-nes, &c. imò, qv̄od majus, quomodo Regnorum etiam diversitas hanc inversionem admittat, v. g. quod Insecta transeant in Herbas, & hæc in Insecta, & hæc quidem vel per opus Naturæ vel per Opus Artis. In specie vero Sectionis 3. cap. 4. de Emphyteutica vel insititia Arte, (Psfropfen/) p. m. 385. in hæc erumpit verba: *Sunt res nonnullæ adeò è Natura quadam similitudine sibi amica, ita consonæ, ut mox una alteri applicita in mutuum consortium ruant, & sese miris amicitia Legibus amplexentur.* Hucusque Kircherus.

Norunt enim Dendrophili, Arborum tere omnium, imò etiam Sylvestrium naturam obedire Artis expellentis Furcæ, nec uspiam recurreres
(con-

(contra dictum *Horatiani* probatam in aliis veritatem,) sed assumere surculi insiti qualitates; Etiam si non unius [v. g. Pyri in Pyrum,] sed diversæ sint speciei, v. g. Mali surculus commodè & curiosè inseritur in cydonium, Pyrus in morum, &c. *Idem* in opere allegato, Libr. 8. sect. 2. itidem uti latè, ita adcuratè describit Homines, Bruta, Arbores, Plantas, aliaque innumera, mediante succo lapidifico vel facultate petrifica in Lapides esse conversos, vel petrefactos, quorum Exempla ubivis jam sunt obvia. Ibid. Libr. 10. sect. 4. cap. 6. inquit: *Consentiunt Metalla cum variis Lapidibus*. Et paulò post: *Cuncta Metalla Argentum vivum in Amicitiam receperunt, quia lubentissime omnibus copulatur. Et ulterius: Imò inter ipsa Metalla Sympathia & Antipathia observatur.*

Si igitur jam prolata *Kircheriana* veritati sunt consona, uti sanè sunt, quotidianæ Experientiæ & Autopsiæ Testimonio; nimirum, si Insecta jamdum perfecta mutantur in volatilia; Si Insecta degenerant in Herbas, & vice versa; Si Surculus insitus Arbori perfectæ suas innatas suffuratur constanter qualitates. Si res perfectæ quælibet è triplici Regno ad petrificationem sunt aptæ; Si inter metalla observatur Sympathia, &c. sane non video, quo-

quomodo rebus metallicis deneganda sit transmutationis possibilitas. Cum metalla homogeneis constent principiis, ac inter sese differant saltem gradu, vel secundum majus & minus: proinde jure hæreditariæ analogiæ unum alteri, præcipue ab Arte adjutum, radios suos illustriores poterit communicare, ut ita dicta metallorum imperfectorum transmutatio non tam proprie sit vocanda vera transmutatio, sed potius maturatio & exaltatio.

Quamvis enim Anima & Vita metallis & mineralibus proprie non competat, veluti Regno Animalis & vegetabili; tamen uti nec viva, ita quoque nec mortua appellari poterunt, ceu loquitur aquilizans *Sperlingius*, Synops. Physicæ Libr. 6. cap. 4. Sed analogum, & inter hæc quasi medium possident; cum crescant, augeantur, &c.

Sed mei non est scopi alibi dicta heic repetere, uti aliquoties monui; Cum igitur jamdum huic Controversiæ à variis sit satisfactum, adeoque ad Eosdem Lectorem remitto. In specie verò Eundem descendere jubeo ad Joh. *Tackii* Chrylogoniam animalem & mineralem, Petr. Johan. *Fabrum*, Panchymici Libr. 3. cap. 5. p. m. 369. & cap. 6. p. m. 370. II. *Becheri* Physicam Subterraneam, Ejusque Supplementum. Ve-

Verum quid molestus sum benevolo Lectori rationibus adducendis, vel has apud alios quærendis, cum pro me militet pluribus jam nota Autopsia, & rerum omnium Magistra, Experientia? Unicum enim solidum Experimentum practicum plus habet ponderis, quam centum rationes Philosophicæ speculativæ, licet acutissimæ; propterea etiam Chymiatrum non inconcinne audiunt Philosophi per ignem.

III. Ut impiam, mendacem, & absurdam ostendat Alchymiam Kircherus, Libr. II. Sectio. 2. cap. 5. ulterius ita contra Tincturæ augmentationem insurgit: [ut ampla Ejus Verba contraham,] *Juxta Alchymistarum assertiones pars una Lapidis primâ vice tingere, vel imperfecti metalli mutare potest centum partes; Si denuò solvas vel imbibas, convertit mille partes; tertia vice transit in decies mille; quartum verò in centies mille partes; & sic porro, si adscenderis, in duodecimâ projectione poteris convertere centum miliones millionum; aut si Oceanus consisteret locò Aquæ è Mercurio, posset exaltari in Aurum & Argentum; vel totus etiam Mundus Aurò posset obduci. Ex inde concludit, ipsos Pueros, mulierculas, & infimam Plebem stulta maleferiatorum Alchymistarum machinamenta, promissa & nugamenta videre, & irridere posse.* I Ve-

Verum enim verò, Fateor quidem, me Testem Autopten non esse hujusmodi multiplicationis, nec ex ore aliorum de hac mihi singularia multa constare; Tamen cum possibilitatem & existentiam *Tinctura* credere cogamur Viris variis probatæ Pietatis, probatæ Eruditionis, veluti mox secutura evincet, in medio relinqvo, aliorumq; arbitrio trado, an dicta multiplicatio pro verâ sit habenda, nec ne; Tres tamen è Neotericis (de Veteribus pluribus taceo,) adduco Testes, in qualis Trigæ ore veritatem consistere, aliàs ab omnibus conceditur, nimirum Heinric. Kunrath, in Amphitheat. p.m. 206. Autorem *Tumba Semiramidis*, cap. 9. p.m. 94. & Joh. Frid. *Helvetium*, qui Tract. Vitulus aureus insignitò circa finem Historiæ refert, sese post novam additionem Lunæ ad Aurum nuper mutatum infusione aliquoties expertum esse hancce multiplicationem.

Quibus hoc saltem addò, *Kircherum* hoc in locò concludere magis Philosophicè, quàm Christianè, Bile procul dubiò spiritibus Capitis præter solitum imperante.

Omniscius enim Cardiognostes nulli hoc Magnale concedit, qui avaritiam, arrogantiam, similesqve nefarios abusûs pro fine Laborum suorum habet, aut qui Mundum vult inaurare, aureos-

reosqve Montes in debili suò Cerebellò exstruit;
sed saltem iis, qui tacitâ Animi tranquillitate, & piâ
devotione hoc Secretum *Divino* Honori, Animæ
propriæ saluti, & Proximi emolumento destinant.
Aut si eò ipsò quâcunqve ratione fuerit potitus
improbus quispiam, non tamen diu eum id pos-
sidere patitur *Divina Majestas*; veluti paulò in-
feriùs amplius dilucidabitur. Proinde absurdam
hujus argumenti vanitatem Antagonistis Nostris
in sinum refundimus; cum illud ideò suâ sponte
corruat & evanescat; & ut intentiones ab impie-
tate & improbitate oriundas priùs removeant, an-
tequam Mentem, crenam, aut manum admove-
ant operibus Chymicis *Tinctura* Nostræ, amicè
& Christianè rogitamus.

IV. Cœterum, quæ producit multiplicia &
varia variè congesta ratiocinia, nimirum, quòd ma-
teriam & operationes occultent & describant va-
riis nominibus alienis, & difficilibus allegoriis,
hoc vitiò adeò illis, quibuscunqve ita libuerit, non
erit vertendum; Si enim Hieroglyphicis, & variis
Metaphoricis locutionibus uti licet in aliis Scien-
tiis, quomodo in hac summi momenti Arte po-
terit esse adeò absurdum, & Sarcasmò dignum?
Quòd item dissentiant plurimùm Alchymici ra-
tione Nominis, ratione materiæ elaborandæ, ra-
tione

tione modi præparandi, hæc possibilitatem tamen non infringunt, sed difficultatem Laborum saltem arguunt, quam ambabus manibus concedo.

Ne una quidem facile poterit mihi nominari Disciplina, quæ non scateat variè contrariantium & disceptantium dissidiis. Do instantiam: In Religione Christianâ maximus est inter Theologos de variis dissensus, minimè tamen inde concludere licet, ergo non datur Christianismus? vel, ut specialius loquar de Theologiâ Romano-Catholicorum; *Kircherus* vix, & ne vix quidem mihi concedet hoc Argumentum: Inter *Franciscanorum* & *Dominicanorum* Ordines irreconciliabile diu vixit dissidium, plures item alii Ordines non adeò consentiunt *Societati Jesu*, neque hæc illis; *Sorbona* item *Parisiensis* sæpius contradicit Decretis *Papalibus*; Ergò non datur *Ecclesia* Romano-Catholica!

V. Nec vehementius Nos feriunt Exempla adducta, quòd nonnulli pro genuinis *Tinctura* Possessoribus olim habiti, fuerint Homines impii, scelerati, impostores. Præter illud enim, quod producta testimonia pleraque quasi invitè & coactè suum deponant Symbolum, aut sint ab invidis proposita, aut insufficientia; Etiam in contrarium plures & firmiores possunt prodire Testes,
non

non solum è Veteribus; sed & præcipue è Nostro Seculo probatæ fidei Viri. Adeoque demirari satis nequeo, quomodo vir hic vere religiosus (uti Ejusdem Conversatio & Scripta testatum cunt,) & Philosophus consummatæ Eruditionis passus fuerit, ut in hac re tantus Bilis feruor ipsi in sanguinem adscenderit, & dum in specie de abusu voluerit debuerit loqui, in genere summè venenata injuriarum spicula emisit contra hoc studium, quod excoluerunt, suosque Medicos & Chymicos excolere jusserunt, & adhuc jubent plurimi Imperatores, Reges, Principes, & alii, tam verè pii ac probi, quam verè literati.

Dolemus ipsi, & mirum - quantum dolemus infelicem Divinæ Artis sortem, quod tantus numerus muscarum & Papilionum vagantium splendorem Solaris hujus Luminis radiantem turbaverit, & adhuc turbet! Sed veluti proprias comburunt ipsi alas, & postea ipsis ridiculum murem enixis de Partu suo dolendum est; ita stolidi horum conatus & abominanda fraudulentia nequiquam poterit converti in Viros bonos omnes, pro Candore suo ac Talenti concrediti pondere Naturalia rimantes - mirantes.

A particulari enim ad universale institutam argumentationem nullo valore gaudere, novit o-

ptime Vir acutissimus. Idem enim vix subscribet huic Conclusioni: Jesuitæ Anno 1594. ob malos mores *Gallia*, & Anno 1606. Dominio *Reipublicæ Venetæ* sunt expulsi omnes. Ergo Jesuitæ quilibet sunt impii, scelesti, fraudulentī. Petrus *Jarrichius*, Jesuitici Ordinis olim miles veteranus peculiari Tractatu, Anno 1665. & 1676. impresso in 12. describit specialibus exemplis, & additis Nominibus majora inter Homines cognita fere omnia Scelera esse perpetrata in Provincia Gvienna Galliae in tribus Societatis Jesu Collegiis ibi nominatis. An igitur Jesuitæ omnes sint impii, scelesti, fraudulentī? Ventilatis nunc dissentientium opinionibus & rationibus, progredior ad demonstrandam *Tinctura* possibilitatem. Cum autem antea dixerim, Medicinam & ejus Filiam, Pyrotechniam, duobus inniti fulcris, Ratione nimirum, & Experientia, propterea curioso eadem ostendere Lectori, ante omnia erit commodum & consultum.

Rationem primò quod attinet, cum *Tinctura Universalis* præparetur è rebus primis & universalibus, ac principiis rerum omnium Macrocosmicis generalibus, Coeli atque Astrorum influentia imprægnatis, è quarum dispositione vegetatio & interitus, Vita & mors Macrocosmi,
ac

ac omnium Sublunarium dependet, sequitur omnino, Eandem per genuinas Artis Enchirises curiose tractatam, ac secreta Chymiatræ dexteritate, diuturna Patientia ac sudore resolutam, circulatam, atque ad perfectionem deductam modò etiam universali, aliisque remediis majore integram Corporum Nostrorum sanitatem conservare, morbis sese opponere, iisque sufficientem suppeditare medelam; nec minus Metallorum imperfectorum exaltationem & maturationem præstare posse, idque ob singularem Harmoniam atque sympathicam analogiam, quam Spiritus vitales Nostri cum *Tincturâ Universali* & Ejusdem Materiâ ex quâ mutuò inter se habent.

Quamdiu enim stabit, (veluti à prima Creatione firma stetit) nec infringi poterit analogia & consensus Cœlestium & Sublunarium; quamdiu *Superius* erit sicut *Inferius*, & *Inferius* sicuti *Superius*; Quamdiu Harmonia Macro- & Microcosmi durabit inconcussa, tamdiu etiam, invita Invidia, utilissimis Veritatis suæ radiis coruscabit *Tinctura* Nostra, ac negantium, dubitantiumq; nubeculas dissipabit. Cum multi, Viri quoque summe sagaces, tam difficulter sibi persuaderi patiantur, quod ægrotudines omnes unico remedio sint sanabiles, ii fortassis animum eò facilius muta-

mutabunt, si certo respectu præsupponam *Tinctura Universalis* morbum universalem, nimirum Spirituum Sanguinis impuritatem. Pro horum enim laudabili vel vitiosa dispositione Massa Sanguinea aut decenter aut illegitime absolvit & perficit suum circulum, Partibusque Corporis singulis necessaria advehit, à quò dependet Nobis Sanitas aut Morbus, Vita aut mors. Quemadmodum enim è Cornu Cervi paro remedium sudoriferum, è *Colocynthide* purgans, è *Manna* laxans, ex *absinthio* stomachicum, è *castoreo* nervinum, &c. juxta qualitates unicuique rei medicamentosæ à *Protoplasta* miraculose impressas: Ita quoque è *Tinctura* materia legitime tractata incomparabile affunditur Oleum Lampadi Ignis Vitalis, quò Spiritus Cordis suppressi in actum ducuntur, recenter illustrantur & recreantur; Illustrati verò & recreati Virtute balsamicâ Massam sanguineam imbuunt ac renovant; hinc acceptò necessariò pabulò quodlibet membrum ritè suò fungitur Officio pro conservandâ Microcosmi œconomia, internæ Partium dissensiones præcaventur, aut præsentés abrogantur.

Quemadmodum *vinum*, unum idemque, uno eodemque modò, tempore ac dosi excessivè & largius haustum pro uniuscujusque Potatoris Com-

Complexione, & *Archæi* dispositione Spiritus magis movet & exaltat ita, ut *Sempronius* reddatur iracundus, imò furibundus, ut vel ipsi *Turcarum Imperatori* Mortem minetur; *Cajus* verò fiat timidus, & ove placidior; *Mevius* imbibat somnolentiam ac stupiditatem; *Titius* in Venerem ruens sit Taurus; *Sejus* canat ac saltet lætitiâ turgidus; *Sulpitius* verò tristis lacrymetur, &c.

Ac veluti Idem *Vinum* in doliò per legitimam culturam, & decentem additionem modicæ *Vini* particulæ, utpote sibi analogæ pluribus Annis in statu suò naturali, imò meliorescente, potest sustentari; & si in vappam ex incuriâ, aliisqve circumstantiis vult degenerare, per eandem Oenosophi periti manum industriam pristinus illi redditur vigor, ut desideratum suum C. O. S. cuilibet ostendere valeat. Plura huc pertinentia videantur circa finem Capitis præcedentis.

Eòdem modò *Tinctura Universalis* in Regno vegetabili & minerali suas exserit, & communicat vires creatis omnibus, nutrimentum, depurationem & vigorem ipsis subministrans.

Verum, cur aucupo Lectoris Assensum auxiliò Rationum, cum pro me militet rerum omnium Magistra, Experientia? Cur Oculorum aciem fatigo in inquirendis Nodi hujus Gordii extre-

K

mita-

mitatibus, cum pro hoc solvendo & extricando in promptu sit gladius *Alexandri Magni*; cum publicè attestetur ipsissima, cui nemo sanorum refragatur, Autopsia? Unicum enim saltem Experimentum è practicâ Laboratoriorum Chymicorum Philosophiâ depromptum vel centum rationibus Philosophiæ speculativæ rubore suffundendis & enervandis, *Helmontii* elogiò, sufficit. Ne autem curioso Lectori tenuem meam opinionem obtrudere arguar, prodeant è pluribus nonnulli probatæ autoritatis Viri pro me locuturi; Quorum Verbis fide Nostrâ dignissimis pro firmiore declaratione subjungam postea variorum quoque Historias. Et cum Antiquorum alias semper reverenter habitorum Testimonia quibusdam videantur suspecta, [quasi cariem aut firum contraheret immutabilis & firmissima Veritas] de his jam non controvertam, cum copia horum larga & varietas mihi suppetat; sed sepositis illis substituam Seculi nostri Autores, quorum gloriosa Fama indelebilis, attestatumque irreprehensibile in recenti Nobis memoriâ adhuc hæret; Et quidem non modò Chymicos; Sed & Philosophos speculativos, Medicos Galenicos; imò Theologos, & Politicos. Ubi prius moneo, unius vel alterius quidem verba saltem loqui de *Metallorum Transmutatione*;

ne; sensum verò contextus indigitare *Viam Universalem*; cum insuper è Viâ aliquâ Particulari, quam vocant, tam arduus & dives effectus minimè sit sperandus; nec non, quod jucundior sit sermo institutus de confectione Auri, quàm de aliquâ re medicamentosa; Poterunt autem consuli post varios alios, prolixè de operationibus medicinalibus differentes *Helmontius*, *Johan. Tackius*, &c. Inter Testes

I. Primus esto *Sperlingius*, ipsius Philosophiæ speculativæ Lumen, qui institutionum Physicar. Libri 6. cap. 7. Quæst. 1. p. m. 1096. ita hâc de re effatur: *Reclamare Experientia, & imperitorum confidere ratiunculis, nefas est; Nulla autoritas valet scribentibus adversus Experimenta; Experimenta autem talia passim reperire est. Et quamvis sit res plena difficultatum & periculorum, tamen difficilia pulchra. Si quæ Fraudes etiam hîc occurrant, non Arti; sed Impostoribus adscribantur.* Idem seqv. Quæst. 2. p. m. 1100. *Sensum dimittere in iis, quæ sensibus manifesta sunt, & rationem quarere, infirmitatem intellectus esse, meritò statuit cum Aristotele, Libri 8. Physicor.*

II. Coruscans Climatis Septentrionalis Phosphorus, *Caspar Bartholinus*, Physic. special. part. 4. c. 2. p. m. 356. *Metalla varia inquit, in Aurum*

K 2

mu-

mutari posse, miror peritiores negare; Cum oculatus ipse Testis esse possim, & plures Experientia apud varios occurrant. Cum ridicula sint objectiones dubitantium contra Sensus & Experientiam.

III. Martinus Delrio, (celeberrimus Societatis Kircherianæ Socius,) Disquis. Magicar. Libr. 1. cap. 5. Quæstion. 1. section. 4. p. m. 71. sic loquitur: *Quia tot hac de re sunt narrationes diversorum, videtur procacis Animi & perfrictæ frontis, nulli credere. Et pag. seq. multos Ego commemoraui, qui non Chymici tantum; sed & Medici & Iuris Consulti gravissimi, testantur, rem ipsam factam exhibuisse. Et hodiè nominare possem quos novi, Viros graves, in dignitate positos & Deum timentes, qui de se ipsis idem confitentur. Quos mentiri, vel imposturis, aut præstigiis, aut dæmoniacis artibus uti, nunquam in animum meum possum inducere, & sint injuriosi Viris honestissimis, qui queant id suspicari. Quid adhæc ConFratris Tui doctissimi & celeberrimi verba reponis, clarissime Kirchere?*

IV. Robertus Fluddius, Tract. de Summò Bonò, p. m. 28. ita loqui amat: *Quæ major est deli-*

deliratio & vecordia, quam eam declinare, & pro nihilo habere scientiam, in qua nil olfecerint, nec Naturam, nec Naturæ Majestatem, nec proprietates agnoverint. An omnes fuere stulti, Viri eruditissimi, non solum plures Ethnici; sed & Thomas Aquinas, Picus Mirandulanus, Rogerius Baco, Raim. Lullius, Arnoldus Villanovanus, Fodocus Greverus, Basilus Valentinus, Georgius Ripheus, Morienus, Bernh. Trevisanus, Richardus Anglicus, Nortanus? &c.

V. Heinr. Salmuth, in Notis ad Gvid. Pancirolli Nova Reperta, Libri. 2. Titul. 7. de Alchym. p. 147. Adeo clara Veritatis hujus lux est, ut & ex ipsis Adversariis aliqui eam non diffiteantur.

Et paulò post: Cur tot præstantes Viri diversarum Gentium, tot tamque præclara de hac Arte edidissent Volumina? An in nugis suæ Famæ & Gloriæ præsidium quærebant? Sunt Ægyptii, sunt Arabes, sunt Chaldei, Germani,

K₃

Hispa-

Hispani, Angli, &c. quos quis enumeret? Agricola Eorum, & numerum & Studium admiratur, quamvis transmutationis Adversarius. Et pag. 148. Laurentius Ventura, Libr. de Arte Chymica, gloriatur, sed 250. Volumina Chymica in nobilem Bibliothecam (Heidelbergensem,) Illustrissimi Comitis Palatini intulisse; & præter illa adhuc quingvagenta alia habere. In Judiciis, ubi de Censu, de Capite, de Fama agitur, duobus aut tribus Testibus credendum est: Et ita difficiles sumus erga Viros tot doctissimos, tot integerrimos, quorum Scripta prostant propter paucorum ratiunculas, quibus toties responsum est. Plura & ampliora videantur apud ipsum Autorem.

VI. Cornelius Martini, Philosophiæ Profess. in Acad. Julia, In Analyfi Logic. cap. 8. inquit: *Ego de hujus Artis veritate aut falsitate nihil apud Vos commentabor, neque eam asserere volo; neque tamen tot tamque præstantibus Viris, (inter*

ter quos sunt doctissimi Philosophi, Furis Consul-
ti, Medici, etiam Theologi, nec-non Viri
Principes, qui Libris editis sanctè affirmant, se
oculis suis vidisse, & manibus non tantum pal-
passe; sed & confecisse transmutationem unius
Metalli in aliud,) Ego fidem derogare debeo;
hoc enim mihi videtur esse imprudentis; non Phi-
losophiæ Studiosi.

VII. Franc. Osw. Grems, Arbor. integr. &
ruin. Hominis Libr. 3. cap. 3. p. m. 491. Nihil inter-
est, inquit: licet nonnulli sint, qui dicant, se nul-
los vidisse, qui Aurum è Plumbo, & Medici-
nam universalem confecerint; Nam ii ipsi, dum
optant videre sine labore, sine merito, Arcano-
rum Scientia intuitiva digni non sunt; Vnde
Deo & Artifici nihil derogant, quamvis non
credant. Vti enim verissimum est, quod ipse
Helmontius fatetur, inter centum vel mille arti-
fices vix unum esse, qui arcanis potiatur, ita nec
mirum est, quod rarissima hæc Avis ob oculos
No-

*Noctuarum haud circumvolitet. Sed permit-
tente Deo condignæ sunt Arcanorum revelati-
ones studentibus, laborantibus, & Deum ti-
mentibus; Dii enim laboribus vendunt omnia.*

VIII. Joh. Schröderus vel ob solam elabora-
tionem Pharmacopœiæ Medico-chymicæ æter-
na Fama, & Vita æterna dignissimus, in diversis
dicti operis locis adcuratè de *Tinctura Universalis*
Materia & præparatione differit; adducam uni-
cum Testimonium è Libri 3. cap. 19. p. m. 361. ubi de
vero & genuino *Auro potabili* [cujus præparati-
onem capite sexto proponam,] ita sentit: *Illam*
Metallorum separationem contra multorum
Experientias hinc inde adnotatas impossibilem
statuere, pertinacium potius est, quam Virorum
cordatorum; quinimo non modo cuidam ex a-
micis meis; sed & mihi Sors favit, ut oleum
rubicundissimum aquæ supernatans ex auro eli-
cuerimus. Et pag. 366. jam prolata verba denuo
recitat, addens: *Id quod repeto, ne de certitudi-*
ne dubites.

IX. Quamvis Viri hujus ingenui autoritas
apud omnes, quibus Ejusdem Vita & Scripta sunt
cogni-

cognita, invidorum & contradicentium negativam facile elidat & eludat, nihilominus ex superfluo addo, Serenissimum quendam *Hassia Landgravium* è *Domo Homburgica* Mihi asseverasse, quod dictum *Auri Oleum Schröderianum* ipse præparari curaverit, & bonò effectui usus eodem fuerit; Hoc simul addens, præparationem dicti olei requirere manum Pyrotechni adcuratam, & indefessam, & parcissimam saltem portiunculam longo labore obtineri potuisse.

X. Modo dictis consona affert *Petrus Borel-
lus*, Observat. Medico-Physic. Cent. I. Observat. 6.
Multis inquit, exantlatis laboribus & vigiliis
in arcanis *Naturæ* perquirendis secretum pro
auro solvendo tandem nactus sum; id est, Men-
struum benignum amice aurum intra paucas
horas solvens, & sine fumo, imò sine igne quo-
que dissolutum potest ad naturam Salis & Olei
reduci: Hujus effectus miraculosi vires in morbis
pertinacibus mirati sumus, &c. Quamvis qui-
dem *Tinctura Universalis* & Aurum in verum
Oleum modo inferius dicendo resolutum, non
sint plane unum & idem; tamen Veritatis salvan-
dæ gratia horum Testimonia hîc conjungo, quod
L am-

ambo prodeant è *Via Vniuersali*, ambo item in re medicamentosa incomparabilis sint Virtutis, & ambo æqualiter à non-expertis & invidis existere negentur.

XI. *Heinr. Kunrath*, in Amphitheatrò introduct. in Figur. 3. Thef. 1. p. m. 291. ita testatur: *Lapidem Philosophorum Experientia, rerum omnium etiam sola sufficiens Magistra infallibiliter attestatur; cui refragari nonne esset plusquam stultum? Hunc ab aliis tamen preparatum virtuosè efficacem vidit Pontifex Romanus, Casarea Majestas, viderunt & Reges Orbis Terrarum non pauci, viderunt Romani Imperii Electores nonnulli, viderunt Principes, Comites, Barones, Nobiles, Doctores, &c. Sciens loquor; Hos omnes cito Testes; Tu Physico-chymico-Maslix Eos interroga in subsidium Veritatis, Veritatis amantes; rem ita sese habere testabuntur libentes.*

Quoniam itaque ob modò allegatam tantorum Testium Autoritatem quasi auribus percipio, assensum Virorum ingenuorum, & video Invidorum ruborem, pergo nunc ad ipsas aliquot Neotericorum relationes Historicas.

I. Agmen ducat Philosophus per Ignem, id est, neque solis rationibus speculativis, neque solis operationibus experimentalibus fidens, sed ea
pru-

prudenter uniens, *Helmontius*; hic Tractatum in Operibus suis, Arbor vitæ insignitum, ita exorditur: Cogor credere, *Lapidem aurificum* & *argentificum* esse; quin distinctis vicibus manu meâ unius grani pulveris super aliquot mille grana *Argenti vivi* ferventis projectionem feci, adstante multorum coronâ, nostri omnium cum titillante admiratione. *Negotium in Igne* successit, prout *Libri* promittunt.

Et paulò post: Dabat mihi fortè semigranum illius pulveris & inde uncia novem & tres quadrantes *Argenti vivi* sunt transmutata. Illud *Aurum* autem mihi dedit *Vir peregrinus*, unius *Vesperis Amicus*. Utcunq; ergo *Lapis Philosophorum* sit reverâ in *Rerum Naturâ*, &c. Idem, in dissert. *Vita Aeterna* inscriptâ eadem confirmat: *Lapidem Chrysopœia* vidi aliquoties, meisq; contractavi manibus. Erat enim coloris, qualis croco in suo pulvere, ponderosus tamen, & micans, instar vitri pulverati. Datus mihi fuit semel quadrans unius grani; Granum autem voco sexagesimam partem unius drachmæ.

Hunc ergo quadrantem unius grani, charta involutum, projecit super uncias octo *Argenti vivi* ferendi in crucibulo; & confestim totum *Hydrargyrum* cum aliquantò rumore stetit à fluxu, congelatumq;

tumq; resedit, instar offæ flavæ. Post fusionem autem ejus flante folle reperta fuere uncia octo Auri purissimi, granis undecim minus. Itaq; unicum granum illius pulveris transmutasset in Aurum optimum Argenti vivi partes 19186. Inter Terrena ergo reperitur præfatus pulvis, quodammodo similis, qui ferè infinitum Metallum impurum transmutat in Aurum optimum, Sibiq; uniendo, ab ærugine, rubigine, carie, & morte defendit, ac velut immortale facit, &c. Similia ferè repetit & inculcat Tractatu, quem inscribit, demonstratur Thesis, p. m. 534. thesi 58. Et Tractatu: Potestas Medicaminum, Thesi 65. circa Finem.

II. *Helmontium* insequitur Joh. Zuñolferus, Vir de Re Medico-chymico-Pharmaceutica egregiè meritus; Hic in Mantissa Spagyrica Pharmacopociæ suæ Regiæ adnexa, Part. i. cap. i. p. m. 318. seqv. acutissimi aliàs Kircheri de *Tinctura Universalis* incredulitatem nervosè impugnans, vel potius expugnans, addit: Si tantî Viri reverentia apud Rever. P. Kircherum pondus non habeat, incredulus sim, si plures adducam, quos possem & vellem. Tamen priusquam finem faciam, adjiciam è Penu Austriaca, aut potius glorioso Ærario magnum & augustum *Chrysopœiæ*
Tria

Tributum, quod olim ter felix Cæsarum, Ferdinandus III. Sanctissimæ memoriæ Princeps, perenni Gloria & Fama, ad aram Appollinis suspendit Trophæum; & est Numisma, conflatum Auro purissimo, minime sophistico; cujus adcuratam delineationem æri incisam ibi proponit.

Uni illius Faciei fuit impressa Effigies Hominis, Capite Soli radios spargenti similis, manu dextra cytharam Apollinis, & sinistra Virgam serpentiferam Mercurii tenens; pedibus vero adnexas Mercuriales alas gerens, cum inscriptione:

DIVINA METAMORPHOSIS, EXHIBITA PRAGÆ, XV. JANUAR. ANNO MDC. XLVIII. IN PRÆSENTIA SAC. CÆS. MAJESTAT. FERDINANDI III.

Altera verò Facies ostendebat verba seqv.

RARIS HÆC UT HOMINIBUS NOTA EST ARS, ITA RARO IN LUCEM PRODIT. LAUDETUR DEUS IN ÆTERNUM, QVI PARTEM INFINITÆ SUÆ SCIENTIÆ ABIECTISSIMIS SUIS CREATURIS COMMUNICAT. Dictum Numisma constat ex Auro, quod è Vulgari Mercurio vivo tinctum fuit, cujus Libras tres integras

L 3

ipse

ipse FERDINANDUS III. Imperator glorio-
sæ memoriæ manu propria in libras duas & di-
midiam Auri puri, beneficio unius grani Tin-
cturæ Philosophorum transmutavit. Fuissent
quidem integræ tres Libræ Mercurii transmu-
tata, nisi tingenda Mercurii massa semi-libra
illa proportionem Tincturæ superasset.

Negve hic locum habent infidæ multorum re-
torsiones, fuisse magnum hunc Monarcham, ab
Impostore quopiam illicio quodam inescatum, sup-
posito quopiam Auro ad majora aucupanda.
Exulent procul indignæ ejusmodi næniæ Viro pro-
broscæ. Cadere hoc in Principem tam circum-
spectum, & Seculi nostri Salomonem non potu-
it; utpote qui technas, & mille gyros & anfra-
ctus ejusmodi Tenebrionum & Pseudo-alchymi-
corum ex asse perspectos habuit, quibus obvia-
vit, ut veritatem & abdita Naturæ erueret.

Quare huic veritati propugnandæ non im-
moror; Sed L. B. perpendere volo, ac subduce-
re

re calculum, facta Hypothesi, quod si unum granum Libras duas cum dimidia tingat, hæc autem duæ libræ cum dimidia contineant grana 16470. quod tum quoque una pars Tincturæ totidem, hoc est, 16470 Mercurii tingendo transmutet.

Addo Confirmationis loco, quod hæc metamorphosis & Metallorum Transmutatio jam Temporibus magni Rudolphi sæpius fuit celebrata; quod in Germania notissimum. Unde FERDINANDUS III. hoc Numisma in tantum redomavit, ut illud consuetæ Aulæ Thesauri magnifico adjungi passus non fuerit; sed secretissimo & Conclavis sui Scriniolo incluserit, nullo aut paucis arbitris. Unde accidit, quod, cum recentissime Ego apud sacratissimam Majestatem LEOPOLDUM I. per Aulicum Thesaurarium, Nobiliss. DN. Joh. Ladner, hujus rarissimi Numismatis, ac verè Thesauri mentionem fecissem, neque Sacratissimus Cæsar, neque Thesaurarius hujus notitiam, ac copiam habere per-

perhibuerint usq; dum, me humillime instante, Clementissimus Imperator in secretissima arcula reperit, mihiq; ad 14. dierum spatium ut domi meae ari incidendum custodirem, clementissime concessit.

Exhibuit autem hoc granum Tinctura FERDINANDO III. Vir quidam Nobilis, cognomento Richthausen, quem deinde ad Baronis fastigium erexit proprio motu Sacra Majestas, & Domini de Chaos Titulo insigniuit. Per hunc utpote Amicum olim singularissimum & mihi unius & alterius uncia obrizi, & ex Mercurio tincti Auri copia obtigit; uti de facto tanquam pretiosum Thesaurum Mihi seruo & recondo. Dictum Dominum de Chaos Tincturam non ipsum elaborasse; sed aliunde accepisse, constat.

III. Joh. Tackius, Archiater Hassio-Darmstadinus, & Professor Primarius in Academia Giesfena, in Chrysogon. Animalis & Mineralis. p. 2. inter alia hæc profert: *Multi Chrysogoniæ Scientiam tanquam impossibilem, indigne & præter meritum calumniantur, contra virorum in Naturæ mysteriis enutritorum Autopsiam, & manualementem operationem absque omni fraude & impostura.* Et pag. 3. *Nam Divina Metamorpho-*

phosis Divo Imperat. FERDINANDO III. Pragæ 15. Januar. 1648. exhibita, hodieque Eminentissimi Electoris Moguntini Autopsia omnium fidas contra Veritatem rationes plane convincunt & destruunt. Ibid. & pag. 4. post varia Exempla recentia adducta addit: Sufficiat memori illa recolere mente, quod Serenissimus Princeps ac Dominus meus ex liberali donatione Eminentiss. Electoris, & Archi Episcopi Moguntini adhuc in delitiis habeat Frustum Auri, coram oculis Dn. Electoris factum. Qui enim tantorum Virorum, & tot diversarum Gentium consensui non credit, ille neque rationibus credet, neque vel ipsa Experientia se victum fatebitur, dum ille sibi soli complacens, nil, nisi quod ipse scit & facit, rectum, justumque & Veritati Consonum profitebitur.

Et Johann-Joachimus Becherus in Oedipo Chymico Tit. 7. p. 185. testatur idem: Tot extant, inquit, de Artis certitudine præclara argumen-

M

ta,

ta, ut prorsus cæcum & insipidum esse oporteat, qui ejus Veritatem neget; Taceo reliquorum Seculorum Historias, quorum nullum est, quod non argumentis veritatem hujus Artis concernentibus plenum sit; placuit unam è multis hujus Nostri Seculi demonstrationem Pragæ in præsentia P. D. FERDINANDI III. Imperatoris exhibitam, ærique incisam hic apponere; Lustrò abhinc eadem Persona, quæ Pragæ, etiam hic Moguntia, in præsentia Eminentissimi Principis Electoris, aliorumque Magnatum, in sat magna quantitate præstitit, cujus Aurum etiamnum reservatum, & hujus loci Monetæ Præfectus, qui è tali Auro ducatos excudit, testis esse potest. Idem aliis Exemplis hoc confirmat Supplem. in Physic. Subterr. c. 5. p. 84. 85.

IV. Johan. Frider. *Helvetius*, Sereniss. Principis Auraici Archiater, & indefessus Naturalium scrutator, [qui in Amphitheatrò Physiognomiæ Medicò suò, ut & in Diribitorio Medicò dedicatione finitâ curiosè Se ipsum subscribit & vocat Philolophiæ & Medicinæ semper Studiosum] Hi-
sto-

istoriam memoriâ dignam describit in Tractatu, Vitulus Aureus, inscripto; Relata Ejusdem proponam, cum liber in paucorum sit manibus, contractius tamen: Anno 1666. die 27. Decembr. in edibus meis me invisebat Vir plane incognitus, Persona honesta pariter gravitate, atque seria comitatus autoritate, plebejo amictus habitu, ratione sermonis, gestuum & Staturæ Batavo-septentrionali, (Nord-Holländer:) ratione verò Ætatis quadragenario similis. Finita salutationis comitate, referebat, sese amore in Artem Chymiatricam jamdiu Amicitiam meam desiderasse, præcipue, cum legerit nonnullos meos Tractatus, ibique dubitantem de Arcani Philosophici Veritate meam mentem perceperit. Hâc occasione ex me quærebat, annon credere possim, in rerum Natura adhuc in quodam loco dari tale magnum Mysterium, cujus beneficio Medicus morbos omnes valeat universaliter curare; nisi æger jam laboret defectu vel Pulmonis, vel Hepatis, vel similis nobilis Membri principalis?

M 2

Mi-

Mihi respondenti, me nunquam talem Adeptum offendere potuisse, licet plura de Rei & Artis Veritate legerim; & simul quærenti, num ipse sit Medicus? regerebat negando, sed sese Fusorem Orichalci profitebatur, atque jam inde ab ineunte Vitæ suæ Ætate teneriore ex Amico suo multa visu rara cognovisse, & cum primis rationem eliciendi per ignis torturam Arcana Medica è Metallis; Et hujus causa se etiamnum esse amatorem scientiæ prænobilis medicinalis. Post varios sermones depromsit è marsupio pyxidem eburneam, in qua continebat tria ponderosa fragmenta grandiuscula, parvam juglandem fere æquantia, quæ coloris erant vitrei, subpallidi, sulphurei, quibus adhærebant interiores squamæ crucibuli, in quo liquefacta fuerat hæc nobilissima substantia, quippe cujus æstimatio fortasse ad viginti Auri Tonnas foret excretura. Post haustos varios ex hoc Ore Philosophico discursus notabiles, de miraculosa operatione Lapidis
tam

tam quoad Corpus Humanum, quam quoad Metallum, quærebam, cur præsens hic Lapis Philosophicus colore sit imbutus sulphureo, cum alias legissem, Lapides Philosophorum esse condecoratos colore rubinato, purpureo? Ad quod breviter: Mi Domine hoc nihil facit ad rem; hæc enim materia est satis matura. Porro me ipsum deprecante, ut pro præmio, memoriaque sempiterna mihi donare vellet frustulum pyxidi inclusa Materia in forma seminis Coriandri; abnuebat, respondens: O, minimè; hoc enim mihi non est licitum, etiamsi tot ducatorum aureorum velles refundere mihi, quot capere posset tota hæc Tua Camera, idque non propter Materiam pretium; sed propter aliam quandam consequentiam. Hinc à me statim petebat frustulum optimæ Monete aureæ, atque interim pallium suum, & Tunicam pastoritiam deponebat, nec non Thoracem aperiebat, sub cujus indusio in serico linteo viridi gerebat quinque magnas pendentes Taleolas aureas, complentes magnitudinem interioris spatii Orbis stannei; ubi inter conferendum respectu coloris & flexibilitatis inter ipsius Aurum & meum maxima elucebat differentia. Istitis autem Laminis ille stylo ferreo, sequentia inscripserat: Priori: A-

M 3

men!

men! Sanctus, Sanctus, Sanctus est Dominus Deus Noster; omnia plena sunt ipsius gloria! Leo. *Libra.* Alteri: Jehova mirabilis Sapiencia mirifica! Facta Ego sum die 26. Augusti. Anno 1666. Tertia: O. S. D. Mirabilis Deus, Natura, Arsque Spagyrica nil faciunt frustra. Quarta: Sacer-sancte Spiritus! Halleluja! Phy Diabolo! Ne loquere de Deo absq^{ue} Lumine. Amen. Quinta: Aeterno, Invisibili, Trinuni, solum-sapienti, omnium optimo & omnipotenti Deorum Deo, Sancto, Sancto, Sancto Gubernatori meritò laudando.

Mihi porro instanti, undenam obtinisset omnium maximam hanc Mundi Sapienciam, gerebat: Accepi hac mysteria ab Amicò extraneo, qui aliquot diebus in domò meâ pernoctans, se ideò huc venisse asseverabat, ut mihi Philochymico varia artificia detegeret, v.g. Quomodo è Saxis & CrySTALLIS pulcherrimi conficiantur Lapides, multò pulchriores Rubinis, Sapphiris, & id genus aliis, quomodo Martis crocus unicò Hora quadrante parandus, ut subito sedet Dysenteriam pestilentialem. Item in vitrum aquâ pluviâ plenû immiscuit perpusillam pulveris albisimi quantitatem, quod Portionis sapiebat saporem Lactis dulcis; hujus haustuli dimidium mihi propinabat, unde videbar evasisse valde hilaris. Jubebat idem, ut cistam plum-

plumbeam pluvialem è pariete depromerem, & in olla nova liquarem, hinc Artifex plumbo fluenti injiciebat modicum pulveris flavi, & aucto aliquantisper igne effudit ex olla in culina super lapides Aurum optimum. Hujus frusti Aurei cape, inquiebat, decimam sextam partem, & tibi reserva pro memoria; reliquas quindécim partes autem cura distribui Pauperibus. Tandem etiam me docuit hanc ipsam Artem Divinam.

Meus hic Hospes, pergit Helveticus, aliquot petitionibus non subscribens, abiit, promittens reditum elapsis tribus septimanis; hac tamen protestationis Lege, si ipsi tunc licitum foret, nec interdictum. Finito dicto tempore gratus hic Hospes promissis stetit, & post longam dissertationem magis Theologicam quam Medicochymicam asseverabat, quod hoc Mystrium spectaret non nisi ad magnificandam solùm Dei gloriosissimi Famam dulcissimam, & quod Homi-

minum paucissimi cogitarent, quomodo sese per sua opera tanto Deo condigne sacrificarent; ac si fuisset Pastor Ecclesiæ.

Post longas & largas Preces meas dabat mihi frustulum æquans magnitudinem seminis raparum, dicens: Accipe de maximo Mundi Thesauro, quem paucissimi Regum, magnorumque Principum videre potuerunt. Cum postea petierim majusculam portionem, cum tantillum minimi frustuli non sufficeret forte pro tingendis plumbi aliquot granis. Tunc datam mihi antea particulam Pollicis sui ungue dissectam dimidiam Igne injiciebat, alteram Mihi reddebat, eandem sufficere dicens, atq; illo plusquam unciam semis plumbi posse transmutari in Aurum. Simulq; crastino die rediturum, ac projectionem præstiturum promittebat, si ipse non prohiberetur. Verum, postquam ipsum uno & altero die frustra expectaveram, drachmas sex Plumbi in crucibulo fluere curavi: simulatque Plumbum liquefactum fuerit, injectus globulus cereus pulverem tingentem continens, qui globulus cum sibilo & flatuositate in crucibulo bene obturato ita perfecit operationem, ut intra Horæ quadrantem tota Plumbi massa fuerit transmutata in Aurum. Hoc Plumbum Lapidum Philosophorum mixtum & in Igne lique-

factum pulcherrimum monstravit colorem viridissimum; simulatq; in poculum fusorium effuderim, colorem acceperat ad instar sanguinis; sed postquam refrixerit, optimi Auri colore splendebat. Cum adstantibus summè consternatus, currebam ad Aurifabrum, qui decenter & rigorosè id examinans pro Aurò obryzò proclamabat, & sese mihi pro quâlibet hujus uncia quinquaginta Florenos soluturum promittebat.

Fama rarissimū hoc prastigium subito per Urbem portante, die sequente curiositas plures Viros nobilissimos ad ades meas compellebat, qui visò illò, quod plures Reges non viderunt, petebant, ut denudò examini apud Aurifabrum subjicerem; quò aliquoties factò, semper eandem reperiēbamus Veritatem; & cum particulam argenti addi curāsem, nunquam - non aliqualis Auri multiplicatio, vel additi argenti in Aurum transmutatio successit. Modo dictum Aurum Ego adhuc possideo; quisnam autem fuerit ille Elias Artista, aut ubi jam degat, nōrit DEUS. Ampliora vide, sis, apud Autorem ipsum, Helvetium, qui similes transmutationes paulò ante à Küfflerò, & Grilliò factas, aliāqve varia curiosa ad Arcani hujus dilucidationem facientia proponit.

V. Johannes Rist, Theologus Holsatus, ob
N Hym.

Hymnos Angelicos, variaque alia Scripta curiosa Literato Orbi non incognitus, in opusculò, quod omnium nobilissimam *Mundi stulticiam* inscribit, duas producit Historias *Tinctura Universalis* realiter demonstrandæ multum Lucis accendentes; Cum autem satis amplè easdem describat, contraham paulò relationem: Retulit mihi, inquit. pag. 243. Mag. Anthonius Buscherus, concionator *Aulicus Oldenburgicus*, Vir ob *Vita Pietatem*, *Doctrina puritatem*, *Arcanorumq; naturalium* *scrutationem* memoriâ dignissimus, *Virum-Theologum* eximium, ad finitatem sibi junctum devotas ad *DEUM O. M.* & serias ablegasse Preces, ut *Ipsi detegeret*, è qua materia pretiosissimus ille *Thesaurus Philosophorum* conficeretur. Satisfecit gratus Polarcha devota hujus petitioni; hinc erogatis ab uno & altero Principum sumptibus sub *Favonio Divino* laborem est aggressus, & *Mentis vigilantis*, manusque indefesse dexteritate eum eo perduxit; ut ultima manus operi propediem fuerit imponenda, pluresque confluxerint aliunde curiosi, miraculosas operis figuras, colores &c. admirantes, stupentes. Sed *Liberi hujus Viri* ingenui expendentes, quantum *Honoris fastigium* sint ascensuri, quantum-quantum *Divitiarum* ipsis sit accessurum, per hoc brevi ad colophonem

nem deductum Parentis opus, Triumphum ante Victoriam canebant; aliis enim spretis intempestive nimis & factuose gloriabantur, quomodo pomposam & delicatam velint vivere Vitam, vix aliter ac opulentus iste, quem depingit sanctus Lucas, cap. 16.

Verum enim verò, justissimus rerum omnium Fudex non permisit, ut regale hoc donum ad abusum deiceretur, hinc Parentem subitaneo & periculoso percussit morbo, qui deplorans pravos Familiae suae mores, & quod Cœlesti hoc munere seipsam redderet indignam miserabiliter dolens, ad plures abiit. Hoc sepulto, sepulti simal quasi erant ad tempus hujus arcani labores. Postea verò illi, qui impensas suppeditarunt Laboratori, consultum judicabant, arduum hoc opus concedere Viro in operationibus chymicis ingenuè exercitato; sed res è voto non ita succedebat; Nemo enim audebat admovere manum tantæ rei, de cujus præcedente laborandi aut

tractandi methodo sibi nil constabat specialius. Proinde Pulverem huncce rubicundum aut potius auricolorem, ut & Oleum & liquorem rubiniformem partim commiserunt fidelitati docti & conscientiosi cujusdam Chymiatrī, qui in sanandis morbis aliis desperatis & insanabilibus miraculosa edidit saepius specimina, hæc tamen ut plurimum tacite, inscia Famæ divulgantis buccina. Bona autem Thesauri hujus pretiosi pars ab Hæredibus ludicris ludicre fuit pro vili pretio divendita pluribus, & quidem illis, qui quid possiderent, non intellexerunt. Magnus tamen quidam Consiliarius Ducalis arrepta Pulveris portiuncula, laborem denuo suscipi curavit, & inde Venere, Fove & Saturno in verum Aurum transmutatis, incredibiles sibi comparavit, Suisque moriens reliquit Hæredibus Divitias.

VI. Laudatus Ristius lib. cit. pag. 255. modo dictæ aliam subjungit Historiam non minus memorabilem: *Familiaritate*, inquit, *usus sum Viri*
cuius-

cujusdam præcipui, leges, quibus Christiani sumus, accuratissime observantis; Hic mihi sæpius retulit, sese diuturno tempore Deum seriis Precibus fatigasse, Ut ad cognitionem materiæ Lapidis Philosophici pertingere valeret. Subscribit tandem Cælum Voto Ipsius, hoc detegit Amico suo intimo; & quomodo res sit tractanda, deliberant; Concludunt tandem laborem securius institui extra Urbem pro evitanda sinistra Zoiolorum, & Sciorum Censura; hinc in Sylva exstruunt vile tuguriolum, & operario chymico perito rem committunt, sub alternante tamen directione dictorum Amicorum.

Opere sub manibus feliciter succedente, sæpius non sine stupore, & summa miraculosi Creatoris admiratione adspexerunt colores pulcherrimos ab aliis ample depictos, quos in Vitro transcurrit Materia, sub cauto moderati Ignis regimine, & patienti Manus dexteritate. Cognoscentes tandem, Tincturæ absolutionem, aut perfecti-

fectionem instare; cucurbitam cautè aperiunt & quasi attoniti, nec sine decenti gratiarum actione adcuratius adspiciunt, quod hæcenus per transennam viderunt, Opus mirabile, quod tantus tantus Artistarum numerus conspiciere frustra optavit, & adhuc optat; & concludunt, dictam materiam perfectam, post quatuor dies pro usibus desideratissimis medicamento-metallicis sese exempturos.

Inter mille hæc gaudia, inter mille hos Triumphos paululum discedunt à Laboratorio, Vitro primùm legitime munito & clauso, de arcanissimo hoc Arcano deliberaturi, ac Deo gratioso gratias acturi; relicto ibidem solo Laboratoris Famulo. Hic lætis Sermonibus Suorum Dominorum de instante tam pingvi præda non minùs turgidus factus, suo in Cerebello quoque sibi aureos montes fabricatur, iisque absentibus pro augenda animi recreatione Cucurbitam aperit, denuo Thesaurum captivum diu adspicit, Oculos

culos pascit, atque ob inde Sibi Suisque secuturam
felicitatem sui oblitus, obliviscitur plane Vitrum
claudere; hinc Aer frigidus violenter & copiose
intrans, illud vel in mille particulas divellit, &
quidem tanto sonitu & fragore, ut modo abeun-
des Directores crederent, quasi dimidia Sylva
horribili Tonitru ac Fulmine pessundaretur.

Hinc T errore maximo alas pedibus adne-
tente advolant, reperiunt Famulum extra por-
tam tugurioli jacentem quasi mortuum, domum
vero (illo prius refocillato,) ingressi, tam ma-
gnus & intolerabilis splendor occurrit oculis, ut
quasi obcoecati per tempus fuerint; apparuitque
tota Domus interioris Facies, quasi Auro puris-
simo crasse fuisset obducta. Relata autem re-
vera ita contigisse, sanctissimè mihi aliquoties ad-
firmavit; Rarum insuper hoc spectaculum die-
bus sequentibus à plurimis aliis adductis & adcur-
rentibus ita fuit visum. Reliquias hujus præ-
ter omnem expectationem erepti spoliis parcissime

cor-

corraferunt, è parietibus, tecto, area domicilii, mundarunt usuique caute reseruarunt. Testatur laudatus Ristius, hac Tinctura mirabiles & tantum-non incredibiles operationes esse exhibitas, tum in proprio suo Corpore enervato, tum variis aliis ægrotis pedem unum jamdum in Charontis cymba habentibus per dictum Amicum illius possessorem; speciales Historias vide, sis, apud Autorem.

VII. Johan. Kunkelius, Chymicus secretus Sereniss. Electoris Saxonie, in observationibus de salibus fixis & volatilibus, Aurò potabili, &c. c. 7. inquit: Cæterum facile credo, dari tale Medicamentum, quod Corpus Humanum sanet; an autem idem debeat esse, [nimirum, quòd Metalla transmutet,] nescio. Neq; jam aliquid dicam de Theophrasto, qui plures Homines sanasse dicitur; ut & Metalla; hic enim, præter Lapidem suum aliis etiam usus est remediis. Sed jam adducam saltem 1. Exemplum Sereniss. Electoris Saxonie, Augusti, beatiss. memoria, & Sereniss. Ejusdem Uxoris, qui Lapidem quadruplici modò per quinque Annos obtinuerunt, exceptis Particularibus, quorum minimum tinxit 1604. partes. 2. Exemplum Serenissimi Filii Ejusdem, Christiani I. beatissima memoria, qui itidem per quinquennium
post

post obitum Parentis nobile hoc Donum Dei possedit.

VIII. Inveterata est apud plures opinio, Serenissimam *Rempublicam Venetam* callere & possidere Chrysopœiam. Proinde inter varios discursus quæsiui è Medicò celeberrimò, Ottone *Tackenio*, ibidem vivens, ut certiore me redderet, de hujus rei Veritate; Hic subridens respondebat: Quamvis arcana statûs Nostri Mihi peregrino non omnia possint esse cognita & detecta; nihilominus de hac re valdè dubito; potius credens, illius Chrysopœiam consistere in prudenti Reipublicæ totiusqve Statûs Gubernatione; cùm nemo sine insigni admiratione considerare & intueri valeat, quàm extraordinariâ Sapientiâ, & sagaci dextertate ad Clavum Regiminis sedeat Magistratus. Aliàs etiam minimè fuissent sufficientes [si quidem *Divinam* Omnipotentiam & directionem exceperimus,] tolerandæ diuturnæ virulenti Belli Turcici truculentia, sumtibusqve contra hoc erogandis. Non tamen nego, nonnullos ex ipsis quoqve Venetis dictam opinionem de *Tinctura* possessione præteritò tempore fovisse, cui fenestram aperuit fortasse casus quidam Thraconicus; & narrabat mihi sequentem Historiam, unde & *Tinctura* Nostre Veritas, & Exhibitoris summa audacia simul patefcit: *Paucis ab hinc annis, inquiebat,*

O

com-

comparere iubebar in plenò confesso Serenissimi Nostri Ducis, totiusq; Senatûs magni. Cum autem optimè norim, simile mandatum nemini fieri sine pragnante causa, ideò de hac mirari & rimari satis non poteram. Ex Me debitò tempore comparente publicè ita quærebatur: An Tu intelligis Aurum conficere? Ad quæ subridens Ego reponēbam: Serenissime Dux, Patres Patriæ Serenissimi, de possessione specialissimi huius Doni Divini minime gloriari possum; nihilominus non nego, me esse insignem Philochymicum, cum è Chymia cultura & cognitione maximus accrescat Arti Medica, quam profiteor, splendor.

Porro quærebar, an possem cognoscere, num pulvis pro aurifico habitus, sit genuinus, an verò falsus? Ad quæ Ego; me non latere signa, quæ à pluribus Autoribus pro Tinctura notitia prodantur; proinde nullum fore dubium, quin facile sit cognoscibilis. Ad hac porrigebatur Mihi portio Pulveris cineritium colorem præ se ferentis, adnexis his verbis: Superioribus Annis vixit in Nostra hac Urbe Comes quidam extraneus satis splendide; Ut autem eò honestiorem viveret Vitam, conciliavit sibi nonnullorum è Nostratibus Nobilibus, imo Senatoribus Amicitiam; Quibus non solum fassus est aperte, quod calleat Chrysopœiam,

periam; sed & in nonnullorum presentia ignobiliora
Metalla in Aurum verum mutavit. Pro maiore si-
bi fama & gloria comparanda Sereniss. Senatui do-
no dedit hunc, quem vides, Pulverē, quod eodem ma-
ximam Auri quantitatem possint conficere pro lu-
bitu. Ut autem, illa consumpta commodo Publico
porro consulere valerent, dedit simul modum, prepa-
randi dictum Pulverem adjecta in Scheda scriptum.

Antecessores Nostri tunc Temporis lar-
ge utentes incomparabili Pacis Auro, ac inde Re-
publica summe florente, de alio Auro conficiendo
jure merito non erant solliciti: Jam vero trucu-
lento isto Turcico Bello Thesuros publicos ex-
hauriente, ac aurea Pace orbat aliud in Terra
Aurum quærere cogimur. Ego adcurata Oculo-
rum trutina ponderans Pulverem exhibitum, re-
spondi: Vereor, Serenissima Patrum conscri-
ptorum Corona, ut desideratum præstet effectum
Pulvis præsens; Cum facies Ejusdem externa
signa ab aliis definita non ostendat; Hinc curo
per Ministrum citò afferri aliquot carbones ig-
nitos, quibus super vitri portiuncula imposui dicti

O 2

Pul-

Pulveris modicum; sed hoc incallescens, uti debebat, non fluebat; propterea Pulverem hunc esse Opus Mentis & manus fraudulentæ, publice indigitavi. Fubeor posthæc inspicere & ventilare descriptionem Processus; Verum primo quasi intuitu video, huncce Processum esse Aristotelis, Chymici, qui describitur in Theatri Chymici volum. 3. p. 100. His perceptis, mirari satis non poterant omnes mecum Hominis audacissimam temeritatem.

Aperuit mihi simul laudatus *Tackenius*, maleteriatum istum Ostentatorem fuisse *Bragadinum*, qui alteri cuidam Possessori veram *Tincturam* furripuerat. Cum autem non didicerit postea cautius mercari; sed porro alis Icaricis alibi iusto altiora petierit; paulo post consumto Pulvere vere tingente, corniculæ hujus *Æsopicae* fraus detecta; hinc non immerito *Bavariæ* Elector ipsum iussit exaltari, atque evadere in *Literam* longam.

I X. Dum olim exteras aliquot regiones visitare constitueram, pro scopo meo primario [nimirum, ut uterer erudita conversatione Medicorum & Chymicorum hinc illinc celebrium,] cò felicius

licius & facilius obtinendo Patronus meus inæstimabilis, celeberrimus ille Professor & Practicus Lipsiensium, D. Joh. *Michaelis* intentionem meam egregie juvabat Literis ad varios commendatitiis. Horum in numero continebatur quidam Chymiater primicerius & incomparabilis, *ὡν ἐν αἰγίῳ*. [Nomen hujus, & cuinam fuerit à Consiliis Medicis, ob diversas rationes prægnantes hic reticeo,] Post varias sermocinationes verè doctas in hæc erumpebat verba: Ego Me nunc non immerito Seniore Chymiatrorum jactare possum, cum per quinquaginta, & quod excurrit, Annos eandem excoluerim Artem. Postquam enim Annis aliquot sedulam Medicinæ & Chymix in Academiis & Praxi Medica navaveram operam, fui constitutus Archiater Magnæ hujus Dõmus, (quæ est una è præcipuis Europæ; clarius eam nominare non licet,) simulqve constitutus Director Laborum Chymicorum secretorum, quorum Processus à majoribus hæreditariè acceperat.

Commodissima potitus hac occasione, accurate & gnaviter in Naturæ penetralia penetravi (Sumtus enim & Amanuenses pro lubitu mihi semper suppeditabantur;) & ita non solum varia rara inveni medicamenta, ac Mineralium qualitates egregie sum scrutatus; sed etiam

O 3

Post

Post varios casus, post tot discrimina rerum,
ac post plurium Annorum meditationes atque
Labores vix tolerabiles, licuit mihi esse tam *beato*,
ut acquisiverim veram *Philosophorum Tincturam*,
in puncto qua medico, qua transmutatorio, Ve-
terum requisitis respondente. Dum ultimam im-
ponebam manum Labori huic desideratissimo e-
umque post unius & alterius saltem diei digestio-
nem absolvere decreveram, me accedit Chymicus
quidam, tenui vestitus habitu, ac pauperculo Ci-
nistoni similis, honestæ tamen Faciei, [Lingva &
mores eum Germanum esse prodebant,] qui sese
nominis mei in re Chymica famositate irritatum,
pro nonnullis colloquiis chymicis instituendis,
huc accessisse, referebat. Discursus successivè in-
stituti evincebant, hunc in arcanis veræ & puri-
oris Chymicæ plurimum profecisse, ut sic non pa-
rum mirarer, sub sordido hoc pallio, vel Veste
latitare tam raram Sapientiam; donec ad eam tan-
dem deveniremus familiaritatem, quò mihi fate-
retur, sese *Lapidem Philosophicum* possidere; ex-
trahebatque è sacculo scatulam, hujus 2. ferè drach-
mas continentem, monstrabatque Ejus qualitates
in ægris periculose decumbentibus, & in Metallis
impurioribus mirum-quantum efficaces. Et hic
Pulvis

Pulvis meo erat tam similis, quasi in uno Laboratorio, imò in uno vitro simul fuissent præparati.

Cæterum Vitam Vir dictus vivebat summe devotam & humilem, sermonibusque suis ut plurimum immiscebat, actiones nostras omnes, ac præcipue tales labores arduos esse instituendos in promovendam Nominis Divini gloriam, ac pauperum solatium, abususque horum summe vitandos.

Una vice ipsi memorabam, Dominum meum valde mihi indignaturum esse, nisi Hospitis huius, uti rarissimi, ita gratissimi præsentiam Ipsi patefacerem, cum sit summe curiosus. Quamvis autem meus hic Hospes me dehortaretur, quippe qui Vitam in silentio & spe piè & quasi solitariè, Deo & Proximo inserviando deberet consumere; non verò in Aulæ splendore, ac apud Magnates, Mundi que Proceres tumultuose vivere; nihilominus ipso invito accessi Dominum meum, &

Qvis novus hic nostris successerit adibus Hospes detexi. Dominus meus, ut sibi ipsum adducam, jubet lætitia turgidus.

Dum redeo, ille interea abiit sine valedictione mihi meisque facta, ut hucusque Ego nesciam, unde venerit, aut quorsum tenderit, aut quis fuerit.

rit. Inopinus hic abitus & Superiori meo, & Mihi non modicum quidem mœroris afferebat; Nilominus eramus contenti, quod nunc eò certius nossemus, genuinum *Tinctura* maximæ jamdum absolutæ præparandi modum, & quod *Dens* O. M. Nobis quasi per Angelum indicasset, sumtus & labores nostros non fuisse frustraneos; sed veram ad metam Nos collimasse & pervenisse. Ex unâ enim & eadem Materia, uno eodemque modo & Nos & ille *Eandem* composueramus, uti cap. 5. dicitur.

Quid fit autem? Paulo post Dominus meus ablegat me, onustum Thesauro hoc inæstimabili aliorum ad Virum quendam magnum, partim, ut Nobiscum ille triumpharet de arrepta aurei Velleris præda, partim ut rubore suffunderetur, cum sæpius hunc laborem disvasisset serio, ac frustra aureo Hamo nos piscaturos, diu fuisset ominatus. Stipatus autem eram militum cohorte, Bellona tunc in Patria & viciniâ dominante. Verum in itinere Nos invadebant copię militares hostiles, quæ infelices meos defensores partim occidebant, partim vulnerabant, partim in fugam vertebant; Me autem honestè vestitum cum aliis nonnullis captis privabant vestibus, meisque omnibus, quæ mecum portabam.

Pre-

Precibus omnibus frustra adhibitis, petii tandem saltem, ut redderent hunc Pulverem chartæ & scatulae argenteae inclusum, cum Mihi valetudinario cederet in quotidianum Medicamentum, (Ipsis enim detegere, qualis revera esset Pulvis, consultum non judicabam; mihi enim certe non reddidissent,) Sed placuit imperscrutabili *Divina* Voluntati, ut indigna ista Manus Mavortia rabida & invida furens truculentia, Thesaurum huncce regias opes æquantem in auras dispergeret, reservata sibi argentea scatula Pulverem tenente. Qua incredibili Mentis consternatione & confusione domum redierim, judicet quilibet.

Proinde denuo relictis aliis negotiis totus-totus eram in nova præparatione maximæ hujus *Tincturae*; severissime quidem ad hoc itidem Me stimulante Domino meo. Quamvis autem maxima sedulitate, nocteque dieque quasi incumberem huic Labori, omnes item enchirises mihi fuerint optimè cognitæ, ac in recenti memoria; nihilominus nunquam denuò ad optatum finem perducere processum huncce, vel solò nomine quoslibet ad sui desiderium cogentem valui, licet aliquoties à principiò cautè & curiosè fuerit tractatus. DEO enim procul dubiò sic volente, aut rumpebatur aliquando vitrum, aut omittebatur aliqua enchirisis,

P &c.

&c. Donec tandem, accedente torpore senili, torpescere quoque hunc laborem si verim. Propterea de *Tinctura* hujus *Universalis* Veritate autoptes possum esse Testis, & quidem dupliciter de meâ nimirum & alterius; Lucrum autem inde speratum & emergens aliis digniorib⁹ relinquens. Hucusque Vir ille magnus.

X. Prodiit duobus abhinc lustris in lucem Amstelodami Tractatus sub hoc Titulo: *Introitus apertus ad occlusum Regis Palatium, Autore Anonymo Philaetha*. Incognitus hic Autor veluti varia ad rem hanc facientiâ per integrum Opusculum partim perspicue, partim obscure proponit, ita in specie de stabiliendâ possibilitatis veritate, Cap. 1. p. 2. inquit: *Possẽm omnes hac de re citare Philosophos; at Testibus non egeo, quia ipsemet Adeptus, & lucidiũs scribo, quam antehac ullus*. Et Cap. 13. p. m. 25. de Virtute medicamentosâ incomparabili sic loquitur: *Hoc nuper sum expertus in Locis quibusdam peregrinis, ubi Medicinam moribundis quibusdam desertis, atque afflictis corporis miserius exhibui; & ad miraculum sanitatem recuperârunt. Murmur statim factum est de Elixire Sophorum, ita, quod non semel, summis cum molestiis, mutatis vestibus, raso Capite, crinibusque aliis indutus, alterato nomine, noctu fugam face-*

facere; aliter in Manus Hominum nequissimorum mihi insidiantium (ob solam suspicionem unam cum Auri sita sacerrima conjunctam) incidissem. Et pag. m. 28. de Transmutatione metallica hæc proponit verba: Novimus Nos, quod, dum quondam vendere Argenti purissimi tantum, quantum 600. Libra, tentaremus extra Patriam nostram mercatori similes induti, Metallici, quibus obtulimus, statim Nobis dixerint, arte factum esse argentum. Causam, cur id affirmarent, rogantibus nobis nil aliud respondebant, quam argentum, quod ex Anglia, Hispania, &c. affertur, discernere non jam discituri sumus; at hoc est ex nullo illorum genere. Quod nos audientes, clam nos subduximus, & reliquimus tam Argentum, quam pretium nunquam repetendum. Fugam autem ita sibi consulit Autor ob imminentes à nebulonibus insidias, cum, uti paulò antea dicitur, à nullo alio loco Argentum adeò finum affertur, ac Arte Nostra productum est.

XL. Clariss. Christ. Adolphus Balduinus, Collega honorandus, in Phosphoro Hermetico, Auro Auræ adnexo, pag. ultimâ è Friderico Gallò refert, hunc vidisse imprimis mirificam rem! nimirum illi ostendisse secretò monachum, è nobili Trautmanns-

mannsdorffiorum Genere oriundum, (quem a reliquo Viventium cœtu Religio sua abduxit,) Tincturam; Magnitudinem si spectes, non multum fabam excedentem, eamque majusculam. Colorem autem eum fuisse, qui & Granati lapidis esse solet, quales è Bobemia adferuntur non pauci. Præcipua ipsi dos splendor; lampadem credidisses in vitro ardentem. Idem rarum transmutationis Metallicæ & perspicuum adducit Exemplum dicto in Tractatu Aurum Auræ inscripto, cap. II. p. m. 148.

XII. Dum hæc scribo, nimirum A. 1677. mense Jun. sancte Mihi affirmat Amicus fide dignissimus, *Vien-na* redux, ibidem Virum quendam peregrinum oculos, aures, & lingvas omnium in se vertisse, & quasi fatigasse, dum Luem Veneream, aliosq; morbos durissimam Herculis clavam poscentes paucissimis dosibus medicamenti sui unici & universalis eradicaverat; nec minus Metalla ignobiliora sæpius in Aurum verum converterat. Mone-tam argenteam dictus amicus se ipsum, ait, vidisse, dimidia parte ita tinctam, & in aurum conversam; altera vero parte nativam adhuc speciem servante. Bonam portionem dictæ *Tincturæ* Augustissimo
Cæsa-

Cæsari, Leopoldo exhibuit, ut ingens ignobilioris Metallī copia tingi, & multa Aureorum millia inde cudi possint; atque ut ipse quoque sub potentibus Cæsareis Alis eò securius viveret, cum variæ ipsi à variis jamdum sint structæ insidiæ. Possessor autem dictus *Tinctura* hujus fatetur, se ipsum illius conficiendæ, imo totius Artis Chymicæ prorsus ignarum esse; sed *Eandem* aliunde ad suas pertigisse manus. De quo dies fortè plura edocebit.

XII. Artem nostram *Europa* Confinia transvolitasse, & ipsam *Sinam* quoque intrasse testatur *Joh. Nihofius*, in descriptione *Sinæ* pag. 295. & *Erasmus Francisci*, in Exteriorum Artis & Morum speculo, Libr. I. Histor. 16. p. m. 98. seqv. & quidem ex *Trigautio*, & Martino *Martinio*. Quamvis autem dicti *Sinenses* hâc insanum - quantum abutantur, ut propterea etiam vix, & ne vix quidem, desiderato potiantur sine, tam in Re medicamentoſa, quam in Re metallica; illâ enim Reges nonnulli immortalitatem adipisci posse falsò sibi persuadebant; hâc verò ob insatiabilem & damnabilem Auri & Argenti famem; nihilominus adducam duo Exempla, stolidam hâc in parte *Sinensium* vanitatem, simul tamen Artis veritatem demonstrantia:

1. *Sinensium* vanitatem absurdam haurias è dicto *Francisci*, locò cit. p. 99. Imperator *Hiaonius*
P 3 à Chy-

à Chymicò sibi persvaderi passus est, ut menti suæ fixum immotumque sederet, si certum aliquod medicamentum ab eò paratum assumeret, Eum mortalitati non fore obnoxium. Fidus Ejusdem Amicus (potius Consiliarius aut minister) frustra sæpius tentaverat has impressiones Animo Ejusdem exturbare. Aliquando tandem memorabili dolò ad frugem perduxit, dum potum præsentem, cui mixtum erat medicamentum dictum, Cæsare talia nequitiam cogitante, ebibit subitò. Cæsar valde irâ percitus, stricò gladiò illum aggreditur, mortem minans. Sed ille subridens dixit: *Quomodo Tu me poteris occidere, cum hauserim potum Immortalitatem. Nobis, uti credis, conciliantem?* Quib⁹ verbis ponderatis ad saniozem rediit mentem, erroremq; risu dignum fassus est Cæsar, Sapientiamq; Amici decen-ter laudavit. *Olearius*, in Itinerariò Persicò paulò aliter describit Historiam allegatam; nimirum Poculū, è qvò bibere consueverat dictus Imperator Sinensiū, fuisse præparatum ex efficaci tali Auro chymico.

2. Aliud Exemplum Sinense pro Artis Veritate militans est tale: Idem Cæsar *Hiaouus*, cujus modo mentio facta, è crescente debilitate senili judicat, Mortem esse in propinquo, propterea pro continuandâ eâ, qvâ Regimini publico semper laudabiliter præfuit dexteritate, con-
vocat

vocat Consiliarios secretioris Consilii, & post varia alia jubet, ut aperte, & juxta Conscientiam proponant, si quædam pro Subditorum & Reipublicæ commodo forent melioranda, abroganda, mutanda, &c. Ad quæ quidam Consiliarios: Nimis vacivas, gratiosissime Cæsar, dedisti aures illis, qui Artem Vitæ prolongandæ, & Immortalitatis acqvirendæ docent; maximosque in eisdem sumtus impendisti; quonam effectum id factum, ipse jam experiris, Viribus Tuis à Senectutis carie consumtis; proinde humilime petimus, velis Animum mutare, ac Artem hanc multa dicentem & pauca probantem deferere. Quibus Cæsar respondet: Vera profers; Hactenus enim Me seduxerunt isti fraudulentum; hoc tamen propria mea culpa factum; cum nimium fuerim credulus; jam verò certe patet, ipsorum verba non esse Veritatis radiis illustrata. Finis enim meæ Vitæ certò est in propinquo, quam mihi prolongare, Mortemque plane evitare, speraveram. Multa absurda hac Arte institui, magnas impensas feci, & per hanc hoc unicum obtinui, ut canitiem hancce meam obtinuerim sine morborum insultibus, & ab ægritudine præservatus, Artem enim Alchymicam in hoc multum præstare posse, nullò dubito. Immortalitatem autem conciliare cuidam neutiquam valet.

Coro-

XIII. Coronidis loco produco quendam, qui veluti Sorex se prodit; ille est aliquoties hætenus citatus celeberrimus *Kircherus*; Hic Mundi subterr. Libr. II. sect. 2. cap. 9. p. m. 283. pro Alchymia summis opprobriis afficienda corralis variis apud Superos & Superiores rationibus, tandem planè ad Acherontem descendit; statuens, Dæmonem ut plurimum sese Alchymiae Cultoribus immiscere. Quamvis autem hoc fieri posse in genere concedam, præcipue apud istos, qui sine legitima vocatione, ac malo è proposito Laborem hunc magnum sunt aggressi, ac proinde optato fine potiri non valuerunt; hinc formidine instantis ignominiae & Paupertatis, desperati quasi redduntur, ac illusionibus fraudibusque Diabolicis periculosis sese sua sponte exponunt; Cum insuper tenebricosus iste milleartifex pro capiendis atque decipiendis reproborum & securiorum Animabus, Facultatum aliarum quoque Cultoribus, Chymia ne utiquam concurrente, sese aliquando immisceat, testantibus plurimis Exemplis; pro acquirenda Sapientia, Honore, Divitiis, Generositate, impentrabilitate, &c. tamen denuo argumentatur à particulari ad universale, modo in Philosophia irritò Vir hic magnus.

Ne autem iterum ipsi tenuia mea opponam
Ver-

Verba dissentientia, loquatur pro me cum aliis curiosissimus Erasmus *Francisci*, qui in extraneo *Artium & Morum Speculo*, libr. 4. cap. 1. p. 1214. inquit: Proinde *Alchymiae Hostes* nihil evincunt *lavora Diabolica*; restat enim ipsis, ut probent, *Diabolum*, parare *Tincturam Universalem*, vel *Aurum purum* immittere *Crucibulo*, subducto *violiore Metallo*. Quamvis enim *Exempla* nonnulla possent dari, quod aliquot *avaros* seduxerit ac deceperit, vel *alios* iuraverit, inde tamen *universalem conclusionem* subnectere non licet. Corruit potius *Antagonistarum suspicio*, *Diabolum*, hostem *Hominum infensissimum* citius conficere *Venenum*, quam *Tincturam universalem*, utpote *medicamentum incomparabile*. Et paulo post: Verum, uti dictum, hoc realiter fieri in hoc vel illo casu, & quidem semper, clara indiget probatione, quæ deficit contradicentibus. Nihil ergo adscribendum est *Fonti Stygio*, quod manifestis *ratiociniis* è *Fonte Naturæ oriundis* est demonstrabile, Hucusque laudatus *Er. Francisci*.

Q

Minimè

Minime autem Nos ferit Historia producta Kircheriana, quā verbis inde magis contractis addam: *Vir chymica Artis peritissimus mihi retulit sequentia; Cum Ego plures Annos in Alchymia sine ullo profectu consumsissem, & quodam die intento ab Alchymistis scopo, id est, Lapidi conficiendo totus incumberem, & arcanum me penetrasse, plane mihi persuaderem, convenit me Vir quidam antea ignotus, ac humanissimis verbis salute imprecata rogavit, quid agerem, & cui rei tanta sollicitudine incumberem? Video inquit, ex Chymicis Tuis vasis & materierum congerie, Te magnum quid in Arte Chymica moliri; sed quod intendis, minime Te consecuturum, crede. Ego respondi: Si Tu aliquid melius noris, id me doceas velim; dixit, obsequar Voluntati Tuae, & mihi in calamus dictabat veram procedendi methodum. Hæc juxta præscriptam methodum operando in Praxin rede- gi. Labore peracto exemi materiam in vase relu- centem instar olei, & superfuso liquore mox con- gelatam massam reperi, quæ in Pulverem redacta,*
Et su-

Et supra 300. libras hydrargyri projecta, illud in Aurum obrizum naturali nobilius, apud Aurifices omne examen subiens, convertit.

Ego ad rei inusitatae eventum attonitus praegaudio vix me capiebam; jam in redivivum Cræsum me evasisse censebam. Post maximas gratiarum actiones quærebam, unde nam esset. Respondit: se Mundum peragrarè, nullius ope aut opibus indigere, Amicis in desperato Artis magnæ exercitio inutili Labore se fatigantibus ad prosequendum studium, nonnihil de Arte sua communicare. Hisce dictis hospitio, quod humaniter obtuleram, recusato, ad publicum divertit. Postero die summo mane Benefactori iteratas gratias acturus ad diversorium me confero. Sed Tabernarius dicit, se nullum ea nocte habuisse Hospitem; accedo omnia Urbis diversoria; sed omnes dicunt, se nil de eo audivisse. Domum reversus statim ad novum Artis specimen me accingo juxta tenorem præscriptorum Præceptorum; sed operatione peracta nullum

Q²

rei

rei successum reperio, & quia credebam, hunc errorem contigisse ex incuria, aut unius vel alterius intermissione, maxima diligentia repetii operationem; sed rursus spe mea fraudatus, iterum iterumque operationem inchoabam tantis expensis, ut omne Aurum ex prima projectione acquisitum expenderim.

E dictis Kirherus cum amico suo concludit hoc opus fuisse illusionem Diaboli sub specie Hominis apparentis. Verum ut nihil de hoc dicam, quod Amicus non ingenue, sed juxta Animi passionem rem narraverit; quis enim crederet, quendam in Chymia peritum ad *Tinctura* elaborationem, licet aliquoties inchoatam in præscripti unici processus labore consumere posse 300. libras Auri naturali nobilioris? Nec capere possum, quomodo ex temporaneo modo potuerit conficere *Tincturam*, præsentem Hospitem, cum tamen postea 300. Libras Auri prius confecti in illius præparatione frustra impenderit.

Hoc saltem dico, Illum pro scopo Laboris habuisse Auri famem & divitias acquirendas, uti sensus Historiæ manifestè docet, hinc ipse frustra laboravit, postea Adeptus hoc facile subolfaciens, aut veram labo-

laboris methodum ipsi perfectè, non communica-
vit, aut *Deus* Cordium Scrutator, Labori non be-
nedixit, (qva de re capite seqv. plura proponuntur.)
Unde & factum, ut ille Adeptus clanculariè & tacitè
abierit. Tales enim Adepti volunt esse occulti.
nec Mundo similes, veluti testantur *Historiæ Thesi*
8. & 9. allegatæ.

Plane similem quoque refert celeberrimus Je-
suita *Del Rio*, disquisit. *Magicar. Libr. 5. cap. 5. qvæst.*
2. lect. 4. p. m. 72. *Antonius Tarvisinus*, inquit,
Pharmacopola coram *Andr. Gritto*, Duce & præ-
cipuis *Patritiis Venetis* *Argentum vivum* in *Au-
rum* commutavit. Narrabat ille à Gallo quo-
dam, domi sua per aliquot menses hospitaliter
excepto eum se *Pulverem* honorarii loco accepisse;
sed ut eò, tanquam arcano uteretur. Se ve-
ro non tam privati commodi, quam publica Fi-
dei studio erga *Rempublicam Venetam*, Hospite
in scio, *Venetias* navigasse, rem *Patriæ Patribus*
indicasse, specimen *Artis* exhibuisse; privatim quo-
que in *Corneliorum* adibus non semel. Interea
vero *Gallum* illum insalutatis omnibus discessisse,
neque se quicquam amplius de ipso rescire potuisse.

Ut autem ad *Historiam Amici Kircheriani*
regrediar, *Rationi sanæ* nō videtur congruum, hic
confugere ad illusionem aut communicationem

Q3

Dia-

Diabolicam. Quam, quæso, clauda hæc est consequentia: Vir ille peregrinus volebat pernoctare in diversorio quodam publico; sed talem in nullo reperire potui. Ergò, ille fuit Diabolus specie Hominis apparens? An non poterit ille divertisse in domo privata, obscura, vel iter suum in alium locum instituisse? cum tales velint latere, & apud indignos esse incogniti, ceu modò dictum, & in seqv. dicetur. Æquus Lector conferat dictam Historiam cum antea allegatis, & nullam intervenire discrepantiam fatebitur.

Superessent varia adhuc perspicua Testimonia, v.g. Gloriosissimi Imperatoris *Rudolphi*, certi hujus Mysterii Possessoris, variorum item aliorum, è quorum ore hausi veritatem rei; Cum autem satis jam fuerim prolixus, & cavendum mihi sit, ne molestus sim æquo Lectori; à reliquis verò, quorum Cerebella tanta pertinacia obsedit & stupefecit incredulitas, ut modo adductam tamque claram Virorum magnorum Fidem spernant, dubiumque reddant, nullū assensum obtineri posse crediderim, licet vel Sapientissimus *Salomon*, vel ipse Sanctissimus *Moses* cum ingeniosissimo suo *Bezaleele*, ad artificiosas Metallicas operationes Divinitus electo redirent, ac de rei certitudine testarentur. Propterea hæc dicta sufficiant.

Coro-

Coronidis loco, & obiter qvasi, hic addo, ex allatis Historiis patescere; dari etiam in Rerum Naturâ divites Chymicos, neque de essentia Eorum esse, ut sint pauperes; veluti in Artis Chymicæ opprobrium circumvolitat Invidia scomma; Hoc enim saltem ferit infelices & indignos Artis Discipulos, qui vel plane veram Materiam & enchirises ignorant, vel malo proposito rem aggrediuntur, ut proinde à vero scopo aberrarent, ac spe sua excidant, temeritatisque suæ dignas luant pœnas.

CAPUT IV.

Ventilans, an consultum sit Christiano, immediatè in Tincturam Universalem inquirere?

MUltis sane superflua, imò absurda & insipida videbitur hæc Qvæstio; Cum tam prolixus fuerim in demonstranda hujus possibilitate; Qvia etiam tam incomparabilis utilitatis, & miraculosæ sit efficaciæ hæc *Tinctura*, uti superius de Ejusdem Usu amplissimè deprædicatum & deductum, tantum abest, ut dubitandum esse videatur

tur de elaborandi studio, ut potius curiosi ac Philochymici omnes ad tam utile, imò Divinum opus exercendum stimulentur, & impellantur; Cum irrefragabili piarum atque sanarum Mentium Testimonio neutiquam tempus commodius impendi possit, quàm in Labore aliquò DEI O.M. Gloriam, ac Proximi commodum, modis extraordinariis præcipue, promovente.

Verum enim verò, quamvis negari minimè possit, si Artem hanc ipsam per se consideremus, omnino consultum videri, eidem quemlibet incumbere, aut Ejusdem exercitiò animum applicare; Tamen si perpendamus ponderosissimas nonnullas circumstantias, summeque dubios heic intervenientes eventus, & plurimum variantia accidentia, neminem jure mihi huius Quæstionis ventilationem vitio vertere posse, certè credo, si sequentia æquā animi lance perpenderit:

Pro hac Controversia cò felicius & facilius dilucidandâ & sopiendâ præmitto hanc Thesin. *Deus* O.M. (cujus opera sunt magnifica, & cogitationes Ejusdem nimis profundæ, quos Vir insipiens non cognoscit, nec stultus intelligit, juxta Psalmum 92. v. 7. 8.) *Regale hoc donum revelat ac concedit saltem paucissimis*, & quidem illis, quos extraordinariâ vitæ simplicis integritate, ac inculpato puræ Fidei,

dei, Pietatisq; studiô pro *Divina* Gloriæ augmen-
tô, Aegrorumqve, ac Pauperum solatio illud adhi-
bituros, nec æternô propriæ salutis dispendiô eodem
esse abufuros cognoverit. Per dictam revelatio-
nem tamen minimè intellectam volo fictam ali-
quam inspirationem Enthusiastico - Qvackeria-
nam; sed qvòd Labor hic institutus methodo natu-
rali minimè è votò succedat sine speciali directione
& permissione *Divinâ*.

Audio hîc statim nonnullos appellare ad Expe-
rientiam contradicentem, & contraria producere
Exempla, v. g. *Paracelsi*, & aliorum, qvi Actioni-
bus Suis impiis, ac Vitæ Christianò indignæ impuri-
tate propositum Axioma facile ac manifestè destru-
ant. Theophrastum *Paracelsum* qvòd attinet,
controversiam qvidem hanc non facio propriè
meam, cùm mei non sit Propositi, hîc Ejusdem
Mores & Vitam examinare, aut ventilare. Nihi-
lominùs breviter dico, Illum laudari ab his, veluti
culpatur ab *Oporinò*, aliisqve. Omninò tamen
multa Theologica in Ejusdem Scriptis planè Athei-
smum olent, ac duriuscule sonant in Auribus verè
Christiani; Econtra vero è pluribus ibidem le-
gitimus Ejus erga *Divinam Majestatem* cultus
qvodammodo poterit demonstrari, ut proinde pa-
tescat, Illum fuisse Hominem Ingenii vagabundi &

R

incon-

inconstantis. Rei vero Medico-chymicæ Eundem plurimum utilitatis exhibuisse, nec Invidi negare possunt; Ut enim taceam reliqua omnia, immortale meretur Nomen vel ob solam inventionem *Elixiris Proprietatis*, atque Mixturæ simplicis, (quam arcanum Caduci Ipse adpellitat,) è qua alii postea *Tincturam Bezoardicam* composuere. Sed, qui plura de *Paracelsica* Vita desiderat, præter alios consulat radiantem Phosphorum Septentrionalem, Olæum *Borrichium*, in Tractatu Hermetis, Ægyptiorum & Chymicorum Sapiencia vindicata inscripto.

Ut Ego ad objectum superius dubium redeam, eiqve satisfaciam, rehero: Posito, *Paracelsum* [aut alios Possessores *Tincturæ*] Atheismi posse convinci, ac Ejus Mentem Levitate, imo Impietate execrabili fuisse imbutam; hoc tamen mea Thesis non infringitur; Nam *Deus* cognoscens hunc abusum esse hoc regali dono, illud illi, tanquam indigno iterum abstulit, dum ille, qui varios pedem jamdum in Cymba Charontis habentes ope sua Medica retraxerat, Ipse morte immatura ad plures abire tuit jussus. *Paracelsum* enim Anno Ætatis suæ 43. vel juxta alios 48. mortuum esse, testantur Historiæ. Quod quidem Mortis tempus *Tincturæ* Possessori non immerito præcox

cox & immaturum nominandum. (Ut taceam in-
super una hirundine non probari Veris præsentia.)

Potest enim justus *Polarcha*, & solet pro me-
ritis Nostri & dare, & auferre; Qvemadmodum
Regem *Saulum*, quem antea è toto Populo ele-
gerat, ob malos mores postea iterum deserebat.
Non minus Benedictio Domini divitem faciebat
sine labore Regum Sapientissimum *Salomonem*,
quamdiu omnipotenti huic Rerum Directori
commendabat vias Suas, adeo, ut non sine stu-
pore legi possit, 1. Reg. 10. quantam Auri farra-
ginem cummlaverit; Argenti autem tantam-tan-
tam fecerit copiam. ut nihil vel vili æstimatum,
vel lapidibus æquiparatum illud fuerit. Postquam
vero Polygamiam & Idololatriam cum Ethnicis
infectabatur Ille, severa, eaqve iusta percitus in-
candescencia *Deus* O. M. Regnum non modo
maximam partem detrahebat Filio; sed etiam cor-
nu copiae suum largissimo antea alveo Benedictio-
nem effundens ita constipabat, & claudebat, ut
Redituum Director Argentum paulo antea lapi-
dibus non carius habitum à Subditis extorsurus
lapidibus obrutus ad plures fuerit missus.

Ac veluti idem miraculosus *Deus* è sexcen-
tis millibus, & ultra Judæorum Ægypto ideo mi-
raculose eductorum, utpote benedictæ suæ Gen-
tis,

R 2

tis,

tis, duos saltem, *Josnam* nimirum, & *Caleb*um, promissam Terram intrare permisit, reliquis omnibus propter varia crimina perpetrata rejectis, & in deserto mortuis; Nec pepercit ob commissum diffidentiae erratum maximo *Moyse*, cum quo saepius facietenus quasi collocutus, ac familiariter, ut sic dicam, eo usus fuerat antea. Sic *Judas Ischariotes* Collegii Apostolici erat Membrum, ut proinde olim potuisset inter primarios Ecclesiae Doctores lucere veluti Splendor Coeli, ac Stellae; Quam male autem avaritia seductus rerum suarum, ac imprimis Animae curam gesserit, *Divinae* clementiae passus jacturam, etiam Pueri Nostri è Sacris norunt.

Quam brevem persenserit fructum à liberatione Sodomae imbre Sulphureo-igneo subversa & submersa *Uxor Lothi*, *Divino* Mandato inobediens, docet Liber Genesios, cap. 19. v. 27.

Sic Omnipotens, Cujus Manuum opera sunt Coeli, & Pedum scabellum est Terra, è tot Mundi Regnis, è tot Provinciis, è tot Urbibus constituerat *Hierosolymorum* Urbem quasi sedem exercitii Pietatis, Ejusque Templum habitaculum cultus sui *Divini*, ibidenque habebat Ignem & Focum suum juxta Populum sanctum è cunctis aliis

aliis electum in gloriosissimi Nominis sui sanctissimi memoriam. Quomodo autem ingratum & impium hunc Populum sese deferentem deseruerit, loquitur in omnium ore dictæ Urbis Excidium Excidiorum omnium horribilium horribilissimum.

Eidem Fato ac Poenæ, ceu jam de *Paracelso*, Atheismi incusato dictum obnoxii sunt alii indigni, si qui dantur, Mysterii hujus Possessores. Cuicunque enim Hominum licuerit esse tam beato, ut hoc fuerit adeptus, idque postea ad usus illicitos & impios adhibuerit, illi certe in propinquo est vindicta *Divina* interitum minans. Juxta enim Historias capite præcedente allegatas, ut & aliorum Experientiam, *Deus* tunc vel permittit, ut ante diem suum moriatur dictus Possessor; vel ut ab aliis ipsi eripiat *Thesaurus*, & hoc quidem aut clanculum aut manifestè, sæpe non sine Vitæ suæ dispendio; vel ut aliis modis hic improviso pessumeat. Similiter alii aliis hoc suffurantes, aut per fas & nefas comparantes brevi saltem Temporis spatio, ac sibi infausto eventu de hujus possessione possunt gloriari; cum illegitima & prava intentione (ut plurimum Auri fame impulsæ,) id obtinuerint, secundum commune dictorium: Væ Tibi, qui spolias; nam mox spoliaberis ipse. Objectionem illam scoticam, quod

R 3

Para-

Paracelsus, aliiqve *Tincturæ* Possessores non fuerint longævi, nonnulli quoq; solvunt per rationes Physicas; Vitæ nimirum abbreviationem fortasse talibus accidere posse ob *Tincturam* frequentiore ac largiore dosi sumtam, dum à summe efficaci & penetrabili hujus Virtute Calor innatus quasi suffocatur. Videmus quidem communiter multos mori ob Spirituum resolutionem & defectum; non paucos tamen etiam ob Spirituum suffocationem, Sangvine plethorice & flatuose nimis ebulliente, & p.n. fermentante, v.g. in febribus ardentibus, in copiose haustô vino generoso, ejusq; Spiritu, &c. Aut veluti videmus ellychynii flammam diu in statu suo sustentari vegetam, si debita olei portio ipsi affundatur; cito autem suffocari & extinguvi, si largiore olei affusione obruatur.

Sopitâ hâc *Paracelsicâ* controversiâ, regredior ad dilucidandum propositum meum Axioma. (nimirum, quod DEUS O.M. Arcanum hocce saltem concedat & concedat paucissimis verè piis] Proinde rebus suis optimè consulit ille, qui antequam mentem manumqve maximo huic labori est appliciturus, prius secum habitat, ac per subtile cerebelli sui cribrum transjiciat & transcolet cogitationes suas, & ex se ipsò adcuratè quærat, quisnam sit, hoc est, ad quæ negotia pertractanda DEUS, maxi-

4. Consultum est Christiano inquire.
CAPUT IV.

135

maximus ille Pater Familias Talentum suum de-
stinaverit? Illi igitur, qui vocationem legitimam
sibi promittere poterunt, eam obtinent vel *me-
diate* vel *immediate*. 1. *Immediate* quidem hæc
præcipue competit Medicis. Horum enim Stu-
dia & meditationes nisi Conscientiis suis stigmata
velint inurere, sunt instituendæ, non solum, ut Me-
dicamentis diuturna Antecessorum Experientia
comprobatis Corpora humana, à morbis præfer-
vent, & per illa iisdem hos exturbent; Sed etiam
ut Regnorum animalis, vegetabilis, & mineralis
res naturales magis, magisque ruminent, in ha-
rum qualitates tam Philosophia speculativa, quam
præprimis pyrotechnica laboriose & adcurate in-
quirant, nec saltem credant, quod Veteres credi-
derint; sed aliorum Inventis pio & licito fastu &
æmulatione sua addant, adeo, ut, quò plus sint
potæ, plus sitiantur aquæ. 2. *Mediate* vero, decen-
ter & legitime sese vocatos credere poterunt Pro-
ceres & Magnates *Mundi*; In specie illi, quorum
ditiones *Cælestis* Diribitor & Gubernator ditavit
Metallifodinis, ac similibus ad has pertinentibus,
variasque ita naturalia scrutandi occasiones præbuit.

Quemadmodum enim Rex aut Dux ali-
quis in Territorio suo summus est Episcopus, atque
Animæ suæ Saluti consulturus, Rerum Theologi-
ca-

carum, curam debet gerere, & de subditorum Animabus omniscio Rationum Examinatori strictam olim reddere cogetur rationem; Ac veluti Idem supremus est Legislatoꝝ Justitiæqꝛve Administrator, Virtutes stabilire, Vitiâqꝛve exturbare tenetur. Ita non minùs, si Talentorum sibi concreatorum debitam vult exercere dispensationem, Metallorum, Mineralium, imò analogorum omnium, rem Physicam concernentium, quibus subiecta Terra dotata est, per Viros Rerum Medico-physico-metallicarum apprime gnaros rigorosam meritò instituat inquisitionem, num inde aliquid emergere possit, quò DEI Gloria, commodior subditorum sustentatio, ac Proximi utilitas magis magisque promoveri; Sanitas item præsens conservari; ac amissa restitui valeat.

3. Hisce *mediate* vocatis subjungimus & adnectimus alios Viros magnos & divites, qui Christianâ & laudabili curiositate ad rerum metallicarum, aliarumqꝛve Physicarum indagandarum culturam rapiuntur, ac opes suas piò ac devotò fervore, aut hæreditariò sæpè stimulo huic impendunt. Si quando igitur unus & alter modò dictorum dictò modò, id est, piâ devotione ac verè Christianò proposito incitatus, atqꝛve Animum curis publicis, meditationibusqꝛve alijs utilibus fatigatum

tum recreaturus, dum miraculosas Naturalium operationes scrutatur, aut doctos ministros suos scrutari jubet, simul audeat aggredi elaborationem *Tincturae Universalis*, rem fortè faciet *Numini Divino* non invisam; caveat modò ne limites curiositatis transcendat, aut per hæc obliviscatur Muneris sui ordinariè obeundi, aut invitò marsupio suò tam ardua tentet. Si verò fortassè eveniat, ut locò desideratæ Pyxidis aureæ accipiat saltem Argentò aut Plumbò repletam, (præsuppono tamen, in methodò elaborandi non fuisse peccatum; aliàs habet, quod sibi ipsi adscribat errorem, & inde secutum irritum effectum,) ægrè minimè ferat; sed contentus suò Grosò acceptò, juxta Matthæum cap. 20, v. 9. certissimè sibi persuadeat, Illum, qui Animarum Nostrarum Saluti invigilat, optimè novisse, talem eventum ipsi fuisse magis conducibilem. Per adeptionem verò pyxidis argenteæ vel plumbeæ indigito; licet spe suâ nimirum *Tincturae* adeptione, primariò exciderit Operator, nihilominus rarò omnem ille sit perditurus Operam; cum hoc modò, ut plurimum inveniuntur tam in re Medicâ Medicamenta egregia, quàm in re metallicâ, &c. enchirises raræ pro Valetudinis & crumenarum commodò. Ut enim nihil dicam, quàm egregia Menstrua prò solvendò Auro,

S

Ar-

Argentô, Coralliis, &c. & varia utilia alia inveni-
antur, dum meditationes & labores impenduntur
Tinctura Universalis à legitime vocatis; unici Ex-
empli loco adduco saltem Spiritum Mundi, &
huic analogia Medicamenta specialia, laudabilibus
effectibus sese pluribus in morbis manifestantia;
de quo videatur Nietnerus, peculiari de hoc Tra-
ctatu, Frid. Hoffmannus, Clavis Pharmaceutic.
Schröder- Libr. 3. c. 3. pag. 140. 141. & libr. 3. cap. 9. p.
21. item alii plures. Optandum esset, ut non-
nulli è Mundi Primatibus potius reditus superflu-
os impenderent in adcuratiorem rerum naturaliū
perscrutationem, unde *Dei* Gloria, ac Subdito-
rum (quorum quomodo curam gesserint, rigoro-
sum & horribile ipsis olim imminet Examen,) *Salus*, *Sanitas*, & *Sustentatio* commodior emer-
geret; quam, ut ex *Ambitione*, *Avaritiâ*, &c. de-
licias quærant in Bello sæpe ipsis inutili, imò sum-
me noxio, similibusque rebus Rusticorum Cruo-
re, Lacrymis & Sudore anxio perfusis. Negari
enim neuiquam potest, beneficentissimum *Crea-
torem* ditasse varia Loca Thesauris inæstimabili-
bus, in Terræ non solum profunditate latitanti-
bus; sed etiam sæpe superficietenus, sub vili qui-
dem & spreto ut plurimum facie, Nostro visui ex-
positis, vel ipsam illam Possessoris ditionem, si
ven-

venderetur, pretio superantibus. Si modò Territoriorum nonnulli Domini, (nonnulli dico, quum alii desideratum laudabiliter præstent; aliis vero præstandi occasio deficiat,) Oculos aperirent; & qui Horum sunt Manus & Oculi, [Consiliarios & Redituum Directores intelligo,] in hos inquirerent, vel Eruditos inquirere juberent; Quod desiderium quidem præprimis florente aurea Pace intellectum velim; Cum enim inter Bella fileant Leges; tantum abest, ut Bellona similia curiosa tractari sit admissura; ut potius Sangvinem plebis, (metamorphosi Philosophis & Chymicis etiam acutissimis incredibili,) per nimias taxationes, & extorsiones ferè crudeles in Aurum & Argentum sit transmutatura; Qua vero Conscientia id fiat, meum non est, hic inquirere, aut decidere. Proinde Possessoris desidia & indignitati est adscribendum, quod similia occultè sepulta lateant arcana.

Quibuscunque verò assignatum est Viræ Genus aliquod à Medico-chymicâ rerum Physicarum perlustratione, seu *mediate* seu *immediate* instituendâ, uti jam dictum, alienum, illi certè credant, sese carere legitimâ ad hoc opus vocatione; hâc verò utpote summè necessariâ deficiente, ii sibi porro persvadeant, sese suâ spe ac fine infallibiliter excidere; aut si fortè *Tincturam* improvisò

S 2

obti-

obtinerent, possessionem hanc futuram ipsis esse brevem, irritam, imo periculofam. Si enim *Cardiognosta Cælesti*, Corda & cogitationes nostras observanti in magno illo Rationum die cogemur rationem reddere de quolibet inutili Verbo, Teste *Scriptura Sacra*, quam rigorosa, quæso, expectanda erit inquisitio, de Talento concreditò, non tam sermones, quam labores Nostros ipsos concernente, an illud decenter & legitimò modò fuerit expensum. Minimè enim supervacaneè aut ludicre dictum iudices dieterium *Syracidis*, cap. 3. v. 23. 24. 25. *Non Tibi conducit, ut prosequaris illa, qua non habes in mandatis; Et Tui quod non est muneris, frivole ne aggrediaris, jam dum enim plus Tibi est commissum, quam poteris exequi. Qui verò periculum amat, in illò peribit.*

Tales autem sine debità vocatione laborantes optatò scopò non esse potituros; Sed Bona sua pro *Lapide* acqvirendò dilapidaturos esse, vel inde constat, quòd ob finem verò Christianò indignum, nimirum Avaritiæ, Arrogantiæ, aliisque illicitis & impiis stimulis incitati Laborem tentent & instituant.

Nec habent, cur majorem sibi spem hoc de Trophæo concipiant omnes illi nasutuli *Philiiatri*, utpote levioris armaturæ milites, qui vix vestibulum Theatri medico-chymici ingressi, ac primis sal-

4, Consultumne Christiano inquirere.

CAPUT IV.

141

saltem labris gustantes Nectar & Ambrosiam physicam, sine jactis Fundamentis decentibus in hac Arte summe difficili, nec prius successive cognitis scitu necessariis, cum *Icaro* altioribus nimis præcipitanter inhiant, nihil, quam arcana crepant, & messem quasi instituunt, antequam ferant.

Similes, imò adhuc inferiores sunt hisce omnes illi indocti Ciniflones ac vagabundi Laboratorculi, qui ausu temerario, illotisque, quod dicitur, manibus in arduum hoc Studium irruunt, ac pro accipiendo hoc Eridos Pomo manum indignam præcocius extendunt; falso credentes, incumbere elaborationi *Tinctura Universalis* unum esse idemque cum præparatione *Vitri Antimoni*, *Salis Tartari*, *Spiritus Nitri*, &c. aut cum communi Metallorum fusione, ac separatione, &c.

Quamvis autem præcipuum meum sit propositum, hic tractare de *Tinctura Universalis*, & quæ ad hanc *Viam* pertinent, nihilominus obiter quasi, & propter analogiam mentio itidem facienda illarum Transmutationum, quæ *Via Particulari*, quam dicunt, instituuntur, dum nimirum Metalla ignobiliora, item alia varia Mineralia & Metallica mediantibus Salibus, aliisque modis, in Aurum & Argentum exaltantur. Qvicum-

S 3

qve

quæ igitur meditationes, labores & nummos
suostalibus Particularibus impendunt; illi non mi-
nus de legitimâ Vocatione sibi prospiciant, aliàs, si
sua spe frustrentur, & non obtineant, quod vo-
lunt, non habent, de quo mirentur; sed expendant
antiquum illud: *Quilibet sua Fortuna Faber.*

Hi ipsi hætenus recensiti currentes, licet à
Deo non mittantur, sunt præcipui è Profanatori-
bus *Tinctura* Nostræ; dum enim cœcutientes, aut
cœco cœcum ducente, uti modo dictum, tan-
tum Opus tentant, sine vero scopo, à scopo me-
ritò aberrant; & cum in florente vegetæ *Ætatis*
Ætate cum Formica rebus suis domesticis non
adeo caute & prudenter prospexerint, accedente
famelica *Ætatis* senilis Hyeme, facta irreparabili &
Famæ, & temporis, & nummorum divinitus
concreditorum jactura, nimis tarde dolent perin-
tempestivam Auri novi perquisitionem proprio
Auro sese spoliatos, sero cum Phrygibus sapientes,
nec alienis periculis cauti facti. Propterea non
immerito omnium subsannationibus & ludibrio
sese exponunt; Inde autem fit, ut alii circumstan-
tiarum similium ignari, ac rem superficialie expen-
dentes, illud, quod abusui Artis deberent imputa-
re, Arti ipsi adscribunt; atque ita inveterato illi
plurimorum in hanc odio perpetuum additur fo-
men-

mentum, maledicusque Lingvæ invidæ acuitur
semper aculeus.

Hoc fit eodem quasi Fato, quod jam ex suo
abusu experitur nobilissima *Poësis*; dum nimirum
rudis & illiterata ista versificum mendicantium
Secta, ut illa hodie à pluribus vili æstimetur, fen-
stram aperit. Cum tamen Viri illius juxta Cor
Dei, Davidis, Psalmi, ut & innumerorum alio-
rum cantilenæ ferrea impiorum Corda emollientes
nihil aliud sint, quam Poëmata Sacra. Ut ni-
hil dicam de vasta illa & immensa Gnomarum
ac Dicteriorum aureorum farragine, quam Poë-
tæ quæ antiqui, quæ neoterici, quæ Ethnici, quæ
Christiani Oculis & Auribus omnium, incompa-
rabili Proximi emolumento, exposuere, & adhuc
exponunt.

Cum igitur paucissimi, uti dictum, hoc my-
sterium adipiscantur, securiorem eligunt viam o-
mnes illi, qui Sibi ipsis diffidentes, verentur, ut
fragilitate Humana victi, imperisrutable *Divina*
Voluntatis mandato omnia dirigente, ac sua Sor-
te (acquirendo fortè pyxidem plumbeam,) sint
contenti, si integram & plenariam *Tincturæ* elabo-
rationem non adorianur, aut tentent; sed secun-
dum vulgarem illam Christianorum normam, *O-
ra & labora*, in Vineâ Domini fodiant, id est,
mu-

munere suo fungantur, curiositatibusque naturalibus non adeò sublimibus perscrutantis immediatè & seriò incumbant. Spe freti certissimà, Deum, providum Nostrum Tutorem & Benefactorem suis fidelibus dormientibus dona distribuentem, & hoc regale non minùs improvisò illis esse exhibiturum, fræternæ Animarum Saluti conduceret. Veluti *Divina Majestas* olim ad majora opera sua obeunda sæpiùs elegerat spretos & abjectos, v. g. *Moysem*, fugitivum, gratiosum Regiæ Filiæ favorem adspernentem, *Davidem* Opilionem, *Saulum* Agasonem, Deiparam *Mariam* humilem, Apostolos piscatores, &c. Siquidem fateri cogentur plures rerum Physicarum Indagatores, sese sapius, dum intenso fervore invigilant aut insidiantur enchiriteos cujusdam, aut alterius rei adeptioni, sua spe excidere; alio verò tempore superficialiter quasi hoc vel illud tractantes, reticula sua maximam Piscium copiam constringere, illudque ex insperato, quod antea ad fastidium & lassitudinem usque frustra quæsierant, cœlitus accipere; quod Ego multorum, propriaque Experientia stabilire possem.

E contrario, quemadmodum *Deus* O. M. dignis suis, quos ad hoc opus elegit, inter dormiendum quasi exhibet id donum, ita illi omnes, qui

qvi Deo quasi abnuente huic inhiant, veluti coe-
cutientes, aut coecos coeci ducentes, à Scopo ab-
errant, qvamvis insigni polleant ingenii acumi-
ne, ac oculatissima circumspectione rem tractent;
vel, si etiam talium nonnullis licuerit esse tam fe-
licibus, ut Opus hoc maxima sui parte, vel
qvoqve plenarie absolverint, tamen desideratissi-
mus illius usus aut plane non, aut brevissimo sal-
tem temporis spatio à Deo illis conceditur. Cu-
jus rei plura mihi certissime constant exempla; ut
unius saltem & alterius meminerim, addo sequen-
tia: Primo rogatum volo amicum Lectorem, ut
regrediatur in Caput antecedens, ubi nonnulla ad-
ductorum Exemplorum *Tinctura* existentiam fir-
missima veritate demonstrantium pro hac mea sen-
tentia aperte militabunt & testabuntur.

II. Retulit mihi Chymiater Lipsiensium
maximè famigerabilis, D. Johannes *Michaelis*, sese
aliquoties non sine maximâ Animi delectatione
Oculis usurpasse Materiam è *Materia Universalis*
præparatam vitro inclusam, in locis tenebrosos,
& noctu radios scintillantes, instar candelæ, dif-
fundentem, apud celeberrimum Serenissimi Saxo-
nia Electoris Campi-Mareschallum, Joh. Geor-
gium ab *Arnheimb*, cujus rerum bellicarum he-
roice gestarum non obliviscetur *Europa* Nostra,

T

Hic

Hic negotiis militariis fatigatus inter alias utiles curiositates Chymicis operationibus spiritus suos refocillavit, & quod sibi ipsi adeo commode non licebat, per alios fieri curavit. Flamivomi autem hujus arcani Historiam mihi clarius detexit Nobilissimus Aulæ Nostræ Præfectus, & Consiliarius bellicus, Johann-Christophorus *Pflug*, qui tunc apud dictum Arnheimium inter nobiles erat Ephebos; Hic enim præcipue, cum Famulo cubiculario aliisque, alternis vicibus per duos fere Annos nocte dieque in itineribus, Castris, &c. Vitrum oblongum, sigillatum, Pulverem obscure viridem continens, in manu gestare, ac perpetuo movere & agitare in mandatis habebat. Ad motum, per tempus magis cōtinuum apparuerunt multa grana pisorum & lentium magnitudine quasi ignis scintillantia. Cessante verò per tēporis aliquot spatium motu fortiore, evanuit etiam radians & igneus Pulveris splendor. Unde acceperit Vir generosus dictum vitrum cum pulvere, non adeo certe constitit Nobilissimo *Pflugio*, nisi quod noverit, Ipsam cum Anglo quodam Hamburgi degente ob varia curiosa & arcana secretum sæpius exercuisse colloquium literarium. Ipse vero Dn. Campi-Marschallus aperuit Dn. D. *Michaëlis*, huncce Pulverem esse *Tincturam Universalem*, maxima parte

parte absolutam & perfectam, sibi à magno Artis Filio, Thesauri loco concreditam & donatam: Sed audi eventum: Cum Fatis urgentibus generosissimus ille Archistrategus in hostiles inciderit manus, simul hoc Vitrum ab iisdem indignis directum manibus abiit, excessit, evasit, erupit; & procul dubio confractum à milite ac Possessore quodam imperito, pulverem pyrium huic pulveri anteponente.

III. Chymiatro consummate Eruditionis & Experientiæ concreditur à quodam *Europæo Principe* processus, vel descriptio *Laboris Universalis*, de quò certissime constabat, eundem ab Antecessoribus modo præscripto fuisse elaboratum; ut denuo hoc opus tentaret, & felici auspicio absolveret. Hic secundum Conscientiam & Scientiam facit facienda; sed infausto aliquoties effectum; Vel enim Vitra rumpebantur, vel quædam enchirisis, ipso minime talia cogitante, aut suspicante, erat omissa. Hinc expendens, vim unitam esse fortior, & quod plus videant Oculi, quam Oculus; & plura perficiantur manibus, quam manu, concedente suo *Superiore*, pro se denuo caute aggredienda, & dextrè finienda duos sibi adsciscit socios, veteranos in Castris Chymicis Milites. Trigahæc Medicorum in Laboribus pyrotechnicis, rerum-

que naturalium perlustratione exercitatissima, ut tandem tandemque post tantas meditationes, tantos sudores, tantasque exhibitas impensas reportent hucusque denegatum ipsis dignum Trophæum, nimirum *Tincturæ Universalis* acquisitionem, concludunt, sese velle *materiam catholicam*, accurate prius ponderatis, & sanctâ Fide invicem communicatis omnibus circumstantiis, unâ eademque methodò, tractare; fervente autem inter manus Opere sese invicem frequenti literarum commercio, ingenuisque consiliis, cum diversis in locis hæc fierent, adjuvare.

Aliqvot mensibus è votò succedebat negotium, & eò feliciorum hujus eventum sibi promittebant, cum id sagaciori ingeniorum dexteritati, ac concordie consultationum in Principiis Physicis solidè fundatarum fundamento esset superstructum, atque indefessâ Labor agilitate & industriâ continuaretur. Verum enimverò hisce omnibus nihil obstantibus, DEO non placuit, ut sibi propositum attingerent scopum; Horum enim unus moriebatur; alter ob inopinatò intervenientes curas domesticas non adeò decenter observabat necessarias enchirises, hinc à rectâ aberrabat sæpius semitâ. Tertius indefessò quidem fervore invigilabat Operi; sed irritò itidem effectu; vitrum

trum enim debite excultum, & quidem jamdum aliquot mensibus exactis, expectationem præter omnem, rumpebatur; Hinc opus ab ovò, quod dicitur, denuò ordiebatur, non minore, ac prius perspicaciâ. Factis ita pertempus omnibus faciendis, res adeò è votò succedebat, ut aurei montis Partum sibi certè polliceretur; sed vitrum tam molliter tractatum, tam modestò Ignis modamine fotum, non sine stupore omnium, in multa dissiliebat frustra. Unde subolfaciens Director, *Pollicem Domini* hîc latitare, suos digitos Operi amplius admove, & quidem non immeritò, religioni sibi duxit.

Nisi prolixitatem nauscarem, suppeterent adhuc varia Exempla, Labores tales arcanos indefessâ quidem sedulitate, & curiosâ dexteritate, infelicitamen & irritò eventu in variis Magnatum Laboratoriis fuisse tractatos; dum nimirum aut improvisò mortuus Laborum Director, enchirisi-um præcipuarum solum gnarus, aut rupta vitra expectationem præter omnem, aut alias ob causas spe suâ firmissimè sibi conceptâ ita excidebat Possessor.

IV. Nec DEUS semper primâ statim vice annuit Labori in Viâ hâc catholicâ instituto, uti quidem plerumq; fieri & facilius solet in aliorum Pro-
T 3 cessuum

cessuum tractatione. Sic novi Medicum, qui Tempus amplissimæ suæ Praxeos exercitio subtractum perlustrandæ *Materiæ Universalis* destinabat, & hoc quidem per integros viginti annos, [quantum Patientiæ hoc requisiverit, facile quilibet judicare poterit,] Per illud temporis spatium sorte sua contentus, invenit successive diversa remedia raræ efficaciam; Tandem justus *Deus* sic benedicit hujus industriæ, ut inventa sua medicamenta, ita exaltare & depurare didicerit, quo adeptus sit medicamentum, non quidem *Universale*, tamen huic analogum; cum morbos varios ab aliis relictos, medicamentisque aliis probatissimis infelicitè propinatis, sæpius sanaret.

V. Adnectam his aliud Exemplum, quod quamvis non sit Panacæa, nihilominus, cum præcipuum ferè inter Medicamenta particularia mereatur locum, non adeo inconcinne hic subjungitur; cum *Deus* O. M. propter nostram indignitatem, abusum, aliasque causas, similia magna Arcana sæpè Nobis subtrahi permittat. Supra laudatus D. *Michaëlis* volebat præparare Mercurium cum Auro verè fixatum & præcipitatum, utpote remedium, in defectu *Tincturæ Universalis* ac inter medicamenta particularia nulli alii facile cedens; sed plures Morbos alia Medicamenta

ely.

eludentes, edomans. Proinde *Mercurium Antimonii* cum *Croco Auri* juxta *Basilium Valentinum* composito, sumendo mercurii partes tres, & caleis Auri partem unam, diuturna trituratione mixtum includebat ovo Philosophico, quod dicunt Chymici; Hoc quotidie debebat inverti pro faciliore mixtura, & felicioe contentorum circulatione, immittebaturque leni arenæ calori.

Laborem autem huncce concredebant manui laboriosæ ingeniosi Dn. *Matthiæ Zittmanni*. Hic per integros octodecim Menses vel sepiannum laudabili vigilantia uno eodemque in teporis gradu continue regebat dictum Vitrum. Post labores tam longos, tamque molestos, cum jam ultima ipsi foret imponenda manus, atque ad usum Pulvis extrahendus, quadam nocte audit insignem fragorem dictus Dn. *Zittmannus* in laboratorii confinio dormiens; hinc consternatus è Lecto profilit, ac mala ominans, Vitro suo adproperat; sed reperit saltem in arenâ paucissima pretiosissimi hujus pulveris granula, cum minutis Vitri fracti fragmentis, reliquo, & continente & contento omni in mille particulas disrupto, ac per totum Laboratorium disperso.

Pro meliori dictorum dilucidatione, &, quod nō liceat cuilibet pro lubitu indignis manibus in Ar-
ca-

canum hoc arcanissimum involare, atque è Cœlesti Cornu copiae illud quasi eripere, in inexpertorum, & avaritia, ambitione, &c. obsecratorum gratiam, ingenue - Christiana impulsus Charitate ex aliorum Experientia sequentes subjungam persuasiones.

I. Rogo omnes intempestive & nimium ad hoc Opus avidos; ut evolvant Regum Sapientissimi *Salomonis*, Proverbia; ibi cap. 30. v. 7. 8. 9. aurea memoriae aeternae insculpta est Gnoma, quam merito tenerae Nostrorum Liberorum Aetati inculcamus: *Duo à Te rogo, Domine, quæ mihi ne deneges, antequam moriar; Vanitatem & Mendacia fac à me longe aliena: Paupertatem & Divitias ne mihi des; sed saltem Victui meo necessaria. Ne forte satiatu alliciar ad negandum, & dicam, quis est Dominus; aut egestate compulsus, furer, & perjurem Nomen Domini mei.* Ventila, sis, mi Christiane, ventila, sis, accurate dictum diæterium Corda feriens, & ossium medullas penetrans; Petitur enim in hoc, ut amoveantur Divitiæ, (quibus anxie inhiant Christianorum plerique,) addita simul ratione, Herculeæ cujuscunque etiam Philosophiæ spicula contraria retundente, nimirum, cum ita facile à Mille Artifice Diabolo, mediantibus luxuriosis varie infi-

4. *Consultatione Christiano ingere.*
CAPIT IV.

153

insidiantibus Mundi illecebris seductus, dictis Opibus possem abuti, atque ideo perjurium committere in *Deum* meum, illumque deserere in æternam Animæ meæ ruinam & interitum.

Stante itaque hoc, veluti perpetuo inconcussus stabit, quod Divitiarum amotio legitime petatur hoc indicto, quâ Conscientia, quæso, mi Christiane, qui ad prolatae Sententiæ Autorem, de genuino Nummorum usu sibi ipsi diffidentem, Tyrunculus es in exercitio Pietatis, poteris quasi importune ac Deo invito aggredi, & tentare laborem talem, qui si absolveretur, & à Te obtineretur, quod desideras, comitem haberet periculosam, & Tibi forte exitiosam opulentiam? Cœterum confidas, velim, si Tibi conducibile foret, facillimum esse *Deo* O. M. permittere, ut in Vineâ sua fodiens, id est, designato munere rite fungens & naturalia scrutans, Thesaurum huncce inæstimabilem reperiâs.

2. Ex Historiis possibilitatem *Tinctura* demonstrantibus Capite præcedente adductis patet, quam vastum Auri cumulum Possessores vel præsentem & confectum obtinuerint, vel mediante *Lapide* tingente extemporanea metamorphosi pro lubitu perficere valuerint; & in specie

V

Hel-

Helmontius, in citato Tractatu, Arbor vitæ dicto. p. m. 630. hæc profert verba: *Ille, qui Mihi primum dabat Pulverem aurificum, habebat saltem & ad minimum Ejus tantundem, quantum, ad ducenta millena Librarum Auri commutanda sat forent.* Item quarta ab *Helvetio* adducta Historia docet, Adeptum illum totidem Pulveris tingentis secum habuisse in promptu, ut viginti Au i Tonnas subito parare, si ipsi libuerit, licuerit. Nihilominus hic, & alii vilibus induci Vestibus, Vitam vivebant humilem, devotam ac à pompa & luxuria Mundana omni alienam.

Hic Te denuo rogatum volo, mi Christiane, velis interiora Cordis Tui ruminare, ac Animi sensa penitus trutinare, Si *Divina* placeret Voluntati, ut vel centesima, imo millesima talis Portio ad liberas tuas pertingeret manus, num in silentio & spe Vitam piam, probam & tranquillam sis transacturus; an non potius Adamiticum peccandi desiderium tantas sit excitaturum illicitas Cupiditatum mundanarum fermentationes, ut Fidei tuæ scintillula neutrquam impedire possit, quin iisdem Divitiis sis abusus ad varia æternam damnationem Animæ tuæ parientia?

3. Ne autem infirmâ Verbulorum meorum tenuitate Tibi persuadere velle videar, Amice Lector,

4, Consultumne Christiano inquirer.
CAPUT IV. 155

Etor, Testes producam non saltem Philochymicos, multò minus Misochymicos, sed, audi, è pluribus aliis loquentes magnos Alchymix Patronos, superius citatos, *Helmontium*, *Zwölferum*, *Helvetium*. *Helmontius*, in dissert. quam Arbor Vitæ inscribit p. m. 634. memoratu digna hæc profert verba: *Quantum attinet meam Personam temeritatis scribendi insuetam. Novit DEUS, quòd scribam, quæ scio vera. Ago illi gratias, quòd cum contulisset in me Talenta quinq, fecissemq, me indignum, & hætenus repudium coram eò factus essem, placuit Divina Bonitati auferre à me tria, & relinquere adhuc hina; Ut me sic ad meliorem frugem expectaret. Maluit, inquam, me depauperare & tolerare, ut non essem utilis plurimis, modò me salvaret ab hujus Mundi periculis. Sit ipsi aterna Sanctificatio. Idem ibid. pag. seqv. Nemo vere Philosophus Aulædus est, nec Principes sequitur, iisque adulatur; quippe quia nulla re indigus, spernit quæcunque Princeps dare potest. Idem in Tractatu Medicaminum Potestas notato, inquit circa finem: Tandem ac tandem Chymia pro sui apice Universale solvens parat, quo cuncta remeant in primum Ens, præbetque dotes nativas, absterguntur labes originales corporum, &c. Sermonem ita concludit: Ah! u-*

V 2

tinam

tinam mihi Lagenam semel possessam non ablata! Sed novit Deus, cur Capra caudam tam brevem dederit; Sit Nomen Ejus in Secula exaltatum; fiatque ejus solius sola sanctificans voluntas. Idem modo citatâ Dissert. Arbor Vitæ. p. 633. Sed inutilis huic vita sepeliar. Quia Spiritus sanctorum Lagenam abstulit mandato ejus, coram quo totus Mundus Fungus est. Sit ipsi laus, qui dedit, quique abstulit, quod suum erat.

Zuvoëlferus, Mantissæ Spagyricæ part. i. cap. i. p. m. 330. sequentia profert: Hæc de Tinctura Philosophorum, quam Rever. Pater, Athan. Kircherus categorice negavit, adstruenda sufficiant. Quam licet per pauci obtineant; è Rerum tamen natura proscribere minime decet. Habet enim & illa, quemadmodum Arbor Scientiæ Boni & Mali Proto-Parentum Nostrorum, suum de Cælo genium, qui romphæa bis acuta eam protegat, & curiosos ac indignos arceat; cum pauci sint, qui Virtutem & divitias affluentes jungere noverunt. Unde accidit justo Dei judicio, ut ii, qui ejus vel jam compotes facti, aut eminus eam prospiciunt, confusionem patiantur, eam ex accidenti deperdant, remoram ac obicem Deo opponentes; NB. Ne Aurum & Argentum nundinantes Animæ propriæ patiantur detrimentum,

Hel-

4, Consultumne Christiano inquirere.

CAPUT IV.

157

Helvetius, in superius allegato suo Tractatu, *Vitulus aureus* nominato, quamvis jucunde, ample & diserte de *Tinctura* differat, ac ejus realem existentiam autopsia comprobet, nihilominus hujus elaborationem dissvadet, pag. 10. sic loquens: *Nolim, ut quis credat, meum esse scopum primum, tanquam si Filiis hujus seculi dignis & indignis persuadere velim, ut in hoc opere laborent. Minime gentium; sed potius dehortabor curiosos Artis huius indagatores omnes & singulos; ut sancte abstineant ab istiusmodi periculosissimo Arcano, tanquam ab aliquo Sancto Sanctorum.* (Veli inter plures Sacerdotes & Levitas unico saltem, nimirum summo Sacerdoti permissum erat intrare hoc Sanctum Sanctorum, reliquis omnibus ad varia alia negotia destinatis.)

Adhæc capite præcedente demonstratum est, *Sinenses* multum quoque Temporis largissimosque sumtus impendere pro acquirendo *Philosophico Lapide*. Quam infaustis autem eventibus hoc volvant Saxum, Aurumque suum frustra dilapident viri illi acutissimis alias Ingeniis & eruditione pollentes, amplissime clarissimeque colligi poterit e Læctione Autorum ibidem citarorum, adeo, ut Alchymici ab Incolis communi symbolo pronuntientur Impostores. Cum Aurum, quod

V 3

ca-

capiendum illis erat, minime capiant; quod vero possideant, amittant, neque eas exhibeant, quas spondent, divitias; Eorumque marsupia quasi sint confecta è pelle Chamæleontis, quæ non alia re quam Vento & Aëre impletur; ut elegantibus utar Verbis Thomaso *Garzoni*, nella Piazza universale, discorso 13. de gli Alchymisti, p. 140. Vel ut nervose jocatur. Clariss. D. Joh. Dan. *Maior*, Collega honorandus, in Navigatione in novum Orbem sine nave & velis, Thesi 36. qui è Characterè Dei sui putatitii, Auri nimirum, Centrum perfectionis (O) amittunt, relicto saltem nullitatem indicante circulo vacuo, (O)

Quamvis autem dicti *Sinenses* summe sint ingeniosi, maximoque polleant in re literaria acumine, nihilominus apud nullum Historiæ Sinicæ Scriptorem invenire mihi licuit aliquem, qui de accepto hoc aureo vellere triumphare potuerit, præter solum Regem *Hiaoum* superius adductum, qui tamen in hoc saltem aliis felicior, quod gloriari potuerit, sese suam canitiem obtinuisse sine Morborum insultibus, & ab Ægritudinibus esse præservatum, mediante Chymico hoc Remedio. Proinde censeo, tam circumspectos plurimorum Labores non forte fortuna ita accidisse infaustos & frustraneos; sed *Deum* O. M. Ope-

Operatores hosce coram Mundo oculatissimos, & Sapientia turgidos tanti Mysterii revelatione indignos iudicasse, dum isti, utpote Ethnici, non *Honorem Divinum*, Proximique commodum Laboribus suis scopum præfixerint, sed Auri fame, aliisque stimulis impiis impulsæ fecerint, quod fecerint.

4. Dum ita ingenuæ disvasioni sum intentus, audio nonnullos talia obloquentes: Si verum est, dari in Rerum natura *Tincturam Universalem*, mirandum sanè est, cur summè benignus Bonorum omnium Autor non largiùs, & pro aliàs solita sua in Genus Humanum efflictim amatum Munificètia hancce distribuerit; sed reliquerit lucidissimum hunc Solem obscuris ignorantie tenebris & nubibus oppressum, reliquerit eam paratu non difficilem, sed difficillimam, tractatu non periculosam, sed periculosissimam. Cur non ad minimum (Si propter indignorum abusum, vulgo innotescere *Eandem* non consultum duxerit,) pluribus vera Pietate & Probitate Orbi Christiano sese commendantibus concediderit, cum uberiore hac manifestatione incredibilis tam ad conservandam & recuperandam Valetudinem Aegrotantibus, quam ad sustentandam vitam Pauperibus emergere potuisset utilitas & levamen?

Huic

Huic objectioni respondeo, De *Tinctura* existentia Me hic supervacaneum judicare, cramben toties coctam proponere; sed remitto dubitantes ad Caput antecedens, ubi oculares plurimum demonstrationes responsi loco satisficient. Hisce spem præter omnem non contentus pro responso habeat axioma illud Philosophicum, quod contra Autopsiam disputare, sit insipidi.

Si itaque revera hæc existit, inexcusabilem fere facit injuriam *Divina Maieitati* omnis de hac dubitans. Nisi enim foedum ingratitudinis scelus incurrere velit Christianus, obstrictus est, cogitationes suas applicare, ad amplificandam & extollendam nunquam satis laudatam, nec laudandam miraculorum Operum *Divinorum* Magnificentiam.

Ad *Quæstionem* verò ipsam dico, eandem esse nimis curiosam, imo quasi ineptam, & frivolam. Qvis enim, mi Homo, ingressus est senaculam coeleste, & qvis *Sacro-Sanctæ Mono-Triados* Consiliis interluit? Quomodo poteris, argilla ex figulo quærere, quid facis? Si liceret, de talibus hæsitare, & controvertere, vellem te etiam interrogare nonnulla. v. g. Da mihi, si potes, ex Tua hac mota Hypothesi, rationem, cur permisit *Deus* ut Regum Sapientissimi, Salomonis Scripta de re-
rum

rum naturalium Qualitatibus absolutissima, à Cedro Libani ad Hyssopum parietis transeuntia perierint; cum tamen ex iisdem amplissima potuissent ægrotantibus emergere emolumenta & levamina? cur idem *Deus* O. M. non citius ex Indiis, &c. transmisit Nobis Europæis sub *Christi* Vexillo militantibus tantum pretiosissimorum Aromatum aliarumq; rerum medicamento sarum cumulum, tantam item Auri & Argenti copiam, quæ potuissent cedere jamdudum, uti jam cedunt, in solatium ægrotorum, in auxilium Pauperum? Vel cur idem *Deus* Nos, Populum suum, non à Morbis præservat, ut ita plane supersedere possemus remediorum usu? Vel, cur Angelus non frequentius descendebat in piscinam Bethesdam pro sanando primum ingrediente? Joh. 5. Aut cur idem singulis vicibus non plures simul sanabat, ut missellus ille claudus reconvalescentiam per totos triginta octo annos non debuisset frustra expectare ab Aquæ commotione? Ut taceam mille alia;

Possent item opponere, quæ acutissimi Philosophi Sinenses contra infinitam Misericordiam & Omniscientiam clementissimi Nostri *Protectoris* & *Nutritoris* objiciebant Jesuitæ *Xaverio*, pro propaganda Christianâ Religione, & convertendis argutis hisce Ethnicis lapidem moventi o-

X

mnem,

mnem; nec Vitæ propriæ parcenti, veluti videre est apud Erasmum *Francisci* in *Exteriorum Artis & Morum Speculo*, *Histor. n. p. m.* 55.

Ne autem in leges Pietatis peccem, nec falcem in Messē Theologicam immittere videar; crenam revoco; securius ad το ἐπὶ ἐξελθὼν confugiens, cum in tam arduis non consultum sit, nimium philosophari. Supra laudatus Schröderus mihi fassus est, quod oleum suum Auri bis saltem præparaverit. Hinc non immerito mirari & quærere posset aliquis, cur tantum mysterium non sæpius composuerit? verum respondeo: Deus imperscrutabilis talia Regalia non vult divulgata & tanquam usualia haberi Medicamenta. Propterea potius exclamamus: Quam miraculosa sunt Opera Tua Domine! atque suspirare cogimur cum Heinio: Quantum est, quod ignoramus! Quantillum est, quod scimus! Et maxima pars eorum, quæ scimus, est minima pars eorum, quæ nescimus. Notatu digna sunt verba Heinr. Kunrath, *Amphitr. Isagog. in Figuram tertiam*, p. m. 200. Si quæris, cur unus tantum sit Mundus, & cur unus tantum Philosophorum catholicus Lapis? respondeo, quia plures Deus noluit, Ratio est, quæcunque voluit, fecit. *Psal. 115, v. 3.* Cur vero noluerit, Tu quare ab Eo; Ipse solus novit.

Adcurate enim minime valet indagare innata
Hu-

Humani Ingenii imbellicitas, cur *Polarchæ* omniscio non libuerit Antecessoribus Nostreis ac nobis quælibet Naturæ arcana revelare; sed etiam *Posteriorum* sedulitati nonnulla occulta & inexperta servare indaganda & detegenda. Multa siquidem superioribus seculis fuisse cognita, quorum cognitio jam iterum evanuerit; è contra vero plura latuisse, & adhuc partim latitare nostro tempore in *Anatomicis*, *Botanicis*, *Chymicis*, aliisque rebus tam Medico-physicis, quam aliis variis Scientiis, fateri coguntur omnes illi, qui manifestissimis Experimentiæ testimoniis inconsiderate reluctari non audent. Præter meam opinionem fortè hæsitantes ablegatos volo ad *Pancirolli*, suiq; Cōmentatoris, *Salmuthii* deperdita, & nova reperta; Ibi enim invenient, nisi stupor Animos obsederit, quam miraculose & varie

Ludat in Humanis Divina Potentia rebus!

Hiscæ unum saltem addo: miratus sum sapius, (cū notum sit, quid non mortalia Pectora coegerit, & cogat Auri sacra Fames,) quòd impiger extremos currens Mercator ad Indos (& qui negotiis mercatoriis præfunt, Proceres Orbis) passi fuerint hucusque, ut *Terra Australis incognita*, quam dicunt, illud Nomen suum incognitum non mutaverit; Hoc est cur nullus exortus sit no-

X 2

vus

vus *Columbus*, novus *Magellanus*, novus *Dra-*
cus, &c. qui tot Myriadibus ignorantium supersti-
tem huncce *Mundi* angulum indefessa inquisitio-
ne detegere & propalare fuerit ausus; cum dubio
procul omni *Divina* munificentia, uti ubique, ita
& ibidem tam sanitati, quam oeconomicis nostris
rationibus plura magno incremento & emolu-
mento futura recondiderit?

Postquam multi hac de re varias mihi com-
municaverant rationes insufficientes, tandem qui-
dam, qui integro decennio *Nouam Bataviam*
in *India Orientali* incoluerat, rerum nauticarum
& mercatoriarum apprime gnarus solidam & fide
dignam mihi aperuit rationem: Tentata quidem
est, inquiebat, plus vice simplici Transfretatio ver-
sus terram Australem incognitam; sed vano & in-
felici semper effectu, & hoc ideo, quod *Acus Ma-*
gnetica (Nautarum utpote Hodegus,) more alias
ubivis solito hic operari desinat, nec suum quæ-
rat *Septentrionem*; sed vagabunde circumgyre-
tur; ut proinde nesciat Naucerus, quo suum diri-
gat cursum. Exinde omnibus patescere credo,
Divinam Sapientiam hoc *Orbis* residuum Poste-
ris Nostris, si qui futuri sunt, indagandum & Ma-
gnalia sua ibi forte latentia propalanda reservasse.

Stante igitur hoc, quod varia Mundo utilia
& pro-

& proficua, aut adhuc deliteſcant occulta & ſepulta, aut iterum evanuerint, ex imperſcrutabili Dei conſilio, ſuperflua ſane erit controverſia, cur Deus O. M. *Tincturam* noſtram aut ſimilia regalia dona non in ora & manus omnium, aut plurimum ſaltem diſſeminari conceſſerit.

Cum vero per ultima hæc octo vel decem Luſtra in *Domini* illius *Magni* Vineæ, juxta *Matthæum*, cap. 20. plus ſit foſſum & laboratum in rebus Phyſicis, hoc eſt, plura Arcana Chymico-Anatomico-Botanico-Phyſico-Pharmaceutica ſint manifeſtata, ac in antecedentibus totidem ſeculis, videtur inſtare nona vel undecima Hora dici; Ut ita fortæſſe gratioſiſſimus Bonorum omnium Autor ante inſtantem *Orbis* ruinam extraordinariè non modiò aut trimodiò; ſed totò horreò, ſit admeſurus dona ſua hætenus nondum divul-gata.

CAPUT V.

Declarans, è quâ Materiâ præparetur *Tinctura* Univerſalis.

TAndem, tandemque hîc claris Literis, Verbis perſpicuis, proponitur Materia illa, quam in-

X 3

numeri

numeri tamdiu verè & aperte nominari frustra desiderârunt atq̃ve expectaverunt anxie; quam plurimi quidem tot Seculis antea nominârunt, & descripserunt sermonibus summè obscuris, hieroglyphicis, ac Emblematicis tenebrosò obscuritatis velamentò obductis; non-pauci item sermocinationibus planè ridiculis, quasi fanaticis, ac stolidis, figurisq̃ve Enthusiasticis venum exposuere; ut crediderim, Eosdem ipsos nescivisse, quid dixerint, quid scripserint; optandumq̃ve fuisset, ut planè tacuissent; cùm ita incredibilem confusionem & turbationem excitaverint in Animis res Physicas scrutantibus; Et tandem abest, ut isti suis narrationibus rei huic abstrusæ & intricatæ dilucidandæ faciem accenderint aliquam, ut potius novâ, eâq̃ densissimâ caligine illam obduxerint.

Propterea arrige nunc Aures Avare; Arrige Aures Ambitiose; Arrige Aures pauper Alchymista, miser Laboratorcule, qui hætenus vestivisti cutem Tuam fumò, sudore, sanguinemq̃ve exfugente miseriâ, qui corpus nutritivisti spe exsuccâ, promissis, vanitate; Arrigite Aures singuli & omnes, qui curiositatis stimulo acti, aut alium quemcunq̃ scopum intendentes, hætenus inhiastis consecutioni *Tinctura Universalis*. Sic enim sedatâ Fame Auri, extinctâ siti Argenti, Divitiarum

S, Equa materia.

tiarum saturi poteritis indulgere vestris Geniis, ac Vobis vivere; poteritis impofterum, neglectis laboriofis servitiis, vel officiis, curarumque domesticarum moleftiis, sine sudore Facierum Vestrarum in aurea libertate toti esse Vestri. Arrige item Aures Philiafer; Hac enim cognita supersedere poteris [nisi sola curiositate Tibi talia pertractare arideant] foetidis sectionibus Anatomicis, laboriofis collectionibus Botanicis, ingrata carbonum in operationibus Chymicis tractatione, tædiofis lucubrationibus, diuturnis tot ac tot Annos exposcentibus Laboribus ac Cerebrum frangentibus meditationibus Philosophico - Physico - Theoretico - Anatomico - Botanico - Chymico - Practico - Pharmaceutico - Chirurgicis; Sic poteris una fidelia parietes dealbare omnes, remediò unicò morbos sanare omnes, & quidem non tam cito, tuto, jucunde, quod semper desiderarunt Medici quilibet; quam penitus citissime, tutissimè, jucundissimè.

Verumenim verò fige paulisper cogitationes tuas, jube parum subsistere pedem tuum, quisquis es horum modo adductorum, antequam ulterius progrediaris. Si enim forte compulsus aviditate rei desideratissimæ, oculis tuis properaveris ad lectionem Capitis hujus motu præpostero vel superficietonus saltem inspexeris Caput antecedens, supervacaneam censendo ventilationem, an
con-

consultum sit in *Tincturam* inquirere; cogor autem Tibi vellicare, ac seriò denuo cōmonefacere, ut prius rite frangas Nucem; anteqvam è Nuce Nucleum esse velis, ceu Terentiana jamdudum monuit Gnoma; Hoc est, ut præcedentia, & circumstantias prius ponderes, anteqvam ad ipsum accedas Opus.

Proinde regredere, sis, in dictum Caput antecedens; vel si grave & molestum foret forte, integrum illud ruminare, consule solum ultimas aliquot illius paginas, & fideliter ibidem doceberis, si modo doceri gestis, quam subtilibus meditationibus ventilari, teneris Manibus tangi, modestis Oculis adspici velit Mysterium hocce; Mysterium quod non absurde æquiparatur Herbæ illi, quam *sensitivam*, aut *Noli me tangere* vocitant Botanici.

Huc non inconcinne insero vetus & argumentum cujusdam de delicato Alchymix Studio singulos monentis diæterium: Curiosus inscripserat Operibus Theophrasti Paracelsi: *Alchymia est ars sine Arte; Subjectum ejus est Pars cum parte; proprium mentiri, & ultimò mendicatum ire.* Sed alius subscripserat: *Falleris, Amice; ignoras enim, quid sit Alchymia; Alchymia enim est casta Meretrix, quæ multos invitat, paucos admittit amafios.*

Si di-

Si dixerint fortè five curiosi quidam ingenui
five Momi: Quam absurdus est hic Autor, quod
audeat Scriptò publicò Materiam Universalem
non modò perspicuè depingere & manifestare;
sed etiam, quomodò tot ac tot Seculis desiderata,
ac maximoperè ab omnibus occultata *Tinctura*
inde sit elaboranda, detegere. Si enim vera non
sint, quæ scribit, omnium omninò explosione fo-
ret dignus, quòd toti Orbi literato manifestum ob-
trudere conetur mendacium. Si verò Veritati
fuerint consentanea, ac Propositum Methodò pro-
missà succedat, respondeatque eventus, mirandum
sanè esse maximè, quòd ille non sibi ipsi, suæ Fa-
miliæ, ac Amicis, [ad minimum anteqvam arti-
ficium propalaret, ac in Vulgus disseminaret,] bo-
nam hujus Arcani partem conficeret; ut ita à cu-
ris, negotiisque Practicis liber, suus prorsus esset,
& non alterius; ac cum illo Villico potius ob di-
vitem Messum turgido factò, juxta Lucam, cap.
12. v. 10. Se ipsum bono ac hilari Animo esse, Hor-
reumque amplificare juberet? Illi, ne nesciant, ve-
lim, me ingenue & aperte fateri, quod absolutis
Studiis Academicis, & peregrinationibus in Pa-
triam redux, post devotas & repetitas Preces inter
Meditationes meæ vocationis Medicas alias, ali-
osque labores Chymicos quidem constituerim,
Y ag-

aggredi arduū hoc Opus; sed postea animum mutaverim, Manumq; retraxerim quasi nolens-volens, partim quod certissimè Mihi constaret, imperscrutabili Dei Consilio placuisse, nonnullos summo ingeniorum acumine, plenariaque Artis Medico-chymicæ Experientia dotatos, nullis simul (aliquando plusquam Regiis,) sumtibus parcentes, remque ipsam cautâ & indefessâ dexteritate & juxta Artis leges omnes methodicè tractantes, (veluti è duobus præcedentibus patet Capitibus,) locò *Philosophici Lapidis* acqvirendi lapidem lavisse, ac Aurum quærentes inconfectum, confectum dilapidasse, (juxta analogiam Fabulæ de cane Æsopico pontem cum frusto Carnis transeunte,) aureumque insimul Tempus perdidisse.

Proinde Ego tam fragilitatis Humanæ ob fermentum Peccati Adamitici hæreditarium, quam Tenuitatis meæ in re Medico-literaria Mihi confcius, non immerito obstupui & abstinui. Partim vero, in quo præcipuus hujus Rei cardo est, eo minus Icarium quasi huncce volatum institui, quod perleserim, supremum *Medicinæ Autore* & Directorem Me ab hoc opere avocasse, Talentumque meum aliis negotiis, nimirum quasi verè & merè practicis destinasse. Sæpius enim ob labores Medico-Practicos in Aulis alibique con-

concatenatos, ob frequentia itinera, & similia, tantum abfuit, ut negotio huic incomparabiliter serio, totum fere hominem, ac integrum operatoris Cerebrum requirerenti decenter invigilare potuissem, ut potius per unam atque alteram Septimanam mihi sæpius non licuerit esse tam otioso, quò curiosæ cuidam meditationi, aut Librorum lectioni incumbere, uti debuisssem & voluisssem, valuisssem. Nihilominus cum *Divina* placuerit *Majestati*, nonnulla de summo hoc arcano Mihi indigno concedere; Quædam enim ex Ore & laboribus Chymicis secretioribus, Evergetæ mei incomparabilis, Chymiatræ Lipsiensium per Europam notissimi, Dn. D. Johann. Michaelis didici; Didici quædam è Literis correspondentialibus, quas vocant, aliunde ad Eum perscriptis, ab Ipso concisis ac Igni destinatis, pio autem furto à Me surreptis, denuo compositis, ac clancularie descriptis, collectisque; Didici quædam, dum contenta epistolarum talium arcanarum responsoriarum aliorum ab Eodem mittendarum, (à latere in mensa illi quotidie assidens,) obliquis oculis exhauriebam, ungvibusque meis, aliud quasi agendo, cum aliter & manifestè mihi non liceret, pro juvanda memoria interim inscribebam; Cum plura Discipulis, aliisve ob datam silentii fidem detegere illi non erat concessum.

Y 2

Di-

Didici item quædam, & potiora quidem, dum laudatissimus modo dictus Præceptor in meo per exteras Regionibus Itinerè Chymiæ magnis me hinc inde fideliter & secrete commendaverat; qui percipientes aliqualem meam hoc in studio cognitionem, cognitionis suæ non minus me ingenuè faciebant participem.

Quia etiam Regum arcana sunt occultanda; *Dei* autem Magnalia divulganda, *Raphaëlis* Angeli Elogio, Libr. *Tobiæ*, cap. 10. Atque uti Sanctissimus *Paulus* loquitur 1. ad Corinth. 3. v. 6. *Ego plantavi, Apollo humectavit*; Et quemadmodum in re militari Consilarii Bellici disponunt, quomodo negotia pro Patria facta tecta servanda, vel amplificanda sint tractanda, Hostisque ad incitas redigendus; Manum autem ipsam operi non omnes admovent; Alii verò, nimirum Milites, Consilia exequuntur & perficiunt. Ita Ego aliis quos *Deus* ad talia regalia & extraordinaria Dona magis selegit, ea hac de re mihi indigno cognita sincerò Corde, & ingenua Fronte exhibeo.

Ipse vero egomet sorte mea contentus, ingentes repono gratias clementissimo *Pantocratori*, quod largam suam Benedictionem in me talia non merentem effuderit; Dum nimirum pro comparanda Artium bonarum & imprimis
Me-

Medicæ Supellectile, consumto plane Patrimo-
nio, in Patriam rediens, cum *Socrate* fere omnia
mea mecum portabam, & Patriarchæ *Jacobo*,
Jordanem transeunti similis eram, è Genesi. cap. 32.
v. 10. Nunc vero cum *Davide* meritò exclamo, 1.
Chronicor. 18. v. 16. *Quis sum Ego, & quæ est Do-*
mus Parentis mei?

Non minùs gratias eidem ago quòd Philo-
sophiæ meæ Pyrotechnicæ adeò benedixerit, ut
præter alia mihi detexerit raras nonnullas enchi-
rises in laboribus Chymicis apprimè utiles; pecu-
liare item pro variarum rerum solutione commo-
dum Menstruum. Qualia autem hæc sint, cum
huc non pertineant, reservo Observationibus meis
Medico curiosis, Deò vitam concedente, prope-
diem edendis. Ubi mirari satis nequeo, quomo-
dò hæc, utpote manifestissimæ & facillimæ opera-
tionis, hucusque latere & fallere potuerint, non
quidem tam debile meum Cerebellum, quàm tan-
tum numerum Chymicorum oculatissimorum &
sapienti Experienciâ exercitatissimorum.

Quia insuper non ita pridem hæc reppererim
quasi improvisò ac aliis intentus insudansque; in
illa autem & similia per aliquod Annos plus vice
simplici inquisiverim rigoroso quidem fervore, at
frustraneò eventu; Exinde quoque robur accedit

Y 3

Sen-

Sententiæ meæ in antecedentibus propositæ; nimirum, quòd nemo valeat DEO O. M. quasi invito extorquere pro intempestivi desiderii sui satisfactione & expletione tam (& præcipuè quidem) Mysterium *Tinctura Universalis*, quam aliorum quoq; arcanorum cōmunicationē, & inventionem.

Propterea denuò rogatos & monitos volo importunos tales Operarios, qui acceptò suò grossò non sunt contenti, juxta Matthæum cap. 20. ne impetuosè, & illotis manibus irrumpant in occultum hocce Gazophylacium, & Sanctum Sanctorum; sed secundum generalem & adcuratam Christianorum Cynosuram, ORA ET LABORA, legitimæ suæ Vocationis, ac antiqui illius DIC, CUR HIC, curam gerant, in sudore Faciei vescantur suo Pane, ac in silentio & spe expectent, quantum Majestas Divina pro suâ Clementiâ è gratiofo suo Cornu copiæ ipsis in Corporum & Animarum commodum fit admensura. Mihi locò *Tinctura Universalis*, locòq; magnarum Divitiarum sufficit cum Divò Paulò Gratia Divina, juxta 2. ad Corinth. 12. v. 9. & quod *Amor meus* crucifixus sit.

Antequam nunc ipsam aggredior materiæ tractationem, prius monendum judico, me minime latere, quod *Materia* hujus *Universalis*, E-
jusdem-

jusdemque Præparationis manifestationem dissvadent plurimi; Partim quidem hoc faciunt Viri ingenui & prudentes, ideo, ne Perlæ projiciantur Suibus, aut Regalia & occulta Artis nostræ in indignos disseminentur; atque ita isti indigni hac occasione potentes fiant ad Peccata perpetranda per Divitiarum abusum. Partim vero hoc conantur nasutuli, arrogantes, impii, hoc summum læsæ *Majestatis Divinæ* crimen censentes, talique Proditori, quem vocant, Apoplexiam, malaque alia omnia imprecantes: Hi enim malitiosæ invidiæ stimulo, & cum velint videri coram omnibus, quasi plenaria hujus rei notitia ipsis competeret; quamvis juxta veterem historiam, cum Mercatoris illius luscinia vox saltem sint, prætereaque nihil, atque multa dicant, pauca vero probent, vel potius probare & demonstrare valeant, ac publice erubescere cogerentur, nisi dictæ occultationis clypeo sese a claris probationis radiis defenderent.

Verum enim verò, quemlibet Ego suo abundare sensu permitto; Ipse verò potius assentior hisce dissentienti meo *Sennerto*, communi illi Præceptoris, ac Germano Hippocrati, qui Libr. de Chymicorum cum Galenicis consensu & dissensu, cap. 18. p. 315. inter alia sic loquitur: *Si quidam nunt, qui Medicamenti Universalis notitiam habent,*

bent, Illud verò planè occultant, ne! illi valdè iniqui sunt, & in Genus Humanum injurii, charitatisq; Christianæ oblitī, qui tantum Thesaurum cum Servò illò nequam occultant, eòq; nulli prosunt, &c. Hucusque Sennertus. Proinde Ego met illud, qvòd de hòc arcanò mihi constat, Mundo ingenuè & apertè sum declaraturus; *Divinæ* relinquens Directioni ac arbitrio, cuinam hocce detegere penitùs ac concedere voluerit; alibi enim jamdudum monui indignos & malè hoc collocantes, licèt ipsò Argò fuerint oculatiores, hic cœcutire; & licèt Salomone Sapientiores, Spirituum Vertiginem experiri.

Hac occasione non possum non, qvin quodammodo repetam, quæ primo Tractatus Capite monui; nimirum, me ad Conscientiam meam appellare, qvòd nullo alio plane fine crenam Operi huic arduo admoverim, qvam ut Majestatico illi præcepto, Homines omnes ferienti, Math. 22. v. 37. [qvo jubemur, ut diligamus *Deum* toto Corde, & Proximum veluti Nos ipsos,] pro virili obediam; atqve Talentum Mihi cœlitus concreditum non in Terra defodiam. Quilibet enim Medicus conscientiosus hunc suis actionibus ponat scopum, ne chorda semper oberret eadem aut saltem stupida simplicitate credat, qvòd Antecess-

tecessores crediderunt; sed studeat, Naturalium Re-
rum causas reddere certiores & evidentiores; ne
in eodem statu per ignaviam Nostram quasi tor-
pescat Medicina; sed amplior, ac illustrior trada-
tur Posteritati; Eiqve sic simul stimulus addatur,
hancce ad majus majusqve semper gloriæ ac ho-
noris fastigium evehendi. Cum enim viderim,
partim plures variarum in re literaria Facultatum
Asseclas, viros eleganti & solida doctrina con-
spicuos è falsis Hypothesibus, diversisqve rationi-
bus superius adductis, partim vero non paucos
alios, serò cum Phrygibus sapientes ex Animi le-
vitate, atqve indignatione, qvòd Tempus inutili-
ter perdidierint in conficiendo Auro, &c. plane ne-
gasse existentiam hujus *Tincturae*, atqve ita maxi-
mam *Divino* Honori (cujus tamen promovendi
studium Christianis omnibus incumbit,) intulisse
injuriam, dum abrogare ita volunt unam è Crea-
turis summe miraculosam, ac quasi primiceriam.
Propterea in Capite tertio non solum hancce præ-
parandi possibilitatem sat prolaxis circumstantiis,
firmisque uti spero rationibus demonstravi; sed e-
tiam nunc Materiam ipsam, quam ex aliis didici,
modumqve hanc ex ea conficiendi, ad contradi-
centes eò felicius & facilius convincendos subjun-
gam. Facile qvidem mihi persvadeo, Proposi-
tum

Z

tum hocce meum non quorumlibet Genio esse satisfacturum; cum omnibus placere sit impossibile; ac veluti Divo *Paulo*, Romam abituro, prædicebat Propheta, Act. Apostolor. cap. 21. v. 11. Ipsum ibidem expectare vincula & catenas; ita scripto huic meo obviam ituras prævideo irrisiones, convitia, contradictiones, Nasos aduncos. Infernalis enim Discordiæ Promus-condus lapidem movet omnem; ne pessumeat illud Dictærium, quod Homini Homo *Diabolus*, & quod Figulum Figulus odio prosequi non cesset. Confido tamen, apud Viros saniores, ac purioris Literaturæ Me veniam esse impetraturum, Eosque excusatum me vel inde eò facilius habituros, quod insudaverim Materiæ summe abstrusæ, & non tam multis Annis vel Lustris, quam pluribus Seculis præ omnibus aliis controversæ & ventilatæ, ceu fatebuntur Medici atque eruditi omnes. Quod si igitur uni vel alteri penitior & clarius suppetiverit hujus rei scientia, & si noverit hisce à me propositis quiddam rectius, rogo, ut candidus impertiat, ac placide exponat Mundo literato; atque ita faciet rem non modo Academiae Nostræ Naturæ Curiosorum; sed etiam Christianismi legibus dignissimam. Illos vero qui cavillandi studio me prosequuntur, ac scommatibus adoriantur, è fun-

fundamentis Ethicæ Christianæ nihili æstimabo, *Davidem Simei* convitianti non obloquentem secutus, nec a fininæ illi calcitrationsi me opponam, quemadmodum integro hoc Tractatu Egomet sane nunquam vel minimo etiam verbo lædere quempiam, animum induxi. Misereor potius illorum, quod Christianæ Proximo debitæ Charitatis sint oblitæ; *Deumque* gratiosum oro & obtestor, quò majus impoſterum illis erga Proximum innocentem excitet Amoris fermentum, ut ita meliorem propriarum Animarū curam gerere discant.

Materiam ipsam mihi nunc descripturo tam amplius sese offert diversarum opinionum hanc summe confuse aut occulte tractantium ac depingentium campus, ut, utrum eloqvar, an sileam, ferè nesciam; integrum sane efficerem Tractatum, si easdem proponere conarer. Librorum enim publice de hoc vagantium tantus est numerus, ut facile sufficeret pro onerandis aliquot curribus, imò navibus. Et quod admiratione dignum majore, inter illos numero, uti dictum, plurimos plures diversam, & singuli fere singulares foveant sententias, ut omnes tantum - non invicem, ad minimum in nonnullis principalioribus Hypothesibus, & necessariis circumstantiis dissentiant, vel saltem dissentire videantur, & quamvis me mi-

Z 2

nime

nimè lateat, quòd in horum unò vel alterò ingenui & prudentes nonnulli Artis Filii veram & genuinam Materiam vel quodammodo tangant, vel etiam satis perspicuè proponant publico, Lectores tamen tantorum Naturæ Arcanorum planè aut saltem quorundam enchirisiū ignari, nec manūs ipsas operi antea admoventes, per inspecta scripta alia Chymica spuria Materiam aliquam remotam, & erroneam commendantia turbantur, quomodo verum à falso discernant, & quò se vertant, nescientes; adeò quidem, ut lucidorum veræ Materiæ radiorum claritas non sufficiat pro dissipandis obscurorum istorum Tenebrionum & vesperilionum tenebris, pro refellendis ludicris Simiarum talium operibus.

Sane, dum in memoriam mihi revoco notatam diversarum Sententiarum farraginem, vel Mixturas simplices, parum abest, quin simul in indignationem, commiserationem & risum rapiar. In indignationem quidem, expendens, quod multi è fastuosa arrogantia hac de Materia projiciant ampullas, & sesquipedalia Verba, (postquam è malè intellecto scriptò Chymicò nonnulla exfluxerint,) ac tantis ænigmatibus, tantisque obscuritatibus obvelent, tamque occulte Orbi curioso sua obtrudant, ut Nodos hosce Gordios solvere sit omni-

omnium difficillimum, si non impossibile, & neque Davus, neque Oedipus aliquis Mentem & Sensus Autorum istorum penetrare valeat; ut crediderim, illos ipsos partim nescire, quid intenderint, quid scripserint; ac proinde optime in eos quadret illud Diæterium, quod quidam obscurissimo Poëtæ Persio opponebat: Si non vis intelligi, cur scripsisti?

In commiserationem verò, dum non paucimifelli, talium blateronum & vaniloquorum promissis spe Auri olim arripiendi turgidis patiuntur Sibi imponi, suaque capita turbari ac repleri, inauratis vaporibus; atque ita videntes, multos alios occupari circa magnum hoc negotium, ne *Diabolus* ipsos inveniatur otiosos, illud idem aggrediuntur, tamen quasi semiebrii, sine methodo, sine decentibus Artis fundamentis, illiterata & stupida in simplicitate; Atque ita frustraneis his *Tantali* Dapibus avidè inhiant, *Sisyphi* Saxum hocce volunt indefesso & laborioso fervore, Manibus tamen svavissimo dulcissimæ Spei melle vel balsamo illitis, atque sub spe exsucca senescunt; non aliter, ac illi, qui cellam cerevisia recenti aut Musto fervente plenam ingrediuntur, quasi ebrii redduntur, sine vera grati ipsius liquoris perceptione ac usu.

In Risum vero, dum horum Nugifumi-venti-vendulorum aliqui, videntes, quod veris per Ignem Philosophis nonnullis per allegorias, secretas descriptiones, variaque à rebus usualibus & cognitis deprompta, aliter verò penitus intelligenda Nomina (ne hoc magnale dignis & indignis simul communicetur, nec Perlæ projiciantur Sui-bus, uti loqui amant, aliasve ob causas,) id describere placuerit, fidem, ut etiam aliquid coram *Mundo* esse videantur, publice exponunt falsa & ficta sua Arcana per ridicula Emblemata, & stolidi Hieroglyphica, vel ipsi Heraclito cachinnum extorsura, per hyperbolicas item paraphrases & excursiones; adeò, ut nullus unquam Philosophus tam absurdas Chymæras, aliaque Rationis Entia Animo concipere fuerit ausus. Atque ita Geniis suis blandiuntur, crumenasque ob frequentem titillationem & purgationem ad atrophiam vel marasimum proclives solantur, dum, quod fieri (& quidem frustra,) sperant, gaudio intempestivo, & quasi ecstático-entusiastico ex se rapti jamdum factum credant, Triumphum ante Victoriam canentes.

Proinde seducti nonnulli, etiam non mediocris Eruditionis Medici & Chymici, locutionibus dictis tam varie dissentientium, tam varîe sibi con-

contradicientium metaphoricis & occultis, pro laborum suorum scopò tanquam genuinam Materiam selegerunt summè diversa, ferè innumera. Multi quidem confisi sunt in *Aurò* ipso, utpote Metallorum Rege, Sole & Phosphorò; In hoc enim latitare incomparabilem vim balsamicam, & restaurativum *Archæi* Nostri debilitati, non habemus, cur dubitemus, nec ullus negare audebit. Quàm anxie hinc per operationes Pyrotechnicas omnes illi *Aurum* notatum, & cum hoc seipsos laceraverint, cruciaverint, torserint, quasi inviti testatum eunt libri plurimi. Et cum *Aurum* inter remedia particularia principem facile obtineat locum, judicârunt, inde eò feliciùs adscendi posse præ aliis omnibus ad Universale; Cùm etiam inter res metallico-minerales, nec Invidiâ contradicente, sit perfectissimum, eò citiùs & commodiùs inde sperandum esse exaltationem ad *Tincturam Universalem*.

Non minùs multi aliù toties-totiesqve frustra insudavere reliquis Metallis omnibus hic huic, ille illi, iste isti; præcipuè quidem *Mercurio*, *Veneri*, *Saturno*, &c. Plures deniqve Nomen huic vel illi corpori mixto Chymico aliàs dari solitum, à veteribus autem Pyrotechnis Arcano cuidam impositum, atqve hic diversò planè sensu accipiendum, jux-

juxta verbalem tenorem intellexerunt, & sic cum aliis Seipfos deceperunt, dum nimirum Mentis Manusque fatigârunt in Chymicè tractandis variis Rebus naturalibus, præprimis quidem è Regno minerali, *Antimoniò, Vitriolò, Nitrò, Sulphure, Sale communi, Sale armoniacò, Sale gemma, Alumine, Arsenicò, Magnete, Mercuriò sublimatò, Borrace, Lapide calaminari, &c.* ut & è Regno Animali *sanguine, mumia, spermate, secundinâ, urinâ, Ovis;* nec non è Regno vegetabili, *Vino, Sale Tartari, Fuligine, Lunaria, Sanguine Draconum, Rore Solis dicta Herba, &c.* Quo vero eventu & successu id factum, loqui jubeo talium infelicium Alchymistarum, & Pseudo-Adeptorum vel querelas publicas, vel Amicis concreditos animorum suorum morsus, vel pudorem tacitum, ob marsupium corrugatum, & loco sperati Hydropis Hæctica correptû & consumtum.

Minime quidem negamus, dicta Corpora Physica, & similia constare è genuina *Materia Universalî*; cum res omnes Mumia hac Balsamica ætherea sint imprægnatæ, ea crescant, nutriantur, conseruentur. Verum talia Corpora ob suam maturitatem sunt Materia saltem remota, imo partim remotissima; minime vero propinqua vel proxima; dum in hisce dictus Balsamus ni-

mum

mium est fixatus & coagulatus, copiosisqve cruditatibus heterogeneis conspurcatus, ut proinde ad primævam suam operi huic incomparabili summe necessariam minime reduci queat puritatem & homogeneitatem; Cum nihil plane alieni aut extranei *Tinctura* Nostræ compositionem ingredi possit, ac debeat; Materia enim ejus abundanter in se habet, quod ad suam perfectionem habere debet; veluti in manuscripto secreto loquitur *Petrus Johannes Faber*, cap. 5.

Aliis tandem licuit quidem esse tam felicibus, ut propinquam & veram *Materiam* arripuerint, & tetigerint; cito tamen à regia hac via iterum aberrarunt, dum non unitam & integram Laboti destinarunt; sed huncce saltem sunt aggressi in dimidia *Materia* Parte; hoc est, vel nimis alta & superiora petiverunt, eligentes partem solummodo æream & volatilem; vel adhæserunt nimium inferioribus; quærentes, quod desiderant, in sola parte fixiore vel terrestri Alii denique omiserunt enchiriseum necessariarum unam aut alteram; cum opus hocce superficialiter sese tractari neutiquam patiatur.

Non defuere etiam multi qui *Materia* veræ admiscuerunt aliena, heterogenea, & jamdum composita & fixa corpora. Ut proinde propria

Aa

sua

sua Culpa potiri optato fine minime valuerint.

Præmonitis hisce, Veram *Materiam Universalem* declaraturus, brevius, & adcuratius simul, illud præstare nequeo, quàm per duo verba sequentia, deprompta è secretò Manuscriptò, quod Serenissimo *Holsatiæ* Duci, ac Norwegiæ Hæredi, Dn. *Friderico*, beatiss. Memoriae, tam in genere reiliterariæ, quàm in specie Medico-chymicæ Mœcenati incomparabili communicavit magnus Naturæ Mysta, *Petrus-Johannes Faber*; dum cap. 25. statuit, *Tincturam Universalem* præparari è Purò *Natura*; vel, uti *Clariss. Christian-Adolphus Balduinus*, *Traçtatu de Aurò Aura*, cap. 3. p. m. 37. unicò verbo Eandem appellitat, *Uranogeam*, hoc est, Coelum Terrificatum.

Ne autem obscurum per æqve obscurum curiosis obtrudam; sed scapham scapham nomen, pro horum verbulorum dilucidatione subjungo sequentia: E superioribus patescit capitibus, *Tincturam Universalem* perficere suam operationem non veluti alia Medicamenta particularia, dum innata è qvalitate unumqvodque agit in sibi contrarium, v. g. dum remedia alcalia extirpant Morbos ab acido præternaturali & nimio oriundos; vel, dum hoc medetur Epilepsiæ, illud sanat Phthisin, istud eradicat Febres, aliud se oppo-

nit

nit Arthritidi; quoddam Menstrua tarda pellit, isthoc nimia sufflaminat; Unum est sudoriferum, alterum purgans, tertium vomitorium, quartum vero adstringens; & sic porro. Sed illa efficaciam suam exserit roborando *Calidum innatum*; veluti in Antecedentibus latius didictum.

Anima enim Nostra unice hujus & Spirituum utitur ministerio pro integra conservanda Oeconomia Microcosmica. Hac enim *Tinctura* incomparabile affunditur oleum lampadi ignis vitalis, quo Spiritus cordis suppressi recreantur, recenter illustrantur, & in actum denuo ducuntur; recreati hi, & illustrati Balsamica sua virtute massam sanguineam imbuunt, & renovant; hinc accepto necessario pabulo ac nutrimento, quodlibet Membrum, rite suo, ad quod destinatum est, fungitur officio; Internæ partium dissensiones præcaventur, aut præsentés tolluntur; & quæ circulatoriam Sanguinis Officinam turbant, sedantur, expelluntur; breviter multa: præsens sanitas conservatur, & amissa restituitur.

Non minus *Tinctura* laudata in Metallorum imperfectorum exaltatione aut transmutatione energia quasi imperatoria desideratum absolvit Opus.

Stantibus & præsuppositis hisce modò dictis,
Aa 2 [nimi-

[nimirum, quod *Tinctura Universalis* minime operetur ea methodo, qua alia Medicamenta, qualia-qualia sint, specialiter hoc contra hunc, illud contra illum morbum, aut ab alcali, aut ab acido vitioso vel nimio ortum; Sed hæc sola contra adfectus omnes à quacunque etiam causa morbifica progenitos modo Archæali agat, ac pugnet;] sequitur, Ejusdem Materiam ex qua neutiquam posse quæri in corporibus mixtis fixis perfectis, unde suam haurit originem reliquorum Medicamentorum cohors; sed altioribus rebus natales debere, atque ex occultioribus Naturæ arcanis ortum sumere. Proinde ex effectu, vel à posteriori, [veluti in rebus Physico-Medicis non infrequens est,] argumentantes, dicimus, effectum Universalem præsupponere similem, id est, Universalem causam, ut sic necessario sit quærenda, & expectanda ejusdem præparatio in Rebus primis & universalibus, Principiisque generalibus rerum omnium Macrocosmicis, Coeli, Astrorumque influenza imprægnatis, è quorum dispositione vegetatio & interitus, Vita & Mors Macro- & Microcosmi dependet. Hæc sunt illud *Purum Naturæ* superius allegatum Petri-Johannis Fabri; Hoc ille in citati Manuscripti Capite 26. definit, quod sit nihil aliud, quam quinta *Essentia Cæli & Elementen-*

lementorum omnium, quod in Centro terra exco-
quitur, & hinc per poros terra amandatum pro-
ducibilia omnia producit, præservat, alit.

Quamvis de hujus Universalis principii defi-
nitione, ac essentia dilucidanda è diversis Naturæ
Proceribus varia lucernam olentia producere pos-
sem, (Siquidem curiosum Lectorem remitto tam
ad Theatrum Chymicum, & Museum Hermeti-
cum, quam inter plurimos, & præcipue Neoteri-
cos, ad Petr. Joh. *Fabrum*, in Panchymico, &c. ad
Johannem *Tackium*, in triplice Phasi Sophico,
ad D. *Nuysement*, de sale & spiritu Mundi; ad
Joh. Joachimum *Becherum*, in Physica subterr. &
ejusdem supplemento; ad Heinr. *Kunradum*, in
Amphitheatro; ad positiones de spiritu Mundi
Anonymi, annexasque huic Notas aureas Andr.
Knöphelii, Anno 5. Miscellaneor. Curiosor. German.
adjunctas. Placet tamen pro firmiore veritatis eru-
endæ & propalandæ fundamento ac solatio instar
plurium sola allegare verba Athanasii *Kircheri*, ut-
pote Viri ob rarissimas Ingenii dotes in puriore lite-
raturâ, ac specialiter in Physicis Theorematibus, &
similibus, exceptâ Chymiâ Practicâ, incom-

Quamvis enim hic manifestus sit H
acerrimus Antagonista *Tinctura Nostræ*
minus tamen tam in aliis Scriptis, quam

in Tomo secundò Mundi sui subterranei adcuratè & nervose describit *Materia* nostræ Materiam; horum tamen inscius planè, alienòqve scopo proposita proponens. Ex quibus denuo clarescit, quam miraculosa suis sit in operibus & creaturis, uti ubiqve, ita etiam præ aliis in hoc nostro *Divina Majestas*, dum magnus hic vir nescit, quantum sciat in rebus Chymicis, & quam immerito & injuste tantus sit Chymico-Mastix; Cùm econtra tot ac tot Nasutuli, Philauti, Chymicastro crepent in similibus sese multa scire; cum tamen omnia, vel ad minimum plurima & potiora arcanissimi hujus Mysterii nesciant.

Modò dictus immortalis *Kircherus*, Mundi Subterranei Tomò II. Libr. 12. Sect. 1. cap. 1. p. m. 327. inter alia, in hæc erumpit verba, de Rerum Panspermiâ, seu de Virtute seminali catholicâ loquens: *E sacris Mosaicis Oraculis, quæ meritò omni Humane cognitionis certitudini multis parasangis anteferrè debemus, constat, Conditorem omnium, DEUM in Principiò Rerum Materiam quandam, quam Nos non incongruè Chaoticam appellamus, è nihilo creasse. Gloriosus enim DEUS creavit omnia simul, intra quam, quicquid in Naturâ rerum mixtarum, substantiarumq; materialium postea producendum erat, veluti sub Pansper-*

permia quadam, confusum latebat. Et paulò post inquit: Quæ cum ita sint, meritò hoc locò queri potest, quanam fuerit illa Panspermia, & vis seminalis Rerum omnium productrix? Dico, fuisse Spiritum quendam materialem, seu ex subtiliori Cælestis Aura, siue ex Elementorum Portione compositum, fuisseq; vaporem quendam Mercurio-Salino-Mercurialem, (facile hîc quilibet subolfacit vitium typographicum; dum pro Mercurio-Sulphureo-Mercurialem legendum Salino-Sulphureo-Mercurialem, Autorisq; Mentem sequens statim pagina explicat,) Semen Universale Rerum, Elementis à DEO concreatum, originem omnium eorum, quæ in Mundò condita sunt, Entium corporeorum. Hic enim pro naturâ Matricum, quibus inditus, in Matricibus quidem inanimatis Mineralia & Metallica Corpora, in Vegetabilibus Plantas omnis generis, in sensitivâ naturâ Animalia juxta congruam unicuiq; naturam, institutione mirifica producit, & in tot corpora mixta, quot species Rerum sunt, combinatione ineffabili, soli Deo nota, individuatur.

Et in disquisitione, pag. seqv. Unde non immerito hoc, tanquam Semen Universale Natura, Spiritum Salino-sulphureo-Mercurialem, unam Substantiam triplici virtute distinctam nuncupandam

dam cēsumus; Proximum rerum omnium principium, elementis, quæ hujus vehiculum quoddam sunt, & Materiam remotam, ab initio rerum inditum, & ad rerum omnium constitutionem compositionemque à Deo destinatum; Cum nihil sit in rerum Natura, quod ex hac triplici virtute, in uno sale Natura contenta non constituatur. Plura, sis, vide apud Autorem, in hoc, aliisque locis pluribus.

Quemadmodum igitur *Spiritus* hic *Mundi Universalis*, *Anima* hæc *Universi*, *Sal* hoc *Naturæ Astrale*, *Unum* hoc à quò omnia, *Balsamum* hoc catholicum, *Mumia* hæc generalis, genuinum hoc *Aurum Philosophicum*, desideratissimus hic *Philosophorum Mercurius*, purissima hæc *Cœli ac Elementorum omnium Quinta Essentia*, *Superiora & Inferiora omnia fovet*, nutrit, conservat, sine cujus influxu perpetuo nihil dictorum cunctorum vivere, vel subsistere potest, ita quoque ex hoc Subjecto jure merito quærimus *Tinctura* Nostræ *Universalis*, nomini ejus convenientem *Universalem Materiam*.

Cum verò *Spiritus* hic igneus, *Sal* hoc cœlestes summè sit volatile, invisibile, ac quasi insensibile, ideò infallibiliter indiget cujusdam *Corporis* vel *Materiati*, per quod, ac in quod agat, vel quò median-

diante operationes suas in actum deducere valeat. Sed quoniam modo ac medio sit concentrandum ac increassandum verum hoc Jovis Nectar, Solare Sulphur hoc Philosophorum, quomodo capienda sit hæc Hermetis Avicula, variè sese exercuerunt, suaque cerebella exsiccarunt, atque in hujus capturâ non levius sanè, quàm in ipsâ materiâ inveniendâ, & cognoscendâ hallucinati sunt Chymiatorum plures, partim non infimi quoque subsellii. Proinde etiam, non minùs ac ipsam Materiam, magni Artistæ occultarunt, vel obscurissimè publicò exposuerunt Chymicum hoc suum Rete, suum Magnetem, suum Chalybem, quem vocant; adeò quidem, ut non pauci verorum Chymicorum Philosophicum Mercurium, vel Spiritum illum acreum satis manifestè detexerint; quomodo autem hic sit figendus, cum sale fixò conjungendus, ferremendus, &c. hic aut Aqua iis ipsis hæret, aut illi hæsitant, idque occultant, ut Aqua aliis hæreat.

Quoniam igitur ex hætenus dictis clarescit, quòd è Chaotico illò Ente primò res omnes generentur, quod ex hoc unò fiant omnia, Deò in generali creatione sic volente & ordinante; Dum nimirum illud semen catholicum influit in cuncta corpora materiata, ibique subsistit in horum Ma-

Bb

trice;

trice; tunc Virtute per Protoplasten inditâ ab irradiante seminis Astralis influxu excitatur aliqualis mixtio, vel unio; (Neoterici magis nervosè vocitant fermentationem;) tunc è dicto subjecto pro hac vel illâ Creaturâ efficiendâ dispositio oritur hæc Arbor, hæc Planta; hoc Minerale, hoc Metallum; Et ita porro procedit rerum omnium generatio, nutritio, auctio, conservatio. Sic ipse homo certe traducitur & generatur è semine Parentis.

Generatio autem hæc minime perfici alibi potest, quam in Utero Materno, ubi hujus fit Mixtio & Fermentatio cum illis, quæ Mater operi confert. (Loquor de modo generationis ordinario; lusus & errores Naturæ, Exemplaque extraordinaria me non feriunt;) Sic quoque Semen Brutorum non generat, nisi in Matrice apta. Idem esto judicium de Regno minerali & vegetabili. Quamvis enim v.g. Semen brassicæ, raporum, cochleariæ, &c. &c. sæpe-sæpius, vel etiam diu exponas aëri, radiis Solis vel Lunæ, Rori, Pluviæ, &c. extra dubium dicto hoc Spiritu architectonico imprægnatis, neutiquam tamen perfecte, & solito more producet sibi simile, nisi communicetur terræ, mediante sale fixo ad Generationem & Fermentationem dispositæ.

Pro-

Proinde Materiam *Tincturae Universalis* perfectam & genuinam nullo plane alio modo existere posse, ac jam dictum, statuo. Hinc eandem lectori propono sub tali descriptione, aut definitione: *Materia Tincturae Universalis est Substantia, è primis catholicis, & purioribus rerum omnium principiis orta, mediante Aere, sub forma Salis volatilis, invisibilis, ac summe penetrabilis, legitimis & balsamicis Anni temporibus cum Sale Terræ centrali fixo, quod ejusdem cum Sale volatili est Originis, unita ac fermentata.*

Dixi, i. *Substantiam è primis, catholicis & purioribus principiis rerum ortam.* Quid per hæc Principia indigitetur, modo adducta è Kircherò, aliaque docent, ut ample eadem hic repetere, supervacaneum judicem; duobus saltem verbis addens, quod hæc sint pars subtilior, purior, & magis perfecta, ac quasi quinta essentia vel extractum Cœli & Elementorum; per quorum influxus Astrales & æthereos non modo generantur, sed etiam conservantur, ac nutriuntur res omnes, & hoc per peculiarem à Deo implantatam superiorum ac inferiorum familiaritatem ac harmoniam.

Bb 2

Dixi

Dixi 2. mediante Aëre. Quamvis enim dictum *Ens Universale* in omnibus contineatur Elementis, illudque de horum Essentiæ puritate participet; nihilominus Aër ob suam tenuitatem ac penetrabilitatem magis commodus est, locò vehiculi occultum hoc Principium tam generativum, quàm conservativum quibuslibet sublunariis communicandi. Constat enim Physicâ experientiâ, huncce loca omnia, etiam abstrusissimos Mundi angulos permeare, veluti perpetuum quoddam Mobile, aut nunquam otiosum Macro- & Microcosmi Oeconomum inibi contentis pro naturali uniuscujusque desiderio advehere novam Generationi, Nutritioni ac Sustentationi aptam materiam.

Adponam adcurata Verba Joh. Joach. *Becheri*, supplem. in *Physic. Subterranean*. Cap. 5. p. 70. 71. prolata: *Hic est ille Spiritus, qui in Aëre habitans, omnia, etiam insecta Terra, vivificat, Fluminum Aquas fermentat; in venis Sanguinem movet, & tingit; in mineris Metalla producit; in vegetabilibus in flores & fructus excrecit; omnibus omnia in omnibus; in Nubibus pluit, tonat, ningit; in Terris crescit, floret, germinat, in Animalibus vivificat, alternat, digerit; in Mineris fumat, penetrat, figit; arte applicitus*
Vi.

Vitam conservat, Morbos curat, Metalla transmutat; in Volatilibus volatilis, in fixis fixus, in Animalibus animalis, in Vegetabilibus vegetabilis, in Mineralibus mineralis, Philosophicus Chameleon; in omnibus autem naturæ perfectissima, proprietatis penetrantissima, substantia tenuissima, &c. Huc usque Becherus.

Propterea in concussio innititur fundamentum antiquum illud Chymiae dictarium, quod occultus in hoc lateat cibus. Tantum enim contribuit conservationi ac Vitæ omnium Aër, ut citius Cibò ac Potu, quam hoc ipsò carere possimus; adeò, ut firmâ stet connexione hic Circulus: *Quamdiu vivimus, tamdiu respiramus; Quamdiu respiramus, tamdiu Aërem attrahimus; Quamdiu Aërem attrahimus, tamdiu vivimus.* Si quidem continuâ constat experientiâ, Aërem clarum & laudabiliter dispositum communicare creaturis omnibus sanitatem, statumque vegetum; Si vero atomi impuræ à Globo terraqueo elevatæ illum conspurcant & turbant, communi miseria insequuntur Hominum non modo & Brutorum calamitates morbosæ; sed aliarum quoque rerum corruptiones ac interitus. In animalibus enim Sangvinis circulum in statu naturali fovet, sanguinem volatilifât, ejusque cruditates præcipitat,

Bb3

tat,

rat, & dissipat. Sic norunt Philosophi per ignem plures, *caput mortuum spiritus vitrioli* libero expositum aëri per temporis spatium, (ita tamen manifestis radiis solaribus, aut pluvia alteretur,) ab aëreis atomis nova virtute olim sibi indita impregnari, & quasi reviviscere; ut spiritum priore puriorem ac subtiliorem destillatione emittat. Quam enchirisin itidem in *Sale Tartari*, ac aliis alcalibus, item in coctione *Nitri*, *Vitrioli*, *Aluminis*, variisque rebus procedere, jam discunt Pyrotechni curiosi, id est, qui non solum credunt, quod Antecessores nostri (summo quidem honore digni) crediderint, & cognoverint; sed qui arcana naturæ scrutantes in sudore faciei vescuntur suo pane.

Sic propria testor Experientia, Me *Venetis*, *Patavii*, ac alibi in *Italia* observasse apud unoplures Pharmacopæos rariorum ac novitatum avidis nonnulla publice exponentes, quod viperæ aliquot saltem dies natæ, vitro capaci, ligatura bene munito inclusæ Vitam non modo sustentaverint; sed & solitum Corporis augmentum acceperint; & hoc, necessitate sic urgente, sine solidioris alimenti usu, ex solo illo dicto occulto *Aeris* omnia penetrantis cibo.

Non minus elapsi Anni Mense Septembri Araneam

neam magnam (die Kreuz-Spinnen) inclusi vitro capaci, illudque ligatura bene munivi, expecturus, quamdiu sine crassiore cibo ipsi solito, vespis, muscis, &c. viva superesse valeat. Hæc ad quinque Septimanas vegeta satis in vitro degebat, transcurrebat, aliquando fila texebat. Tunc vitro subito aperto indebam similem arancam recens-captam, has ambas aliquoties inveni acriter dimicantes & pugnantes, donec post 12. dies posterius immissa a priore morfu fuerit læsa in corporis densa & gibbosa parte materiam subflavam pingvem effundente, hinc mortua; Prius vero inclusa, finita decima septimana, quietiorem sese successe gerebat, atque ob nutrimentum solidum, solidumque tam diu denegatum debilitata, tandem moriebatur. Jam non attingo exempla hominum longa & insolita abstinencia sese sustentantium, ubi sua itidem, omne extra dubium contulit aer; De quibus consulantur *Fortunius Licetus*, *Sennertus*, alii.

Dixi 3. *Sub forma Salis volatilis, invisibilis ac summe penetrabilis.* Spiritum hunc æthereo-æereum, verum illum & proximum *Dei O. M.* pro conservandis suis Creaturis omnibus amantem, non immerito Salis nomine describunt Chymicorum plures; cum ipsi propriæ qualitates sali-

salinae apprime convenient. Sal enim generaliter sumpta ejus voce indicat Substantiam summe perfectam & balsamicam; adeo ut centrum cujusvis fere rei in sale lateat. Sic videmus in residuis plantarum, &c. combustarum, aut calcinatarum cineribus sal esse praesens, efficaciam suam cuilibet excoquenti vel elixivianti manifeste demonstrans.

Dixi autem hoc *Sal volatile, invisibile, ac penetrabile*, cum ob supremam essentiae suae puritatem ac tenuitatem visum & tactum nostrum effugiat, ac ob incomparabilem suam penetrabilitatem ubique reperiatur. [Artificiose illae, & natura quasi invita factae vacui demonstrationes Valeriani Magni, Dn. de Gverike, &c. valde curiosae me non tangunt, cum hic agatur de motu aeris spontaneo & naturali.] Quomodo autem aer cum suis contentis alia loca, occultiores etiam abyssos penetret, cum à multis, uti prolixè ita perspicue jamdum sit Publico communicatum, hic repetere, extra meum est propositum; propterea Lectorem ad illos remitto.

Dixi 4. *Cum sale terra Centrali fixo*. Ex haecenus dictis manifeste patescere nullus dubito, Materiam Materiae Nostrae Universalis quidem constare è sale hoc catholice principiante, è cōcentrata hac Coeli, Elementorumque essentia. Cum
autem

autem hoc sit summe volatile ac fugitivum, ideo etiam, ceu de rebus aliis omnibus monitum ac probatum, retinaculi, corporeitatis, aut materiati cujusdam indiget, in quo operationes suas perficere, atque in actum deducere valeat. Et quemadmodum Aer huic Materiae inservit, ut mediante ejusdem vehiculo, volatilitate summe penetrabili loca omnia transeat, ita e contra *Creator* dignatus est Terram, ut sit ejusdem Receptaculum, vel potius Macrocosmi laboratorium.

Verum enim vero, cum non quodlibet fiat e quolibet, juxta commune Physicorum effatum, neque e quolibet ligno fiat Mercurius, juxta vulgare adagium, sic non est, ut quisquam sibi pervadeat, quamlibet terram, quodvis minerale aut Metallum aequae apta & disposita esse, tanquam Materiam proximam, pro legitime recipiendo aethere hoc hospite, pro capienda & debite retinenda hac Hermetis avicula, quam dicunt Artis filii. Sed primus & primarius *Orbis Architectus* omnis scia sua providentia pro foetu hoc miraculoso concipiendo, fovendo, nutriendo, pariendo non elegit aurum, argentum, adamantes, ambram, perlas, aut similia pretiosa subjecta; sed in vilissima & nauci aestimata quadam terra [quam itidem dignatus est olim, ut Materiam praebuerit *Adamo* ad

Cc

ad

ad *Sui* Imaginem condito,] per hoc sal centrale fixum foecundam & fertilem condidit Matricem.

Præ aliis igitur ad opus nostrum eligenda terra pingvis, subnigra, vel è nigredine rubescens, & nitrosa, salinis nitri atomis turgida, qvalis pro nitri excoctione adhibetur, item fertilis illa, quæ pro agris foecundandis in usu est, & Marga (*Margel*;) audit; limosa item, mixta aliquâ arenosa parte.

Minime autem conducit terra nimium viscosa aut tenax, cum in tali corpore nimis glutinoso non adeo large & copiose inhærere, ac sese insinuare valeat sal aëris volatile. Multo minus sit nimium sicca & arenosa, cum Spiritus Mundi aut minus sufficienter sese agglutinet, aut transeundo ob laxitatem Corporis magis profunde terram penetret, & interiora petat; sed sit moderatè pingvis, & simul quodammodo arenosa, ut sic ab admixtis arenæ corpusculis, & striis pingviusculum Terræ corpus porosum, dilatatum, & quasi retiforme reddatur; quo gratissimus hic Hospes cò commodius hîc habitare valeat.

Hæc est vera Minera, verum Metallum, verum Nitrum Philosophicum, hæc est vera Terra virginea & pura, qualem desiderant, qualemque innumeris ferè occultis nominibus describunt Artistæ.

tistæ. Debet quidem omnino pro recipiendo lubrico hoc æris Mercurio corpus esse glutinosum, terrestre, minime tamen nimis fixum, qvalia sunt Metalla, Nitrum & Mineralia, aliaque similia corpora perfecta, utpote quæ multis heterogeneis, difficillime separabilibus conspurcata impuritatibus; sed naturæ sit inter hæc mediæ. In tali enim terra uberrime reperitur sal centrale fixum, inibique facilius & copiosius potest obtineri, inque Fermentationem commoveri; quam ex aliis subjectis.

Dicitur autem centrale, quod sal æris astrale & volatile huic, quasi terræ centro inhiet, utpote legitime dispositæ matrici. Minime autem in proprio centro terræ hæc combinatio est quærenda & expectanda; sed potius in Philosophico hoc centro; cum quælibet minera, & quælibet Terræ particula suum habeat centrum è physicæ chymicæ fundamentis.

Terram dictam, ceu genuinum *Spiritus Mundi* diversorium, ac materiam proximam aperuit mihi unus & alter chymiatrorum saniorum, ex illis quorum in superioribus capitibus mentionem feceram, quod hac ipsa fuerit usus ad Tincturæ Universalis laborem, eidemque optato eventu, ac feliciter ita ultimam imposuerit manum. Alii itidem fatebantur, licet opus hoc non
Cc 2
planè

plane licuerit absolvere, cum certo certius illis constiterit, omnipotentem Dei digitum hoc impedivisse, & clausulam ab ipsis desideratam inhibuisse; nihilominus rem juxta puriorum chymicorum methodum, mentem & monita successisse per tempus ex voto, talibusque circumstantiis; quales ab hoc opere feliciter ad finem tendente sunt sperandæ.

Sicco pede hic transgredi non possum nonnullos pro materia propinquæ [& quidem non adeo inconcinne & absurde, si secundum methodum philosophicam & legitime tractetur,] venditare sequentem: Reperitur pluribus *Germania* in locis v. g. prope *Cassellas* Hassiæ, prope *Numburgum* Thuringiæ, &c. in terra pingvi, & limosa lapis rotundus vel oblongus, nucum juglandum vel ovorum magnitudine, coloris sub nigri vel cineritii, nullius saporis. Hic contractus in frustula, paucisque septimanis æri, à pluvia & radiis Solis actualibus munito expositus, à Spiritu Mundi attracto redditur ponderosior, dilabitur in pulverem vitriolico, id est, subdulci sapore imbutum, qui aliquando manifesto vitriolo viridi imprægnatur; aliquando vero, & sæpius per coctionem vel elixivationem elegans tale vitriolum inde extorquetur. Hoc superficialia saltem manu tractatum

tum exhibet egregiam *Tincturam* purificantem, aperitivam, antiscorbuticam. Mente verò Chymica sagaciorè resolutum, inde paratur *Oleum vitrioli dulce* veterum aliq̃vot Philosophorum. Imò juxta alios majora habet in recessu. De hisce consulatur Joh. Rud. *Glauberus*, Furnor. Philosophicor. Part. 2 cap. 10. 11. 12. p. m. 59. 60. 61. sequent. & alii.

Hisce subnecto, Magnum Patronum Mihi detexisse, Terram, de quâ suprà egimus, pinguem & foecundam pro Materiâ propinquâ, imò proximâ omninò posse haberi; dari tamen adhuc magis proximam, si obtineri poterit, nimirum Terram illam flavam, quæ circa & supra Auri Mineram in *Hungariâ*, *Transylvaniâ*, aut alibi reperitur. Hæc enim præter id, quod Rete præbeat satis commodum capiendæ aëreæ Hermetis Aviculæ, participat de Sulphure Auri latentis volatili, quò mediante eò citius & melius se commoveri, exaltari, ac in actum deduci patiantur Entia Nostra Universalia; & hoc ob analogiam Sympatheticam, quam Aurum, Metallorum nobilissimum cum superioribus habeat; quamvis minimè statuamus, quasi Auri magis perfectæ & fixiores particulae hinc requirerentur.

Pro cujus Rei dilucidatione addo, celeberrimum illum, Mihi nunquam sine magnò Honoris

titulò nominandum Dn. D. *Michaelis* è dictà terrâ Solari Hungaricâ iussisse præparari, & extrahi per Amanuenses spiritu aliquò appropriatò Tincturam; Postquam igitur aliquot diebus super notatâ terrâ in Cucurbitâ vitreâ steterat menstruum pro solitâ digestionē absolvendâ; ecce! omnes eæ partes cucurbitæ, menstruò terræ Solaris quæ tangebantur, firmiter Aurò obductæ conspiciebantur, adeò, ut difficillime postea hoc Aurum à vitri lateribus abradere licuerit; Hæc autem extractio vel Tinctura egregium & raræ virtutis præbebat confortans & sanguinem purificans.

Fateor tamen eundem virum magnum sequenti Annò itidem instituisse similem Extractionem; at quamvis laudabilis efficaciam obtinuerit remedium, cucurbitæ tamen inauratio neutiquam succedebat; eam procul dubiò ob causam, quòd una terra atomis aureis & aëreis sit magis imprægnata ac dotata, ac pro spiritu *mundi* recipiendò aptior, quàm altera; vel quod fortassis eadem non bonis constellationibus & debito tempore fuerit collecta. Hæc de terra solari dicta in medio relinquo; possetque eadem adhiberi eò modò, quo pro maturanda *Tinctura Universalis* perfectione nonnulli Aurum debito tempore addunt labori; veluti caput sequens docebit. Sufficit, quod superius adducta

ducta terra pingvis & nitrosa à sagacissimis chymiatris mihi cognitis pro verè proximo, universali & catholico subiecto labori fuerit destinata, eventu optato, nec auri perfecti auxilio per se indigeat.

Ex hoc ita præsupposito commodiorem & efficaciorẽ præberet *Materia nostra* Materiam terra circa fluvios auriferos in India occidentali reperta, cum sulphure Auri volatili vel Auro immaturò largissimè sit imprægnata. Qverebatur enim mihi in *Batavia* præcipuum quoddam dictæ societatis *Indicæ Occidentalis* membrum, quod arenæ aureæ, uti notum, ibidem collectæ, dum ea fusione vel liqvatione in corpus cogitur, ob nimiam, & reliquo Auro insolitam volatilitatem, multum ponderis decedat, vel in auram avolet, ejusdemque fixatio à pluribus rerum chymicarum & metallicarum apprimè gnaris frustra hucusque fuerit tentata.

Cœterum, me neutiqvam latet, aliquos peritorum è Neotericis Chymicorum materiam aliquam magis aptam iudicare *Operi Universali* medicamentofo, aliam verò ad Metallorum transmutationem catholicam. Quod egomet omnino in suò honore relinqvo; saltem addens, quod talia oleant particularitatem, vel sint analoga reme-

mediis ac modis particularibus; neutiquam vero sint, nec vocari possint vera *Tinctura Universalis* vel Veterum ille *Lapis Philosophorum*, proprie sic dictus, cum communi testimonio vel assertione hic utrumque perficere valeat.

Dixi. in definitione, quod sal terræ fixum ejusdem sit originis cum sale volatili Æthereo; id est, licet hoc quodammodo diversæ videatur Essentiae cum sale volatili astrali influente, cum hoc sit naturæ volatilis, illud vero fixæ; nihilominus postea mediante fermentatione amice congruunt & uniuntur. Ut ita sal hoc terræ fixum, veluti omnia, natales debeat quidem suos spiritui Elementari, tamen postea amandatum sit à Creatore, ac concentratum in fixam substantiam ad terram fertilitate imbuendam, ut & hujus matricem ad arduum opus nostrum disponendam. Hoc enim sale fixo absente minime foecunda foret matrix *Terræ*, imo plane inepta pro recipiendo, legitime fovendo, conservandoque sale volatili aëreo.

Dixi 6. Quod sint unita & fermentata. Ex his duobus enim, quæ antea etiam fuere quasi unum, hoc est, quæ iisdem Principiis sunt orta, ejusdemque sunt naturæ, necessario denuò debet fieri unum; volatile enim redditur fixum, & fixum volatile; vel volatile figitur à fixo & fixum

xum volatilifatur à volatili, post aliquam eorum contranitentiam & pugnam; ut ita *Superius* fiat sicuti *Inferius*, & *Inferius* sicut *Superius* per universalem illum magnetismum, vel Sympatheticum consensum Superiorum ac Inferiorum ab *Archeo catholico* in agente & patiente institutum. Unionem autem dictam decenter & perfecte fieri non posse, nisi mediante aliqua fermentatione, testatum eunt adcuratiores Pyrotechni, dum nimirum per humidum terræ pingve & unctuosum retinetur sal volatile, atque ita in illa, tanquam Macrocosmico laboratorio, per virtutem Matrici terrestri innatam principiorum horum principiantium atomi heterogenea hactenus contentæ sub substantia post amicam & lenem effervescentiæ pugnam denuo conjunguntur, ac in desideratissimam hanc transplantantur Materiam.

Verum quia generalis hæc unionis & fermentationis actio ac modus à variis Naturæ Mystis uti ample, ita adcurate fuerit jamdudum tractata; meus autem scopus non sit, alibi ventilata & proposita hic ventilare ac proponere, ideo curiosum Lectorem ad superius citatos Chymicæ Proceres, aliosque ablegatum volo; In specie saltem addens, magnum Kircherum, ut ut Antagonistam *Tincturæ Nostræ* summe fervidum, magnam

Dd

gnam

gnam lucem itidem accendere huic actioni & operationi, licet plane hujus inscium, aliisque intentum; Dum nimirum generationem Metallorum, Mineralium, Lapidum, vegetabilium, aliarumque rerum omnium more suo, id est, adcurate & solide depingit & enucleat. Cum autem amplissime eam rem tractet, neque omnia ab eo ibi allata huc referre operæ sit pretium, ideò ille ipse consulatur tum in Mundi subterranei Tomo II. Libr. 8. Sect. 1. cap. 3. & 4. p. m. 6. 7. seqv. Libr. 10. Sect. 1. c. 3. & 4. p. m. 167. 168. & Libr. 12. Sect. 1. cap. 1. & 2. p. m. 327. 328. 329. tam variis aliis in locis.

Dixi 7. Quòd fiat legitimis Anni Temporibus; hoc est, Necessarium etiam, inter tam varia alia quoque esse requisitum, necessariamque enchiridion, ad genuinam & proximam Materiam eò perfectius obtinendam, uniendam & disponendam consistere in hoc, ut ipsa colligatur, vel præparetur tempore fecundò & balsamicò. Quamvis enim firmissimà constet experientia, *Mercurium* huncce *Philosophicum* nunquam ferari, aut esse otiosum; sed semper & continuò circulo influere tempore diurnò, nocturnò, vernali, æstivò, autumnali, hyemali; ac imprægnare quodlibet materiæ sublunare virtutis balsamicæ tantò, quanto pro sui generatione, nutritione, conservatio-
ne in-

Si, & qua materia.

ne indiget. Nihilominus Auram unò tempore magis esse maturam, magisque gravidam virtute balsamicâ Æthereâ, ac alterò; ac modò largius, modò parcius Mundi animâ esse imprægnatam, radiosque solares, motusque lunares diversimodè & manifestâ alternatione operari, & mulieres, & rustici nostri nòrunt.

Ante omnia enim eligendus est aër purus, præprimis siccus, sine vento violento & inclemente atomos spiritus Mundi displodente. Cum autem Archæus Astralis circa Æquinoctia & Solstitia sit magis foecundus, & occupatus iu operationibus & influxibus suis, vel etiam tunc purior, ideò præprimis observetur, ac in honore habeatur tempus circa Æquinoctium vernale, mense item Aprili & Majo, cum tunc aër turgeat largissimè effluviis generantibus, vegetantibus, nutrientibus; nec minus circa Solstitium Æstivum, Sole existente in Leone; ut & in Æquinoctio Autumnali; Reverenter tamen insimul semper habeantur aliæ constellationes, prout aëris puritas & claritas prædominetur. Melior item effectus est sperandus Lunâ crescente. Tales enim leves quasi enchirises vel solæ sufficiunt, ut Te ipsum decipias, speratoqve operationis eventu excidas. De quibus uberius capite sequente, ubi de quomodo agetur.

Dd 2

Hæc

Hæc est ingenua & genuina bono animo instituta manifestatio Materiae *Tinctura Universalis*, materiae illius, quæ inauditis & quasi incredibilibus Nominibus metaphoricis, locutionibus parabolicis, ac Ænigmatibus hieroglyphicis descripta, depicta, publico communicata; rectius forte dixerim, per hæc magis occultata, magis obscuritatum tenebris involuta, avidas curiosorum intentiones magis confundens, magis turbans; Hæc fuit hucusque innumerorum desideratissime desiderantium desideratissimum desiderium.

Lectorum cuique liberum esto, utrum dictis fidem adhibere, an derogare placuerit; mihi perinde erit: Denuo tamen affirmo, me proposita partim oculis, partim auribus haussisse ex Ore magnorum Chymiatrorum, fide publica summe dignorum, hæc propria experientia sanctè attestantium.

Rogatos quoque volo veros & peritos artis Filios, [cum spuriis illis, & Pseudo-chymicis, nummisque ciniflonibus, nulla mihi res est, ceu aliquoties monitum,] ut modò prolata de hac materia conferant tam cum genuinis scriptis chymicis, quam in specie cum Tabula Smaragdina Hermetis trismegisti, (de cujus extraordinaria eruditione præter alios consulatur Nobiliss. Olaus Borrichius; in libris de Hermetis, ac Chymicor-
Sapient-

pientia vindicata, ac de ortu & progressu chymiaē) utpote communi fere operum chymicorum cynosura & lapide lydio; & examinent, num verba perspicue hic adducta bene solvant Tabulae illius metaphoras, ac invicem congruant; Hæc ipsa autem ita sonant: *Verum sine mendacio, certum & verissimum; Quod est inferius, est sicut id, quod est superius, & quod est Superius, est sicut id, quod est inferius, ad perpetrandum miracula unius rei. Et sicut res omnes fuerunt ab uno, meditatione unius; Sic omnes res natae ab hac re adaptatione. Pater ejus est Sol, mater ejus Luna; portavit illum Ventus in ventre suo. Nutrix ejus Terra. Pater omnis Telesmi totius Mundi est hic. Virtus ejus integra est, si versa fuerit in terram. Separabis Terram ab Igne, subtile à spisso, servaviter cum magno ingenio. Adscendit à terra in Cælum, iterumque descendit in terram, & recipit vim Superiorum ac Inferiorum; Sic habebis gloriam totius Mundi; Ideò fugit à te omnis obscuritas. Hæc est totius fortitudinis fortitudo fortis; quia vincet omnem rem subtilem, omniaque solida penetrabit. Sic Mundus creatus est. Hinc erunt adaptationes mirabiles, quarum modus hic est. Itaque sum Hermes Trismegistus; habens tres partes Philosophia totius Mundi. Comple-*

Dd 3

tum

tum est, quod dixi, de opere Solis. Hucusque Tabulæ verba.

Cum igitur hætenus sit demonstratum, Materiam *Tinctura Universalis* debere necessario componi, tanquam Principiis suis essentialibus, è Sale volatili æthereo, & sale fixo terræ per amicam fermentationem unitis, clarescit, illos omnes, qui duas hæc partes non conjunxerint legitime; sed vel in parte volatiliori, vel fixiori solâ meditationes ac labores suos impenderint, propriâ suâ culpâ scopum verum non attigisse. Quisquis etiam fuerit ille spiritum Astralem capiendi modus.

Quamvis enim hæc operatio fuerit instituta per calcinatos filices, marmor, magnetem, calcem vivam, sal tartari, capita mortua, & plura similia attractioni destinata, nemo tamen plenam & perfectam sibi inde promittat spem ad arduum hoc opus obtinendum; & quidem ideo, quod talia materiata ob absentiam humiditatis unctuosæ vel pinguis, & salis fixi non sint disposita ad decenter perficiendam Fermentationem & unionem; vel si sale fixo partim non careant, tamen illud non est purum; sed heterogeneum quiddam. Secundum Artistas enim nostros nihil alieni aut extranei debet accedere maximæ huic præparationi; Cum purissima Nostra Materia in se contineat uberrimè quibus indiget.

Mini-

Minimè tamen hæc intellecta velim, quasi debitum Honorem detraham spiritui Mundi; nam hic non modò continuè adducit ex Pandorâ suâ pro Macrocosmi & Microcosmi vegetatione sal Astrale, & Ignem Æthereum; sed etiam egregia inde parari poterunt medicamenta, de quibus videantur, præter superius allegatos Naturæ Mystas, Nittnerus, Tract. de spiritu Mundi, & Frid. Hoffmannus, Clav. Pharmaceut. Schröder. libri 3. cap. 3. p. 141. aliq̃ve plures.

Paulò mitius experiuntur fatum Røs, præprimis majalis, Aqua pluvialis, præcipuè martialis, aut tonitrualis, & Nix; Non obstant enim hoc, quod imprægnata quidem sint sale Elementari volatili, cuique vehiculum præbeant ad Inferiora; aliter tamen considerari minime poterunt, quam Materia remota partim ob jamdum admixtas impuritates heterogeneas nonnullas; partim, quod necessarium sal terrestre fixum ipsis maximam partem deficiat. Ut proinde non pauca, eaque difficilia obstacula occurrant illis, qui per hæc magnum hocce opus sint aggressuri; perfectam & plenariam *Tincturæ* acquisitionem sibi hoc modo promittentes, quemadmodum nonnulli de tali insperato successu, ipsis accidenti, testari possent, si vellent.

Quæ

Quæ de spiritu Mundi dixeram, hic quoque repeto, nimirum, me ambabus manibus concedere, imo ipsum pro virili deprædicare incomparabiles horum virtutes, quas in sublunarium quorumcunque commodum largissime advehunt; de quibus cum fusiùs loquatur maximus liber, *Scriptura sacra* ipsa, multis sane in locis, ut & libri plures Medici, ego taceo; hoc saltem adjiciens, quod insignem quoque usum medicamentosum exhibeant humano generi, adeò, ut Petrus *Borellius*, *Histor. Medic. cent. 1. Observ. 6.* laboriosa & curiosa operatione è rore majali rarissimam paraverit Auri solutionem; quod quoque testatur *Nollius*, cum aliis. De pluribus aliis medicamentis, partim laudabilis efficaciae jamdum proposuerunt varia falii Autores, hinc illa repetere supervacaneum censeo; Lectorem potius ad eosdem remittens; In specie tamen allego clariss. Dn. *Morbosium*, qui *Epist. ad Dn. D. Langelottum de Metallor. transmutatione p. 33. seqv.* varia curiosa de rore majali proponit.

Ex antecedentibus innotuit benevolo Lectori, meum scopum esse, tractare de *Tinctura Universalis*, id est, Mysterio non modo morbis omnibus sese opponente; sed etiam Metalla imperfecta in perfectiora & puriora exaltante; Non pos-

possum tamen non, quin adnectam, quod unus & alter in Pyrotechnia aliàs quidem bene versatus & exercitatus statuatur, dictam *Tincturam* quoad usum catholicum Medicum præparatu plane impossibilem esse; metallicam vero transmutationem perfici posse per salia simpliciter considerata, minime concurrente influxu vel operatione Astrorum Æthereo, veluti hoc in tractatu partim rationibus Physicis, partim variorum experientia & testimoniis demonstravimus; Spiritum autem Mundi & sal terræ centrale ut & horum analogarorem majalem, aquam pluvialem, Nivem, &c. nihil plane conferre imò supervacanea, frustranea, inepta esse.

Fateor quidem, me neutiqvam hic pluribus litigando aut controvertendo extravagari velle; sed patiar unumqvemque abundare suo sensu; potius insuper opto, christiana monitus, motusque charitate, ut quilibet mortalis experimenta sua Proximo ac Posteritati utilia profutura communicet, & immortalia relinquat; tamen pro veritate in naturalium scrutatione melius eruenda, sine bile omni dico, meminime latere, quam accurate hæcenus, non quidem tam prioribus atque nostro seculis, quam aliquot saltem lustris Philosophi per ignem inquisiverint in doctrinam salium

Ee

alca-

alcalium & acidorum; ut proinde gratuler nobis, quod Divina clementia mirabiles horum operationes, incomparabilemque energiam in rebus medicamentosis, & Metallariorum, & quæ his affines, magis magisque patefieri concesserit.

Gratulor quoque potius Chymix in specie quod in tantum honoris fastigium fuerit elevata, ut contra tot, tantorumque negantium, virorum partim in re literaria & chymiatrica sanè magnorum auctoritatem, mediante efficaci salium, & quæ his affinia sunt, caute mixtorum virtute, possibilitatem transmutationis metallicæ cuilibet incredulo hodiè ad oculum demonstrare valeat, veluti & ipse oculos & manus meas ejus rei possum appellare testes. Concedo insuper, opus hocce sic extendi & exaltari posse, ut præter dictam possibilitatē in similibus mixturis metallicis neutiquam frustra semper instituatur labor; sed aliquando non sine lucello ac scenore operetur operator.

Verum enim vero, quod mediantibus solis salibus. v. g. borrace, sale tartari, cineribus clavelatis, Arsenico, mercurio sublimato, nitro, alumine, lapide calaminari, & similibus, (solis dico, quatenus propria horum qualitas, juxta hosce Auctores, opponitur *Tinctura Universalis* transmutanti, vel influxu æthereo opē conferenti,) dicta corpora

pura impuriora metallica, mineralia; & his confinia, ut ut variè & verè Physicè mixtis ita perfici, horum firmissima repagula resolvi, ac divelli possint in tantum auri vel argenti augmentum, quale capite tertio nominatum, & certa diversorum experientia munitum est, ut videlicet unicum *Tinctura* granum aliquot centum, imo millia granorum tingere valeat, hoc sane nondum credent plures Pyrotechniæ medicæ cultores, usque dum rationes firmiores, clarioraque in lucem producantur experimenta. Effectus enim universalis aliam, quam universalem præsupponere non potest causam.

Nam in omni actione proportio requiritur necessaria inter effectum & causam; Dum igitur talia, per se intellecta, fundunt corpora impuriora metallica aut mineralia, perfectioris & purioris substantiæ pars major extorqveri inde minime poterit, aut expectanda erit, quam vel illud corpus metallicum ratione essentiae in se continet, vel talia addita, ratione innatae qualitatis, communicare poterunt.

Hinc talia talia est Philosophiæ Pyrotechnicæ fundamentis nervosè & decenter mixta pro sua virili, hoc est, quantum pro naturæ suæ viribus valent, in subjectum corpus agunt subtili penetrati-

tivitate, ibique contentas & reperiendas dispersas valde & fixas atomos auri vel argenti cribrant, vel percolant quasi, & seperant à cruditatibus impuris. Ipsa autem salia multo sunt pauperiora, quam, ut ope innatæ qualitatibus tali corpori aliquam portionem puriorem auream contribuant, vel ut illud ditent, ac imprægnent virtute aurifera; ultra enim posse suum nemo obligatur; nec ullus plus poterit dare, quam habet in recessu.

Hoc modo per salium penetrabilitatem paratur *Venus alba*, item é Zinko; Cuprò, &c. varia Auro & Argento quoad figuram externam analoga; Examen autem igneum Cupellæ, vel etiam crucibuli evincit, & demonstrat differentiam talium à genuino auro & argento manifestam.

Propterea plenaria & tam larga metallica transmutatio è conjunctione & auxilio salium propriè consideratorum minime erit speranda; sed opus hoc omnino sub favonio Divino dirigit influxus Astrorum; cum sal æthereum insignem habeat familiaritatem & analogiam cum corporibus, salinis communibus; & hæc illius sint quasi spongia, matrix, vel receptaculum attractivum, & ita sese facile & libenter uniunt invicem, subjectaque hæc terrestria virtutibus cœlestibus irradiantur continuò, & fœcunda redduntur. Astra enim

nim regunt Homines, (& sublunaria,) ceu regit
astra Deus.

Sic Frid. *Hofmannus*, in Clave ad Pharmaco-
p. *Schröder*. Libr. 3. cap. 9. p. 195. cum *Morhofio*,
ex Epist. de Metallor. transmutat. ad *Langelottum*
p. 29. 30. nerve inquit: *Magna Natura archite-*
ctonica sunt instrumenta ignis & salia; sed varia,
ut varia sunt corpora, corporumque missiones,
quorum ministerio, pro subjectorum ingenio in com-
positione & dissolutione eorum utitur. Ea tamen es-
sentiam illorum non ingrediuntur. Miras in cor-
poribus tum aliis, tum metallicis beneficio salium
Natura facit vicissitudines, &c. &c. Non minus
adcurate philosophatur *Joh. Joach. Becherus* in
Supplem. in Physicam subterr. cap. 5. p. 76. qui
cum acutissimo *Ken. Digbae* de plantarum vege-
tatione, dum granum unum hordei artificialiter
nutritum & præparatum 249. caules, & 18000.
grana produxerat, sic loquitur: *An existimas,*
tantummodo esse sal nitrum, quod attractum in
semen aut radicem hanc fertilitatem adfert? mi-
nime gentium; Illud extemplo exhaurietur, nec
tam immensa progeniei materiam subministrare
posset. Sal nitrum est ibi instar Magnetis, quod
attrahit similem salem, quo aer redditur fecun-
dus. Hinc Cosmopolita ansam arripiebat, ut di-

Ec 3

ceret,

ceret, quod in aëre occultum sit vita alimentum, &c. &c.

Salium [secundum suam naturam intellectuum] ad arduum hoc opus, perpetrandum insufficientiam demonstrant quoque à Protoplasta sic ordinatæ, perpetuo circulo continuantes in Sublunaria omnia influentiæ cœlestes, teste quotidiana experientia in singula tria Regna æquè imperium suum exercentes. Quamdiu igitur dictus Astorum influxus in Sublunaria non poterit negari, quamdiu harmonia Superiorum & inferiorum firmo stabit talo, ceu stetit à primo rerum creationis principio, & quamdiu contra autopiam non audebit disputare vir prudens, tam diu etiam magna hæc metallorum transmutatio non aliter quam universali hac ætheris irradiatione erit possibilis. Artem etiam æmulam & ministram, vel ad summum aliquando adjutricem esse Naturæ, non vero magistram, Sole, cum sudum est, clarius apparet.

Pro regno quolibet vel unicum subnectam exemplum; et ut jam à minerali incipiam, dico, caput mortuum vitrioli post destillationem plane exsuccum aëri per tempus expositum primævam & innatam suam qualitatem recipit; quod adhuc largius & felicius experitur terra mortua è coctione

ne

ne nitri & aluminis residua, ut postea majori foenore prioribus usibus coctionis possit destinari. Illud idem in pluribus aliis sic etiam procedere, norunt sagaces chymici. Nobiliss. *Langelottus*, in præfatione in *Tilemanni* experimenta, ut & in epistola ad Naturæ curiosos, p. 19. inquit, *veram auri solutionem fieri non posse, nisi per sal aëris, unicum solvens catholicum.* Si itaque salia communia, sine auxilio salis aërei, tantum non possunt, ut referent aurum, quomodo vilioribus corporibus plane poterunt communicare nobilissimam hanc & fixissimam auri essentiam?

In regno animali, Homo per aliquot menses, vel septimanas hypocaustum non deserens, vel carceri inclusus redditur cachecticus, præcipue ideo, quod sanguinis massa non decenter circulata, nec à sale aëris influente debite volatilifata, nec spiritus nostri novo robore balsamico aerearum atomorum, more solito, sint recreati & fecundati.

Sic Auram unius Provinciæ, imo Urbis esse salubriorem altera; Homines item uno in loco esse vivaciores, ac in altero, quis est in oeconomia Physica tam rudis, ut negare audeat? sic v. g. in Italia, ob radios Solis magis exaltatos, aërisque tenuitatem conspectui nostro sese offerunt plures
ata-

ætatem senilem ingressi, quam in Batavia inter maximam etiam Hominum frequentiam, cuius causam non immerito adscribimus evaporationibus putridis è locis pluribus uliginosis, aquisque stagnantibus, hic copiose in auram adscendentibus, illamque corrumpentibus. Imo in una atque altera urbe pro puriore vel impuriore aëris dispositione tam Homines, & quidem præcipue, quam etiam Bruta & vegetabilia vitam suam vivunt modò vel vegetam vel morbosam; dubitans in memoriam sibi revocet adfectus contagiosos, pestilenciales, item catarrhales, quos dicunt.

Regnum vegetabile quod attinet, frutices, Herbae, & similia Vegetabilia contra Hyemis injurias in cellam repositæ vivunt quidem, aliquando etiam protrudunt folia, flores, quod quoque dictò tempore præstat ramus ceraforum, &c. Hypocausto calefacto immixtus. An autem hæc colore & odore ac vigore sint æquiparanda illis in horto crescentibus, roris, vel aquæ pluvialis, similibusque aëri feroribus balsamo quotidie refocillatis; an item cerasi ramus in hypocausto fructus producat, testem appello experientiam, rerum omnium magistram. Sic poterit curiosus, contrarium sentiens vegetabilia tempore æstivo frequenter humectare aqua fontana sale volatili, aëris non adeò

Si Equa materia.
6, Quomodo præparetur.

CAPUT VI.

225

adeo volatilifata & foecundata, & experietur debiliorem vegetationem, vel plenarium interitum herbæ. Quantum fertilitatis sæpius vel unica pluvia regno vegetabili adferat, notum est non modo lippis & tonsoribus; sed & Rusticorum pusionibus, & aniculis.

Sic Aromata, aliaque innumera sub nostro Climate non crescere ob radios Solares magis opacos & steriles, norunt omnes. Crocus autem, Rhabarbarum, Tabacum, aliaque transplantata, analogæ saltem, non vero æquali virtute operantur. Notum est nonnullis Botanicis, florem mirabilem nostrum Peruvianum, ceu vocatur, esse galapium Indorum; sed summe debilem edere purgandi effectum, & extero galapio minime comparandum. Hinc non inconcinne statuit Clariss. *Baldwinus* Tract. de Auro Auræ. cap. 3. p. 40. rorem in Germania minus salis Mundi esse feracem, ac in coeteris calidioribus regionibus, præsertim Ægypto.

CAPUT VI.

Monstrans, quomodo præparetur
Tinctura Universalis.

Ff

Capite

Capito præcedenti ingenuè proposui, cui-
nam materiæ natales debeat *Tinctura Uni-*
versalis, quantum quidē de ardui & incom-
parabilis hujus mysterii notitia detegere tenuitati
meæ per veteranos nonnullos in veræ Chymię ca-
stris milites placuit Divinæ Sapientiæ. Nunc ope-
tæ erit pretium, ut subjungam eodem candore,
eaque ingenuitate proximo exponam, qvanam
methodo legitima illius præparatio sit obtinenda
& instituenda. Post materiam enim cognitam
hujus ignorantia similis omnino est fugitivis illis,
famen, sitimque augentibus *Tantali* dapibus; vel
Adamanti radios lucidos non spargenti, nisi re-
motâ corticis exterioris impuritate & crassitie; vel
carni crudæ per coctionem esurienti stomacho
non accommodatæ; vel panno pro frigore ar-
cendo in vestem non consuto.

Anteqvam vero ipsam aggredior tractatio-
nem, denuo, & quasi ex superabundanti monco,
quod quidem cuilibet liceat legere & mirari mira-
culosa *Majestatici Dei* opera; illos verò, quos
in superioribus indignos nominavimus, benevolè
iterum iterumque rogatos volo, ne obliviscan-
tur cautelaram ibidem propositarum. Si vero
mentem aut frivolam manum intempestivo ac
impio scopo huic operi admoverint, accidatque
eventus

eventus frustraneus, insperatus, tristis, jacturam temporis aurei, aureorum nummorum, ac Famæ plusquam aureæ non sine mundanæ & æternæ Salutis periculo perpeſſam ſolummodo propriæ praviæ concupiſcentiæ adſcribant.

Quamvis enim quilibet in ſuo officio aut profeſſione Talentum concreditum legitimè ut obſervet, Conſcientiæ ſtimulo adſtringitur; tamen, qui manum adplicat operibus medicis, unum de rebus inter mundana magis arduis aggreditur, licet à multis leviter ſaltem judicetur & tractetur. Nam non hic luditur de corio Brutorum; ſed Hominum; non agitur de auro, de gemmis, de Chocolada; ſed de Homine ad Dei imaginem condito, in quo aliquid Divini habitat, quemque Chriſtus pretioſiſſima Sangvinis ſui purpura redemit; Agitur item de ipſius Medici animæ ſalute; Dum hic aliquid neglexerit de illius ægroti ſanguine in magno illo rationum die rationem ſibi reddendam, certè imprimat memoriæ. Si itaque in ſtatu communi medico & medicamentoſo tam ſeveras definit leges Conſcientia, facile concludendum eſt, non cuiſlibet liberum eſſe frivola mente, ludicraque manu tractare *Tincturam Univerſalem*, utpote, quæ eſt *το παν* rerum medicarum.

Quemadmodum igitur debita veræ materiæ
Ff 2 cogni-

cognitio maximus innumeris operatoribus fuit lapis offensionis, ita non minus ingenua hujus jam cognitæ elaborandi via tot ac tot sibi ipsis imposuere, tot ac tot in acqvirendo aureo hoc Vellere variarum opinionum ac diversarum descriptionum procellis agitati naufragium sunt passi; tot ac tot in turris hujus Babylonicæ exstruktionē diversitates linguarum sensuumq; exortæ sunt innumeræ.

Cum enim cuidam operatori licuerit esse tam felici, ut genuinam arripuerit materiam, & ne utiquam erraverit, pro laboris materia fortassis eligendo aurum, plumbum, mercurium, vitriolum nitrum, similiaqve corpora nimis fixa; neque etiam saltem in partem materiæ cœlestem & volatilem, aut fixam & terrestrem inqvirendo; vel materiæ veræ heterogenea admiscendo, aut materias remotas tractando; tamen quia totum hoc arduum negotium consistit in solis his duobus, vera nimirum materiæ cognitione, ejusqve debita præparatione; quilibet credat, velim, si inter centum alia in hac methodo pyrotechnica considerata necessaria, vel unica enchirisis omittatur, sola sufficit ad oleum operamqve plenariè perdendam. Vel, si oleum & opera non plenariè perdatur, tunc ad summum acqviritur, in re medica quidem remedium laudabilis efficaciam, minime tamen univers.

versale; in re metallica vero levidense solum lucellum obtinetur; veluti in antecedentibus capitibus amplissime demonstratum.

In specie multi ideo spiritum vertiginis sunt passi, vel Fortunatas Insulas sua nave non attigere, in Portu Bonæ at frustraneæ Spei infausto fidere hæsitantes; quod nimis superficialie, & manu festinante hancce operationem, operationibus omnibus operosiores, & magis seriam instituerint; sibi falso persuadentes, eandem spatio paucorum dierum vel septimanarum, aut ad summum aliquot mensium integrè absolvi posse; atque hoc modo præcipiti diversa & minime omitenda infallibiliter omittentes. Negari quidem non potest in variis Alchymicorum libris hoc ita definiri, ab iisdemque nominari opus mulierum aut puerorum. Quod ita factum judico, vel, ut imperitos indignosque Artis scrutatores seducant & confundant more ipsis solito; vel intellecta volunt sua verba de labore *Tinctura* posteriore, qui potissimum consistit in hoc, ut materia beneficio longæ digestionis vel circulationis per æqualem lenioris ignis gradum ad desideratam ac perfectam deducatur maturitatem; postquam prior & antecedens laboriosis depurationibus, tædiosis destillationibus, diuturnis fixationibus & volatili-

Ff3

fatio-

fationibus post varios casus, post tot discrimina rerum fuit consummatus.

Unicum hac de re adducam è Neotericis exemplum: Refert clariss. *Helvetius*, in Tractatu *Vitulus aureus* insignito, *Adeptum* illum, cujus Historiā cap. 4. proposuimus, ipsi aperuisse, quod hicce labor quatrIdui tempusculo perfici possit; quod sane, tenui quidem meo iudicio, pro huius *Adepti* mendacio officioso reputo. Dum nimirum laudatus *Helvetius* nimium suum fervorem intensumque pro cognoscendo hoc arcano desiderium propalavit, & quidem ita, ut Uxor more plurium Mulierum Batavicarum ultra Sexus scquioris leges curiosa, ut & reliqua ejusdem Familia, lingvis, oculis, auribus, manibusque huic operi interfuerint. Proinde hospes hic rarissimus Virum de re medica alias optime meritum procul dubio pro genuino *Adepto*, quos vocant, non habuit, sed materiam cum elaborandi methodo occultavit, ipsumque, ne manum admoveat operi, serio monuit.

Dictis hisce tamen ego nullius experientiae aliquid derogare, aut praëjudicare audebo, quia ille, qui Mundum integrum creavit, modo subitaneo, & extraordinario, methodoque peculiari atque supranaturali facile posset cuidam quoque
Tin-

Tinctura præparationem detegere, & donare. Verum, cum Deus O. M. sua Bona vendiderit & adhuc vendat labore, quis, quæso, tam facile credat, ut ille Bonum hoc optimum, Bonum hoc summum otiosis & indignis, tanquam asiani columbam advolare concedat?

Propterea ad ipsam progredior elaborationem; de qua magnus Chymiater, [qui paucis abhinc annis debita Naturæ solvit,] mihi devoto animi fervore literas Michaëlitanas ipsi in itinere meo offerenti post varios discursus fideliter sequentia verba detegebat: Quam certè ego credo, Christum esse Dei Filium, tam certe scio, hanc materiam esse veram & proximam, & hanc præparandi methodum genuinam.

Philosophus quidam Pyrotechnicus per catenam vel circulum elementarem hoc opus nervosè sic describit: *Fac ex igne aërem, ex aëre aquam ex aqua terram, è terra ignem.* Sed cum hocce dictèrium plures forte legant, quam intelligant, addo per ignem intelligi debere tenuissimam & purissimam Superiorum partem, quæ in aëre quodammodo incipit incrassari, postea hoc mediante in aqvosam humiditatem, ac tandem in terram, vel potius in sal terrestre fixum, amicæ fermentationis adminiculo convertitur. Per idem
verò

vero fermentum sal fixum hoc terræ volatilifatur, & quasi igneum redditur, depositis terrestribus suis scoriis, atque quisquiliis; vel ut brevius explicem: *Materia partem volatilem fige, & fixam volatilisa.* Ego autem scapham voco scapham ita: Dixi superius, laborem nostrum commodè distingvi in partem ejus priorem & posteriorem. Prior consistit in hoc: Mense Septembri, circa Æquinoctium autumnale Sole Libram ingrediente, paretur fovea aliquot ulnas pro tuo lubitu longa & lata, duas autem ulnas, vel ad summum tres, profunda, sub dio, aut in loco aëri libero exposito, versus Orientem vergens; si versus Occidentē huic collis esset oppositus, eò foret commodius. Dicta fovea eodem tempore impleatur terra limosa, pingvi, è nigredine rubescente, fecunda, nitrosa qualem capite antecedente descripsimus. Æqualiter tamen saltem sit repleta, ne terra super foveam protuberet; aqua enim pluvialis affluens & elabens simul terram sale volatili aëris imprægnatam suâ efficacia privaret.

Hæc autem non profundius effodiatur, ac ulnæ longitudo penetrat; ac prius separatis superius gramine, similibusque scoriis superfluis. Locus autem liber sit à brutorum aditu, muniaturque ab aliis impuritatibus, ut ita eo felicius & facilius

cilius influxu Astrorum, ut & successive modo per rorem, modo per pluviam, & nivem, toto semestri hyemali fertilis reddatur, ac sale volatili aëris largius imprægnetur.

Postea circa insequens æquinoctium vernale, Mense Martio, vel etiam Mense Aprili, aut Majo, prout nimirum temperies aëris est fecunda & Serena, aliæque constellationes coincidunt laudabiles, (tales enim circumstantias plurimum conferre, ac necessarias esse operi, fatetur experientia verorum Chymiatorum) Terra descripta eruatur è fovea, in patinis largis, & vasculis latis, non adeo profundis, tempore nocturno exponatur aëri libero, radiisque lunaribus; muniatur tamen tecto à Pluvia, (quamvis enim hæc ipsa aliàs sit aliquale vehiculum *Spiritus Mundi*, hic tamen tenuitate sua aqvosa diluit, & dissolvit illum extraordinariè & largius in subjectum hoc optime capax influentem) interdiu verò ac Cœlo tempestuoso, ac flantibus ventis violentioribus sal illud summe tene- rum & sensibile dissipantibus removeatur.

Expositio autem hæc continuetur ita ad minimum sex septimanis, vel aliquot Mensibus, præcipuè usque dum præterierit Solstitium æstivum, atque Sol Leonem fuerit ingressus. Ubi monitum volo; quicumque Pyrotechnorum operatio-

Gg

nem

nem hancce audet maturare, eandem incipiat
Mense Martio, statim è Terra eruta materia, licet
per hyemem non digesta, præparata, ac impræ-
gnata fuerit. Quamvis digestio notata hyemalis
longe præferenda magisque commendanda. Ad-
hæc, si possibile est, dicta terra ante effossionem
per tres septimanas pluvia non tangatur, cum ea-
dem glutinosum terræ corpus liquidius reddat, ne
tam copiose huic inhærere possit æthereus ille ho-
pites ad opus summe arduum, præcipue temporibus
illis Anni balsamicis & quod cardo rei est,
Coelo existente pluvioso *Spiritus mundi* non po-
terit communicari purus, sed vaporibus crassis ter-
restribus elevatis est coinquinatus.

Tunc recipe terræ hujus ita sale astrali volati-
li, & centrali terræ fixo, uberrime foecundæ reddi-
tæ aliquam partem, [poteris laborem in aliquot
vasis simul instituere pro majori copia acqviren-
da,] destilla per retortam vitream optime lutatam
[terream enim præprimis non lutatam pars vola-
tilior potior penetrat, ac avolat,] igne primum le-
niori, nec ultimò etiam fortius aucto Spiritum vel
partem volatilem materiæ nostræ. Destillatum i-
terum affunde residuo; stet ita in vitro bene mu-
nito pro circulatione, fermentatione, resolutione,
melioREQVE unione promovenda, in leni digestio-
ne

ne per sex & plures septimanas; tunc denuò destilletur spiritus modo jam dicto, denuo affundatur residuo, stetqve ita per tempus; & hoc aliquoties repetatur, ut sal volatile salis fixi partem volatiliset.

Postea Spiritus septem vicibus in balneo maris per alembicum rectificetur, ut per repetitas hasce cohobationes liberetur ab omni heterogenea ac inutili aqvositate, insimulqve secum super alembicum ducat partem salis fixi volatilifati, per repetitas circulationes cum parte volatili amicè conjuncti. In residuo capite mortuo cum lateat adhuc bona portio salis fixi, hoc elixivietur phlegmate proprio in spiritus destillatione & rectificatione separato, (nihil enim heterogenei misceri debet materiæ nostræ, cum jamdum in se contineat omnia sibi necessaria,) sal inde evaporatione præparetur, quod per sæpius repetitam solutionem & coagulationem dicto phlegmate proprio factam ac in summam puritatem, & albedinem crystallifetur. Et hoc plerumqve demum post vigesimam operationem solutionis perficietur. Tunc spiritus rectificatus & sal crystallinum denuo uniantur pondere vel proportionem philosophica, quæ consistit in hoc, quod fixum recipiat de volatili quantum desiderat, vel necesse habet, quod in superfusione lenior strepitus ortus docet; Ut

Gg 2

pluri-

plurimum tamen requiruntur spiritus volatilis partes decem ad salis fixi partem unam. Hac igitur proportionem misceantur spiritus & sal; indantur retortæ vitreæ optime lutatæ, [terream enim, ceu dictum antea, præprimis non lutatam] pars potior volatilior penetrat, ac avolat,] destilla observatis bene ignis gradibus; nisi enim antiquum illud *festina lente* observaveris, experieris, quam fragile sit vitrum, quam fallax tua expectatio, quam irritus tuus labor; ultimò tamen semper ignis fortius est augendus juxta leges quarti gradus. Destillatum iterum superfundatur residuo; postquam aliquamdiu steterit, denuò in nova retorta vitrea bene lutata destilletur; & hoc toties repetatur, usque dum prodierit liquor lacteus pingvis, in frigido coagulabilis, in calido liqvabilis, veluti butyrum, quod ut plurimum sexta vel septima accidit destillatione. Dictus hic liquor adhuc aliquoties itidem est rectificandus pro meliori volatilis & fixi unione. Atque hæc dum absolvisti, absolvisti anteriorem, cumque laboriosiore operis nostri partem; obtinesque verum *Aurum Philosophicum*, adhuc tamen immaturum.

Priori huic parti tandem succedit Pars posterior; Pars posterior dico, quæ eò magis grata, cum laboris tam tædiosi, tam desideratissimi finem

nem afferat; eò magis quoque grata, cum in hoc cessent graves, molestæque operationes, eidemque leni modò digestionem, longiori otio, ac patientia ultima imponatur manus. Postquam igitur dicto modo per crebrius repetitas digestionem, solutionem, rectificationem scoriæ ac impuritates materia remotæ, postquam Principia decenter depurata, conjuncta, pars volatilis, fixata, & fixa volatilifata, restat nunc, ut blanda circulatione in catholicam illam Tincturam traducantur, & in veram quintam essentiam concentrentur.

Propterea dicti liquoris portio indatur phiolæ vel cucurbitæ parvæ, ut tertia saltem ejus pars repleatur, vitrum Hermeticè & cautè sigillatum imponatur cineribus, vel arenæ, (alius præponit Balneum vaporis, vel etiam maris; de quibus plura paulò inferius, ubi de ignis agitur regimine:) digeratur ita leniore ignis gradu, & videbis Materiam inclusam miris gyris ascendere, descendere, elevari, deprimi; & ex circumgyratione penitiorum atomorum volatilium & fixarum unionem & combinationem concludere; donec pedetentim & successive materia colore nigro imbratur, quod *Caput corvi* vocitant Chymici. Mirandum sanè est, quomodo materia tamdiu, tam curiosè & laboriosè, tam diversis modis depurata nigrescat, & videtur excrementitiis adhuc scatere

Gg 3 impu.

impuritatibus, aut tales fœces deponere; Quod ideo hic monitum volui, ne quidam per hoc sibi imponi patiantur; sed sciant, colorem huncce esse vere philosophicum. Cum ad *nigredinem* ita in labore tuo pertigeris; expectanda erit postea *albedo*, & ultimò *rubedo* pellucida, licet colores alii quasi intercalares interveniant illas, v. g. Post *nigredinem* apparent figuræ variegatæ, quam *caudam pavonis*; vel *iridem* vocitant; post *albedinem* vero *flavedo*. Apparente ita per tempus, veluti dictum, reali & perfectâ *nigredine*, modicè augeas ignem tuum hucusque valde modestum; & oculos tuos exhilarabit lentè oriens pulcherrima illa *Iris* vel *Pavonis cauda* paulatim degenerans in *Terram albissimam* quasi foliatam, scintillis argenteis per vitrum radiantem.

Conspectus hicce *Cygneus color* ostendit & offert tibi perfectam *Tincturam*, vel *Elixir album*, quod quamvis non sit plenaria *Tinctura Universalis*, tamen unum vel alterum hujus granum virtute quodammodo generali morbis omnibus medetur, ac impuriora metalla in veram Lunam convertit.

Postquam tibi licuerit esse tam felici, hæc ita absolvere, tunc iterum paululum exalta ignis gradum, cautissima tamen, & parca semper manu; & luc-

6, Quod pparch.

& successivè gratissima illa *albedo* per varios colores, præprimis *flavedinem*, in fine *crocatam*, vel è flavo rubescentem, ultimo adipiscetur perfectionis suæ gradum, nimirum *rubedinem*, dum pedetentim, & lento modò sese materia transformat in granum, vel corpusculum globosum rubiniforme pellucidum.

Hoc est illud consummatum rerum Physicarum omnium mysterium, verissimum rerum quarumlibet medicamentorum centrum. Cujus incomparabilis efficacia tam in sanitate præsentè conservanda, ac amissa restituenda, quam in metallis ignobilioribus magis nobilitandis, ac in Aurum constanter transmutandis partim è superiori cap. 3. patet; partim ejusdem cognitio, & operandi modus non latet Chymicos prudentes, cum quibus mihi res est, ut ita eadem prolixius hic de prædicare superfluum plane judicem.

Quantum temporis requiratur, antequam Fortunatarum harum Insularum portum tangere liceat, tam adcuratè definiri non potest, cum antecedens, eaquè laboriosior operis pars citius ab unò, quam ab alterò absolvatur. Varietas enim enchirisiū in depuratione, digestionè, crySTALLIFICATIONE, &c. laborem aut prolongare, aut abbreviare valet. In posterioris verò partis negotio,
mo-

moderata nimirum digestionem, itidem operator alter altero est peritior, imo felicior mediante ignis regimine; in quo cardo rei consistit. Cautus tamen & expertus, & ita simul patiens Pyrotechnus non adeo facile errare poterit, si modo certam & orthodoxam sibi præfigat regulam, mutationem colorum depictam in materia inclusa conspectui sese offerentium. Quoad enim vel plane non, vel nondum perfecta adest *nigredo*, tamdiu requiritur ignis summe lenis. Colore autem dicto apparente, augendus est paululum ignis, donec *albedo* accesserit, & discesserit. Tunc iterum modicè ignis est augendus; (cavebis tamen, ne quid nimis,) usque dum illuxerit desideratissima illa *rubedo*, & tunc continuandus est per temporis spatium calor; Quo diutius enim digeritur vel circulatur materia, eò maturior, eò perfectior certissime Tibi erit expectanda *Tinctura*. Quandocumque enim admodum lenis adhibetur saltem tepor, necessaria partium volatilium & fixarum mixtura tardiore quoque motu ad suam perfectionem, ad suum finem tendit; Si vero iusto celerius ignem augeas, materia contenta molliori ac delicatiori inhians tractationi, vitrum rumpit, atque ita laboris præcociem & infausam facit periodum.

Fassus siquidem mihi est Chymiater celeberrimus

rimus sanctâ fide, quod magni Principis jussu ac sumtibus aliquot annorum spatio Philosophiæ Pyrotechnicæ incubuerit, ac tandem primicerium hoc opus chymicum fuerit aggressus, alacri mente, & manu indefessa. Postquam autem ad duos annos, & quod excurrit, huic methodicè insudaverit, ac jamdum ex *albedine* tantum non perfecta per vitrum radios lunares spargente maximam optati eventus spem conceperit, una vice improvilo, fortasse ob ignem paulo fortius auctum, vitrum penitus disruptum in causa fuisse, quod loco præmii, præter olei operæque perditionem, nihil reportaverit. Quid in Laboratorio *Michaëlitano* acciderit laborioso ac provido Dn. *Zittemanno*, dum Mercurius cum Auro præcipitatus per octodecim menses cautissimo igne tractatus, paulo nimium saltem tepefactus vitrum inperit, ac evolaverit, capite 4. meminimus.

Proinde illa loqvendi formula, dum posteriorem operis hujus partem vocitant opus mulierum & ludum Puerorum, cum grano salis debet intelligi; nimirum, hîc non requiri adeò difficiles enchirises ac tædiosas diversitates, veluti in antecedentibus; sed solummodo necesse esse, ut longinqva mora, otio, ac lenta patientia moderati caloris beneficio absolvatur; præcipue cum modo

Hh

præ-

præmissa doceant, non minus & hic adcuratè tractandum esse ignem. Sic ex ore magni Chymici, *Tinctura* elaborationi incumbentis, percipi, ipsum carbones fornaci injiciendos partim humectare, ne præcipiti flamma incensi inopinatum & tristem causentur effectum, domicilio vitreo raræ illius avis impatientis dissiliente.

Petrus Johannes *Faber*, in Manuscripto aliquoties citato præfert digestionem humidam siccæ id est, mavult, ut circulatio perficiatur in balneo humido Mariæ, quam in arena aut cineribus. In magni cujusdam principis Laboratorio sic procedebatur: Phiola vel cucurbita parva ad quartæ suæ partis repletionem onerata *Tinctura* materia continuandæ posteriori laboris parti destinata & mixta, indatur pyxidi ligneæ, pro phiolæ figura tornatæ; hæc imponantur ita tripodi ferreo, qui reponatur in balneum maris cupreum duas ulnas altum; Huic infundatur aqua, duos tamen digitos transversos profundius, quam ut pyxidem ligneam tangat. Tepefiat hæc aqua, tam leni tamen ignis servato gradu, ut sit analogus ovo cui gallina incubat.

Quidam in hisce Naturæ summis arcanis optime exercitatus mihi aperiebat loco magni secreti, sese solum uti igne ellychnii, vel lampadis, modesta

desta olei affusione nutrito; cum verebatur, ne
materiæ in vitro contentæ ab atomis carbonum
ignitorum penetrantibus aliquid heterogenei,
cujus plane est impatiens, accedat.

Chymici etiam genuini pro similibus arduis
processibus ritè tractandis abhorrent ut plurimum
ignis actualis violentiam; sed sæpius & securius
adhibent ignem, quem dicunt, frigidum & humi-
dum, dum ita per excitatam curiosam mixtionem
& modestam fermentationem res destillandæ,
circulandæ, figendæ, &c. in se ipsas quasi agunt,
& quod ab igne communi periculosa vehemen-
tia expectandum, sic caute, secure & lente perfi-
ciunt. Quæ de arcano igne ad *Tinctura* opera-
tiones adhibendo proponit Joh. Joach. *Becherus*
in *Physic. subterræn.* Libr. 1. Sect. 5. cap. 3. p. m. 494.
seqv. ibidem poterunt videri.

Dixi aliquoties in hoc & præcedente capite,
materiam *Tinctura* nostræ continere in se omnia
pro acquirenda sua perfectione necessaria; neuti-
quam vero alieni quiddam eidem misceri debere;
prout hætenus proposita & declarata erudient
Divino Fato electos, dignosque ad hoc judicatos.
Non possum tamen hic silentio præterire, haud
absurdè, vel contra Artis fundamenta Aurum aut
Argentum vulgare & perfectum addi aliquando

Hh 2

sole-

solere & posse. Cum per hæc nobiliora metalla, ob syncrētismum & Analogiam, quam habent cum Superioribus, labor citius ad finem perducatur desideratum. Cuicunque igitur non libuerit dicta methodo hunc juxta sua principia sola & pura tractare per circulum philosophicum, uti loquuntur, ille non adeo aberrabit à vera semita, si justo tempore ac modò addiderit Aurum vel Argentum vulgare, vel perfectum. Cum hac additione autem ita est procedendum: Postquam absoluta priore operis parte aggressurus es posteriorem, longinqua illa, tarda & patienti digestionem perficiendam; tunc partibus decem materiae dictae universalis admisce partes duas argenti, si saltem *Tincturam albam*; totidem verò auri, si *Tincturam rubram*, vel opus absolutissimum desideras, [debent autem summi Sol vel Luna purissima, vel in pulverem aut crocum redacta; quò melius enim antea eadem sunt resoluta, eò citius materiae sese uniunt eventu optato. Commodior Auri crocus habetur, dum hoc cum antimonio purificatum amalgametur cum Mercurio, hinc superfundatur Spiritus vini summè rectificatus, qui evaporetur, vel destilletur aliquoties, & fiet pulvis optimè levis, tenuis, & porosus.)

Ego quidem eligerem, vel huic præferrem

Arc-

arenam illam *auream India Occidentalis* nativam superius memoratam, ob suam volatilitatem sulphuris innati citius communicabilem.

Facta hac materiae & Auri mixtione progredere in processu tuo, lentè festinando, laboremque per rotam aut circulum philosophicum, veluti haecenus clare descriptum, continua. Si forte Aurum vel Argentum prima vice nō fuerit integre mixtum materiae universali, tunc adde denuò materiae hujus portionem Auro; ac veluti hucusq; ita adhuc aliquot septimanis vel mensibus illa tractes, & unientur successivè, juxta tuum desiderium.

In Capite dissertationis hujus secundo proposui ex nonnullorum Neotericorum (cum Veterum fides hic, non adeò rectè quidem, quasi dubia reddatur,) autoritate & experimentis possibilem *Tinctura* augmentationem. Quamvis autem de hujus veritate ipse ego testari non valeam; sed peritiorum Chymicorum judiciis, ac censurae hoc relinqvam; nihilominus de hujus praxi instituenda haec curiosis subjungam, quæ unus illorum, integrum hoc negotium arcanum, ceu superius monui, fideliter mihi detegentium significavit; ita autem procedi debere affirmabat: capias *Tinctura* tuæ rubiniformis pellucidæ partem unam, huic adde denuò liquoris illius lactei

Hh 3

buty-

butyrosi in finita prima operis parte confecti partes decem; sigillentur Hermeticè, digeranturque per unam vel alteram septimanam solitis illis lenioribus ignis gradibus, augendo tamen successivè calorem, & quidem ultimò fortissimè; atque ita maximè est fixatum, ac multiplicationi aptum. Hic labor ita aliquoties repetatur novi liquoris affusione; & pervenies ad illum multis incredibilem perfectionis gradum. Hujus pars una si injectur decem partibus Auri fluentis, hoc omne simile reddetur *Tinctura* injectæ pro exhibendis illis miraculosis in medicamentosa & metallica operationibus.

Atque ita, ceu promiseram, possibili perspicuitate, necessariisque circumstantiis ingenuè Orbi literato communicavi, post descriptam *Tinctura Universalis* Materiam, hujus quoque præparandi modum, utpote quibus duobus tota res innititur. Faxit Majestaticus Superiorum & Inferiorum, hoc est, Coeli & Terræ Architectus; ut inde, juxta scopum ac intentionem meam gloriosus Nominis sui Honor augeatur, incomprehensibilis Mysteriorum Divinorum varietas amplificetur, Proximi commodum promoveatur, Animæque propriæ salus juvetur!

Absolutis nunc iis, quæ ad propriam *Tinctura*
re

ra Universalis tractationem pertinent, lubet curiosis arcanorum naturalium Scrutatoribus annexere nonnullos labores, quos magni non minus Medicinæ Chymicæ Antistites in eadem hac *Via Universalis* instituerunt, licet supremum Chymicæ culmen per *Tinctura* acquisitionem non attigerint, vel etiam eorum pars illud attingere, animum nunquam induxerint; Cum Materię catholicæ aut saltem partem unam vel volatilem vel fixam, aut materiam aliquam remotam, aut mixtis heterogeneis Operi suo destinaverint.

Proponam tamen hæc quodammodo brevius, ne quasi extra oleam vagari videar, cum propositum meum fuerit agere in specie de *Tinctura Universalis*. Ex descripto autem hætenus labore poterunt facile ad suum scopum applicare necessaria cordati & prudentes Chymici. Si vero una vel altera enchirisis deficeret, vel non succurreret nonnullis, illis spondeo meam serviendi promittitudinem, veluti manifesto candore publice in præcedentibus me Orbi literato ostendi.

Propterea prodeat Labor ex *Spiritu* vel ex *Aquâ Aëris*. Multi, quibus Deus non detexit integram materiam *Tinctura Universalis*, (partem volatilem & fixam intelligo,) argutè ratiocinantes, quanta-quanta sit Aëris necessitas pro sui vegetatione,

tione, nutritione & conservatione Sublunaribus omnibus; & quod Aëre puro simus sani, vegeti; Aëre vero impuro existente, ægrotantes; misere sese macerarunt, quomodo occultum huncce cibum, Nectar hoc Jovis nimium tenue ac volatile capiant, incrassent, & in constantem liquorem potabilem reducant; veri chalybis Sendivogiani, vel Terræ sale centrali fixo imprægnatæ ignari. Modos aquam Aëris capiendi plurimos possem producere; sed ex hiscè sufficiant rariores, & miraberis laboriosam, eamque laudabilem horum naturalia scrutantium curiositatem. Anglus quidam, & alii sic procedebant: Mense Martio, Sole Arietem ingrediente, vel etiam Mense Aprili vel Majo, postquam per unam vel alteram septimanam Pluvia Terram non humectaverat; sed ros saltem largè per 6. 8. 10. dies descenderat, præterita noctis meridie, instante aurora, & dum apparere incipiunt radii Solares, terram pingvem & fecundam (qualem capite præcedenti descripsimus) defende assere vel ligno, ulnam unam cum dimidia longè à radiis Solaribus. In asseris hujus medio sit foramen rotundum, cui adcuratè intrudatur cucurbita vitrea satis capax, cujus orificium optime sit munitum, & circumligatum linteo, glutine piscium (Hauß-Blasen/) viscosum & tenax

6, Ludo Spary.

nax reddito; linteum foraminulis miliiformibus sit pervium; vitrum duorum digitorum latitudine per asserem transeat, ne Terra eodem tangatur. Tunc speculum causticum in asserem vel lignum similis latitudinis in medio strictè infigatur; ponatur è regione cucurbitæ ad distantiam unius palmæ. Speculum dictum radius Solaribus ita appone, ut hi per hoc penetrent ad cucurbitam. Hoc ita continuetur tribus horis, & cucurbita incalcescet, spiritusque Mundi è terra per linteï foraminula transibit in vitrum, aqvositate exterius circa linteum hæsitante, (nam hujus gluten non permittit, ut pars aqvosa simul transeat.)

His peractis, cucurbitæ remotæ orificium optime claude linteo, uti nuperum, glutinosum, tamen non perforatum, ne evolet fugitivus hic hospes. Hoc modò spiritus Mundi singulis matutinis poterit capi, donec necessaria tibi supplerit quantitas; aliò tamen semper in locò; extrahitur enim eò circuitu sal aëris volatile è Terra, quem asseris ambitus à splendore Sòlis defendit. Spiritus & sal volatile circumspecta dexteritate & cauto ignis regimine rectificentur, misceanturque spiritui è fale fixo terræ seorsim igne aperto, & forti destillato; circulentur per tempus; paratum inde est medicamentum rarissimæ in morbis etiam

Ii

peri-

periculosissimis efficaciae. Ad *Tinctura* tamen *Universalis* fastigium penitus adscendere hæc mixtura non valuit, cum principia debitam per mixtionem antea non fuerint unita.

II. Quæ acutissimus Kenelmus *Digbans* Tract. de immortalitate Animæ refert, amicum sincerissimæ fidei ope vasorum vitreorum collegisse radios Solis in pulverem fusci vel purpurei coloris præcipitados, illud fere convenit cum præcedentibus; adhuc magis verò sequenti experimento, quod Philosophus Pyrotechnicus pro rarissimo habebat arcano: Speculum rotundum causticum optime politum, ubi radii in centrum concurrunt, exponatur in libero aëre Soli, maximo æstu fervente; continetur ita aliquot diebus, illud semper removendo, & circa centrum speculi adhærebit sal niveæ albedinis, quod cultro abradatur in vitrum; per dies aliquot ita salis hujus mirabilis una vel altera uncia poterit colligi.

III Frid. *Hofmannus*, Clavis Pharmaceut. *Schröderiana* libr. 3. cap. 3. p. 140. refert, famosum illum *Burrhum*, & Vice-Colonellum. *Kranach* magnam aquæ Aëris copiam sibi comparasse beneficio capacissimi cujusdam filtri vitrei; cujus orificium inferius clausum glacie, vel aqua frigidissima, nitro vel sale ammoniaco imbibita repleti, & radiis

radiis Solaribus expositi, dum ad hujus exteriorem superficiem in Aëre catervatim natantes vapores delati in vitrum suppositum à Solis fervore immune destillarunt.

I V. Alium pro Aëris captura & incrassatione modum describit Medicus Italianus clarissimus, *Fabritius Bartholetus*, in methodo sua ad Dyspnoeam, dum per instrumentum vitreum ibi depictum tubæ non adeo dissimile, aëreum humorem attrahit, ac colligit, quem postea coagulat in Crystallos adfectibus thoracicis, aliisque apprimè utiles.

V. Alius ita insidiabitur Aviculæ Hermetis: Sub tecto domus, vel in suprema contignatione ponatur fornax chymica communis cum capella cineribus plena, hisce imponatur phiola magna, hujus collo intrudatur alius canalis vitreus, qui in inferiore sui parte habeat appendicem, veluti rostrum decurtatum alembici destillatorii. Canali dicto vitreo agglutina filtrum vitreum, cujus immissum foraminulum vix æquet magnitudine granum sinapi. Post mediam noctem ignis lenior indatur fornaci, canalis cum suo filtro extendatur versus Orientem per fenestram, cœtera optime clausam; stet ita, usque dum Sol fuerit ortus, & vasculum appendici illius canalis adnexum suscepit

bonam liquoris aërei partem, quæ effundatur aliquoties, novusque capiatur; servetur in vitro optime munito.

6. Alii cum Mich. Sendivogio & Johan. Staricio hoc utuntur instrumentò: Fiat vas cupreum, retortæ destillatoriæ simile, poterit hoc conjungi è 2.3. & 4. partibus, orificium hujus sit summe strictum, ut vix aciculæ aculeo transitus pateat; (juxta mentem Sendivogii,) in parte inferiore adaptetur canalis cum supposito vasculo recipiente; unius palmæ latitudine ab hoc sit canaliculus vel siphon. In medio hujus instrumenti fiat margo vel retinaculum, (ein absatz) cui imponitur spongia magna, & super hanc marmor vel filices in fornace figulina calcinati dispergantur. Descriptæ hujus machinæ orificium emittatur per fenestram; per canaliculum inferius accommodatum attrahe ore tuo aërem, hic enim sese insinuabit marmor calcinato; hoc communicabit illum spongiæ subjacenti, & sic destillabit per canalem liquor aëreus in vas suppositum. Hypocaustum requiritur huic operi calefactum, & quo major in hoc calor; frigus vero quo exterius intensius, ex antiperistasi eò magis desideratus tibi est sperandus effectus. Operatio quoque largior succedit tempore nocturno, quam diurno, cum aër tunc densior magisque coagulatus.

7. Pater

7. Pater *Caballus*, celebris in scientia chymica Italus, inter varia alia memoratu digna & utilia diversos quoque consignavit modos capiendi Spiritum aëris; quod non minus quoque fecerunt alii; cum autem partim congruant quodammodo cum hactenus adductis, aut his sint cognati, partim ne in his sim prolixior, eas jam non tango.

An vero dictis modis omnibus acquisitus liquor aëreus adeò sufficienter & debite sit imprægnatus genuino & puro *Mundi Spiritu*, judicent alii. Proinde etiam desiderato ne utique potuntur sine operatores, *Tinctura* nimirum *Universalis* acquisitione; præcipue, quoniam ipsis simul deficiat dimidia operis pars, scilicet Terræ fixum, chalybs Sendivogii, vel magnes Philosophicus. His tamen non obstantibus, ex hac aqua, præprimis si temporibus balsamicis, & juxta alias circumstantias in capite præcedente tractatas, parantur laudabilis efficaciam remedia, quæ de re recte, vel sine modo elaborandi agunt Petrus Joh. *Faber*, *Nictnerus*, Frid. *Hofmannus*, & plures alii. Sic quidam optimam famam sibi comparabat ex hac aqua composito medicamento sequenti: Captam aquam per tempus collocabat in cellam pro putrefactione; hinc destillabat cautè per cucurbitam vitream; destillatum super residuum digerebat,

Ii3

post

pòst rectificabat; prodeuntem liqvore denuo affundebat capiti mortuo, ponebat in cellam, & succedebat egregia crySTALLISATIO; crySTALLOS exentos diluebat aqua pluviali, qvòd variis morbis, etiam contumacissimis feliciter exhibebat.

II. Labor ex aqua pluviali, qvi est talis: Mense Martio, circa Æquinoctium, vel etiam Aprili aut Majo, colligatur aquæ pluvialis, vel etiam tonitrualis magna qvantitas, evaporet coctione continua, tamen non adeò forti, donec incipiat crassescere; tunc destilla in cucurbita vitrea, usque ad liquidiusculi extracti consistentiam. Tunc terram aliquam pingvem & foecundam, vel Solarem, cujus superius aliquoties mentio facta, humecta dicto extracto vel sale copiosa aqua pluviali dissolutò, ut fiat massa crassa. Expone ita eam per duas septimanas aëri; postea dicto modo iterum humecta; stet iterum per 2. septimanas, & hoc tertia, & quarta vice. Postea destilla è cucurbita leni igne; & prodibit spiritus quasi pingvis cum sale volatili. Spiritum aliquoties caute & lente rectifica, cui à phlegmate libero misceatur sal suum volatile. E capite mortuo elixivia sal fixum aqua pluviali, hoc repetita depuratione & coagulatione crySTALLISATUR. Hujus pars una misceatur cum partibus decem spiritus sale volatili imprægnati; adde

adde croci auri partem i. vel ii. digere leni igne, & circula, tali cautela ignem regendo, veluti paulo antea de *Via Vniuersali* monitum. Qvò diutius steterit, & qvo diligentius colitur, cò perfectius & generosius obtinetur arcanum, *Tinctura Vniuersali* analogum tam medicamentum, quam metallico - transmutatorium.

III. Labor è *Nive*: Eadem methodo, qvâ quidam meditationes & labores adplicuit aquæ pluviali, alius insudavit *Nivi*, & inde parato sali. Qvamvis autem tam copioso sale non turgeat volatili, veluti aqua pluvialis, eandem tamen fere de hoc sibi promittere potuit spem, cum ex eodem, Astralibus influxibus non privato oriatur principio.

IV. Labor è *Rore*: Multum temporis non minus impenderunt nonnulli ingeniosi Pyrotechni in ventilationem physicam sudoris illius Cœlestis, *Roris*, & imprimis majalis; atqve hoc quidem non immerito, aut sine artis fundamento; cum nec vulgus neget, huncce esse quasi quotidianum & ordinarium vehiculum Virtutis illius balsamicæ Æthereæ, omnia vegetantis, nutrientis, & conservantis; qvâ de re *Sacræ Paginæ*, & multi multorum autorum libri prolixè solida afferunt testimonia.

Qvamvis autem essentia Roris maximam partem

tem consistat in sale volatili aëreo, nihilominus novi industrium Medicinæ Mystam, qui inde extrahebat remedium, mirabilem exhibens varios contra morbos opem, aliis frustra & infeliciter exhibitis, sequenti modo: Mense Majo mane ante Solis ortum in agris triticiferis aut pratis colligi curabat *Rorem*, non more solito per lintea, (cum hæc tenui porositate absorbeant potiore partem balsami unctuarii salini aërei,) sed per patinas terreas. Imponatur cellæ in vasis vitreis per unam vel alteram septimanam, ut fæces quodammodo deponat; tunc destilla in maris balneo cautissimo ignis regimine, aliàs certe rumpunt vitrum spiritus, sale volatili copiose gravidi, ad exitum stimulati. Hi cum suo sale volatili repetita eaque lenissima rectificatione separantur, à suo phlegmate, ac in vitro optime muniantur, aliàs evolant inde, unde venerant primò, id est, in Auras. Fæces à destillatione residuas calcina, & propriò phlegmate inde elicè sal fixum. Spiritum dictum sale volatili gravidum sali fixo per solutionem purificato superfunde, & ita in phiolâ per aliquod tempus moderato calore circulando, in suam perfectionem exalta.

V. Labor è *Sale Terræ centrali fixo*. Quem admodum ita multi insudarunt sudori huic aëreo, utpote parti volatili, *Rori*, ita quoque non pauciores

ores inhæserunt saltem sali Terræ, seu parti fixiori; itidem non infelici, aut irritò plane eventu. Et cum institutum fuerit opus per destillationes, extractiones, digestiones, salificationes ferè easdem, uti in antecedentibus dictum, prolixior hic non erit tædiosa repetitione frequentiori; nihil enim ab iis differt, nisi quod huic non unuerint necessariam partem volatilem.

VI. Chymiater non infimi subsellii liqvorem sequi. è perfectis trium regnorum corporibus concentratum in secretis habebat: sumantur salis Mundi vel aëris uncia duæ; salis terræ uncia una; salis Microcosmi uncia dimidia; salis tartari drachmæ duæ. Dissolvantur spiritu vini optime rectificato, circulentur in cucurbita munita; postea destillentur & descendet tandem liqvor rubeus, easdem cum Auro potabili obtinens vires. Dosis sunt grana decem ad viginti. Sal Mundi vel aëris sic paratur: Terræ Lemniæ quantum vis, in loco alto expone aëri libero per aliquot septimanas; postea aqua pluviali sal extrahatur. Sal terræ secundum artem paratur è turffis, bituminosa Batavorum terra. Poterit tamen loco hujus & Terra Lemnia alia sumi.

VII. *Oleum Auri Schröderi* aquæ innatans, cujus superius capite 3. mentionem fecimus, ita elicatur: elixivietur è terra pingvi [v. g. marga,] sapore

Kk

porem

porem salsum præ se ferente, super quam crescit trifolium, & similes herbæ pingves, non profunde in terra existente [ut sic *Spiritu Mundi* eò melius sit imprægnata,) sal aqua pluviali martiali evaporatione inspissetur, & purificetur, aliquoties solvendo: Ex hoc sale formentur globuli cum terra pingvi, destilleturque spiritus per rerortam. Spiritus egressus rectificetur. Hinc elixivietur sal è capite mortuo, ejusque pars addatur Spiritui rectificato. Sic habes menstruum, quod solvit Aurum foliatum. Spiritum dictum superfunde Auro foliato; stet ita aliquandiu, ut solutio penitus peragatur, attrahaturque sal ex aëre; (quo diutius stat, eò melius est,) Tandem abstrahere aliquoties spiritum vini rectificatum acuaturn modico salis urinæ volatilis, vel spiritus salis armoniaci; stet ita aliquandiu, & menstruum colorabitur, & supernatabit oleum rubicundum, quod per balneum Maris abstrahatur & separetur à menstruo. Si hæc operatio instituitur Mense Martio, ubi Spiritus Mundi in Macrocosmo maximè viget & vegetat, erit eò efficacior. Dosis sunt pauculæ guttulæ; poteritque quilibet sibi imaginari efficaciam rarissimam, cum oleum & ejus rubor nullò modò à menstruo; sed à radicaliter solutò Auro dependeat. Huc usque Schröderus.

Qvi-

Quibus addo, virum huncce magnum quidem durissimi Auri repagula modo pluribus incredibili ita resolvisse, ut remedio incomparabili sit potitus, tamen plenarie ad *Tincturam Universalem* non adscendit, cum non omnes enchirises superius notatae de Via Universali fuerint observatae, praepimis plenaria unio & influxus salis volatilis cum sale fixo terrae.

VIII. Dantur adhuc variae *Auri Tincturae*, solutiones, vel extractiones, quae quamvis firmissima illa Auri claustra penitus non penetraverint, tamen non plane sunt rejiciendae, praecipue si participant de Sale Terrae fixo, vel de sale Aeris volatili, & sic vero *Auro Potabili* sunt affinia, aut analogae, qualem describit Clariss. Dn. *Langelottus* in Epist. ad Naturae curiosos, & alibi; aut quae elaboratione meam dignata est tenuitatem Divina Sapiencia.

Varia alia menstrua secundum magis & minus in Aurum solvendum agere valentia excogitarunt varii Dædali chymici. Sic non contemnendae virtutis est *Tinctura ex croco Auri* ad mentem *Basilii Valentini* parato oleo cinamomi extracta. Beatissimus D. *Michaëlis* modo notatum crocum Auri extrahebat spiritu è minera Saturni, exhibebatque sapientissime verè refocillante Archæi debilis solatio. Illustris quidam Chymicus magni aesti-

Kk 2.

mat

mat Spiritum è pane optimè fermentato, aliquo-
ties cautè rectificatum, postea spiritu vini alcoh-
olisato mixtum & circulatum. Efficacior foret
spiritus panis rore majali aut aqua pluviali destil-
latus, & summe rectificatus, tunc radiis Solaribus
ac aëri expositus, in vitro; ubi post paucas horas
limpidissimus ille Spiritus rubini colorem assumit;
de qua re consulendi Anglus celeberrimus *Robe-
tus Flud*, & *Joh. Tackius*, in *Chrysogon. animali*
& minerali pag. 76.

Alius faciebat stratum super stratum è foliis
Auri & lapide pumicis; dum in tigillo fluunt igne
forti, pumex spongiosus attrahit partim Auri reso-
luti *Tincturam*, quæ inde facile poterit elevari spiri-
tu vini per spiritum salis armoniaci exaltato, &c.
Hartmannus magni æstimabat crocum & Tin-
cturam Auri, dum Aurum limatum rasurâ cornu
cervi in furno figulino reverberabat, Auro inde
colorem incarnatum acqvirente. Quidam succes-
sivè miscebat spiritum aliquem alcalicum & aci-
dum, qui qualitatibus suis contrariis se ipsos ita
corrodunt & fatigant, ut penitus dulcescant, &
ex liqvore hoc dulcificato egregium sperabat Au-
ro solvendo menstruum. Alii utuntur adminicu-
lo crystallorum salis dulcium; spiritus salis tartari
volatilis; spiritus salis armoniaci; spiritus & salis fan-

fangvinis Humani; cornu cervi; urinæ; olei, spiritus & salis fuliginis, succini, &c.

IX. Quidam in singulis tribus Regnis specialiter qværent *Lapidem* vel *Tincturam Universalem*. Exempli loco hic saltem ponam *Lapidem Animalem*, qvem laborem nō esse planē de nihilo, facile subolfacient illi, qvorum præcordia de meliore luto; modus elaborandi autem est talis: Collige urinam puerorum Venerem non expertorum, 12. ad 15. annorum octoginta vel centum libras, Sole existente in Ariete; putrefac in cella per duos Menses; postea indatur cucurbitæ vitreæ, ad tertiæ partis repletionem; destilla spiritum leni igne, usque dum striæ desinant; remove hunc, & optime muni; apposito alio recipiente continua destillationem phlegmatis, igne per unum gradum aucto; qvod itidem seorsim serva. Liqvozem sic residuum effunde, inde retortæ terreæ, appone recipiens, destilla per gradus, usque dum rubræ decendant guttæ; auge ignem, & prodibit oleum; magis exalta ignem, ut igniantur ultimo, pro capitis mortui calcinatione.

Hoc modo procede collecta integra urinæ quantitate. Tunc rectifica spiritus tuos per arenam in cucurbita leni igne; spiritus & salia volatilia elicita conjungantur semper, & rectificatio hæc

Kk 3

repe-

repetatur septies, vel tamdiu, donec fæces non remaneant; sed omne in spiritum & sal volatile degeneraverit. Tunc phlegmata reservata etiam septies rectifica; semper removendo fæces residuas. Postea è capite mortuo optimè calcinato extrahe Phlegmate sal fixum; hoc rectifica, ut fiat crystalinum, & in leni calore fluat, ac ita volatile sit redditum; muniatur optimè ab aëre.

Tandem remanentiæ, è quibus sal extractum, calcinentur, edulcorenturque adeò, ut fiat terra plane mortua, & siccissima. Huic affunde oleum tuum; [à quo quantum possibile separetur phlegma residuum,] mixta optimè destilla ex retorta per gradus, igne forti. Oleum destillatum superfunde terræ cuidam bolari optimè calcinatæ, edulcoratæ, & exciccata; procede destillando, uti jam factum, & quidem septies repetendo; semper adhibendo novam terram; & ita oleum verè depuratur, ac perdit foetorem. Terras has conjunge, calcina per semihoram, superfunde aquam puram, & hæc redditur cœrulea, hæc evaporet, & acquires sal viride, quod *Veneri* aufert innatum ruborem, redditque Lunæ analogam figura externa.

Seqvitur nunc conjunctio & fixatio: Sumanur salis fixi partes tres, indantur cucurbitæ optimè operculo munitæ, impone arenæ in capella; sub-

submitte ignem lentum, & sal reddetur fluidum veluti cera, tunc serva lenem hunc ignis gradum. Postea cape olei tui partem unam, remoto cucurbitæ operculo; infunde guttam unam hujus, subito clausa cucurbita, donec materia tumultuans pacata, & sal fixum absorpserit Oleum infusum; hoc ita continuetur, ad plenariam olei conjunctionem vel consumptionem.

Dein accipe spiritus superius dicti partes duas, instilla successive, & guttatim quasi sali fixo, uti jam de oleo notatum. Spiritibus omnibus infusis, ac in unam substantiam redactis, sigilletur vitrum Hermeticè; impone balneo æquali ignis in gradu, donec incipiat rubescere; balneo hinc exemptum imponatur cineribus; (cineres cum materia in vitro eandem habeant altitudinem;) digeratur ita eodem calore, usque dum appareat pulcherrima *rubedo*; hinc impone arenæ, ut hæc cucurbitæ corpus rotundum cooperiat; singulis tribus horis uno gradu ignis exaltetur; in quarto verò gradu servetur per 24. horas.

Atque ita fixus & perfectus est Lapis, cujus tres guttæ medentur omnibus morbis. Guttula una libram integram vini vel aquæ ruberrimæ tingit. Si huic *Lapidi* additur quarta pars olei Auri, antequam vas sigilletur, ac per 48. horas summo

mo ignis gradu foveatur, evadit in sal vel *Lapidem rubiniformem*, quod metalla omnia impura depurat. *Elixir album* ita poteris obtinere: misceantur spiritus dicti uncia semis, salis fixi uncia una, olei lunæ uncia una cum dimidia; procedatur, ceu jam de *rubeo Elixire* dictum; & sic acquiris non modo egregiam *Tincturam* pro ægrotorum solatio; sed & *Saturnum, Venerem, Jovem ac Mercurium in Lunam* transmutantem.

Hæc pro vice proposita additamenta sufficiant, ne in peculiare Tractatus corpus excrescant, amice rogans, ut æquus lector eadem mentis ingenuitate, qua scripta sunt, omnia accipiat.

Denuò cōfiteor; hæc dicta à quidē me ipso maximam partem non esse elaborata; nihilominus sancta fide testor, quod ea cuncta à Chymicorum seculi nostri Primatibus fuerint inventa aut elaborata, è quorum non tam manuscriptis, quam ore & actuali conversatione egomet plurima hausi. Quemadmodum illa rationalium Pyrotechnorum cum quibus mihi præcipue res est, æquæ subjicio censuræ; sperans fore, ut illi, pro veritate magis magisque eruenda & amplificanda sua quoque amice, sint collaturi symbola; atque ita laudabilibus Antecessorum nostrorum inventis alia, aliisque similia, aut majora cum *Deo* & die addituri.

Cœ-

Coeterum, quæ Petrus *Borellius*, in Bibliotheca sua chymica, Anno 1654. Parisiis, & Anno 1656. Heidelbergæ edita meminit, Mariam *Rante*, Anglam, statuisse ac prædixisse, *Lapidem Philosophorum* Anno millesimo, sexcentesimo, sexagesimo primo in Vulgus fore notissimum, sagaciorum judicio ac deliberationi relinquo.

Coronidis loco adhuc unicò Te volo, mi Lector: Bona tua pars mihi fortasse indignabitur, quod è lectione hujus Dissertationis optatum scopum non attigerit, dum nimirum crediderit, sese subito reperiendum quod pueri in fabas; ac ita per *Tincturæ* acquisitionem certè sibi promiserit acquisitionem divitiarum, Famæ gloriosæ, ac honoris, à sanatis morbis desperatis, metallisque ignobilioribus melioratis. Quod gaudium conceptum, quam spem promissam dubiam ego ac tam difficilem reddiderim, atque turbaverim per varias circumstantias, imò dehortationes plurium, cap. 4. adductas. At, frustra quæreris, amice Lector, frustra me accusas; propria tua, minime vero mea illud accidisse culpa, tibi persuadeas. Cur enim falcem audes mittere in alienam messem, aggrediendo extra tuæ vocationis terminos mirum-quantum seria? Cur sutor ultra crepidam intemptivo & illicito desiderio tam arduis inhias? Doleo sane vicem tuam,
LI quod

quòd cum pluribus ad talia *Fato Divino* non fueris electus; ac ingenuè rogo, velis impofterum manere in ftatione, quâ fueris pofitus, ac diligenter ruminare magnam illud tuum in hoc Mundo DIC, CUR HIC; de quibus caput antecedens quartum ad naufeam tuam usque te erudit. Præter varias enim rationes ibi adductas, nimirum quod extra vocationis limites vagari non liceat, addo ex superabundanti hic adhuc unicum: Libro 1. *Maccab.* cap. 5. v. 55. feqv. legitur, *Judam Maccabeum* cum Fratre suo *Jonathane*, pro persequendis ac ad incitas redigendis Fidei & Patriæ hostibus exiisse; *Josephum* autem, & *Asariam*, præfectus militares domi reliquisse, ut defendant Territorium, & quietè saltem sese gerant. Hi percipientes dictum *Judam Maccabeum* & Fratrem, quocunque sese verterent, victoriis victorias addere, generosa æmulatione incitati pro aucupandâ non min⁹ gloriosa fama, ac pro Lege & grege militaturi irritabant hostiles *Gorgia* crabrones contra manifestum Gubernatoris *Judæ* mandatum. Quibus autem Triumphis redierint, nisi memoriæ tuæ è *Bibliorum* lectione succurreret, loco citato poteris videre.

Ut autem Bilis tibi commota quodammodo reddatur tranquilla, ut spiritus tui mœrore depauperati, terrore turbati refocillentur, constitue-
ram

ram pro redimenda vexa proponere ac propinare tibi nonnulla alia solatia lectu non modò jucunda; sed etiam proficua. Verum, quia amicis aliquot de edenda hâc dissertatione aurem vellicitantibus certa promiserim fide, quod hæc instantibus Nundinis Lipsiensium Paschalibus in publicam sit proditura lucem; dictæ Nundinæ autem jamjam instent, cogor hac vice filum abrumpere, eademque reservare alii occasione, vel usque dum auctior, Deo vitam concedente, edatur hæc dissertatio; ideoque, ut benevolè mihi ignoscere velis, decenter rogo.

Non possum tamen non, quoniam *valetudinis* solatium saltem heic adnectam. Hoc in specie vos concernit, dilectissimi Philiatrì, pro juvando ægrotante Proximo, qui fortasse partim noxio & præpostero fervore ad tam seria properare, animum applicuistis. Discite imposthæc cautius mercari, ne poenitere magno pretio emere cogamini, ac positis debite Artis Medicæ fundamentis securius per gradus ad tam alta adscendite; Cum Chymia rationalis & Christiana, ut sic loquar, velit expectari. Scrutamini potius magis demissa, ac prius aliis medicamentis laude dignis obtinendis per solitum *Ora & labora* invigilate. Quale vestro pro stimulo jam subjungo: Per unum & alterum

L12

De-

Decennium multorum fruitur applausu remedium titulo *Tinctura Nephritica* vel *Solaris* decoratum ac venditum; & quidem non adeò immerito; cum in morbis scorbuticis, & qui his affines, à Tartaro sanguinis, mesenterii, & renum acido ortis laudabilem opem, operamque contulerit, & adhuc conferat. Ego quidem non dico, quasi illius ingredientia, modumque præparandi hic describerem, cum me non lateat, Possessores eandem vel le occultatam; ego verò Proximo nulli nocere audeam. Hinc appono saltem pro Ægrotorum commodo illius apprimè similem, quæ est talis: Sumatur Tartari albi, Nitri optime purificati, mineræ Antimonii, silicum sulphure aliquo solari volatili præditorum (quo quidem plures silices sunt imbuti,) partes æquales; pulverisata & optime mista humectentur aqua roris majalis vel pluviali; non tamen nimis largè; aliàs obtines quidem Tincturam copiosiore; sed ob virtutem magis dilutam non adeò efficacem; veluti eandem parant avari nummifugæ. Serventur ita in loco temperato per aliquot septimanas, aut potius menses; [quo diutius ita subsistunt, eò melior expectanda erit operatio, cum Nitrum magis, magisque resolvat, penetret, ac uniat reliqua.] Hinc destilla per retortam tubulatam, quam vocant. *Lipsiæ* in labora-

boratorio celeberrimo *Michaëlitano*, cujus nunc est Possessor Dn. *Zittermannus*, huic operi commodissima conspicitur fornax, dum huic loco capellæ adaptatum est vas ollæ ferè simile, in lateribus 2. 3. vel 4. canalibus præditum, quibus apponuntur vasa recipientia. Huic dicto modo successive per cochlearia injice materiam mixtam, uti solet in retortam tubulatam, & subito prodibit *Tinctura* egregiè rubens, cujus dosis 30. 40. 50. guttæ.

Exhibetur ad præservationem 2. 3. 4. vicibus in septimana, præmissis tamen universalibus. In sanando verò aliquo morbo scorbutico, hypochondriaco, nephritico, &c. bis vel ter singulis diebus. Præter virtuosam hancce efficaciam oculos Tuos pascere poteris in manifestâ ac perseverante illa *Tinctura Rubedine* per canalem simul prodeunte, qualem conspectum in hoc vel illo medicamento frustra desiderarunt ac quæsiverunt tot ac tot Chymici magnæ & probatæ in aliis experientiæ.

Eandem veniam, quam pagina præcedente petii, heic denuò exorare cogor. Nimirum, promissam in superioribus, me meæ huic dissertationi annexurum esse celeberr. Petri Joh *Fabri* ad Sereniss. Holsatiæ Ducem, Dn. *FRIDERICUM* tramissum Manuscriptum raritate, curiositate, ac

Ll 3

in-

insolita in vocabulis ac terminis chymicis explicandis perspicuitate commendabile. Ob modo dictam enim de jamjam instantibus Nundinis Lipsiensibus rationem, atque ideò datam nonnullis amicis fidem, ejusdem publicationem nolens - volens itidem differre, aliqve reservare occasione, cogor.

Te nondum dimitto, curiose Lector; sed unicum saltem adhuc addo. Memoriae tuae procul dubio adhuc inhærent, quæ capite tertio pro adstruendâ & demonstrandâ *Tinctura Universalis* possibilitate partim per rationes, partim per variorum experimenta proposui. Cum autem tunc meam mentem, crenamque fefellerit exemplum aliquod notatu dignissimum, non possum non, quin illud hic, rarissimi Corollarii ac superpondii in vicem adponam: Dum Anno messiano 1656. Mundo nostro ultimum dicebat vale Dux quidam è Germaniæ Primatibus serenissimus, alterius cujusdam magni Principis, consanguinitate, & ingenuæ amicitiae ac familiaritatis foedere illi juncti, (qui Anno 1669. quoque ivit eò, quo Nos tendimus omnes,) Lingva gravitate ac autoritate insigni semper pollens in stupentes diversorum Ministrorum præsentium aures sequentia reponebat verba: certissimè mihi constat, beatissimum huncce semper se-

secum portasse particulam *Lapidis Philosophici*, magnitudine sua fabam æquantem, collo appensam in serico rubro, secretissimi ac inæstimabilis thesauri loco diu sibi reservatam, quam meis hisce Ego met oculis vidi, manibus hisce meis tetigi. Cum autem rei hujus vix aliquis habebit notitiam, vereor, ne Amanuenses, aliique, utpote mysterii hujus planè ignari, illud sint abjecturi, cum quid videant, quid possideant, penitus ignorent. E quibus verbis *Tinctura* quidem stabilio possibilitatem; simul tamen denuo patescit, omnisciam Dei Providentiam ob causas nobis occultas supremum hocce arcanum neutiquam velle divulgatum.

Cum enim certissimè mihi constaret, prolata hæc verba ex ore tam religioso, tam reverenter à quibusvis meritò habito & habendo veritati esse maximè consentanea, miratus postea sum sæpius, quò factum sit, ut laudatissimus ille Dux thesaurum huncce incomparabilem tamdiu otiosum latitare, ac feriari concesserit; nec illum adhibuerit pro solatio ægrotantium pro solatio pauperum; præcipuè, cum in infausto illo Bello intestino Germanico plus vice simplici indiguerit similium aureorum adminiculorum; acerrimum enim sese exhibebat Patriæ pressæ, & sæpius tantum-non oppressæ Propugnatorem. Potuisset sane dicta illa par-

va fabæ quantitas excrefcere & fermentare in va-
ftam molem auream; præprimis fi ſagax quidam
adfuert Pyrotechnus, qui *Tinctura* multiplicatio-
nem decenter calluerit. Verumenimvero, quod
aliqvoties dixi; heic repeto, nimirum ſub rebus
tam arduis latitare Nobis imperſcruta-
bile το Θεου.

Tandem de mendis Typographicis emendandis mo-
nenda reſtant nonnulla. Si errare Humanum eſt, quid erit
mirum, ſi Typotheta hic quoque quædam Naturæ Huma-
næ quaſi propria commiſerit, hoc eſt, erraverit, ac Sphalma-
ta reliquerit. Nolo autem tibi eſſe moleſtus, amice Lector,
ut eadem ſecundum numerum adſcribam; cum inſuper nec
gravitate, nec copia adeò peccent; ſed eorum correctionem
Mentis tuæ generoſitati ac æqvitati trado, confidens, Te mi-
hi eadem neutiquam eſſe imputaturum.



IN-



INDEX

RERUM PRÆCIPUARUM IN HOC TRACTATU CONTENTARUM.

A

Adfectuum externorum sanatio à Tinctura universali immediate non expectari vel peti potest, p. 53.

Aer in materia Tincturæ universalis est pars præcipua, pag. 196. seqq.

Et quomodo. ibid.

Clarus communicat Creaturis sanitatem. p. 197. 248.

Conspurcatus Hominibus & Brutis calamitates adfert. pag. 197.

Pro Aeris dispositione Homines, bruta & vegetabilia vitam vivunt vel vegetam vel morbosam p. 224. seqv.

Qvo tempore Anni purior sit, p. 211.

Aeris Aqua quomodo capienda. p. 248. seqv.

In Aere occultus latet Vitæ cibus. p. 197. seq.

Magis commodum est vehiculum Entis universalis. pag. 196. 197. seqq.

Aeris Sal volatile retinaculi & corporis fixioris indiget. pag. 201. 202.

Agonizantium Vitam confortantia sustentant. p. 34. 35.

Alcalica remedia extirpant morbos ab acido oriundos. p. 186.

Alchymia quid sit. p. 168.

Mm

Alchy-

INDEX

- Alchymia cultoribus illegitimis Dæmonem aliquando se immiscere certò modo conceditur. p. 120.
- Alchymistæ abusive, & in genere à pluribus vocantur Athei, Scurrae, &c. p. 4.
- Anatomicum studium tractaturus ingreditur Augiæ stabulum. p. 2.
- Anni Tempora balsamica v. g. Æquinoctia, Mensis Martius &c. plurimum conferunt colligendæ materiæ universali. p. 210. seqv.
- Animalium summe perfectorum species in alias non mutari, conceditur Kircherò p. 61. 62.
- Animalis lapis, quem vocant illum laborem. p. 261.
- ex Animali Regno recensentur quædam, quibus frustra insudaverunt quidam, quasi foret materia vera Tincturæ universalis. p. 184.
- ex Antimonio parantur remedia, quæ criticè modò per hoc, modò per aliud excretorium operantur. p. 215.
- Apoplectico catarrho correptus juvatur & sustentatur resocillantibus. p. 34.
- Aqua pluvia Martialis, ut & tonitrualis vocari potest materia remota Tincturæ universalis. p. 215.
- ex Aqua pluviali labor describitur. p. 254.
- Aranea magna inclusa vitro capaci bene munito decem septimanas vixit sine alimento ullo exhibito. p. 199.
- Archæus noster non semper obtemperat medicamentis propinatis, ut illa juxta solitas qualitates operentur. p. 51.
- Argumentari à particulari ad universale nullus Philosophus concedit. p. 69.
- Arnheimius Campi Mareſchallus Saxonicus possedit Lapidem Philosophicum ferè perfectum, sed iterum perdidit pag. 145. seq.
- Aro-

INDEX

Aromata cur non omnia sub nostro Climate crescant, pag. 225.

Ars est æmula vel ministra, non magistra Naturæ. pag. 222.

Astrorum influxus plurimum confert ad Transmutationem Metallorum, &c. p. 220. seqv.

Contra Autopsiam disputare est insipidi, p. 160. p. 222.

in Auro latet incomparabilis vis balsamica & restaurativa Archæi nostri debilitati, p. 183.

ideoque multi habuerunt illud pro materia vera Tincturæ universalis, p. 183.

Aurum & Argentum vulgare etiam certò modo addi potest in maturanda præparatione Tincturæ universalis, pag. 206. p. 243. seqv.

Auri Tincturæ variæ dantur, p. 259.

Harum materia & modus proponitur, ibid.

Auri oleum Schroederi, p. 257.

B

in Batavia Homines non sunt tam vivaces, ac in Italia, p. 224. Qvare, ibid.

Bezoardica Tinctura componitur è Mixtura simplici Theophrasti Paracelsi, p. 130.

Salomon à Blauenstein defendit Tincturæ universalis existentiam contra Kircherum p. 59.

Botanicus multum laboris facere cogitur, anteqvam decenter excolat flosculos suos, p. 2.

Bombyx mutatur in papilionem p. 62.

Bragadinus iniquus possessor Tincturæ universalis, hinc merito suspendio pœnas luit, p. 108.

M m 2

Cache-

INDEX

C

- Cachecticus fit Homo per aliquot septimanas hypocauftum non deferens p. 224.
quare. ibid.
- Caput Corvi quid vocitent Chymici, p. 237.
- Capita mortua chymica plurima aëri exposita primævam & innatam inde iterum adsciscunt qualitatē, pag. 198. 222. seqq.
- Castorei essentia & spiritus salis Armoniaci nobilius medicamentum constituunt, si uniantur. p. 7.
- Carbones fornaci injiciendos pro Tincturæ leni digestionē magnus Chymiater humectabat, ne subitanea flamma incenderentur, p. 242.
- Caudam Pavonis quid vocitent Chymici, p. 238.
inter Causam & effectum proportio requiritur. p. 219.
pro Chirurgia infusoria & transfusoria primum detecta cui sit imponenda corona triumphalis, lis adhuc fervet. pag. 6.
- Chirurgia infusoria jam dudum descripta à Libavio. p. 7.
- Christus sanavit diversis modis, quorum aliqui recensentur. p. 54. 55. seqv.
- Christus percussit impios & hostes suos variis modis. pag. 55. 56. seqv.
- Chymia mediante salium virtute cuilibet possibilitatem transmutationis metallicæ ad oculum hodie demonstrare valet, pag. 218.
- Chymicorum locutiones hieroglyphicæ & allegoricæ turbant & seduxerunt plurimos. p. 182. seqv.
- Chymicatri nonnulli ex inscitia aut malitia negant Tincturam universalem. p. 138. Chy-

INDEX

Chymici etiam divites dantur, nec omnes sunt pauperes.
pag. 127.

Chrysopœiam an calleat Respublica Veneta? p. 105. seqv,
in quo consistat hujus Chrysopœia. ibid.

Ciniffones vagabundi & illiterati non debent manum ad-
movere Tincturæ universali. p. 141.

Consiliarii Magnatum obstricti sunt monere suos Superio-
res, ut scrutentur Naturalia. p. 139.

Crocus sub nostro Climate crescens est tantum analogus cro-
co orientali, non verò æquali virtute operatur. p. 225.

D

Deus cur non jamdiu patefecerit, nec jam parefaciat plura
arcana. p. 8. p. 272.

& in specie Tincturam universalem, cum cedere possit
in plurimorum commodum. p. 159. seq.

Deus quibus concedat Tincturam universalem. p. 66. seq.
p. 128. seq. p. 134. seqv.

Deus iadignis & abutentibus iterum aufert Tincturam uni-
versalem. p. 130. seq. p. 150.

Deus pro meritis nostris sua dona dat & aufert p. 131.
Horum varia exempla è Sacris. ibid.

Deus ad majora & ardua opera perpetranda elegit sæpè spre-
tos & humiles, v. g. Moysen, Saulum, Davidem, Ma-
riam. &c. p. 144.

Digestionem humidam præfert Petrus Joh. Faber sicæ in
Tincturæ universalis labore. p. 242.

Diabolus se immiscet quandoque Alchymix cultoribus ille-
gitimis & impiis. p. 120. seqv.

Divitiarum remotio petitur Proverb. Salomonis. cap. 30.
M m 3 qva

INDEX

qua conscientia igitur sine legitima vocatione hisce poteris inhiare per Tincturæ elaborationem? p. 152.

E

inter Effectum & causam proportio requiritur p. 219.

Ellychnii igne quidam usus est in Tincturæ digestionem. pag. 242.

Elixiris Proprietatis inventor est Paracelsus. p. 130.

Elixir album quid vocitent Chymici. p. 21.

Elixiris albi usus. p. 26.

Elixir album quando est perfectum. p. 238.

Elixir album non est Tinctura universalis; proximè tamen ad eam accedit. p. 238.

Elixir rubrum quid vocitent Chymici. p. 21.

Elixiris rubri usus. p. 26.

per Emphitevticam artem arbor deponit naturam innatam, assumitq; qualitates furculi immitti. p. 62. 63.

Essentia Castorei & spiritus salis Armoniaci circulata egregium exhibent medicamentum. p. 7.

Experimentum practicum genuinum unicum plus habet ponderis, quam centum Rationes philosophicæ speculativæ. p. 65.

F

Ferdinandus III. Imperator possedit Numisma ex Aure arte Chymica parato. p. 85. seqq.

Projectionis Historia fusè descripta. ibid.

G

Generatio rerum omnium ex quo, & quomodo fiat, & perfici soleat. p. 193. 194.

Har-

INDEX

- Harvæus multum temporis impendit in dilucidando generationis Animalium negotio, ac aliis, p. 2.
hinc laude summa dignus, p. 3.
Helmontius dissuadet elaborationem Tincturæ universalis, pag. 155. seqv.
Helvetius idem facit. ibid.
Hermetis Trismegisti Tabula est communis operum Chymicorum Cynosura p. 212, 213.
allegantur ipsa Tabulæ verba. ibid.
Homo Homini Diabolus, Proverbium hoc suo adhuc gaudet fomento. p. 6. p. 178.

I

- Jesuitæ non omnes pro fraudulentis & scelestis habendi, licet olim Gallia & Dominio Veneto expulsi. p. 70.
it. licet Petrus Jarrichius impia de illis referat. p. 70.
Igne Ellychnii quidam usus fuit in Tincturæ universalis præparatione. p. 242.
Ignis frigidus & humidus Chymicorum p. 243.
in Ignis regimine consistit cardo præparationis Tincturæ universalis p. 240.
ab Ignorantia ad negationem non licet argumentari. p. 40.
& pag. 46.
Impiis dies abbreviantur. p. 33. 132. 133.
Impiis ac indignis Tincturam Deus non concedit. pag. 66.
seq. p. 128. seqq.
vel iis eam iterum aufert. p. 130. seqv.
Inferiorum & Superiorum consensus ac Analogia infringi neutiqvam poterit, p. 71.
Iridem quid vocitent Chymici. p. 238.

In Ita

INDEX

In Italia Homines sunt vivaciores quam in Batavia p. 224.
quare, ibid.

K

Athanasius Kircherus ob rarissimas eruditionis dotes commendatur p. 57.
invehitur in Alchymiam. p. 58.
Lapidis Philosophici existentiam negat. p. 58.
sed refutatur. pag. 59. 60. seq.
operationibus chymicis manum ipse procul dubio non admovit. p. 60.
Tincturæ augmentationem negat. p. 65.
accuratè & nervosè describit Materiam universalis materiam planè inscius. p. 190.

L

Laboratoriorum Chymicorum inventa & operationes non obediunt mensuræ ad ulnam Philosophicam. p. 61.
Laboratorculi illiterati non aggrediantur arduum laborem Tincturæ Universalis. p. 141.
Lapis Philosophorum non est tinctura vel liquor sic dictus. pag. 22.
Lapidis Philosophici existentiam negat Kircherus p. 58. 59.
sed refutatur à Salomone à Blauenstein & Joh. Zvvölfero. p. 59.
it. ab Antore p. 60.
de Lapide Philosophorum plura vide de Tinctura universali.
Lapides ignobiliore immutantur in pretiosos. p. 27.
Lapis in limo inventus prope Castellam & Numburgum cujus sit virtutis. p. 204. La-

INDEX

Lapidifica vel petrifica facultas res innumeras convertit in
Lapides. p. 63.

Lapis animalis, quem vocant illum Laborem. p. 261.

Lampadis igne quidam usus est in Tincturæ digestionem.
pag. 242.

Lipothymiam patienti cordialibus appropriandum. p. 34.

M

Mali furculus curiosè inseritur in Cydoneum. p. 63.

Manuscriptum rarissimum P. J. Fabri, ceu promissum, jam
non publicatur; sed alii reservatur tempori. p. 269.

Maria Rante, Angla, prædixit Lapidis Philosophici cogni-
tionem vulgarem futuram. p. 265.

in re Medica plurima sunt noviter inventa nostro hoc secu-
lo. pag. 10.

Medicis nonnullis cur adeò vitio quasi non sit vertendum,
quod hætenus Tincturam universalem pro Non-Ente
habuerint. p. 22. 23.

Medicis operibus manum qui applicat, aggreditur res inter
mundanas magis arduas. p. 227.

Medicus est minister Naturæ, non Dominus imperans. p. 51.
ad Medica scripta extenduntur quoque dissidia diversas
Religiones excolentium. p. 9.

in Medica vinea instat fortassis 9. aut 11. diei hora magni il-
lius Patris familias. p. 9. p. 165.

Medici dogmatici qui sint, & esse debeant. p. 39. 40.

Medici non solum credere debent, quod Veteres credide-
runt; sed iis etiam nova addere. p. 135. seqq. p. 176. seq.

Medicorum noxia invidia. p. 5.

ob diversitatem Regionis. p. 6.

ob diversitatem Religionis. p. 6.

Nn

Me-

INDEX

- Medicamentorum particularium unumquodque agit in sibi
contrarium. p. 186.
- Medicamenta non ludicrè, frustra & inùtiliter exhibentur
ægotantibus. p. 35.
- Metallorum transmutatio possibilis. p. 19. 63. 64. 219.
- Metallorum transmutatio à nonnullis negatur. p. 18. 19.
sed refutantur. p. 19. 20. 64.
- Metalla imperfecta vertuntur in Aurum vel Argentum per
Tincturam universalem. p. 26. 27.
- Metalla consentiunt cum variis Lapidibus p. 63.
- Metallis propriè non competit Anima & vita. p. 64.
- Metallis omnibus multi frustra insudaverunt pro Tincturæ
universalis materia. p. 183.
quare? ibid.
- Metalla inter se differunt saltem gradu. p. 264.
- in Metallorum Transmutationem quid, & quomodo. agant
Salia propriè considerata. p. 219. 220.
- Metallorum Transmutatio magna non potest fieri sine in-
fluxu & concursu Astrorum aut salis ærei. p. 220.
- ex Mercurio parantur remedia, quæ criticè modò per hoc,
modò per aliud Excretorium operantur. p. 52.
- Mercurius cum Auro vere fixatus & præcipitatus est medi-
camentum particulare præcipuum. p. 150.
- Hunc cum præparare aliquando vellet D. Joh. Michaëlis, quid
acciderit. p. 150. 151.
- E Minerali regno recensentur quædã, quibus frustra insudave-
runt quidã, quasi foret materia Tincturæ universalis. p. 184.
- Mineralia & Metalla in nonnullorum Territoriis occulta ja-
centia, pretio superarent ipsam ditionem illam, si ven-
deretur. P. 138. 139.

Mor-

INDEX

Morbi à diversis oriuntur causis, ideoque iisdem diversa opponenda remedia, quando procedat, & fallat, p. 50. & 51.

Morbus universalis certo respectu præsupponitur Tincturæ universali. p. 72.

Mundi Spiritus vid. Spiritus Mundi.

Mundi Proceres in suis Territoriis uti sunt summi Episcopi & summi Legislatores, ita etiam Subditorum sustentatores & Nutritores, p. 135. 136.

Iidem curam Metallorum, Mineralium & similibus rerum physicarum à Deo datarum gerant, p. 136.

N

Naturalium Scrutatori multæ obviam eunt difficultates in indagandis rebus Medicis, p. 2.

Nix vocari potest materia remota Tincturæ universalis, pag. 215.

è Nive Labor describitur, p. 255.

Noviter hodie multa sunt inventa in re medica, p. 9. 10. quænam illa sint, ibid.

Nominibus fictis & metaphoricis cur multi scripta sua edant, pag. 182.

Si hoc fiat, multi seducuntur, ibid. & seqv.

Numisma rarissimum ex Auro arte chymica paratum possedit Imperator Ferdinandus III. & nunc Imperator Leopoldus, p. 85. seqq.

O

Occasio Autoris hanc dissertationem scribendi, p. 1.

Oleum Auri Schröderi describitur, p. 257.

Orichalci præparatio, p. 15.

N n 2

Pan-

INDEX

P

- Panspermia quæ fuerit. p. 191.
Paracellus an fuerit atheus. p. 129. seqq.
 invenit Elixir Proprietatis & mixturam simplicem. p. 130.
 quo anno mortuus. p. 130.
 ab hoc Deus aufert Tincturam. p. 130.
 cur non fuerit longævus, rationes physicæ. p. 134.
A particulari ad universale argumentatio non valet. p. 69.
Particulares labores quos vocant, non minus caute & legi-
tima vocatione tractandi, ac Tinctura universalis. p.
141. 142.
Peruvianus flos mirabilis noster est galapium Indorum,
pag. 225.
Philosophus per ignem quis sit. p. 82.
Philosophorum Lapis, vid. Tinctura universalis.
Philosophica Laboris universalis proportio in quo confi-
stat. p. 235.
Philiatri non motu præpostero, & sine jactis fundamentis
Medicis aggrediantur Labores chymicos tam arduos & Tin-
cturam universalem. p. 140.
Pöesis laude omni major ob abusum hodie spreta. p. 143.
ad præservationem quæ dosi Tinctura alba & rubra sumen-
da. p. 26.
contra principia negantem, vel non intelligentem non est
disputandum. p. 42. 57.
In principiis Medicis hodie dissentiant plurimi. p. 3.
Post purgans sumtum aliquando sequitur excretio per vo-
mitum aut Urinam. p. 51.
 cur. ibid..
Purum Naturæ est vera materia Tinctura universalis. p. 186.
 quid sit. p. 188.

Py-

INDEX

Pyrotechnia est filia Medicinæ, p. 70.
duobus innititur fulcris, ratione & experientia, p. 70.
Pyrotechni curiosi qui sint, p. 198.

R

Maria Rante, Angla, prædixit Lapidem Philosophicum fore
notissimum, p. 265.
ob Rationes physicas & Theologicas quænam sibi abbrevia-
re possint vitam, p. 31, 32.
Exempla horum, ibid.
Ros majalis materia remota Tincturæ universalis vocari po-
test, p. 215, 216.
è Rore majali paravit egregiam Auri solutionem Borellius,
p. 216.
Ros in Germania est minus æerei Salis ferax, ac in calidio-
ribus Regionibus, p. 225.
è Rore labor describitur, p. 255.

S

Salis proprietates apprimè conveniunt materiæ Tincturæ u-
niversalis, p. 200.
quænam illæ sint, ibid.
Sal centrale fixum in qua Tera potissimum reperitur, pag.
203.
Sal centrale cur ita dicatur, p. 203.
Sal terræ fixum ejusdem est originis cum sale volatili æthe-
reo, p. 208. seqq.
Saliū virtute hodie possibilitatē Transmutationis metallicæ
ad oculum demonstrare Chymia potest, p. 218. seqq.
hoc ut fiat, quæ requirantur, p. 219. seqq.

Nn 3

Per

INDEX

- Per salium penetrabilitatem paratur Venus alba. p. 220.
Salia per se non valent perficere metallorum transmutationem. p. 219. 220.
Salia proprie considerata quid & quomodo agant in metallorum transmutationem. p. 219. 220.
è Sale Terræ centrali fixo Labor. p. 256.
è Salinis trium Regnorum corporibus diversis liquor egregius. P. 257.
Sanguinem purificans si assumitur, sequitur aliquando operatio excretoria per alvum, sudorem, urinam. p. 51.
Schröderi oleum Auri. p. 257.
Scorbutus varie eludit medicamenta, verus Vertumnus. pag. 3.
Scripturiendi hodie pruritus plurimum sterilis & inutilis est. pag. 4.
Semen universale quid sit. p. 191.
Sinenses falso sibi persuadent, Tinctura universali posse obtineri immortalitatem. p. 117. seqq.
Sinensium nullus adeptus Tincturam præter Regem Hiaoum. p. 158. seqq.
Sinensis Consilarii egregium stratagema, quo Regi conceptam immortalitatis spem per Tincturæ assumptionem demeret. p. 118.
Solis radii in pulverem purpureum præcipitati mediante speculo caustico. p. 250.
Species nulla in aliam mutatur, quomodo procedat & fallat. p. 61. seqq.
Spiritus salis armoniaci & essentia castorei circulata egregium exhibent medicamentum. p. 7.

Spi-

INDEX

- Spiritus Mundi omnia vivificat. p. 196. 197.
Spiritus Mundi est summe volatilis, invisibilis, penetrabilis.
p. 199. 200.
Spiritus Mundi præcipue concurrat in Materia universali.
p. 215. 216.
Rara Medicamenta ex eo parari possunt. ibid.
Spiritus Mundi quomodo capiendus. p. 247, 248. seqq.
Sutoris ultra crepidam sapientis jucunda historia. p. 42.

T

- Tabula Hermetis vid. Hermetis Tabula.
Talenti concrediti magna olim erit ratio reddenda. p. 9.
Tempus ante omnia etiam observandum in materiae universali præparatione. p. 210.
quodnam hoc sit. p. 210.
Terra pingvis, subnigra, nitrosa est commoda materia ad Tincturam universalem. p. 202. seqv.
Terra circa mineras Solis in Hungaria, Transsylvania, &c. conducit etiam Tincturæ universali, si haberi potest. p. 205. seqv.
Terra circa fluvios auriferos in India occidentali reperta etiam conducit Tincturæ universali. p. 207.
Terra foliata Tartari teste olim descripta à Locatello, Senerto, Zvvölfero. p. 8.
Terra foliata Tartari addito vitriolo Martis Tincturam exhibet elegantem. p. 8.
Terræ sal fixum, vide Sal Terræ fixum.
Terra australis incognita cur in hunc usque diem non detegatur per laboriosissimos mercatores, nautas, &c. p. 164.

Ter-

INDEX

Terminus Vitæ vid. *Vitæ Terminus*.

Tinctura universalis commendatur. p. 11. 12.

ej. Nomina. p. 13.

per eam quid intelligant quidam. p. 14.

ej. definitio. p. 15.

definitionis explicatio. p. 15. seq.

ej. effectus v. g. vitam sustentat. p. 16. 25. 187.

ej. modus operandi v. g. roborando calidum innatum.

&c. p. 17. 27. 28. p. 50. seqv. p. 72. seqq. p. 187.

effectus quamdiu duret. p. 17. 72.

effectus quoad metalla. p. 18. 25. 187.

Ej. signa. p. 20. seqv.

Tinctura est rarissima. p. 20.

quoad figuram externam in quo consistat. p. 22. 23. 24.

Signa externa explicantur. p. 22. 23.

ut plurimum pulveris salini vestem induit. p. 24.

aliquando etiam oleum est. vel liquor. p. 24. 25.

finis & usus. p. 25. 26.

portiuncula unius granuli sufficit operationi perficiendæ.
p. 26.

albæ & rubræ usus & dosis ad præservatiouem. p. 26.

it. ad sanandos morbos. ibid.

Energia rarissima in regno minerali. p. 26. 27.

extrahit è Perlis veram essentiam. p. 27.

energia mirabilis in regno vegetabili. p. 27.

per eam Vita Humana invito Deo non prolongatur.
p. 29.

ea cur utamur. p. 30.

non ludicre, frustra & inutiliter, sed maximo commo-
do exhibetur ægrotantibus. p. 35.

ejus

INDEX

ejus existentia disputatur à variis. p. 36.
 rationes negativæ recensentur. p. 37. seqq. p. 43. seqq.
 & refutantur. p. 44. seq.
 existentiam dubiam faciunt aut solidè aut stolidè ne-
 gantes. p. 38.
 acerrime præ aliis omnibus Tincturæ possibilitatem in-
 fringit Kircherus. p. 58. seq.
 & refutatur. p. 60. seqq.
 eam cur non aperte tractent Possessores, sed lateant in-
 cogniti. p. 46. seqq. p. 96. III. 113. 114.
 Existentiam ejus non tollit dissensus Chymicorum, veluti
 Christianismus non tollitur dissensu Theologorū. p. 68.
 ob hanc Ostentator quidam alterum occidit, & profite-
 tur illam aperte Venetiis. p. 47. seq.
 sed malo successu, & maximo vitæ periculo. ibid.
 & seqq.
 paratur è rebus primis & universalibus. p. 50.
 mediate quoq; medetur affectibus externis. v.g. fractu-
 ris, luxationibus. p. 53.
 non frustraneam reddit creationem aliorum medica-
 mentorum. p. 53. seqv.
 Ejus augmentationem & multiplicationem negat Kirche-
 rus. p. 65.
 sed hæc meritò est credenda viris ingenuis. p. 66.
 eam cui concedat Deus. p. 66. seqv. p. 128. seq.
 hanc Deus tantum paucissimis piis concedit. p. 66. 134.
 seq. 128. seqq.
 cur non pluribus. p. 159. seqq.
 Deus non vult divulgatam ob causas occultas. p. 272.
 indignis & abutentibus iterum aufert Deus. p. 130. 131.
 145. seqv.

Oo

Tia-

INDEX

Tinctura universalis & Aurum in oleum resolutum non sunt plane unum, fiunt tamen ex uno principio, p. 81.

Tinctura universalis probatur ratione & exemplis, p. 70. seq. variis variorum Testimoniis, v. g.

1. Sperlingii. p. 75.
2. Casp. Bartholini. p. 75.
3. Mart. Delrionis. p. 76.
4. Roberti Fludii. p. 76.
5. Henr. Salmuth. p. 77.
6. Cornelii Martini. p. 78.
7. Franc. Ofvv. Grembs. p. 79.
8. Joh. Schröderi. p. 80.
9. Petri Borellii. p. 81.
10. Henr. Kunrath. p. 82.

Autopsia, atque variorum Experimentorum Historiis, v. g.

1. Helmontii. p. 83.
2. Johann. Zvvölferi. p. 84.
3. Joh. Takii. p. 83.
4. Joh. Frid. Helvetii. P. 90.
5. Joh. Ristii. p. 97.
6. iterum Ristii. p. 100.
7. Joh. Kunkelii. p. 104.
8. Ottonis Takenii. p. 105. seqq.
9. Anonymi cujusdam Archiatri. p. 109. seqq.
10. Alius Anonymi philalethæ. p. 114. seqv.
11. Christ. Adolphi Balduini. p. 115.
12. Amici cujusdam Vienna reducis. p. 116.
13. Sinensium. p. 117.
- ubi duo allegantur Exempla, ibid.
14. Kircheri. p. 120.

15. Ru-

INDEX

15. Rudolphi Imperatoris. p. 126.
16. Anonymi cujusdam Primatis Germaniæ. p. 270.
Tincturæ universalis præparationem ut juvet Diabolus, non
est præsumendum. p. 121.
Huic præsupponitur certo respectu morbus universalis. p. 72.
Hujus granum unum aliquot uncias, imo libras Mercurii
transmutat in Aurum verum. p. 83. 86. 96. 97.
Hanc fere absolutam continens cucurbita ex incuria rupta,
hinc à materia contenta displosa totum conclave in-
auratur. p. 103.
Hujus usu Rex Sinensium obtinuit sine morborum insulti-
bus canitiem, sed neutiquam immortalitatem. p. 119.
Hujus Possessor Serenissimus Saxonæ Elector, Augustus, it.
ejusdem Uxor, it. ejusdem Filius Christianus I. beatiss.
memoriæ. p. 104.
in hanc immediate inquirere, an sit consultum Christiano. p.
127. seqq.
ob Hanc in frequentiori ac largiori dosi sumtam Vitæ ab-
breviatio contingere potest. p. 134.
Hujus Præparatio immediate competit Medicis, p. 135.
2. mediate Magnatibus, ibid.
tertio divitibus & curiosis. p. 136.
non vero iis, qui legitimam vocationem non habent,
v. g. sunt avari, arrogantes. p. 139.
Hi enim spe sua excidunt. p. 140.
ut & Philatri nasutuli. p. 140.
nec non ciniffones vagabundi. p. 141.
Tincturæ operator raro omnem perdit operam, licet non
semper pyxidem auream, sed interdum saltem argen-
team, vel etiam plumbeam adipiscatur. p. 137.

INDEX

Hujus operator licet non semper primum finem obtineat, invenit tamen alia Medicamenta egregia. p. 137. seqv. 149. 150. seqv. p. 228. p. 247. item crumenæ proficua. ibid. seqq.

Tinctura non semper perfici potuit. p. 145. 147. seqq. p. 229. 241. qvare. ibid.

in hujus Arcanum quod non liceat omnibus involare, exempla. p. 145. seqv.

& persuasiones. p. 152. seqq. p. 226. 227. 266.

dissuadet etiam Helmontius, Helvetius item

Zvvölferus &c. p. 155. 156.

Hujus tractatio, ob abusum plurimum, hodie adeo contempta. p. 142.

Hujus augmentatio subjungitur. p. 245.

Tincturæ universalis materia prolixis & perspicuis verbis proponitur. p. 165. seqq. p. 195.

de hac diversi diversa scripserunt. p. 179. seqv.

eandemq; tractaverunt varie seducti nominibus allegoricis aliorum. ibid.

Hujus materia remota & remotissima. p. 184. 185.

Hujus materiam veram quidam obtinuerunt, sed tamen aberrarunt. p. 185.

& qvare. ibid.

Hujus materia duobus verbis nominatur & explicatur. pag. 186. seqv.

describitur. p. 188. seqv.

ad varios Autores remittitur. p. 189.

Kircherus allegatur, & asseritur, quod ille inscius & eleganter hanc materiam describat. p. 189. seqv.

Tin-

INDEX

- Tincturam universalem præparaturus quid antea facere de-
beat. p. 167. 174.
Cum Hujus præparationem perspicue doceat Autor, quare
sibi ipsi & suis non prius conficit. p. 169.
Hujus præparationem non attingit, qui Sal volatile cum fixo
non conjungit. p. 214.
vel, si alia admisceat. ibid.
& quare? ibid.
in hujus præparatione si vel una omittitur Enchirisis, oleum
& opera perditur. p. 228.
quomodo, ac qua methodo præparetur. p. 225. p. 231. seqv.
ad hanc præparandam quantum Temporis requiratur. pag.
229. 230. 239.
ut frustra hic multi laboraverint, in causa est festinans
& superficialia materiæ Tractatio. p. 229.
Tincturam universalem cur manifestaverit Autor. pag. 169.
176. seqq.
hujus manifestationem dissuadent quidam. p. 175.
quare. ibid.
Tincturæ universalis præparationem ubi didicerit Autor. p.
171. seqv.
Hæc perficit suas operationes non veluti alia medicamenta.
pag. 186.
Hæc quo sensu in variis Alchymicorum libris vocetur opus
mulierum aut puerorum. p. 229.
adducitur Exemplum. p. 230.
Hanc quidam specialiter quærent in singulis tribus Regnis.
p. 261.
ponitur exemplum ex Regno Animalis, ibid.
Tincturæ Auri variæ dantur. p. 259. seqq.

INDEX

- Tinctura è Terra solari Hungarica D. Michaëlis cucurbitam inauravit. p. 206.
Tinctura Nephritica vel solaris dicta. p. 268.
ejusdem modus præparandi. ibid.
ejusdem usus. ibid.
ejus Tincturæ rubedo per canalem in destillatione transiens simul. ibid.
in Tincturæ Labore posteriori apparet 1. nigredo. 2. albedo. 3. rubedo, intervenientibus cauda Pavonis, iride, flavedine. p. 238.
Tincturæ destillatio instituatur per retortam vitream lutatam; cum terream penetret sal volatile. p. 234.
Tincturæ universalis Labor in partem priorem & posteriorem distingvitur commodè. p. 232.
Tincturæ Præparatio consistit in hoc, ut materiæ pars fixa volatilifetur, & volatilis figatur. p. 232.
Tincturæ universalis compositionem nihil extranei aut alieni ingredi debet. p. 185. 214.

V

- Veneris dealbatio hæcenus anxie quæsitæ. p. 8.
Venerem albam nasutuli si norant parare, putant se habere Tincturam universalem. p. 21.
Venus alba paratur per Salium penetrabilitatem. p. 220.
Veneta Respublica Chrysopœiam an calleat, p. 105.
in quo illa consistat. ibid.
Veritas firum aut cariem non contrahit. p. 74.
ex Vegetabili Regno recensentur quædam; quibus frustra insudaverunt quidam, quasi foret vera materia Tincturæ universalis. p. 184.

Vege-

INDEX

Vegetabilia in cellis reposita non tam vegetam vitam vivunt, quam in hortis. p. 224.
quare. ibid.

in Vinea Domini per aliquot lustra plus est flossum in Rebus physicis, ac antea in tot seculis. p. 165.

Vina vappescunt vi Tincturæ renovantur. p. 27.

Vinum unum idemque pro diversitate complexionum potatores reddit furibundos, timidos, hilares, venereos, &c.
p. 73.

Vinum in dolio legitima cultura diu à vappa præservatur.
p. 73.

Vita humana invito Deo per Tincturam universalem non prolongatur. p. 29.

Vitæ Terminum an possit homo transgredi. p. 30.

Hunc quomodo Deus posuerit. p. 30. 31.

Vitæ filium quoniam possint abrumpere. p. 31.

Vitæ Terminum positus necessitate conditionata. p. 34.

Hic potest transcendendi extraordinario Dei jussu & permissu.
p. 35.

plurimi vitæ Terminum à Deo definitum non attingunt, ob mores impios, errores diætæ, &c. p. 35.

Vitis vi Tincturæ universalis statim Mense Majo producet racemos. p. 27.

Vitrioli Spiritus caput mortuum expositum libero aëri per Temporis spatium postea denuo spiritum puriorem emittit. p. 198. p. 222.

Viperæ vitro capaci ligatura bene munito inclusæ vitam sustentare potuerunt. p. 198.

Universalis materia pretio & dignitate Regum opes superat.
p. 1.

Hanc

INDEX

Hanc cur Autor tractaverit, p. 10. 11.
pro hac elegerunt varii varia, sed plurimi illegitime, p.
179. seqq.

hinc illud factum infelici eventu, p. 180. seq.
pro hac constituenda, sal aëris volatile, & sal fixum
Terræ perfectè uniri non possunt, nisi per fermentatio-
nem. p. 209. seqv.

Huic insudavit quidam per viginti annos, anteqvam egre-
gium obtinuerit medicamentum. p. 140.

Vocationem legitimam habere debent, qui volunt compa-
rare Tincturam, p. 139. 142.

Uranogæa dicitur vera materia Tincturæ universalis, p. 186.

Z

Joh. Zvvölferus defendit Tincturæ universalis existentiam
contra Kircherum, p. 59.

idem dissuadet elaborationem Tincturæ universalis,
pag. 156.

F I N I S



me. p.

fixum
statio-


egre-

npa-

p. 186.

stanti

trialis



875648518